



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Libellvs Svpplex Animarum è Purgatorio Ad Sodales Marianos Sermonibus Sacris Explicatvs**

**Sandaeus, Maximilianus**

**Coloniae Agrippinae, 1643**

[urn:nbn:de:hbz:466:1-54988](https://nbn-resolving.org/urn:nbn:de:hbz:466:1-54988)



Et uisus es porta ipsa enim



Ornat regē glorię et nouo lu



mine subsistit uirgo adhaerens



in manibus filii ante tua




mā quę accipiens symeon


Th 3215.


J. I

17.









LIBELLVS  
SVPPLEX

*Animarum è Purgatorio*

A D

SODALES MARIANOS

*Sermonibus Sacris*

EXPLICATVS

A. R. P.

MAXIMILIANO SANDÆO

SOCIET. IESV THEOL. DOCT.

*Sodalibus Coloniensibus*

*In Strenam transmissus.*


*coll. Sodal. Jesu Paderb. 7657.*




COLONIÆ AGRIPPINÆ  
Apud IOANNEM KINCHIVM  
sub Monocerote.

---

ANNO M. DC. XLIII.





MAXIMILIANO

HENRICO

Seren.<sup>mo</sup> ac Reueren.<sup>mo</sup>

PRINCIPI

COMITI PALATINO RHE.

DVCI

VTRIVSQUE BAVARIÆ

ARCHIEPISCOPATVS

COLONIENSIS

COADIUTORI

SODALITATIS MARIANÆ

PRÆFECTO

MAXIMILIANVS

SANDÆVS

SOCIET. IESV



Vi Tibi, Serenissi-

me MAXIMILIA-

a 2

NE

## EPISTOLA

MAXI-  
MILIA-  
NVS  
HENRI-  
CVS  
BAVA-  
RVSCO  
AD V-  
TORCO  
LONI-  
ENSIS.

NE HENRICE, qui sibi,  
Tui gratiâ, qui Ecclesiæ,  
propter Te, gratulantur  
hoc tempore, ij, tristibus  
amandatis, tanquam  
malè ominosis, non nisi  
leta & amena occinunt,  
ac comprecantur. Ego  
contrà, in tam publicâ  
communiquè letitia, Ar-  
chidicæcesis, cuius nuper  
Electus legitimè COAD-  
IVTOR, Pontificia aucto-  
ritate nunc es Confirma-  
tus, GEMITVS offero ANI-  
MARVM PURGATORII:  
Et ta-

DEDICATORIA.

Et tamen officio congratulantis melius me fungi existimo, quàm letantium quemquam: memor temporis, quo vivimus, luctuosissimi, memor vallis lachrymarum, in qua degimus, memor oneris Tibi impositi, Angelicis humeris formidabilis, sub quo gemes, ni humeros subducere volueris, quod avertat, qui imposuit, DEVS.

GRATVLORE equidem  
Tibi maximoperè, Prin-  
cipis

## EPISTOLA

ceps Serenissime, non  
tam ob nouam dignita-  
tem in Ecclesia DEI, &  
Imperio Eminentissimã,  
recens adeptam; quã,  
quod ea sis iudicatus dig-  
nus, tum maximorum  
virorum suffragijs, tum  
Casareo, Pontificioque  
calculo, tum honorum  
applausu: non enim id  
potest non esse magna  
virtutis in annis iuue-  
ne testimonium.

GRATVLOR mihi, &  
Societati, in quã uiuo,  
quod

DEDICATORIA

quod electus sit is, qui  
nūquam ex institutione  
nostrâ spem fefellit, nec  
fallet, ut meritò spera-  
mus de indole tali, in po-  
sterum.

GRATVLOR. Imperio  
Romano - Germanico,  
cuius interest, ut non de-  
stituatur, vel ad momen-  
tum, Principe omnibus  
dotibus naturæ gratiaq̃  
cumulatissimo Electora-  
lis dignitas.

GRATVLOR. Ecclesie  
Catholicæ, quæ tot agita-  
a. 4. ta pro-

EPISTOLA

*aprocellis, in nouo Si-  
DERE ex oriente, nouam  
Serenitatem sibi spon-  
det.*

GRATVLOR Ecclesia  
Coloniensi, qua Sponsi  
iam dudum exoptati, ut  
noua Sponsa sponsionem  
gratanter accepit. Et  
qualem, DEVS bone!  
Sponsum? à sanguine,  
virtute, sapientia excel-  
lentissimum: non dilato  
singula, sat nota, &  
ne modestia conuicium  
faciam. Talem esse dece-  
bat,

DEDICATORIA.

bat, qui designaretur in  
 successorem FERDINANDI  
 NANDI, Principis in-  
 comparabilis, & ad sa-  
 lutem Archiepiscopa-  
 tus Coloniensis nati, an-  
 tequam is denasceretur:  
 ne illius occasu, Sol, vel  
 momento, non illustrasse  
 orbem nostrum dicere-  
 tur. Es enim, MAXI-  
 MILIANE Princeps,  
 idem qui ipse, vel, quoni-  
 am unicus ipse, ut ori-  
 entalis Gemma, Tu Al-  
 ter ipse, natalibus, &

FERDINANDI  
 NANDI  
 BAVARVS  
 Archiepi-  
 scopus, E-  
 lector  
 Coloniensis

¶ s quam

EPISTOLA

quantum aetas tua fert,  
 virtutū, ac sapientie ap-  
 paratu: quodq; omnibus  
 antepone dū, adfectus in  
**DEVM**, eiusq; purissi-  
 mā Religionē, quam cū  
 lacte materno suxisti,  
 germanitate.

VERVM, quamuis tam  
 sincerè, tot nominibus  
 Tibi gratuler, tamen in  
 gratulationis tesserā do-  
 no **GEMITVS** (utinā  
 & lacrymas possem!) sic  
 misceo letis tristia, quod  
 admodū est salutare: imò

Prin-

DEDICATORIA.

Principibus, inter assen-  
tatorū, ad omnia applau-  
dētium greges agentibus  
necessariū. LIBELLVS  
est, quē do in manus, &  
quidē SVPPLEX ex re-  
motissimis oris trās mis-  
sus: dignus qui legatur  
ab omnibus, sed Princi-  
pibus maximè, cū in eo  
perscribatur ex purgatri-  
cibus flāmis, stylo igneo,  
quā grauitè, quātoq; tē-  
pore in Purgatorij erga-  
stulis luantur minima à.

a. 6. maxi-

## EPISTOLA

S. SEVER-  
RINVS  
Epif. Co-  
lon.

Baron. ad  
An. 1062.

ex Petro  
Damian.

Epist. 4. ad  
Desid.

Abb.

Sap. vi. 7.

maximis, nullo persona-  
rum discrimine, nulla  
acceptione: nisi quod Po-  
tentes potēter tormēta  
patiantur. In eo nomen  
suum habet SEVERI-  
NVS Archiepiscopus  
Coloniensis, omnibus  
religionis Sacro-sancta  
officijs mirè deditus, v-  
nicam tamen ob noxiam  
negligentia, in persoluen-  
do tempore suo, horaria-  
rum precum penso, igni  
traditus, ac dirè crucia-  
tus, & gemens.

IBI-

DEDICATORIA.

IBIDEM memoratur  
**LVDOVICVS PIVS**  
Cæsar, Bavarici sanguinis Princeps, qui filio suo  
**LVDOVICO**, Germania Regi, cum is Regni negocia per quadragesimam, pro more, seposuisset, ut Pietati opportunius vacaret, apparens nocte intempesta, dixit cum gemitu: Obtestor te, & adiuro per Christum, ut me hisce supplicijs quantocyus eximas, utque tandem e-

LVDOVICVS PIVS.  
Baron.  
Tom. 3.  
An. 874.

EPISTOLA

mancipatus his vincu-  
 lis perenni perfruar li-  
 bertate. *Ingemuit filius*  
*Rex sub diademate: Et*  
*mox litteras exaravit,*  
*Et ad regni sui canobia*  
*uniuersa transmisit, ut*  
*anima parentis, titulo,*  
*ac re Iusti, qui à triginta*  
*iã annis obierat, oblato*  
*Sacrificio, precibusq, suc-*  
*currerent. Quod factum*  
*à Canobitis.*

EODEM fine exaratus  
 est **LIBELLVS** iste **SVP**  
**PLEX**, quẽ vides, in quo

con-

DEDICATORIA.

continetur **GEMITVS**  
**ANIMARVM** Sodalium in Purgatorio, ut à Sodalibus in vita relictis petatur subsidiũ. Quibus **TV**, Sereniss. **MAXIMILIANE**, præesse Coloniae in sextum annũ nõ es dedignatus, omnia, **PRÆFECTI** laudatiss. munia promptè obiens, siue Diuina Sacramenta frequẽtius participando, siue in Congregatione Tui copiã faciẽdo, siue supplicatum per  
tem-

## EPISTOLA

templa, cū Sodaliū catu,  
quot annis pedes eundo,  
sive Consultationibus  
rem Marianam promo-  
uendo, sive principali  
munificentia, eandem  
augendo, sive publicè co-  
hortando. Quod post S.  
ANNONEM, infula  
Coloniensi dignissimum,  
quem memorant Presu-  
lem primum Sodalitatis  
istiusmodi, rarissimè u-  
surpatum, si tamen un-  
quam aliàs, à summis  
Principibus, renouauit

Sere-

DEDICATORIA.

Serenissimus FERDI-  
NANDVS, & MAX-  
IMILIANO HEN-  
RICO successori olim  
suo praeiuit. Quare haud  
dubium est, lectũ iri eum  
Codicillum à Te per o-  
cium, pensitaturumque  
Te diligenter, ac cogita-  
turum de subsidio, quod  
Anima illa Sancta, sed  
nondum plenè expiata  
lamentabiliter à Sodali-  
bus, quos ducere, quò  
vis, potes, verbo & ex-  
emplo, efflagitant, curan-  
do

## EPISTOLA

do Sacrificia, indicendo  
preces, dispartiendo elee-  
mosynas, imperando  
supplicationes, prescri-  
bendo satisfactiones vo-  
luntarias, hortando ad  
corporis afflictationes.

QVÆ ut curentur,  
haud est alienum à pie-  
tate, & quæ illã comita-  
tur, cõmiseratione erga  
afflictas: illas animas  
Principũ BAVARO-  
RV M. Inter quos su-  
perest, qui Te prait etate,  
ad quam, faxit temporũ.  
Mo-

DEDICATORIA.

*Moderator, ut in Prin-*  
*cipatu peruenias, Sere-*  
*niss.<sup>us</sup> ELECTOR BA*

*VARIÆ MAXIMI-*  
*LIANVS, à quo Tibi*

MAXIM  
LIANVS  
BAVA-  
RVS  
Electoꝝ

*MAXIMI magnum*  
*geminumque nomen*  
*ÆMILIANI. Eius*

*pietatem in hoc genere*  
*dū memoria recolo, men-*

*ti obuersatur Cetus ille,*

*Monachij ab eo erectus,*

*captusq; Anno M.DC.*

*xv. titulo, Archifrater-*

*nitatis Fidelium ani-*

*marum, qua Pontificijs*

*Fn-*

## EPISTOLA

Indulgentijs aucta, ac  
tribus Aris Piaculari-  
bus, siue Privilegiatis ho-  
norata, etiã nũ floret. O-  
perãtur istic sacris quo-  
tidianus viginti aut tri-  
ginta Sacerdotes. Neque  
tantũ à pijsimo illo  
Sodalitio, sed eius imita-  
tione, à compluribus eo-  
dem loco multa eiusmo-  
di Sacra curantur. Res  
mira, & alibi inducen-  
da. Peraçta sunt Anno  
M. DC. xxvii. septem  
millia, ducenta & decẽ.  
Anno

DEDICATORIA.

ic Anno deinde M. DC.  
i- xxviii à Ianuario vsq;  
o. ad Decembrem (eo toto  
- propter Aduentus Do-  
- minici officia propria ex-  
i. cluso) dicta Sacra piacu-  
e laria quingenta ac no-  
o uendecim supra quinq;  
- millia.

Eodem adfectu Sere-  
niss.<sup>us</sup> & Reuerendiss.<sup>us</sup>  
FERDINANDUS  
BAVARVS, Archie-  
piscopus & Elector Colo-  
niensis, defuncta piè in  
Domino, haud ita pri-  
dem

MARIA  
MEDI-  
CEA

Anno  
1642.

3. Iul. mo-  
ritur Co-  
lonia.

## EPISTOLA

dem Colonia **MARIA**  
**MEDICÆ** A Christi-  
anissima Gallia & Na-  
varra Regina, gloriosa  
memoria, qua urbem  
eam, ob loci sanctitatem,  
sacrarum Reliquiarum  
copiam, & plurima Di-  
uorum Tutelarium pa-  
trocinia, extrema quie-  
tis sue, atque ex hac vi-  
ta felicioris emigrationis  
sibi sedem delegerat, sex  
Missarum millia, sta-  
tim à Regina obitu, præ-  
ter alia magno numero  
per

per

DEDICATORIA.

per omnes Ciuitatis amplissimæ Ecclesias, ad animæ illius solatium fieri mandauit.

Quantū hoc subsidiū, tum pro Una, tū si nō eget ipsa, pro alijs Animabus piè functis, quantus fruct⁹, quāta inde è Purgatorijs cruciatibus liberatarum multitudo?

Nam, ut verissimè dixit

M. Papa Gregorius:

Multum solet animas

etiam post mortē sacra

oblatio hostiæ salutaris

ad-

Lib. i. v.  
Dial. cap.

ss.

EPISTOLA

adiuuare. *Cur non ergo simile quid in Sodalitate Mariana tentetur?*

*De affectu ad id tuo, Sereniss. Princeps, haud ambigo, certus annorum illorum, quibus praclarissimè Sodalitatis Praefecturam gessisti, experientiâ, nihil tibi posse accidere gratius, quàm omnibus, Et maxime Sodalibus D. Virginis, cui totum Te tradidisti ab incunabulis, prodesse. Quare illis nihil posset esse*

DEDICATORIA.

esse optatius, quam TE  
PRÆFECTO PER-  
PETVO frui. Quod  
quoniam rationes alie-  
rius Administrationis  
amplissima non permit-  
tunt, voluerunt saltem  
per me relinquere hoc  
Præfecturæ promptissi-  
mè susceptæ, ac dili-  
gentissimè administratæ  
suæq; gratitudinis, ac  
humillimi erga Sereni-  
tatem Vestram, obsequij  
monumentum sempiter-  
num. DEVS ac DEI-  
b PA-

EPISTOLA

**P**ARA, Patrona, Opt.  
Max. felix anni incho-  
ati exordium, ac illius &  
multorum subsequenti-  
um felicem aequè decur-  
sum, & felicissimum vi-  
tae totius, post temporis  
longiss. incolumitatē, ex-  
itū Serenissimo **MAX-**  
**IMILIANO HEN-**  
**RICO** largiatur.

Id optant, vouent, pre-  
cantur **SODALES**

**MARIANI**

omnes.

Lf.



LIBELLVS

*SVP PLEX*

ANIMARVM E PVRGATORIO

Ad

SODALES MARIANOS

*In vita mortali relictos.*

*Sodales optimi.*



SODALES fuimus,  
qui supplica-  
mus, dimidiâ no-  
stri parte superstites,  
alterâ apud vos depo-  
sitâ. Sumus, qui fui-  
mus, *Sodales Vestri:*  
& erimus, quippe æter-  
num DEIPARAE cultum  
professi. Non quidem

b 2 con-

LIBELLVS SUPPLEX  
conuenimus in vnum  
quot Dominicis, vt so- p  
lebamus. Impedit hoc  
Chaos magnum, quod  
inter nos & Vos. At vti-  
nam! conueniendi vel m  
semel fieret nobis pote- u  
stas, vt statum nostrum ce  
exponeremus coram ec  
Nemo credit, quid pa- e  
tiamur, & quantum: o  
si crederent Mortales, at  
subuenirent, quã pos- al  
sunt, ocysimè. Nos ex- it,  
perimur. & quoniam c  
aliter nõ possumus, ex- u  
pri- u

ANIMARVM PURGATORII.

so. primere tribus voculis  
hoc conamur, *miris*, sed  
modis *veris modis*.

Et propter quæ pati-  
vel mur? Hic iterum fides  
humana vacillat. Dis-  
cessimus à Vobis penè  
securi, ac quadantenus  
partiti, de Coelitem con-  
ortio mox adeundo.

At, qui scrutatur Ieru-  
salem in lucernis, repe-  
xit, quod nos detineret.

*Sopho. l. 12.*

*S. Ber. ser.*

*LV, 176. 678.*

Acuto ille est visu, plus  
quàm *Caprea*. Vidit,  
uæ videri non posse

b 3 existi-

LIBELLVS SUPPLEX

*Eccl. xxxiii*  
26-

existimabamus, punctulis minutiora. Profectò, *Oculi Domini* ni multo plus lucidiores sũt super solem circumspicientes omnes vias hominum, & profundũ abissi, & hominum corda intuentes in absconditas partes.

*Hob. iij.*

Omnia nuda & aperta fuerũt oculis eius. In tenebris nostris videbat. Tenebræ nostræ non obscurabantur ab eo: & nox sicut dies illuminabat.

lumi

ANIMARVM PURGATORII.

luminabatur. Sicut te-  
nebræ eius, ita erat lu-  
men eius. Oculus eius  
scrutabatur renes no-  
stros, & corda nostra:  
ipsaq; cogitatio nostra  
confitebatur ei. Nihil  
inscrutatum reliquit  
oculus Cardiognostes:<sup>a</sup>  
nihil indiscussū <sup>παντόπτης.</sup>

*Psalm*  
*XXXVIII.*

*Ps. LXXX.*

*a Cordium*  
*inspector.*  
*b Omnia*  
*intuens.*

Animaduertimus,  
quod, dum viueremus,  
in neruo posuisset pe-  
des nostros; & confide-  
rasset gressus nostros, &  
obseruasset oēs semitas *Iob. XXXII.*

b 4 no-

LIBELLVS SVPPLEX

nostras. Intelleximus  
ex interrogatis, ad quæ  
nobis erat responden-  
dum illicò, DEVM Iudi-  
cem, cuius oculi erant,  
*Apoc. 1. 14.* *tanquam flamma ignis*  
*Dan. x. 6.* *& vt Lampas ardens,*  
ima terræ viscera pene-  
trasse, omnes mundi  
angulos, cubilia, lectos,  
stragula, antra, cauer-  
nas, latibula, specus,  
fossas, hiatus peruidisse:  
dicta, facta, cogitatus  
nostros, nobis incom-  
prehensibiles, acie acer-  
rimâ

ANIMARVM PURGATORII.

rimã conspexisse. Notauimus, quod diu noctuq; super custodiam nostrã vigilasset: quod sicut vno oculi iactu totum simul perfectè cõsiderarat, sic singula quælibet licet diuersa, perfectè simul, tota que totus cõspexerat visus eius: quod sicut omnia, sic vnum: & sicut vnũ, sic singula totus simul sine diuisione, vel commutatione fuerat intuitus; perpetuus inspe-

b s etor

*S. Aug. solum. c. 14.*

LIBELLVS SVPPLEX

Et or omnium cogitationum, intentionum, delectationum & operationum nostrarum. Nihil horum in scrutatum reliquit.

Sic deprehensi, stetitimus trepidi. Interea *Lucerna Scrutatoris*, quæ est ipsa eius mens omniscia, intellectus infinitus, sapiëntia æterna discreuit bonum à malo: in bono, apparés à vero, inane à solido, fucatum à sincero, du-  
bium

ANIMARVM PURGATORII.

biūm à certo: aurum à  
scoriā, oleum ab amur-  
cā, vinum à vappa, paleā  
à tritico: Nō defuit hic  
Ventilabrum excutiēs  
paleam, & Scopa pur-  
gans aream: tum Gla-  
dius anceps, perspicacia  
diuina & Verbum DEI  
efficax, discretor cogi-  
tationum, ac intētionis  
cordis; denique, Libra  
bilancibus ascendenti-  
bus & descendentibus  
nihil non ponderans.  
Sic vnusque nostrum

b 6 opus

LIBELLVS SUPPLEX

opus factum est manifestum, nobis, & Angelis.

*17a. 21.* HAC censura didicimus aliam esse justitiã, alia judicia DEI, alia hominum. Non secundũ visionem oculorum judicare Dominum, sed arguere in judicio quẽlibet. Verẽ, non esse acceptionem personarũ apud DEVM. In eo judicio non dari veniã coruis, vexari columbas; suspēdi turunculos, coronari

ANIMARVM PURGATORII.

ronari latrones; detine-  
ri innoxios, dimitti no-  
centes; opprimi imbel-  
les, euadere potentes.

Omniū ibi fors equa,  
ac secundum merita,  
æqualis. Omnibus ibi  
Iudex est idē: magnus,  
potens, terribilis, qui  
non adquiescit cuius-  
quam precibus, nec  
suscipit pro redēptione

*Primo. 6o.*

dona plurima. Qui non  
scelerum tantum est  
Quæsitōr, sed & virtu-  
tum, non criminum

b 7 maxi-

LIBELLVS SVPPLEX

*H. LXXIV.*  
*3.*

*S. Bern. ep.*  
*ad Rober.*  
*Abbat.*

maximorum, sed defectuum etiam minimorum, qui quicquid ab vilo commissum, suis explorat, & æstimat argumentis. Ibi apparuit à seuerissimo Censore iustitias judicari. Ibi plus valuerunt pura corda, quàm astuta verba, & conscientia bona, quàm marsupia plena. Ibi experti fuimus verissimum esse, illa nobis olim decantata, sed minus quàm oportebat æsti-

ANIMARVM PURGATORII.  
æstimata. *Ua laudabili*  
*vita hominum, si remota*  
*pietate iudicetur.* Ante  
terribilis Iudicis subtile  
atque incomprehen-  
sibile examen, nō solūm  
mala, quæ commiseramus,  
sed ipsa etiam, si  
qua à nobis erant benè  
gesta, verebatur. Nam  
culpa esse deprehende-  
batur, quod virtus ante  
iudicium putabatur: &  
vnde expectabatur ma-  
gna merces retributio-  
nis, inde sequebatur  
sup-

*S. Greg.  
lib. 2. 9. me-  
ral.*

*S. Greg.  
lib. 3. mor.*

LIBELLVS SVPPLEX

suppliciū graue vltionis.

S. Ber. ser.  
ss. in Cāt.

Profectò, in subtilis-

simo illo examine mul-  
tæ justitiæ nostræ, æsti-

matione humana, pec-  
cata apparebant. Facti

eram ad conspectum

Isa. 64.

illius Solis, *ut immundi*

*omnes nos: quasi pannus*

*menstruata justitiæ no-*

*stræ.* Quidam qui lotus

Iob. 9.

fuerat *quasi aquis niui-*

*um*, & fulserant, velut

mūdissime, manus eius,

fordibus fēdatus argue-

batur. Nemo excusa-

tionem

ANIMARVM PURGATORII.

tionē vllā prætexebat,  
sciens quod coram eo  
staret, qui in Angelis su-  
is repererat prauitatem.  
In cuius conspectu nō  
justificatur omnis vi-  
uens: Qui nō parcat de-  
linquenti. Itaq; palpita-  
bant omnes, & omnia  
tuta timebant, & Milē-  
ricordiam, Milericor-  
diam implorabant.

TANDEM, lata est sen-  
tentia, seuera illa quidē,  
sed quod negare nemo  
poterat, iustissima, cui  
tamen

*Sententia*

*Iudicis se-*

*uera, &*

*iusta.*

LIBELLVS SVPPLEX

tamen mixtū fuit misericordiae haud parum.

*Psal. x. 8.*

Omniū vox fuit: *Iustus Dominus & justitias dilexit : aequitatem vidit vultus eius. Iustus es*

*Tob. iiii. 2.*

*Domine & omnia iudicia tua iusta sunt. Iudiciū sine misericordia illi qui nō fecit misericordiā.*

*Jacob. 2. 13*

*Super exaltat autē misericordia iudiciū. Misericordia & Veritas ob-*

*Psal. Lxxxiv. 2*

*uiauerunt sibi. Iustitia & pax osculatae sunt.*

Interim, ducimur ad locū tormētorum. Hic

ANIMARVM PVRGATORII.

sumus in flāmis. flāma vorat, sed non absumit. vestrates oēs flāmulæ, pictarū instar sunt, ac fictarū, ad hāc verè realē.

Hic iudex idē qui Vin Malach. 3.  
dex. *igne cōflat, & quasi herba fullonū emūdat.*

Ah! quā duriter! sedet ipse cōflans & emundās argentū: & purgat filios Leui, & colat eos, quasi aurum, & quasi argentum, donec excoquat ad purum scoriam nostram, & auferat omne stan.

LIBELLVS SVIEX  
stannum nostrum. E-  
mundamur, purgamur,  
colamur. At eheu! quā  
*(1. 25.)* acri incendio. Maculæ  
quæ adhæserunt nobis  
exterguntur. Sed velut  
herba aut sulphure ful-  
lonū. Exprimimus ve-  
stris vocabulis per me-  
taphoram, quod absq;  
figura sentimus.

Concipite pannum  
subtilibus maculatum  
næuis, & vix visibilibus  
suspensum in pertica in  
sublimi, fullonum her-  
bis

ANIMARVM PURGATORII.

bis in vnum dense con-  
fertis, velut dentatis a-  
culeatè pectinibus, tan-  
tùm non laniari. Con-  
cipite tclam lineam su-  
per niuem in fundo de-  
albatam, superficiete-  
nus tamen subnigri-  
cantem, in lebete igni-  
to, aquæ bullienti im-  
mersam fasciculo her-  
bæ fullonicæ demacu-  
lari. Concipite sulphu-  
re stridente interulam  
tenuissimam, vel cuti-  
culam vestram lustrari,  
vt à

LIBELLVS SUPPLEX

vt à notulis, per sudorē  
inductis, emundetur; &  
aliquam, licet vix um-  
bratilem, habebitis, e-  
ius, quod nos patimur  
indefinenter, imagi-  
nem. Ipse idem Iudex  
colat nos quasi aurum.  
Ite ad officinam aurifa-  
bri aut distillatoris,  
videbitis illum pauxil-  
latim stillatimq; aurū,  
oleum, vinū, lac per ori-  
ficiū vasis angusti, vel  
lindeolū trāsfundere, vt  
quod purū est transeat,  
quod

ANIMARVM PURGATORII.

quod crassum & impu-  
rū excludatur. Iterū ad  
conceptionē veniendū  
est, nā experientia care-  
tis. Concipite Animas,  
ignis vi acerrima, quam  
Deus indidit, vt potuit  
ad spiritus penetrantē,  
liquefieri. (horrorem  
verbū illud ingerit) ac  
guttatim, velut aurum  
cōflatū, transmitti per  
angustissimi oris vas æ-  
neū, aut foraminosū, vt  
quod purū putūque, ex-  
stillet, quod impurū, ac  
fæcu-

LIBELLVS SVPPLEX

fæculentum, excernatur.

Vas æneum dum nominamus, conceptioni vestræ deseruimus, & imaginationi obijcimus quidpiam, quod ruditer adumbret instrumentū, quo distillamur. Est autem nobis id aliter ineffabile, vobis nisi hac imagine inconceptibile. Nolite errare Consodales nostri,

*Gennadius  
Patriar-  
cha Con-  
stantino-  
pol in Ex-*

*stri, Ignis conflans &  
emundans non pertinet*

*ad*

ANIMARVM PURGATORII.

ad Beatos in Cælo ut-  
pote mundissimos nec ad positione.  
Cone. flo-  
rent. cap. 8.  
damnatos in gehenna,  
utpote inmundabiles,  
& inemendabiles, ergo  
pertinet ad animas Pur-  
gatorij: In eo igitur est  
ignis conflans & emun-  
dans animas justorum  
à leuibus & venialibus  
maculis. At quid opus  
argumentatione? nos  
quod sentimus, simpli-  
cissimè, quia fidelissimè  
referimus. Illationibus  
flexuosis nostra non ni-  
tatur narratio. c Ad

LIBELLVS SVPPLEX

Ad nos cū venitur

(& conueniunt penè  
quolibet momēto mil-  
lia millium: ) si quis

Orig. hom.  
vl. in Exod

multa opera bona &  
parum aliquid iniqui-  
tatis leuioris attule-  
rit illud parum tan-  
quam plumbum igni re-  
soluitur & purgatur, &  
totum remanet aurum  
purum. At si quis plus  
illuc plumbi detulerit  
plus exuritur, ut am-  
plius decoquatur. Vt  
etsi parum aliquid sit  
auri,

ANIMARVM PURGATORII.

*auri, purgatum tamen  
resideat.* Quid si aliquis  
totus plūbeus veniret?  
nō veniet vllus: præclu-  
sus est istiusmodi aditus;  
si tamen adueniret ali-  
quis, audiret: *Demerga-  
tur in profundum tan-  
quā plumbū in aqua va-  
lidissima* damnationis.

Ignis conflans purgat <sup>*Malach.*</sup>  
<sup>*III.*</sup>  
*filios Levi* nimirū Sacer-  
dotes spirituales, qui  
Deo victimas bonorū  
operū orationis, cōpū-  
ctiois, cleemosynę ob-  
tulerunt, genus electū,

LIBELLVS SUPPLEX  
regale sacerdotū, gentē  
sanctā, sed nō nihil ma-  
culatā: purgat Ezechie-  
les, purgat Danieles: nā  
& hi per ignem exami-  
nantur, vt expiati can-  
tent: Transiuimus per  
ignem & aquam, & e-  
duxisti nos in refrige-  
rium.

*Psal. Lxxv.*  
12.

Admirandam vim  
apud nos habet Ignis,  
qui quicquid fidei Chri-  
stianæ superædificatū  
est, siue aurum, siue ar-  
gentum, siue lapides  
pre-

*2. Corin. 3.*

ANIMARVM PURGATORII  
preciosos, siue lignum,  
foenum, stipulam, ma-  
nifestum facit, ac pro-  
bat, si cuius opus man-  
serit, quod superædifi-  
cauit, mercedem acci-  
pit: si cuius opus arserit:  
detrimentum patitur  
ædificator ipse: nihilo-  
minus fit saluus; sic ta-  
men quasi per ignem.

Hic metaphoram *S. Thom. in*  
Apostoli intelligimus, *4. d. 21. q.*  
de qua tricantur mor- *1. art. 2.*  
tales. Videmus enim  
peccata venialia carita-  
ti ad-

LIBELLVS SVPPLEX

ti adiuncta pæna ardo-  
ris consumi. Et quia  
quãto aliquod peccatũ  
est grauius, tãto diffici-  
lius purgatur (in pecca-  
tis autẽ venialibus inue-  
nitur alterũ altero gra-  
uius) eorũ diuersitas sig-  
natur per diuersitatẽ eo-  
rũ, quæ facilius & tardi-  
us cõsumuntur ab igne.  
Quædã sunt grauissima  
in genere venialium, &  
difficillimè purgabilia,  
& hæc per lignũ signã-  
tur: quædam minima,  
quæ

ANIMARVM PURGATORII.

quæ per stipulam, quæ-  
dam media, quæ per  
foenum.

Vt autē noxarum ita  
pœnarum est discriminē:  
quod tamē non facit, vt  
hic minima sit maior  
quā vlla apud vos maxi-  
ma. Verissimè dixit Au-  
gustinus antequam ex-  
periretur quod nos: an  
sit expertus deinde ne-  
scimus, nōdū taliū ar-  
canorū cōscij, sed lumi-  
ne fidei vel reuelationis  
illustratus hæc protulit.

C 4

Gra-

LIBELLVS SUPPLEX

In ps.  
XXXVII.

Gravior erit ille ignis  
quàm quicquid potest  
homo pati in hac vita:  
Et nostis quanta hic pas-  
si sunt mali, & possunt  
pati: tanta tamen passi  
sunt, quanta potuerunt  
pati & boni. Quid enim  
quisque maleficus, latro,  
adulter, sceleratus, sacri-  
legus pertulit legibus,  
quod non pertulit Mar-  
tyr in confessione Chri-  
sti? Ista ergo, quae hic sunt  
mala, multo facilia  
sunt.

Vul-

ANINARVM PURGATORII

Vultis aliquid ampli-  
us? *Ignis Purgatorij est*  
*nobis durior, quam quod*  
*possit pœnarum apud*  
*vos in vita mortali aut*  
*accidere aut sentiri, aut*  
*cogitari. Ita dixit ali-*  
*quando Cæsarius Are-*  
*latensis : nos proba-*  
*mus : illudque Ansel-*  
*mi: Minimum ex tor-*  
*mentis nostris maius est*  
*quam maximum quod*  
*à vobis in vita excogi-*  
*tari potest. Et quid non*  
*potest excogitare ho-*

*Cæsari.*  
*Arel.*  
*Hom. 8.*

*Ansel. in*  
*Elucid.*

C. 5. minis

LIBELLVS SVPPLEX

minis libera ad cōcipiē  
dū quidlibet facultas?

*Ep. S. Aug.  
206. Car-  
thufian.  
lib. de iud.  
anim. c. 14*

Qui nos torquet ignis,  
nō minoris est efficacīe,  
quam inferni. vnde pæ-  
na æq; grauis, in nos de-  
riuatur, nō æq; diutur-  
na, quia aliquando fini-  
enda. At donec finiatur,  
doloribus inferni cru-  
ciamur: digni, haud du-  
biè commiseratione  
vestra, digni subuen-  
tione.

*S. Bern.*

Illud scitote, Sodales,  
quia post vitam ipsam  
in

ANIMARVM PURGATORII  
in Purgatorij locis cen- <sup>ser. de obitu</sup>  
tupliciter, quæ fuerunt <sup>Humberti.</sup>  
neglecta in vita, reddū-  
tur vsque ad nouissi-  
mum quadrantem. Qui <sup>Matt. v.</sup>  
nobis perpetuo hæret  
in animo : semperque  
audire videmus perso-  
nantem tubã. *Non exi-* <sup>LUC. XII.</sup>  
*es inde donec etiam no-*  
*uissimũ minutum red-*  
*das.*

Hinc illæ aspiratio-  
nes nostræ nunquam  
interruptæ. Quando  
tandem erit finis?

C 6 Quan-

*S. Aug. lib.  
de spir. &  
anima.*

LIBELLVS SUPPLEX

Quando videbo ciuitatem illam? O Ciuitas sancta! Ciuitas speciosa! de longinquo saluto te, ad te clamo, te requiro. Desidero enim videre te & requiescere in te. O Ciuitas desiderabilis!

Quando videbo diem illam? O dies præclara, in qua audiam: Intra in gaudium Domini tui! O gaudium super gaudium! gaudium vincens omne gaudium!

extra

ANIMARVM PURGATORII.

extra quod nō est gau-  
dium! quando intrabo  
in te, vt videam Domi-  
num meum qui habi-  
tat in te: O carcer! o er-  
gastulū! o fornax ignea!  
sed magis o mora! quā  
longū mihi es martyri-  
um! o Mare infinitorū  
bonorum quando me  
submersam videbo in  
profundo dulcedinum  
tuarum! O vtinā tēpus  
volaret! horæ festina-  
rent, momēta currerēt,  
vt citò illud adsit tēpo-

LIBELLVS SVFPLEX  
ris punctulum, in quo  
sub vmbra Domini re-  
quiescam, quē amaui,  
quem quæsiui, quem  
opto videre millies vt  
sine timore perdendi  
eum possideã. At quid  
est quod me detinet?  
Heu me! quamdiu di-  
cetur mihi, expecta, re-  
expecta? Et quam diu  
erit expectatio mea?  
responsum cui libet da-  
tur Categoricum: do-  
nec reddas nouissimū  
quadrantem. At hoc  
igno-

ANIMARVM PURGATORII.  
ignoratur : nec adjun-  
gitur in responso, ô cru-  
ciatus ingēs incertitu-  
do liberationis! Inueni-  
mus hîc quosdam, quos  
ante nos multis annorū  
centurijs vitam morta-  
lē reliquisse satis cōstat,  
neq; est vllum indicium  
abitus. Tormenta vol-  
uuntur in orbē vt rota,  
& nullum est refrigeriū,  
quādo sistetur, ignotum  
est Patienti; suggeritur,  
siquis sciscitatur. *Nō est* 12.1.3  
*vestrum nosse tempora*  
*aut momenta quæ Pater*

LIBELLVS SVPPLEX

*posuit in sua potestate.*

*V. Bedali:  
§. ca. 13. de:  
Drithelmo:*

Videmus hic animas  
quorundam Sodalium  
nobis notissimorum,  
quibus pauci tūc erāt,  
cū viuerēt inter mor-  
tales comparandi, apud  
nos hinc inde, quasi tē-  
pestatis impetu iactari.  
Nimirum cū vim fer-  
uoris immensi tolerare  
nequeāt, profiliunt mi-  
serē in medium frigoris  
infesti, & cū ibi quoque  
quidpiam requiei non  
inueniant, resiliunt rur-  
sus

ANIMARVM PURGATORII:

fus in medium flāma- Iob. xxiv.  
rum, & quidē sine vlla 19.  
quietis intercapidine.

sic in regione nostrā,  
*Ad nimium calorē trā-*  
*situr ab aquis niuium.*

An non hæc satis ma- Henr. Suſon  
gna caussa ad Vos re- in Dia. c. 21.  
currenti? Heu! heu! Ex-  
coquimur, affamur, vo-  
ciferamus, opemque  
poscimus. Sed maximē  
omnium id dolet, quod  
à Diuini vultus iucun-  
dissima contēplatione  
tam diu distinemur. Id  
plane

LIBELLVS SUPPLEX

plane animum, cor, sensusque pondere premit intolerabili: Iuuate Sodales.

*S. Aug. ser.  
32. de ver.  
Apos. ho. 10*

*S. Aug. ep.  
118. cap. 1.*

Potestis, si vultis, Orationibus sanctæ Ecclesiæ, & sacrificio salutari, & eleemosynis, quæ pro spiritibus piè defunctorum erogantur, non est dubitandum mortuos adjuuari. Hoc enim à Patrib. traditū, vniuersa seruat Ecclesia. Hæretis? profectò insolentissimæ insanix est, vel dispu-

ANIMARVM PURGATORII.  
disputare contra id, aut  
ambigere, quod tota  
per orbem frequentat  
Ecclesia.

*Ecclesia Dei vivi, Co-* 2. Timoth.  
3. 15.  
*lumna & firmamentum*  
*veritatis.* Non hæretis,  
quippe inter fideles se-  
lecti. Eia igitur ad opus  
quod facillimum, si nõ  
placet supra tumulos  
Consodaliũ vestrorum  
spargere violas, lilia, flo. S. Hier. ep.  
ad Pam-  
mach. de  
obitu vxor.  
resq; purpureos, quod  
nõ expetimus fauillam  
nostram, & ossa arida,  
elee-

LIBELLVS SVPPLEX

eleemosynæ balsamis  
rigate. His pigmentis  
atque odoribus fouete  
cineres quiescentes.

Nam reuera. *Sicut aqua  
extinguit ignem, ita elee-  
mosyna peccatum.*

Addite oblationem

*S. Greg. II.  
IX. Dial.  
cap. 55.*

Sacrificij Christiani, per  
vos, per alios. *Multum  
solet animas etiam post  
mortem sacra oblatio*

*S. Dionys.  
Eccl. H. e.  
IARC. C. Vlt.*

*hostia salutaris adjuua-  
re. Orate. Si hic iustorū  
Orationes, & secundum  
hanc vitam, quanto  
magis*

ANIMARVM PURGATORII.

magis post mortem in illis qui digni sunt sacris orationibus operantur:

Accumulate suffragia;

Quae magis acceptantur

pro mortuo, quam pro

vivo: quia magis indi-

get; cum non possit sibi

auxiliari sicut Vivus

potest.

Ferte opem, Fratres,

sumus enim germani-

tate tales, quippè Ma-

riano omnes sinu exce-

pti ac geniti: Quaecun-

que vultis ut faciant

vobis

S. Tho. sup-  
plem. 3. p. 7.  
71. ar. 5. ad  
3.

LIBELLVS SUPPLEX

*vobis homines* , quod  
velletis vobis fieri , si  
flaminis inuoluti exire  
non possetis, & vos fa-  
cite nobis. Id postulat  
inita inter nos societas,  
id leges Marianæ exi-  
gunt, id titulus amicitie  
requirit, id liberalitas  
veltra dicat, id iustitia  
quod antenus præscri-  
bit. Itaque quò perue-  
nire prohibemur, igni-  
tis constricti vinculis,  
litteras transmittimus,  
omnium signatas la-  
chry-

ANIMARVM PURGATORII.

chrymis , vt totidem  
gemmis. singulorum est  
subscriptio breuis , ge-  
mituum infinitorum  
epitome : *Miseremini  
mei, miseremini mei sal-  
tem vos amici mei.* Benè  
valete, sapite, ac Nouis-  
sima prouidete.

Datum

Ex ergastulis subterra-  
neis,

Vbi

*Ad nimium calorem  
transitur ab aquis niuiũ  
Kalend.*

LIBELLVS SVPPLEX  
Kalend. Ianuar. Anno  
CHRISTI Iusti Iudicis  
M.DC.XLIII.

Vestri memores inter  
flammas Defuncti in  
Domino

SODALES Purgatorij,  
quos pramissistis,  
sequunturi.



# MAXIMILIANI

SANDBEL

COMMENTATIONES

DE

PURGATORIO.

---

DISCEPTATIO.

AN PURGATORIVM SIT

locus Iustitiæ potius, quàm Cle-  
mentia, vel Misericordiæ.

---

SERMO I.

*Purgatorij certitudo, & delineatio.*

Concilium Tridentinum sessione xxv.



*Vm Catholica Ecclesia Spiritu*

*Sancto edocta ex Sacris litteris,*

*& antiqua Patrum traditione*

*in Sacris Concilijs, & nouissime*

*in hac Oecumenicâ Synodo docuerit, Pur-*

*gatorium esse; animas ibi decensas fir-*

*delium suffragijs, potissimum vero accep-*

A

tabilis

2 P U R G A T O R I I

tabili Altaris sacrificio innari: precipit S.  
Synodus Episcopis, vt sanam de Purgatorio  
doctrinam, & à S. Patribus, & à Sacris  
Concilijs traditam, à Christi fidelibus cre-  
di, teneri, doceri, & vbique predicari  
diligenter studeant.

*Purgatorij  
delineatio.*

**E**ST locus aliquis in hoc vniuerso,  
à mortalium oculis subductus, in  
quo, tanquam in cæco carcere, & nul-  
lis amoeni luminis facibus illustrato  
specu, delitescunt fidelium demor-  
tuorum animæ illæ, quæ vel in hac  
vitâ à lethalibus expiatæ noxijs, sed  
subobscuris quotidianarum imperfe-  
ctionum maculis nondum planè elu-  
tis; vel culparum, quæ grauium, quæ  
leuium omni fædâ labe erasâ, at sa-  
tisfactionis debitæ nino nondum  
planè exornatæ, hinc discesserunt: id-  
coque ad plenam semel dealbatæ cy-  
cladis, olim in Sacramenti latice emun-  
dationem, in hac, veluti Iustitiæ di-  
uinæ fullonicâ perpurgantur. Siue hoc  
fiat vindicatrice crepitantium flam-  
marum acrimoniâ, siue sulphureo  
yndarum putentium cruciatu, siue in-  
toleran-

DELINEATIO. 3

tolerando mortalibus acerrimi frigoris rigore, siue flagellorū vi diuinā incussorum diuerberatione, siue alijs quibuscumque, nobis non omninò cognitis, sed in Diuinis oraculis, per ignem, tenebras, vermes, vincula, stridorem dentium, frigus, ac similia apud mortales vsitata suppliciorum instrumenta, fatis indicatis.

ESSE autem istiusmodi animarum receptaculum, non est ex nouitio alicuius malè sani cerebri commento, recens dogma, vt comminisciebantur hæretici VValdenses, apud Guidonem Carmelitam. Non est figmentum Romanensium Christianorum, vt iastabant Albigenes, de quibus Sanctus Antoninus. Non est error Occidentaliū, vt Orientalium quidam Greculi spargebant: quod constat ex Concilio Florentino. Non est Papistarum terri culamentum, vti sentiunt cum suo Patriarcha Lutherani. Non sunt fabulæ suauiter delirantium, vt cum pessimo doctore, haud melior discipulus calumniatur Beza, ac Bucerus. Non est exitiale Satanae commentum,

A 2 quod

*Hæretico-  
rum dictio-  
ria in Pur-  
gatorium.  
Guido  
Carm.V.  
VValdens.  
Gualt.in  
Tab.Chro.  
S. Antoni.  
4.p. Sum.  
tit.11.ca.7.  
S.3.  
Conc. Flor.  
Bellar.de  
Purg.lib.1.  
ca.2. & 6.*

quod Christi Crucem euacuet: quod contumeliam non ferendam Misericordiae diuinæ irroget: denique, quod fidem nostram labefaciat, & euertat, uti, tanquam è tripode pronunciat, Purgatorij hostis iuratus Ioannes Caluinus.

*Dogma fidei  
dei Purgatorij esse.*

Sed est dogma fidei Christianæ, erutum ex Scripturæ diuinæ effatis, (ancitum Apostolicarum litterarum decretis, acceptum traditione per manus maiorum, cuius est immemorabile exordium: stabilitum decisione Conciliorum œcumenicorum, quæ regente Diuino Spiritu cum Capite suo errare non possunt: confirmatum Constitutionibus Ecclesiasticis: declaratum grauissimorum Patrum, non minus Græcorum, quam Latinorum) fide dignis, luculentissimisque assertionibus: roboratum subtilissimis Scholasticorum disputationibus: fundatum in ipsis naturæ legibus: denique à mille sexcentis annis in Ecclesiâ orthodoxâ ab Euangelij Præconibus, in templis populariter ad vulgi persuasionem, ac motum, in gymnasijs  
sub-

DELINEATIO. Serm. I.

5

subtiliter ad fidei declarationem, & intellectus, in obsequium fidei captiuati, illustrationem, explicatum. At nostris infelicissimis temporibus, ab hominibus quibusdam tam ellebore, quam ignis purgatione indigis, ad morum dissolutionem inducendam, & Ecclesiasticam omnem disciplinam eneruandam in dubium vocatum.

Qui in primis pernegant antiquam eius originem. Nam errorum magistros sequuti in Gallia Marrommistæ adscribunt illam Sarbonicis ac Monachis. Lambertus Danæus Odiloni Abbati Cluniacensi, qui sub Dagoberto Rege vixit. *Hic Abbas, inquit, primus docuit, quasdam esse pœnas Purgatorij.* Lucas Losius Germanus commentario in libros Alcuini de Trinitate aucter peierat, quod persuasio de Purgatorio principium sumpserit ex apparitionibus spirituum, qui tempore Gregorij Magni se videndos exhibuere. Alius quidam tenebriorecentissimæ memoriæ, qui nomen suum quattuor litteris occultit, M. D. L. M. in littera, quam vocat My-

*Origo Purgatorij mō-  
daci ter re-  
cens apud  
Novatores.  
Mammo-  
rista. In.  
struct. p. 6.  
In Enchiri-  
Fran Fen-  
arden. in  
Theoma-  
chia Calui.  
lib. 11. c. 2.  
Libellus de  
ultima  
cōspiratio-  
ne in Comi-  
tem Mau-  
ritiū Leida  
impressus  
anno 1602*

A 3

sticam

sticam diuinam iustitiam, quæ in Purgatorio exercetur, deridens, carcerem illum subterraneum animarum appellat Odilonis Aethnam, cuius os vnum pateat in Hibernia, aliud in Sicilia, tertium Puteolis: Balneum incensum Gregorij: Chimæram Alcuini: locum Bedæ incognitum.

**Purgatorii** **ERRATIS** falsitatis patroni, **variè** temporis nostri Luciani, & erroneum **nominatur** mancipia. Purgatorium, quod (vt **Zach. 9. 31.** ymbratile vocis certamen declinamus) appellare possumus, **Lacum**, in quo non est aqua, ex Zachariæ Prophetæ Vaticinio: vel nouissimi quadrantis exsoluendi carcerem, ex **Matth. 5.** Verbi diuini enunciato apud **Luc. 12.** Matthæum, & Lucam: vel expectantium hospitium, vt loquitur vir sapientia coelesti excellentissimus Gregorius Nazianzenus: vel Sacramentum eluens, vt habet antiquissimus scriptor Origenes: vel Fluium igneum, vt exprimit Emissenus: vel igneum animarum Baptismum, vt illud describit Gregorius Theologus: vel **lima-**

**Emiss. bo.**  
**3 de Epiph.**  
**Naz. orat.**  
**in SS. lu.**  
**mina**

si magis placet, Fornacem emendato-  
 riam: auri bonorum fidelium impu-  
 ri Conflatorium: sperantium, in al-  
 tera vita, ad quem adhæreant, scō-  
 pulum: spirituum excruciatorias  
 Thermas: animarum Balneum pur-  
 gans: Gehennæ viciniam; P V R-  
 GATORIUM dico, non est inuen-  
 tio humana, sed constitutio diuina,  
 cuius fides ad salutem est necessa-  
 ria.

Q V O D cum anno superiori satis  
 superque à nobis ex hoc eodem lo-  
 cit demonstratum, aliò sermonem  
 conuertemus hoc tempore, disputa-  
 bimusque, quod inquisitione nostrâ,  
 & attentione vestrâ dignum in pri-  
 mis videtur, *An Purgatorium Iustitia  
 potius, quàm Clementia seu Misericordia,  
 sit appellandum tribunal?* Quæ quæstio,  
 quamuis disceptationi scholasticæ vi-  
 deri possit accommodatior, quàm  
 parœnesi, ideoque in scholarum sub-  
 sellijs ad concertationem agitanda  
 potius, quàm in exedrâ sacrâ ad ex-  
 hortationem explicanda; tamen ita  
 illius difficultatem subtilitatemque

*Argumē-  
 tum discep-  
 tationis sa-  
 cra.*

NOTA.

totius rei, facilitate proponendi, & dicendi simplicitate temperabo, ut spes sit, non minus quæstionem intellectui, quàm parænesim voluntati; aut potius parenæticam quæstionem utriusque, ideoque institutioni Christianæ fore peraccommodatam.

---

## NOTE.

**A**VCTORES nomino, qui ex professo Purgatorij fidem stabilierunt. Robertus Bellarminus, & Gregorius de Valentia in *Controuersijs fidei*. Franciscus Suarez *Tom. 4. in 3. part. Disputat. 45. 46. 47. de Purgatorio*. Henricus Henriquez *lib. eod. tit.* Aegidius Coninck *de Sacr. disputat. 12. de Purgator.* Ioannes Præpositus *Tit. de Pœnit. quæst. 13. quæ est de Purgatorio*. Adamus Tannerus *3. part. disputat. 6. quæst. 8.* Præter hos legentur utiliter Dionysius Carthusianus *de quattuor nouissimis*. Libellus, *MARIA Pætrona fidelium animarum*, Rodericus  
 Quæ-

DELINEATIO. Serm. I. 9

Quæstionum Regular. *tomo 2. q. 71.*  
Liber, cuius titulus, *Rogus damnato-*  
*rum. Roas de Purgatorio.* Ioan. Euse-  
bius Nieremberg *tractatu de Purga-*  
*torio.* Pinellus *lib. de altera vita.* A-  
lexius de Salo *in Triumpho.* Step ha-  
nus Binet *de statu animar. Purgat. Ad-*  
*uocatus Animarum Bonnyers.* Li-  
bellus *inscriptus, Modus se citò ditari-*  
*di.* Iudoci Andries, *Purgatorium Ca-*  
*tholicè assertum, cum incitamentis, ac*  
*methodis suffragandi.* Antonius Dau-  
roultius *in Cathechismo histor. cap. 5.*  
Bellarminus Opulc. *de Gemitu Co-*  
*lumba,* Leonardus Lessius *lib. 13. de*  
*Perfectionibus DEI, qui est de In-*  
*stiria & Ira DEI cap. 17.* Ia-  
cobus Salianus *lib. 7.*  
*de Timore Dei,*  
*cap. 11.*

(::)

A 5

SER.

## SERMO II.

Purgatorium videri Iustitiæ  
tribunal.

IUSTVS es Domine, & omnia iudicia  
tua iusta sunt. Tob. III. 2.

Quattuor  
loca subter-  
rana  
ad recipiē-  
das demor-  
tuorum  
animas.

**V**T expeditior sit de quaestione  
grauissimâ, ac utilissimâ diju-  
dicatio, præmitto, quod apud Catho-  
licos inconfesso est: Quattuor esse in-  
telluris intimo recessu, animarum  
hinc emigrantium receptacula: v-  
num pro æternùm damnatis: alterum  
pro temporariè expurgandis: aliud  
pro infantibus sine vndâ salutari de-  
cedentibus: vltimum pro iustis, qui  
ante Christi Passionem debitum mor-  
talitatis exsoluebant, olim multi-  
tudine incolentium frequens, ac  
populosum, desertum modò. Pri-  
mum appellatur *Infernus*, secundum  
*Purgatorium*: tertium, *Limbus puero-  
rum*, quartum, *Limbus Patrum*. Præ-  
ter hæc est Beatorum sedes, quam  
Cœ-

IVSTITIAE TRIBVNAL. 11

Coelorum nomine designamus. In omnibus his Iustitiae Misericordiaeque consociationem quandam reperiri certum est, ita tamen, ut quae, in quibusdam imperij prerogatiua excellat, haud sit difficile discernere.

IN COELIS Misericordiae solium Iustitiae throno iunctum esse nemo dubitat, ita tamen, ut multis gradibus Misericordiae sella emineat. Nam si Angelos contemplare, opus fuit Misericordiae, illos creatos esse in gratia: Misericordiae officium, propria voluntate, diuino favore nixa ac firmata, perseuerasse in gratia: Misericordiae fetus, confirmatos esse in gratia. Iustitiae quaedam pars, sed non absque Misericordiae nutu vnicâ actione mercedem obtinuisse nunquam interituræ gloriae. Si hominum in coelis agentium habeatur ratio, agnoscunt illi Misericordiam in dilectione electioneque æterna: depraedificant eandem in praedestinatione gratuitâ: suspiciunt in vocatione: *Quia non est volentis, neque currentis, sed*

*In coelis Misericordiae.*

*sed misericordis DEI. Romanor. IX. 16. Vocauit nos uocatione sancta, non secundum opera nostra, sed secundum propositum suum, & gratiam. 2. Timoth. 13. Venerantur Misericordiam in Iustificatione. Sunt enim iustificati per gratiam ipsius. ad Roman. 3. 24. Iustitiam exosculantur, sed Misericordiae nexam in glorificatione: Est enim vita aeterna laborum merces copiosa, Matthaei v. 12. certaminis brauium, pugnantium corona Iustitiae. II. ad Timoth. IV. 7. At ô! quam misericors est Iustitia, ut momentaneae tribulationi *aeternum gloria pondus* retribuatur II. Corinth. IV. 17. Ut detur mensura bona, conferta, coagitata, supereffluens? Lucae VI. 38. Profectò, tam misericors est haec Iustitia, ut mutatâ penè natura, non in sororis tantum suae ius, sed & appellationem concessisse videatur. Si quidem, quae Iustitia, eadem est gratia. Ita Paulus indicat ad Romanos VI. 23. *Stipendium peccati mors. en Iustitiam: Gratia.**

*In caelo  
Iustitia.*

*In caelo  
eminet Iustitia.*

*ia autem DEI vita aeterna.* Cùm posset Paulus dicere, & rectè dicere, inquit in hac materia versatissimus Augustinus, libro de gratia & libero arbitrio cap. 9. *Sit enim autem Iustitia est vita aeterna,* maluit tamen dicere, Gratia autem DEI vita aeterna; vt intelligeremus, non pro meritis nostris, nimirum, nostræ naturæ solius, DEVM nos ad aeternam vitam, sed pro sua miseratione perducere: quia eius miseratione opera facimus, quibus corona reddetur. Verè enim *coronat nos Dominus in misericordia, & miserationibus.* psal. cii. 4. id est, propter opera facta ex eius misericordia. *Domine in celo Misericordia tua!* Psalmo xxxv. 6. *Magna est super calos Misericordia tua!* psalmo cvii. 5. *Exaltata est super calos Misericordia tua!* Est igitur Coelum Misericordiæ ac Clementiæ magis, quàm Iustitiæ regia.

OPPOSITVS autem Coelo locus est *Infernus*, damnatorû carnificina. Hic Iustitiæ potissimùm est Imperium, mixtum tamen cum Misericordiæ decretis;

*In Inferno  
Iustitia  
regnat.*

cretis; sed supereminet Iustitia. Cuius  
 test à gloriâ æterna reiectio, segregatio  
 ab electis, reprobatio, seuera puni-  
 tio, atrox supplicium. Interuenit ni-  
 hilominus Misericordia, cuius ille est  
 fauor, vt citra cõdignũ puniatur, qui  
 grauiori pœna digni sunt: vt nõ statim  
 vitales flãmæ totũ hominem inuoluãt:  
 corpori etenim aliquot annorũ vel mil-  
 libus, vel centurijs parcitur: vt anima  
 penitus, in antiquum ex quo olim ex-  
 tracta fuit nihili chaos non relabatur:  
 relaberetur, quia meruit, annihiatio-  
 nis interitum, nisi Misericordia aduo-  
 cationẽ ante Iustitiæ tribunal præsta-  
 ret. Bona patrocinator Misericor-  
 dia, quæ vbique clientibus præsto:  
 nunquam, ac nullibi deserit. *Quò ibo à  
 spiritu tuo, & quo à facie tua fugiam! Si  
 ascendero in cœlum tu illis es, si descendero in  
 infernum, ades.*

*Psal.*  
 CXXXVIII  
 9.

*Limbus* Limbum Patrum antiquorum exhau-  
*PP. vacuus* sit Misericordia. In puerorum non  
*In Limbo* lustratorum domicilio residet Iu-  
*puerorum* stitia. Vnius ob noxam, & plus equo vx-  
*Misericor-* orij hominis momentaneas delicias,  
*dia & Iu-* tot millia nepotulorum æternũ in de-  
*stitia.* incens,

IUSTITIÆ TRIBUNAL. 13

einens & castigans, quid horremus? Sic  
meruere patres. Sed non sinit Miseri-  
cordia ijs, qui propria nõ sunt lapsi vo-  
luntate sensitiui doloris, magnique  
mæroris flagellum incuti.

PURGATORIVM superest, de  
quo hæreo, nec facile dixerim, cui-  
nam potissimùm, tanquam propria se-  
des, adiudicandum sit. Sunt enim gra-  
ues pro Iustitia, pro Misericordia for-  
tasse haud leuiiores rationes, quæ  
hanc causam dubiam, perplexamque  
faciunt. Et sanè Iustitiam hic impera-  
re, eamque rigidam & immotam, il-  
lud imprimis indicio est, quod in Pur-  
gatorio de amicis, ac domesticis, addo,  
de filijs & heredibus poenæ suman-  
tur: quod non nisi in proprio Iustitiæ  
regno contingere passim creditur.  
Exteros ad pænam vocare, aut rape-  
re, inimicos tormentis subijcere, ho-  
stes pro demeritis plectere, malefa-  
ctoribus aduersarijs supplicia irroga-  
re, cuiuslibet est, potestatem in Re-  
publica aliquam, aut domi suæ haben-  
tis. At amicis, boni publici & iustitiæ  
amore, dicam scribere, in familiares  
manus

*In Purga-  
torio reg-  
nat Iusti-  
tia.*

*1.  
Quia meo  
puniuntur  
Amici.  
Domestici  
Filij.  
Herodes.*

manus extendere, filiorum facinora impunita non relinquere, bonorum heredem carnifici excruciantum tradere, eidem vitam violenter extorquere, non nisi iustissimi esse censetur, & si accidat, vt rarum celebratur.

*Mahumet*  
*II. Turc.*  
*Imp.*

MIRANTVR historici superiorum temporum hominis barbari, sed Iustitiæ politicæ cultoris inter suos eximij factum in paucis insolens & memorandum. Id fuit *Mahumetis*, siue *Muchumetis*, vt quibusdam placet, Secundi Turcarum Principis. Habebat is filium *Mustafam* Imperio destinatum, in libidinem pronum, cetera haud malum. Hic *Achmetis* Bassæ vxori, insigni forma fæminæ, vt animo suo amoribus æstuantem morem gereret, vitium intulerat renitenti. Patrato facinore, illa ad maritum, maritus ad Imperatorem flagitium detulit, pœnas poposcit. Muchumetes primò cunctari, tum asperioribus verbis, sed aliud animo volebat, Bassam excipere, filij, tanquam Domini cui ipse & vxor iuris mancipijque nexu obnoxij essent, crimen eleuare: tandem dimisit monitum, vt hoc

hoc cogitaret, cetera Principi suo permitteret.

Quid ille? animi æger & saucius, filium ad se vocatum primò examinauit, tum confessum pessimis verbis, minisque acceptum dimisit. Et mox minas in rem contulit: ac triduo post, cum aliquamdiu in pectore Patris ac Principis, Filius & Iustitia pugnassent, hac vincente, fauces Mustafæ neruo arcus iussit confringi, ac morte filij Iustitiæ æquè ac Pudicitæ litri. Factum bonum Iustitiæ asserendæ, sine quâ, ferarum more, in Republica viuatur. Sed hoc factum nemo Misericordiæ adscripserit, cuius mitiora in filium & heredem fuissent haud dub. è placita.

VIDIT & horruit parentum nostrorum ætas haud dissimile seueritatis paternæ, sed iustæ à Principe Christiano exemplum. Quando Magnus in orbe nostro & alio, Rex filium unicum, sed non vni regno educatum: ac iuuenem acrem, vehementem, & supra modum, vt ferebant, ambitiosum ac imperij cupidum ante tempus, nouandis

*Mustafam  
filium  
strangula  
ri iubet.*

„  
„  
„  
*L. ipsius  
lib. 2. Ex-  
emp. cap. 8.  
§. 8.*

*Philippus  
II.  
NOTE.*

dis rebus intentum, & de patre è medio tollendo suspectum, in carcerem domesticum conijci, tū legitimè Iudicum sententijs damnatum, clam, vt regij nominis maiestati consulere- tur, propinato in iusculo veneno vita mandauit priuari. Sic enim interiisse Carolum Philippi II. Regis Catholici tunc vnigenitum plurimi scribunt, & fuit creditum, verò-ne an falsò nostrum non est asserere. Illud adiun- xisse satis habeam: hoc factò longè late- que per populos sparso, magnum terrorem de se iustissimum Regem cunctis ditionis suæ gentibus incussis- se: domesticis etiam, nullam in eo dissimulationis prauæ spem collo- cantibus, qui proprio filio non pe- percisset. Quo nomine magnoperè à Pio V. Pont. Max. Philippum Regem laudatum fuisse perhibent eius tem- poris scriptores.

*Qua perso-  
na torque-  
antur in  
Purgatorio* IAM verò hic Iustitiæ rigor in Pur-  
gatorio viget, in quo nullus torque-  
tur, nisi DEI amicus, familiaris, dome-  
sticus, filius, heres.

*NOTÆ.*

Non me latet opinionem fuisse  
Ori-

genis Adamantij inimicos etiam DEI,  
 nec homines modò, sed & cacodæmo-  
 nes purgatricibus flammis vstulari.  
 Nimirum, ille intempestiuè contra Iu-  
 dicis æterni decretum misericors, om-  
 nes tandem, Inferno euacuato, à panis  
 liberandos contendebat. Quod etiam-  
 num somniant Iudæorum Rabbini ali-  
 qui, inter quos recentissimè in Hol-  
 landia, vbi est malè sentientium ac  
 docentium conflages istiusmodi, Me-  
 nasseh Ben-Israel, in Problematibus de cre-  
 atione, problemate 17. apertè scribit,  
 animas impiorum aliquando panis, &  
 cruciatibus liberatum iri, quia eorum  
 tormenta non sunt perpetua. At, quo  
 id Scripturæ diuinæ testimonio probat?  
 Quia sapientissima Abigail placare vo-  
 lens Dauidem, dicit: *Erit anima Domi-  
 ni mei custodita quasi in fasciculo vitæ  
 apud Dominum DEVM tuum: id ex, per-  
 petuò viuet vnita DEO in paradiso:  
 porro, inimicorum tuorum anima vocabi-  
 tur quasi in impetu, & circulo fundæ, 1. Reg  
 xxv. 29.* hoc est, animæ hominum ma-  
 lorum ac impiorum nunquam quietis  
 fient participes, sed semper inquieta-  
 buntur.

*Ambrosio-  
 darsi An.  
 1635.*

buntur, haud aliter, quam in funda lapillus antequam eijciatur, nunc huc nunc illuc agitur: nam sursum ascendere conantes destituuntur alis virtutis, ac bonorum operum; & ad corpus redire cupientes non inveniunt illud. Quoniam tamen, inquit, eiusmodi animæ nondum sunt abiectæ in locum longinquum, & remotum, sicuti petrae funda proijci solent, sed sine emissionem quasi in fundo & centro fundæ hærent, vsque dum vitia eluerint, & purgauerint, æternum non punientur.

Ridicula probatio, Rabbinico digna cerebro, quasi non semper in funda, aut alicubi, tanquam in fundâ: nam hoc comparatio solum exigit, manere possint & volare iugiter: id est, perpetua inquietudine, & turbatione assidua vexari, instar Sisyphi & Tantali, quos ipse ex Homero in Odyssæa nominat. At solidius. non est ibi de animabus iustis & iniustis, puris ac impuris cum respectu ad alterius vitæ præmium, vel pænam sermo: Sed de Davide, & eius aduersarijs. Dicit igitur facunda

IVSTITIA TRIBVNAL. Serm. II. 21

cunda Oratrix, sumptâ metaphorâ ab  
Agricolis, qui decifas arbore virgu-  
las, seu furculos colligunt in fascicu-  
lum, & aquam infundunt, ne arefcant:  
Mi Rex, videris in hoc tuo exilio, ve-  
luti ramus ab arbore auulfus; non des-  
pondeas animum, diuina prouidentia  
cura in vita conseruaberis, & ab ho-  
stibus, te ad necem quærentibus de-  
fenderis. Illi autem profugi ac vagi  
dissipabuntur, & dispergentur, vt la-  
pides, quos fundâ circumacta longè à  
nobis proijcimus. Sed omiffis istis, qui  
ne impiorum pænas æternas faciant,  
eorum animas, remittunt denuo in  
mūdum & in corpus, per μεταμύχαι-  
σιν, seu transmigrationem, vt apud  
Hebræos Cabaliftæ nugantur.

Nos Christo, cui Sacramentum  
diximus, fidem adhibemus, cuius seue-  
ra sententia aliud sonat: *Ite maledicti in  
ignem æternum, qui paratus est Diabolo &  
Angelis eius, Matthæi xxv. 41.* Et ne fortè  
excipias, ignem esse æternum, sed non  
mansionem in igne, concludit Domi-  
nus versu 46. *Et ibunt hi in supplicium æ-  
ternum, iusti autem in vitam æternam.*

Quid

2<sup>2</sup> P U R G A T O R I U M

Quid etiam clarius illo Apocalypsis  
xx. 9. *Diabolus, qui seducebat eos; missus est  
in stagnum ignis & sulphuris, ubi & Bestia,  
& Pseudopropheta cruciabuntur die ac no-  
cte in secula seculorum?*

*Errores  
circa Pur-  
gatorij in-  
solas.*

*Vide Au-  
gust. lib. 21  
de ciuit.  
cap. 18. 24.*

*August.  
ibid. cap.  
19. & 25.*

*Cap. 20.  
& 25.*

Q V I B V S alijsque in Sacro Co-  
dice expressis enunciatis cōuelluntur  
quoque illorum persuasiones vanæ,  
qui censebant, non quidem Diabolum  
Purgatorio ad cruciatum perferen-  
dum, ac persoluendas pœnas conti-  
neri; tamen hominum omnium, quam-  
uis grauissimorum peccatorum, pœ-  
nas, post vitam hanc purgatorias esse.  
Pro quo errore extat liber Stanislai  
Anabaptistæ, qui inscribitur *Philan-  
thropia diuina*. Quod quidam asser-  
ebant solum de Christianis, siue hæreticis,  
siue Catholicis. Alij sentiebant, de om-  
nibus, qui aliquando Catholici fuis-  
sent. Ergo de flagitiosis Catholicis  
nō intelligitur, quod de omnibus asse-  
ueranter pronunciat Apostolus? *Qui  
taliam agunt, regnum DEI non possidebunt.*  
Galaticæ v. 21. Nonnulli opinabantur  
de eis, qui in fide perseuerassent. Hos  
enim quamuis pessimè vitam tranle-  
gissent,

gissent, volebant Purgatorium solum  
sustinere, ac saluos fieri quasi per ignem,  
Verum, de perseverantibus in fide, *Lib. 21.*  
non in pietate, ac malè viuentibus le- *cap. 25.*  
go: *Paleas comburet igne inextinguibili.* *Et 26.*  
Matthæi III. 12. De iisdem immiseri-  
cordibus: *Ite in ignem aeternum,* Matthæi  
XXV. 41.

Statutum est à DEO iudice decre-  
to nunquam mouendo, quod Legis-  
latoris mandato promulgauit fide-  
bus Paulus, fidelis præco: *An nescitis,*  
*quia iniqui regnum DEI non possidebunt?*  
*Nolite errare. Neque fornicarij, neque idolis*  
*seruientes, neque adulteri, neque molles, ne-*  
*que masculorum concubitores, neque fures,*  
*neque auari, neque ebriosi, neque maledici,*  
*neque rapaces regnum DEI possidebunt.* 1.  
Corinthior. VI. 9. 10. An non hæc mul-  
torum in Christum credentium  
sunt crimina?

NON defuerunt, qui de ijs arbi-  
trabantur id intelligendum, qui elee-  
mosynis largiendis in vita fuissent  
eximij: hos enim omnes per ignem  
purgatorium saluandos aiebant, licet  
in sceleribus ad mortem vsque per-  
seue-

*Refellit S.*  
*Aug. in*  
*Enchirid.*  
*cap. 75. lib.*  
*21. de ciuit.*  
*cap. 22. 27*

seuerassent. Sed notum est vel ex catecheticis institutionibus, plura, quàm eleemosynam ad sanctificationem, sine qua nemo salutem consequitur, postulari. *Si penitentiam non habueritis, omnes simul peribitis*, inquit ipse Saluator Lucæ XIII. 3. *Si distribuero in cibos pauperum omnes facultates meas, caritatem autem non habuero, nihil mihi prodest.* II. ad Corinth. XIII. 3. Qualem autem caritatem habet ille, qui DEVM offendere non veretur, aut postquam offenderit, non quærit per media conuenientia reconciliationem?

Diuersa parte, nimis àusteri nonnulli, existimabant in Purgatorium ablegari omnes, & tam malos, quàm insignitè probos, vno dempto, Christo, pœnas luere. Horum caperatam seueritudinis tyrannicæ frontem contudit Concilium Florentinum, cuius est ista definitio: Aliquas animas in infernum, aliquas in Purgatorium, aliquas in cælum mox recipi post mortem. Quò migrare paruulos lustrali vndâ tinctos, si subitò hinc abripiantur; itemque Martyres, & ab omni labe criminis,

nis,

nis, pænæque reatu liberos Orthodoxorum est consensus. Atque ideo Purgatorium ijs destinatum esse, qui cum nullius lethiferi criminis sibi sint conscij, & quod inde sequitur, DEO per gratiam sanctificantem cari, ac non amici solum, sed in sortem filiorum adoptati, culpis longè minoribus, aut nondum plenè expiatis maioribus, hanc castigationem sunt promeriti.

ERAT DEO de proximo amicus Paschasius Apostolicæ Sedis Diaconus, vir miræ sanctitatis, si Papæ Gregorio credimus narranti, cultor pauperum, contemptor sui, eleemosynarum maximè operibus vacans, & quod mirandum, ope post mortem præstita, ac miraculis clarus. At Purgatorij carnificinam, quam in balneis angularibus sustinuit, Patre iudice, acerbissimam sensit.

Erat DEI domesticus SEVERINUS Coloniensis Episcopus, omnibus religionis sacrosanctæ officijs mirè deditus: sed hunc subterraneum carcerem, Patre DEO iustitiam administrante, subire, meoque tormentis excruciar

*Paschasius Diaconus.*  
*S Greg. lib 4. Dial. cap. 40.*

*Severinus Col. Episc.*  
*Baron ad An. 1062.*  
*ex Petro Damiani epist. 14. ad Desidor. Abb.*

B

diris-

Abb.

dirissimis debuit, antequam ad conspectum genitoris admitteretur.

*Benedictus*  
*viii. PP.*  
*Dam. Epist*  
*cap. 4.*  
*Specul.*  
*exemp.*

Non erat DEO inuisus Benedictus VIII. Pontifex MAX. Christi in terris Vicarius, quem Cardinalis Sanctus Petrus Damiani epistola ad Dominicum, ab Episcopo, qui Capreis præerat, post mortem equo nigro, quasi corporaliter infidentem, seque infelicem ob graua Purgatorij tormenta dicentem, visum, auditumque scribit: aduentem insuper, posse se eleemosynarum largitionibus liberari. Nam à se in vita factas, quoniam de rapinis, iniustisq; bonis erant, nihil profuisse.

*Iustus Mo-*  
*na.*  
*S. Greg.*  
*l. 4. Dial.*  
*cap. 55.*  
*S. Ber. in*  
*vita Ma-*  
*lach.*  
*In vita S.*  
*Ber.*  
*Ditelmus.*

Filius erat Iustus Monachus, apud D. Gregorium: filia DEI quæ S. Malachiae apparuit apud S. Bernardum: heres DEI cæliq; Religiosus, qui Abbati Bernardo, discipulus, qui Anselmo, Ditelmus apud Bedam, & tot alij è claustris, post vitam sanctissimè actam ad tribunal incorrupti Iudicis rapti, & ad lacum sine aqua, vt est apud Zachariam condemnati, verè experti sunt iustissimum

sumum meritò haberi, qui filijs & heredibus sine adfectu, vel aspectu iustitiam administrat. An non hæc conuincunt Iustitiam in Purgatorio præ Misericordia regale folium fixisse?

CVI ad stipulatur, quod non in filios solum se exerat, sed in eos filios, qui leuissimorum erratorum sunt rei: hos enim seuerè punire, incorruptam planè Iustitiam, eamque solam, penè amandata Misericordia, arguit. Qui filium parricidij conuictum necat, ut superiori seculo Soleimannus Mustafa à Bosphorana interemit, & Bajazitum è Roxolana susceptum interficere voluit: qui ablegat post fratris confessam cædem, ut Absalonem Dauid: qui domo eijcit post turbas in familiam inuectas: qui carceri mancipat ob insidias sibi factas, Iustitiæ commendationem meretur, sed seuerissimus non audit. At qui ob verba minus decentia, risum non ita, ut mo-

II.

*Quia seuerè puniuntur ob leuia, peccata.*

*Lipsius lib 2. Exemp cap. 5. n. 11*

destiæ canon exigit, temperatum, leuitatem in gestu corporis, sub tam iracundiæ motiunculam in filium insurgeret, famulis aut mancipijs, detracto ornatu, fustigandum traderet. immò carnificem aduocaret, & infami castigatione, defectum luere, absque remissione vellet, mandaret, exequeretur, næ ille clementiæ penè oblitus, austeræ, rigidæque, siue Iustitiæ sanguinem præproperè elicientis, siue crudelitatis, & furoris insimularetur.

*Peccatorum venialium in Purgatorio punitorum index.*

NUNC autem constat in Purgatorio filiorum peccata plecti, neque grauiua vnquam, nisi iam remissa, neque multa semper, sed eà, quæ leuia, aut à remissionis facilitate, venialia vocitare solemus: quorum non rarò vnum aliquod, quod è vita abeuntem macula deformauit, expiandum est. Quantula, sodes, res illa fuit, vrbis ac prouinciæ amplissimæ Hierarcham, infinitis penè negocijs in gregis sibi commissi salute procuranda distentum, ac penè obrutum, Ecclesiasticas preces, non quidem

quidem omisſiſſe, ſed temporum ſtata  
 interualla non accuratè obſeruaſſe?  
 Ob hac tamen paleas comburendas in  
 Purgatorij clibanum quauis calcaria  
 magis ardentem miſſus fuit SEVE-  
 RINVS Antiſtes. Cui non lego vitio  
 datum, à quo maximè abhorrebat,  
 ſubiectos ſibi populos indignis vetitiſ-  
 que modis diuexaſſe: priuatis magis,  
 & familiae aut cognatorum commo-  
 dis, quàm publico Eccleſiæ bono, cum  
 gregis iniuria, ſtudiſſe: ſuperfluis  
 redditibus, & pauperis CHRISTI pa-  
 trimonio extremè egentes, petentes-  
 que ſuppliciter non ſubleuaſſe: deni-  
 que, potationibus diurnis, ac noctur-  
 nis, voluptati, libidini, & improbis  
 cupiditatibus ſacra & profana poſt-  
 habuiſſe. Nam hoc ferrum non ad-  
 lambet Purgatorij ad tempus, ſed ig-  
 niet Inferni æternùm animata flam-  
 ma.

QUANTVM, quaſo te, ſcelus eſt,  
 Sacerdotem leui vel ſarcaſmo, vel ca-  
 chinno ridiculè excepifſe? & ſe maio-  
 ri digniori que parumper, animi cauſ-  
 ſi, illuſiſſe? Sed ob hanc ſtipulam bo-

norum operum argento, & caritatis  
 auro mistam igne absumendam in  
 Purgatorij camino rotari debuit fæ-  
 mina, quæ D. videndam se præbuit  
 Malachiæ. Cuius culpæ non erant, quæ  
 hoc tempore plurimorum: Clericis,  
 Sacerdotibus, Religiosis infamiæ no-  
 tas mēdacissimis detractionibus inuf-  
 fisse; illorum vitam, religionem-  
 que fædisissimis narratiunculis apud  
 plebem & optimates traduxisse, ip-  
 sorum necessitatibus, ac commodis  
 insidias malignè struxisse. Hæc æ-  
 ternarum in inferno flammarum, non  
 temporariæ in Purgatorio pyræ fo-  
 menta fore nouimus.

QVANTVLA illa, precor, cen-  
 senda noxia, Romanæ Sedis Diaco-  
 num Cardinalem in Pontificis electio-  
 ne, proprii iudicij, sententiæque te-  
 nacem, ceterorum suffragantium cal-  
 culis minus se fauentem præbuisse? Ob  
 hanc tamen scoriam, fuluo præclaris-  
 simarum virtutum metallo adhæren-  
 tem decoquendam Paschasius Purga-  
 torij sulphureis vndis exæstuante la-  
 bro

bro non paruo tempore mersus hæ-  
 fit. Cui minimè fuit obiectum, cu-  
 ius criminis non fuit conscius sibi  
 ille, utinam non essent alij, Ecclesi-  
 asticæ dignitatis ambitiosum pren-  
 satorem, Simoniacum emptorem,  
 venditoremque, violentum inuaso-  
 rem, libidinosum, auarumque in-  
 fessorem fuisse, aut similibus opitu-  
 latum. Hæc enim Inferni sempiter-  
 nis cruciamentis adseruantur.

DE NI QVE, quantum istud pia-  
 culum, Ecclesiastem, Doctorem,  
 Magistrum, Patrem-familias, non  
 quidem falsa, & à fide orthodoxa  
 aliena auditoribus suis proponere,  
 & inculcare; Sed, cum superædifi-  
 cat fundamento, quod est CHRIS-  
 TVS, & vera fides, aurum, argen-  
 tum, lapides preciosos, idest, tum  
 doctrinam utilem & salutarem,  
 tum opera bona, admiscere in-  
 terdum, ut sit, aliqua vel incogi-  
 tantia, vel socordia culpabili, lig-  
 num, fænum, stipulam, hoc est, non  
 omninò falsa, distorta, præua, sed

B 4 super-

superuacanea, inutilia, verba ociosa, risum immoderatum, dicta factaque absque honesto fine iocosa, similiaque peccata, ut vocamus, venialia. Et tamen opus hoc ex ligno, fæno, stipula istius nodi compactum ignis probabit: ac si arserit, detrimentum patietur. Architectus quidem illius fabricæ saluus erit, sic tamen quasi per ignem, ut loquitur Paulus in priori ad Corinthios tertio capite. Inflammabit emendatoria purgantis carceris fornax fænum, lignum, ac stipulam, videlicet leuia errata, illosque etiam ad purum excoquet, qui culpis omnibus remissis, reatum panæ aliquem secum detulerint, illi tamen tandem salutem consequentur.

HIC inferenda essent exempla eorum, qui ob leuissima quædam negligentia commissa, Purgatorio fuere addicti, nullo personarum discrimine. Subiungantur ex maximo numero aliquot.

*Visio S.*

*Gertrudis.*

Relatu imprimis dignum est, quod ex libro quinto Insinuationis diuinæ pietatis S. Gertrudis capite VIII. quod  
incri-

ir scribitur, *de animabus quàm exactè  
 purgata sint pro negligentis,* narrat Reli-  
 giosissimus Abbas Ludouicus Blosius *Blosius in  
 in Monili Spirituali cap. xiii. Cum Conclau  
 quædam Virgo monasterij S. Gertru- anima p. 2.  
 dis, post iuuenilem ætatem in virtuti- Monil. cap. 8.  
 bus sanctæ Religionis peractam de- 13.  
 functa esset, vidit eam Gertrudis in  
 magna luce & vario ornatu astare  
 IESV CHRISTO. Quæ tamen, tan-  
 quam Sponsa verecunda vultum  
 demittens, nitebatur se subducere,  
 non ausa leuare oculos ad gloriam di-  
 uinæ Maiestatis. Hinc Gertrudis zelo  
 pietatis ducta dixit ad Dominum: *Eia  
 benignissime DEVS, quare hanc filiam  
 tuam non suscipis inter suaves amplexus tu-  
 os, sed eam, tanquam alienam tibi ad stare  
 permit. is?* Ad quæ verba Dominus vi-  
 debatur blandissima serenitate ex-  
 tendere dexteram suam, tanquam am-  
 plexaturus animam. At illa cum de-  
 licata quadam reuerentiâ subtrahe-  
 bat se. Quod multum admirans Ger-  
 trudis aiebat animæ: *Quare subducis  
 te amplexibus Sponsi tam amabilis? Cui  
 illa: quia nondum plenè purgata sum;**

sed adhuc macula aliqua me incompositam reddunt. Etiam si mihi omnino liber accessus ad DEVM pateret, ego tamen, dictante Iustitia, memet ipsam sponte subtraherem, cum sciam me tam glorioso Sponso nondum conuenire. Tum Getrudis: Et tamen videris iam quasi glorificata. Ad quam Anima: Illam beatitudinis gloriam, quam Sancti ex visione & fruitione Diuinitatis cum plena remuneratione obtinent, nulla anima mereatur accipere, donec ab omni macula perfecte purgata intret in gaudium Domini sui.

Quid Sanctimonialis illa commiserit cur in Purgatorio fuerit decerta, non scribitur, facile autem colligi potest, fuisse minimos quosdam in religiosæ vitæ cursu defectus, cum dicatur iuuenilem ætatem in virtutibus transegisse, & paullo post mortem tanto decore fulgens comparuerit. Alibi peccati genus exprimitur, cuius fortasse ab adolescente religioso non habita fuit ob sui exilitatem ratio.

RETVLIT Humbertus vir grauissimus, Ordinis Prædicatorum Magister,

ster,

ster, duos eiusdem gentis iuvenes studiosos, religioni sacrae se consecrassent, & in ea bene ac deuote coram DEO & hominibus vixissent. Cum autem alter eorum in extremis constitutus de vita periclitaretur, socius lacrymabatur dicens, quod in terra aliena desertus relinqueretur. Quem aeger bono animo esse iussit, & consolationis vice adiunxit, fore, ut, si DEVS id permitteret, illum post mortem inuiseret, certiorum facturus de suo in altera vita statu. Annuit votis Numen; mortuus oranti socio se videndum dat vultu maerorem praese ferens. Quærit ille causam. Cui defunctus, se nullam aliam ob culpam pati penam Purgatorij, quam quod, cum darentur noui socci, veteres retinuisset, & in lectica abdidisset, ubi etiam num hærerent. Itaque rogare, ut illos domus moderatori deferret, quem oraret, ut eum de hoc ipso in capitulo absolueret. Quo facto apparuit illi lætissimus, ac splendidissimus liberationis dans indicium.

SED quid de illo dicam, qui inter suos

B 6

velut

*Specul.*  
*Exom. dist.*  
9. Ex. 43.

*Chron. p. 2. lib. 6. 7.* velut Angelus habitus, & verè An-  
*Dauroultij* gelicam vitam duxerat, DEO tamen  
*Catechif.* Iudice ad Purgatorium fuit damnatus?  
*Histor. cap. 5. tit. 26. ex. 6.* Nihil fingo. In Chronicis S. Francisci  
 par 2. lib. 4. cap. 7. c. Fuisse Fratrem  
 lego, cuius vita Angelica potius quam  
 humana putabatur. Eo vita functo,  
 cum eiusdem Monasterij Lector tres  
 Missas pro defunctis legi solitas pro  
 eo non legisset, quod ijs eum non indi-  
 gere arbitraretur, defunctus Lectori  
 apparuit, officij admonens, quippe  
 qui ad Purgatorium cõdemnatus sum-  
 moperè ijs se egere diceret. Iubiun-  
 gensque pœnas quas pateretur, ser-  
 monem clausit epiphonemate: *Nemo  
 facile credat, quam strictum sit DEI iudi-  
 cium, quantoque rigore peccata castiget.*  
 Omitti alia, quibus ob noxas minimas  
 Purgatorij commoratio fuit decreta.

SIT ira, inquis, leuia peccata pur-  
 gentur, & decutiantur hi flocci à nup-  
 tiali fidelium amicorum toga, sed leui flâ-  
 marum flabello: hoc non tã indicat Iusti-  
 tiam in Purgatorio, quã Clementiam  
 præfidere. Quid enim? Clementis est ac  
 misericordis, poenam, quam de minu-  
 tis

tis

tis etiam exigit delictis moderari. Verum enimvero si vlllo ex capite, ex hoc maximè, Iustitiæ regnum in Purgatorio stabilitur. Iustitiam deprædicamus in Principe, si illam absque personarum respectu seuerè ab omnibus exigat, & erga omnes administret: suos & alienos culpæ conuictos æquè damnare in more habeat, etiam in paruis rebus, aut iniurijs. Hoc fecisse Andronicum Comnenum Imperatorem Constantinopolitanum historici mirè commendant.

Andronico Theodorus erat, ex aulicis imprimis ipsi carus. Hunc detulerant agricolæ diuertisse ad se cum famulorum caterua, nec in discessu quicquam soluisse. Res erat, quam ubique ferè Palatini, vt milites, vsurpârati fortasse dominorum esse, quicquid in subditorum fundo nascitur. Imperator tamen ad agrestium querelas iussit domesticum illum suum statim corripi, fuste duodecies in publico ceditum agricolis damnum largiter rependi. Tam grauis, pœna gra-

*Iust. Lip. in  
Exemp. lib.*

2  
,,  
,,  
,,  
,,  
,,  
,,  
,,  
,,  
,,  
,,

infigitur? Ita Iustitiæ rigor imperat.

*Lip. ibid.*

Magis admirandum quid in hoc genere audite. Balduinus Septimus, Comes Flandriæ Petrum virum nobilem, & celebris oppidi toparcham ob duos boues pauperulæ viduæ reclamanti abductos, re ad ipsum delata, subito abripi mandauit, & atroci morte puniri. Forte lebes aquæ bullientis in medio Brugensi foro erat monetario puniendo collocatus. In hunc sine mora, coniecit, ut erat vestitus, ocreatus, gladio accinctus. Id calidè factum, quis neget? rigidè etiam haud dubie, fortasse rectè, ac salubriter, ut non nemo opinatur; nam inquisitio præcesserat, & culpæ conuictus abigeus factum haud negabat. At adeò minutæ rapinæ tam grauem poenam imponere? Sic recti iustique tenax seueritas præscribit. Quæ militi pedem ex orbua protrudenti, glandem è sclopo sine iussu emittenti, ensem stringenti, alitem vnam ex agrestium corte harpaganti restem inijcit, gulamque frangit.

SED hæc mera Clementiæ exempla sunt,

sunt, si cum Purgatorij ex acta seueris-  
 simaque punitione conferantur. Nam  
 cum leuicula omnium conseru culpa  
 eo in loco excoquantur, & satisfiat  
 pro peccatis grauioribus, quæ in vita  
 mortali remissa fuerunt, animabus in  
 ignem coniectis, supplicium tamen  
 tam est atrox, vt nullum fustuarium,  
 nullæ cruces, nulli super ignitos car-  
 bones suspensi labetes, nulli forcipes,  
 rotæ, lanienæ, nullus vitæ huius cru-  
 ciatus cum loci illius tormento in ali-  
 quibus comparari valeant: nisi ignis in  
 pariete depicti cum carbonibus in  
 fornace crepitantibus sit æqua colla-  
 tio. Tritum est illud D. Augustini in  
 psalmum xxxvii. *Quamuis saluus fiat per  
 igne, grauior tamẽ erit ille ignis, quam quie-  
 quid potest homo pati in hac vita.* Verum-  
 que habetur iudicium Papæ Gregorij  
 in psalmum octauum pœnitentialem:  
*illum transitorium ignem omni tribulatione  
 presenti existimã intolerabiliorem.* Addit  
 V. Beda commentario in eundem  
 psalmum, nulla esse supplicia Mar-  
 tyrum, vel latronum cum illis pur-  
 gatorijs pœnis conferenda. Idem-  
 que

que habent B. Anselmus expositione sua in priorem ad Corinthios 3. & S. Bernardus sermone de obitu Humberti.

QVÆ si vera sunt, & cur non tantis viris fidem adhibeamus? maior nobis cura esse deberet, vt Purgatorij poenas, quàm, vt quaslibet huius vitæ euaderemus. Quàm sollicitè autem peccati genus aliquod vitaremus, si committenti illud, sciremus certo certius grauisimum, quodque vel auditione sola acceptum horrorem incutiat supplicium imminere? Narrabo vobis eius generis aliquot recentis memoriæ, vt vetera omittamus, quibus si diriora sunt quæ in Purgatorio perpetiuntur animæ, vt DEO Iudici iustè iudicanti satisfaciant, vos diiudicate, num eo in loco Iustitiæ tribunal stabiliendum sit.

NOTA.

VIDIT Gallia, & horrerunt ciues Parisienses ad spectaculum Iustitiæ. Henricum IV. Regem Christianissimum audaci facinore, cultro in pectus adacto interemerat homo Gallus, patria Engolismensis, qui supplicium  
pertu-

IUSTITIÆ TRIBVNAL. 41

pertulit, quod in pœnam parricidij  
 sanciuerat Senatus-consultum, hac  
 ferè formulâ. Præmissa corâ primaria  
 Ecclesiæ Parisiensis porta traductione  
 supplici ac stigmatica, in plateam sup-  
 plicio destinata ducatur, ibique in  
 tabulato forcipibus candentibus, mâ-  
 nâ, brachia, femora, ac suræ illi inu-  
 rantur. Manus dextera parricidij cul-  
 trum tenens igne sulphureo concre-  
 metur. In partes forcipibus iniustas  
 plumbum liquefactum, oleum feruēs,  
 resina accensa, ceraque simul cum  
 sulphure liquefacta iniiciantur. Qui-  
 bus peractis, corpus eius à quattuor  
 equis distrahatur: membra cum cor-  
 pore igne consumantur: in cineres re-  
 digantur: cineres in ventum disper-  
 gantur. Hæc si tibi perpetienda essent  
 ob iocosa aliquot mendacia, ob dicta  
 scurrilia, ob verba minus decentia, ne  
 dicam turpia, ob pœnitentiam in hac  
 vita non cõpletam quæ in Purgatorio  
 certissimè luenda sunt & peragēda, nisi  
 in hac vita expientur ac perficiatur,  
 quam cauere diligenter ne commit-  
 teres neve pœnitentiam differres. Et  
 ta-

*Quæ om-  
 niareus  
 sustinuit  
 Anno 1610  
 27. Maij.*

tamen Patrum Sanctissimorum consensu, maius est Purgatorij, quam quod descripsimus, supplicium.

*Anno 1610  
MII.  
Nicol Trigantius in  
Annis.*

EXCIPITE nunc aliud. Eodem anno, quo istud sumptum est in Gallia, apud Sinenses fuit quidam, qui ex coemptorum puerorum sanguine, quos clam maectabat, pharmaca composuerat, ad vitam producendam, ut commemorabar, idonea. Ea res foras erupit. comprehensus igitur, scelerisque conuictus fuit: ac tandem à diu dubijs Magistratibus, quâ poena tantum scelus expiarent, hoc supplicio addictus est: ut ad palum alligati viuum corpus resectis nouaculâ ter mille carnis frustulis laceraretur: quâ in carnificina quoad fieri posset, vitæ parceretur. Ad Regem delato iudicio, rescripsit, eam poenam sibi imparem tanto crimini videri, sed quoniam maiorem nullam inueniret, sibi arridere. Itaque nocens innocentum sanguinem tam diu luit, quam diu toto in corpore locus aliquis vulneri patuit, inter mil-

lo

le frustra discerptus. At verò nec hoc tormentum cum Purgatrice flammâ conferri potest, qua leuiusculæ noxæ post hanc vitam punientur.

QVOD sequitur dedit Hollan- *Anno*  
 dia, cùm Guilhelmus Nassouius, *1584. 10.*  
 Orangij Princeps tumultuum Belgi- *Iulij.*  
 corum choragus Delphis ab adoles-  
 cente Burgundo breuioris tormenti *NOTA.*  
 globulis catena ferrea iunctis tra-  
 iectus, & utroque globo per ter-  
 gum ac vitalia transeunte concidit,  
 post semihoram mortuus. Com-  
 prehensus enim in flagranti iuuenis  
 in partem carceris deterrimam spur-  
 rissimamque fuit coniectus, nullo ci-  
 bi nec potus exhibito solatio. Po-  
 stero die coram iudicibus, post va-  
 rias interrogationes vestes ponere  
 iubetur. Quo facto, equuleo impo-  
 situs, vrinaque veteri repletus, ven-  
 tri insultabat tortor. Tum equuleo  
 eductum ex duobus manuum pollici-  
 bus, è pensili trabe suspenderunt,  
 centum plumbi libras pollicibus pe-  
 dum alligantes: addidere pendenti  
 fl-

flagra ac virgas, vt ex vniuerso corpore affatim sanguis deflueret. E tra-  
be deposito, sub vtriusque manus di-  
gitorum ac pollicum vnguibus longas  
profundissimè infixerunt acus: addi-  
derunt sub vtriusque brachij axillis  
anserina oua tosta: brachia compres-  
sere, donec exustis axillis, sanguis a-  
bundanter efflueret. At nondum fi-  
nis.

12. Iul.

Die insequenti aduocato tonsore,  
crines ei è corpore omnes tolli iusse-  
runt, dicentes magicis ideum artibus  
moliri, vt insensibilitatem induceret:  
deinde foco candenti eum admoue-  
runt, nouis calceis aruina probè infe-  
ctis indutum: contrahebatur interim  
crudum pingueq; corium paullatim,  
vt tandem pedes eius vna cum calceis  
è lineari forma in circularem, seu glo-  
bum verterentur; ruiissetque in ter-  
ram, nisi sustentatus, alijs etiam pun-  
ctionibus & vellicationibus fuisset re-  
feruatus, donec lassati tortores ope-  
ram detrectare inciperent.

Tandem ad supremum supplicium  
productus fuit quarto decimo Iulij,  
hora

hora diei vndecima. Erat in summo foro Delfensi; scena ædificata lignea amplissima. In hac eminebat scamnum oblongum, latumque, & ab altero latere aliud, in quo ferreum plaustrum ignitis carbonibus plenum. Adstant duo carnifices ferreum forcipē amplum, in quolibet cancellata, aut azymæ placentæ coqui solent; aliosque *VVafelen.* minores forcipes manu tenentes, quibus in igni relictis donec caderent, adductus Adolescens, & a carnificibus sustentatus, quod contracti pedum nerui eum stare non permitterent palo alligabatur.

Tum iussus, manum qua Principem traiecerat, laminæ candenti inferiori imposuit: mox carnifex inferiori adducta summa vi eam inclusit, carnemque cum neruis, partemque ossium, ita ignitum ferrum absumpsit, vt fumus, nidorque penè forum completeret. Deinde, brachia, crura, femora, tergum, scapuli, ac pectus ignitis minoribus forcipibus miserè excarnificata horrorem videntibus incusserūt. Hinc cum bombardula, qua facinus  
patra-

patrarat, caput eius crudeliter verberassent, illam deinde ferreis malleis ruptam hinc inde disiecerunt. Denique carnifices post tot tormenta iuuenem maiori scamno imposuerunt, ac ventre, cultello, quo porci iugulantur, sensim aperto, cor raptum, eductumque in faciem coniecerunt, intestina igne combusserunt: in quattuor partes sectum corpus quatuor portis suspenderunt, ac ultimo, caput præpilatæ hastæ infix-erunt.

Ad tam immanis supplicij simplici-  
cæ apprehensionē cohorruiſtis, quid fu-  
turum esset si ad illud vos damnandos  
dicerem? Non id dico, sed hoc so-  
lūm, Purgatorij cruciatus, ad quos  
cito pede, magnis itineribus, ac ludi-  
bundi, dum ridendo, nulla planè ab  
ijs cauendi cura peccata quælibet, quia  
venialia, perpetratis, multo immani-  
ores esse.

*Marcus  
Aretusius.  
S. Nazia.  
Orat. in  
Iulian. 1.*

QVAM crudele tormentum exco-  
gitauit impietas Gentilium, cum Mar-  
cum Aretusium Martyrem arctissimè  
colligatum exposuere nudum ad solē,  
mel-

melle perunctum, moribus vesparū,  
atque muscarum, quas nec recedendo  
ex eo loco, nec manibus repellere po-  
terat.

Intolerabilius fortasse est culleo  
insui cum serpente & cane sicque in  
mare demergi. Quod auorum memo-  
ria accidit.

*Thua.  
Tom 1 in  
Androa  
Auria.*

Item, dolio clavis acutis perforato  
includi, eoque in montis fastigio, per  
decliuora præcipitato ferri in imū.  
Quod apud Turcas haud inusitatum,  
vti & impalatio, quæ panè apud illos  
quotidiana.

*Thuan.  
lib. 34.*

SED an sunt in Purgatorio mitiora?  
Scribit Vincentius Beitvacensis lib. 7.  
historialis Speculi, Monachum Ci-  
sterciensem ad extrema redactum,  
Angelo ductore, ad locum venisse, in  
quo erat cernere, multorum animas  
veribus, ac contis acuminatis infixas  
ad rogam maximum, in modum anse-  
rum torreri, assarique: ipsos autem  
crudelissimos tortores cum sufflato-  
rijs, alijsque igneis instrumētis, mise-  
rorum tormenta totis nisibus accumu-  
lantes. Alios patellas & sartagine  
igni-

ignitas subijcientes, adipemque qui de iacētium membris fluebat colligentes, eundemque rursus bullientem refundentes. Interrogans autem ductorem suum Angelum, sic accipiebat. Quos in tormētis ijs videbat, esse familiæ suæ homines, qui licet sine peccatis lethalibus decessissent, tamen minus perfectè in religiosa disciplina versati erant, curiosi, faceti, vani, vagique, desidiosii, somnolenti, fabulis, iocis, leuitatibus indulgentes.

*Nicol. Trigau. Triūp. cap. lib. 1. cap. 5.*

Horror incussus fuit multis proximè, cum audiremus ex triumphis Japonum Christianorum, Paulum Dafachi Conzuquedono, qui Imperatori Cubocanor fuerat à secretis alligatum palo, & circumstructo ad tres ferè passus igne lentè tostum fuisse. Sed hoc minus acerbum fuit, quam acuminato infigi conto, & ad ignem, instar nefrendis qui assatur, rotari, & nunquam vitam ponere, semper ad vitales flammæ spirantem.

Non est quidem existimandum omnes in Purgatorio æqualiter torqueri: nam id iustitia vindicans distributiua non

ua non permittit: cuius hoc est decre-  
 tum: *Quantum glorificauit se & in delicijs  
 fuit, tantum date illi tormentum & luctum,*  
 Apocalyp. xviii. 7. Certum tamen est  
 quasdam animas ibi grauissimè tor-  
 queri. Neque negari illud potest, in  
 quo Theologi omnes conueniunt; Pœ-  
 nas Purgatorij esse maiores pœnis  
 huius vitæ. Quod licet mitissimè ex-  
 ponat S. Bonauentura, vt verum sit  
 hoc sensu, quoniã maxima pœna Pur-  
 gatorij sit maior, quàm maxima pœna  
 huius vitæ; tamen si aliqua pœna Pur-  
 gatorij reperiat minor aliqua pœna  
 huius vitæ: tamen S. Thomas non du-  
 bitat adfirmare, minimam pœnam  
 Purgatorij esse maiorem maxima pœ-  
 na huius vitæ. Et loquendo de pœ-  
 na sensus, quam in Purgatorio in-  
 fert vel ignis, vel aliud iustitiæ vin-  
 dicatricis instrumentum, ratio osten-  
 dit illam esse in anima inibi agente  
 atrocissimam: cum & potentia ra-  
 tionalis sit capacior doloris, quàm  
 animalis; & anima si nuda imme-  
 diatè torqueatur, magis per intel-  
 lectum apprehendat suum contrari-  
 um, & per voluntatem magis dete-

S. Bonau.  
 in 4. p.  
 d. 20.  
 art. 1. q. 2.

S. Tho. 4.  
 d. 30. q. 1.  
 art. 2.

Et scetur,

stetur aut abhorreat; & illud quod torquet intimius penetret animam, quam vlla poena corporea corpus.

*Duratio  
poenarum  
Purgatorij*

AT acerbissimæ quidem sunt poenæ, inquit, quod Iustitiæ imperium probat; sed fortasse breues; momentaneus est iste per ignis calorem, & aquas niuium transitus, in quo Clementiæ Misericordiæque est societas. Quare haud magis Iustitiæ, quam Misericordiæ tribunal habet Purgatorium. Si breuitate supplicij compensaretur acerbitas, esset magnum clementiæ temperamentum, fateor; Sed breuitatis in eo loco pauca sunt indicia, diurnitatis quam plurima, vt videatur cum poenarum atrocitate certare tardissima mora temporis. Est quidem Purgatorij poena omnis temporaria, non autem æterna. Nam hoc est præcipuum discrimen inter Infernum ac Purgatorium. Cuius intuitu, est optima illa D. Augustini regula disiunctiua: *Vel ignem sentiet purgatorium, vel ignem æternum.* Illud

*Lib. 2. de  
Genesi con-  
tra Ma-  
nich.*

IUSTITIAE TRIBUNAL. 51

Illud quoque indubitatum habent  
 Catholici, Purgatorij cruciatus vl-  
 tra diem iudicij, siue resurrectionis  
 vniuersalis non duraturos. Verùm  
 quàm diu anima quælibet crucietur,  
 id ignotum mortalibus. Quis non  
 plenè purgati obierint, quanto magis  
*minusve transeuntia dilexerint* ( verba  
 sunt Augustini ) *tanto breuius, tardius.* Lib, 50.  
*ve saluabuntur: nam quanta fuerit pec-* hom, in 16.  
*cati materia, tanta erit transeundi mo-*  
 ra. Si reuelationibus adhibenda est  
 fides, multæ aliquot annorum centu-  
 rijs in tetto illo carcere detinentur.  
 Non nemo etiam ad extremum iudi-  
 cij diem se mansurum adfirmare vi-  
 sus est longo sanè, & in multa secu-  
 la protacto purgationis spacio.

NEQVE hic ogganniat quis-  
 piam. Si in vita hac mortali pœnis  
 aliquibus non admodum atrocibus  
 satisfacere possumus pro culpis mini-  
 tioribus, & ab omni pœna mox li-  
 berari, cur non multo citius in  
 Purgatorio, cum istæ pœnæ sint pe-  
 nè in infinitū grauiiores, ac intensiores.

C 2

Nimi-

Nimirum hoc est, quod demonstrare pergimus : hinc Misericordiam regnare , cuius nunc tempus est acceptabile : cuius modò copiosa est redemptio : Misericordia Domini hoc tempore plena est terra : ibi Iustitiam imperare , cuius rigor nullis argutationibus humanis infringitur. Est igitur Purgatorium Iustitiæ potius locus, quàm Misericordiæ.

*Ministri  
Iustitiæ in  
Purgatorio  
Cacodæ-  
mones.*

QVOD ministri etiam per quos poena infligitur perluadere videntur : Sunt enim illi non Misericordiæ , sed Iustitiæ. Disputari quidem posset , sit-ne grauius ac magis acerbum manibus Iudicis , vel Principis , quàm carnificis , aut mancipij poenam subire ac supplicio affici. Deinde, sit ne Clementiæ, an seuerioris iustitiæ signum proprijs manibus malefactorem plectere. Hoc factum aliquando à Principibus lego, sed à paucis laudatum.

*Balduinus  
Comes suus  
manu son-  
tes plectit.* Balduinus VII. Flandriæ Co-  
mes , quem vt æqui iustique cultorem antea nominabam , vndecim e-  
questris

questris loci Viros, quod tres mer- *Lip. lib. 2.]*  
 catores in via bonis, ac deinde vi- *Exom.*  
 tá exuissent, vocatos in palatium, ”  
 damnauit: statimque se coram, la- ”  
 queis collo iniectis, destitui super ”  
 tabulam adnexos ad trabem iussit, ”  
 tum ipse manu suâ tabulam subduxit, ”  
 ac pensiles fecit, suffocauitque. Id ”  
 non Principis sed carnificis fuisse mu- ”  
 nus putatur, improbandum in eo, ”  
 quem vt inter apes regem, decet ”  
 sine aculeo esse, nec proprijs ma- ”  
 nibus tortorem agere. Ni manda- ”  
 um DEI interueniat. Quod habu- ”  
 isse crediderim Samuelem, qui A- *1. Reg. xv*  
 gag regem Amalec *concidit coram Do-*  
*mino in Galgalis;* manu sua, vt so- *33.*  
 nant verba, non aliorum ministe-  
 rio, vt vult Iosephus. Tale manda-  
 tum quoniam non agnoscebat Da-  
 uid, cùm iuuenem Amalecitam, qui  
 Saulem interemerat, morti addix-  
 isset, vocauit *unum de pueris, siue sa-*  
*tellitibus suis, cui dixit: Accedens irruet* *lib. 2. Reg.*  
*in eum. Qui percussit illum & mortuus* *cap. 1. 15.*  
*est.*

HOC tamen haud negandum  
 C ; arbi-

*Aug. epist.  
3. ad Mar-  
cell.*

*Mustafae  
Solimani  
filius.  
Thuan. lib.  
12. hist.*

arbitror : in patre adfectus indulgentioris indicium esse , si ipse manus admoueat , ipse si filium corripiat & castiget. Sic incorripiedo filio , quamuis asperè nunquam amor paternus amittitur, vt scribit ad Marcellum Augustinus. In Principe verò etiam seuerioris iustitiæ signum esse , si dirissimis tortoribus illius executionem mandet : præsertim, si & hi vilia sint mancipia, & qui puniuntur sint è Principis domo. quid si filius ? quid si sponsa , quam turpissimus æthiops flagellet ? Horrendum, & inauditæ seueritatis , si non crudelitatis facinus illud est visum, cum anno superioris seculi LIII. Imperatoris Turcarum filius, iubente patre, per sordidum famulitium , eunuchos ac mutos homines, qui Turcico Sultano ad nutus semper præsto sunt, fuit comprehensus, in terram coniectus, neruoque gulæ circumducto strangulatus.

N V NC verò, supra præscriptum

tum

rum est, Animas in Purgatorio flam-  
 mis expositas, & immerfas non esse  
 extraneas, sed diuinæ liberalitatis  
 heredes, Patris æterni per gratiam  
 adoptatas filias, Christi sorores,  
 Spiritus-Sancti sponsas. A quibus  
 autem torquentur? Constat, vt in  
 qualibet Republ. ad punitionem reo-  
 rum sunt administri vel exequuto-  
 res Iustitiæ; ità DEVM in mun-  
 do habere Cacodæmonas quosdam  
 huic rei destinatos, tum in terra  
 eum locis subterraneis. Hos antiqui  
 Hebræi appellabant *Angelos damni*,  
 & alio nomine *Angelos mortis*, nec  
 non *Tortores* & *Carnifices*. Ab his dirè  
 torqueri de mortuorum in Purgato-  
 rio spiritus multæ reuelationes ab  
 auctoribus fide dignis perscriptæ in-  
 dicant. Vt illa multis nota B. Fursæi  
 apud Bedam Venerabilem lib. 3. histo.  
 cap. 18. apud Dionysium Carthusia-  
 num libro de quattuor nouiss. & lib.  
 1. vitæ S. Bernardi cap. 10. Scio Scho-  
 lasticorum Magistrorum plerosq; ex-  
 istimasse foeda illa feruitia in Pur-  
 gatorio nullam exercere potestatem.

*Dæmones  
 carnifices  
 animarū,*

*Angeli  
 damni  
 mortis.*

*Tortores.*

*Carnifices*

*Manasses*

*ben-Israel*

*Proble. 23.*

*de Creatio.*

Tum quia omnes animæ in Purgatorio commorantes cum essent in ultimo conflictu Diabolum superarunt: quocirca minus decens videtur ut à devicto hoste diuexentur: Tum quia in terris etiam perfectos maximè viros aggrediuntur Dæmones ac cruciant, non nisi quoniam spem concipiunt ad peccatum illos pertrahendi: Sciunt autem animas in Purgatorio, ita in gratia esse confirmatas, ut cadere amplius non possint: & vexationem profuturam ijs. ad celeriores purgationem: Quare vix credibile quidam putant, Dæmonum opera animas illic ex cruciari.

At quid vetat dicere, DEVM illis hoc ministerium maximè nolentibus iniungere, ac velle his tormentibus ad Iustitiæ exactam rationem uti? Sunt enim pravi illi Spiritus diuinæ Iustitiæ ministri communes in vindicandis peccatis post hanc vitam. Ipsi etiam in Iudicio cui omnes sistuntur partes suas strenuè agunt, & nullo discrimine iustos quoque accusant de quocumque  
vel

vel leui lapsu, aut reatu. Sanè Religiosus ille, qui post mortem Sancto Bernardo apparuisse legitur, quatuor se traditum assererat à quibus dilaceraretur, quique illum mirè cruciabant: Sancti tamen precibus ab ijs liberatus fuit. Quod si verum, Iustitiæ locum esse Purgatorium tam crudeles, implacabilesque tortores satis demonstrant.

His addantur instrumenta, quæ non Clementiam, sed Iustitiam inibi *Instrumenta* sceptrum tenere confirmabunt: in *in-pœnarum.* instrumenta ad omnem lanienam aptissima. Frustra sim, si hic in catalogum conijciam vncos ad dilacerandum, pectines ad conuellendum, catenas ad constringendum, rotas ad confringendum, catastas ad extendendum; quæ passim in reuelationum tabulis occurrunt. Hæc siquidem & istiusmodi plura nō nisi figuratè, per translationē in Purgatorio animarum vsurpari indubitatum habemus. Non dilacerantur animæ, quibus nulla quantitatis est continuatio: non con-

C 5 uel-

uellantur, quibus est in puncto integritas : non stringuntur nexibus funium, quibus non est corporalis dimensio: non confringuntur, quibus quicquid est, totum est: non extenduntur, quibus spiritualis est constipatio. Sed horum omnium vim habet unum, quod omnibus in poenaltate inferenda antecellit, & in Purgatorio fomentum suum habet, Ignis.

IGNEM dum nomino, de signo, & vincum, qui animam in mille molestissimarum cogitationum partes dilaceret; & pectinem, qui in distortissimas imaginationum particulas diuellat; & catenam, quæ arctissimè, vt mouere se non possit, constringat; & rotam, quæ potentias dirè per minutissimas apprehensunculas, appetitiunculasque diffringat; & catastram, quæ ad poenarum acerbicatem, moræque penosissimæ longitudinem apprehendendam diducat, vt magis cruciet. Ignis præcipuum est in Purgatorio ad omnes cruciatus instrumentum: sed ignis, non, vt in hac vita, Miseri-  
seri-

IVSTITIÆ TRIBVNAL. 59

fericordiæ dissimulantis gelu temperatus, verùm immutabilis Iustitiæ rigore, furore ferè dixissem, Prophetica phrasi (*Domine ne in furore tuo arguas me*) accensus & inflammatus.

At qualis Ignis? Ignis verè materialis, ac corporeus, sed quæ rem merè immaterialem ac spiritum torqueat. Quid frequentius occurrit in visionum narrationibus, quàm purgatione egentium animas fluuijs ferrugineas piceasque vndas voluentibus innatare, mergi, in ijsque truculenter torqueri, nimirum

*Quando exercentur poenis, veterumque  
malorum*

*Supplicia expendunt.* —

Sed quonam corpus pacto in spiritum agit? Ignis in animam? Officij non satis memor essem mei, si hisce explicandis immorarer, & non assuetas Theologicis subtilitatibus teneras iuniorum aures tentarem, mentelque suspenderem. Alia contemplationes istæ subsellia, aliud tempus exigunt. Sat sit dicere, posse id ignem, veris quidem, sed miris modis.

Hoc Augustini est proloquium, cui  
*Aug. li. 21. de ciuis.* applaudo cum Theologorum Scho-  
 la. Cur enim non dicamus, quam-  
 uis miris, tamen veris modis etiam  
 Spiritus incorporeos posse poena  
 corporali ignis affligi? Adhærebunt  
 Spiritus corporeis ignibus crucian-  
 di accipientes ineffabilibus modis ab  
 ignibus poenas. Si modus Augustino  
 Eloquentiæ Magistro fuit ineffabilis,  
 quid nos balbutientes discipuli ultra  
*S. Greg. l. 4. Dial. c. 29.* argutamur, & conamur effari? Ex  
*igne visibili,* inquit Gregorius, *ardore,*  
*atque dolor inuisibilis trahitur.* Item-  
*que, per ignem corporeum mens incorpo-*  
*rea, etiam incorporea flamma crucia-*  
*tur.*

QVIS non horreat, dum ignem  
 illum concipit. Ignem efficacissi-  
 mum, vehementissimum, ardentis-  
 simum, cuius comparatione ignes  
 nostri fumariola quædam sunt, & car-  
 bonum umbra. Harum tamen vi & vr-  
 bes & nõ in frequetia regna absump-  
 ta sunt: harum violentia montes dissi-  
 lierunt: harum edacitate quicquid in  
 orbe:

in orbe ad perpetuitatem ab homine fabricatum deuoratur. Hæc exemplaria sunt ardentium, animasque æternitatis candidatas inuoluentium flammarum. Hæc missilia sunt, & præcurrentia iacula emendatorix illius, quæ semper in Purgatorio ardet, fornicis. Multa sunt ab hominibus excogitata suppliciorum instrumenta, sed nullum vehementioris doloris, nullum acutius, nullum acrius igne.

Quare apud omnes penè nationes obtinuit, vt ad grauissima scelera punienda, qualia imprimis hæresis, & Sodomia, adhibeatur ignis. Cuius in Purgatorio violentiam incredibilem vel ex eo colligas, quod eiusdem sit rationis cum eo qui in Inferno vrit. Quod verissimum esse censent Theologi. Quis autem ambigat illius acrimoniam, indeque ortam acerbiter omnes huius mundi cruciatus superare. An fortasse idcirco pænas inferni, animarum quæ purgantur vocat Ecclesia, celebri illa in Missæ defunctorum oratiuncula. *Libera eas de panis in-*

C. 7.

fornis

ferni & de profundo lacu: per pœnas enim inferni non malè intelliguntur Purgatorij, obeiusdem rationis instrumentum, ac cruciatum ab illo profectum.

*Iustitia  
spectat æ-  
qualita-  
tem.*

HAEC haud dubiè satis essent æstimatori rerum prudenti, vt sibi per suaderi pateretur, in Purgatorio Iustitiæ tribunal erectum esse, non Misericordiæ, aut Clementiæ. Sed non idcirco est reticendum, vnde noua, & fortasse dictis firmior probatio desumitur, quod vbi de æqualitate damni & commodi, dati & recepti, passi & repassi, ablati & redditi, delicti ac supplicij, denique de tanto & quanto agitur, ibi Iustitia decretorias leges scribat, ac ius dicat; ex quo secundum arithmeticam vel geometricam commensurationem, singulis, quod suum est admetiatur.

Est enim Iustitia virtus, quæ in his similibusque æqualitatem constituit. Ceterùm, quamuis pro peccato mortali, nulla ab homine possit præstari DEO, qui offensus est, satisfactio æqualis ac condigna, nulla secundum

æqu<sup>a</sup>

æqualitatem restitutio. In quo Doctores Theologi consentiunt. Quocirca in inferno quoque citra condignum fit puniatio. Pro venialibus tamen ab homine in gratia constituto, secundum omnem Iustitiæ rigorem potest fieri æqualis satisfactio. Qualis in Purgatorij carcere dependitur.

IN Purgatorio obtinet illa interrogatio, *Quantum debes domino meo?* Lucae xvi. 5. illud imperium, *Redde quod debes.* Matthæi xviii. 28. illud decretum, *Quantum glorificauerit se, & in delictis fuit, tantum date illi tormentum, & Iustum. Reddite illi, sicut & ipsa reddidit vobis: & duplicate duplicia secundum opera eius: in poculo, quo miscuit, miscete illi duplum.* In Purgatorij carcerem si semel Iudicis æquissimi sententia coniectus fueris, non exies inde donec reddas nouissimum quadrantem, ut est Lucae xii. vbi similitudo sumitur à debitore, qui ære dirutus, ob pecuniarium debitum trahitur & traditur in carcerem, & nisi ad nouissimum quadrantem, id est, minutissimam

mone,

In Purgatorio æqualis peccato aut reatu pena penditur.

monetam (obolum nos diceremus) creditori satisfaciat, detinetur.

Quapropter monet Christus, vt in hac vitâ cū DEO componamus, quando facile, tanquam in Misericordiæ officina impetramus remissionem pænæ peccatis debitæ: non expectemus autem seculum futurum, quando tanquam in foro Iustitiæ exigetur seuerissimè æqualitas, & solvendum erit. *Centupliciter, qua fuerunt his neglecta, redduntur in purgatorijs locis, inquit Bernardus, vsque ad nouissimum quadrantem.*

Hunc à te exiget DEVS creditor. Et antequam annuat, vt gratis quidpiam remittatur, donetur ve; ipse potius de suo ponet; ne Iustitiæ exactissimæ rigor in hoc loco violetur. Quod sanè nouum est caput probationis ad Iustitiæ solium in Purgatorio firmandum. Nam si singulis donec nouissimum quadrantem ex propria pecuniâ, id est, satisfactione persoluerent, in carcere Purgatorij manendum esset, profectò, secula voluerentur antequam euolarent.

Quare:

Quare permittitur, ut exhausti debi-  
tores isti, qui soluendo alioqui vix es-  
sent, Indulgentijs, seu pœnarum con-  
donatione iuuentur.

DICES fortasse, hoc Misericordi-  
am olere. At ego censebam id ipsum  
Iustitiam arguere: nec adhuc mutò  
sententiam, hac ductus ratione. Indul-  
gentia pro defunctis est applicatio  
meritorum Christi, pœnaliūque ip-  
sius operum; quæ conceditur in Purga-  
torio detentis, per modum suffragij,  
non autem per modum absolutionis.  
Siquidem non absoluit Pontifex de-  
functos à pœnis quemadmodum absol-  
uit viuentes, quoniam illi non sunt ei  
subiecti, ita ut sunt illi. Potest tamen,  
tanquam supremus dispensator the-  
sauri Ecclesiæ communicare bona ope-  
ra pœnalia, quæ in gaza Ecclesiastica  
ut summi Regis numi reconditi ser-  
uantur in istiusmodi vsus. Annò hoc  
est Iustitiæ? Coniicit Princeps in carce-  
rem villicum iniquitatis, debitorem,  
ob rationes conturbatas, decem milli-  
um, pronunciat, luendum esse vel in  
are, vel in cute grauissima hominem  
pœna.

pæna manet, si vsque ad nouissimum quadrantem refundenda sint ablata, vel detenta, quod Iustitia exigit. Quam ne violet creditor, partem pænæ ad se transfert; &, quod soluendû superest, ex suis per dispensatorem numerari imperat. Quid censes? putas ne Iustitiã hic magis interuenire, an Misericordiã?

Ego non dubitem pro Iustitia sententiam ferre. Ita veteribus quoque sapientia inclytis visum. Apud quos de Iustitia commendatur Zaleucus Locrensis, qui legem inter alias, tulerat, vt adulter oculis orbaretur, prudenter: nam considerabat pellucidos illos ac versatiles in omnem partem orbiculos ad illud crimen illices esse, vel duces. At ecce filius paullo post commisit facinus vtroque lumine ludentum, legis reum, pænæ quoque oportuit esse. Hanc tamen populus vniuersus, commiseratione Legislatoris, qui alium filium non habebat, & in gratiam patris remisit: sed hoc abnuente ac indignante: Lex, aiebat, sancta, & pæna etiam in nobis esto. Sed viam repperi, quã illã & Iustitia salua

salua

salua humanitati indulgēamus : Ipse  
& ego vnum sumus: mihi ergo vnus  
oculus, alter ipsi eruatur. Sua ergo  
prius, deinde filij oculo eruto nobili  
temperamento, humanitati ac proce-  
ribus satisfaciens Iustitiæ seuerita-  
tem sanxit. Eodem spectat exemplum  
Persæ.

Artaxerxes Persarum Rex, Longi-  
manus cognomento, identidem ob-  
sundebatur à Satibarzane gratioso  
satrapa in re quapiã iniusta, quam al-  
teri volebat impetratam. Ille tandem  
intellexit Satibarzanem viginti milli-  
bus Daricorum conductum vt à Rege  
obteneret. Vocat ad se igitur Satrapã,  
& Quæstorem, quem iubet illico illi  
adnumerare triginta millia. Hæc in-  
quiens cape à me & habe. Cũ enim de-  
dero nihil pauperior ero: at si illud  
cõcessero multo iniustior. Nimirũ ne  
Iustitiam violaret, ex suo dari voluit.

Iam verò Christus, vt Iustitiæ æqua-  
litas seruetur in Purgatorio, ex suo  
ærario bonam partem pendi iubet: &  
quadantenus pænarum partem luen-  
dam ipse sumit: quia pennis, quas hic  
colera-

tolerauerat satisfacit. An non hoc igitur Iustitiæ attribuendum est? Sed hæc omnia firmentur testimonio hominis, qui experienciâ doctus, veritatem dicere potuit, quod non dixerit, cur suspicemur?

SCRIBUNT illi, quibus apparitiones demortuorum cum fide ad posterostransmittere curæ fuit, cuiusdam familiaris sacræ religiosum, cum extremam sibi horam imminere animaduerteteret, enixè à sodalibus, qui circumstantabant, petiuisse, vt ultimam delictorum gratiam à domo Præsidi postularent, ne sine absolutione Ecclesiastica ad DEI tribunal transmitteretur. Quo minus voto ipsius satisfieret Abbatis absentia fuit in causa. Illo redeunte petitio eius, qui vixerat, exposita Abbatem sollicitum habuit. Qui eius animam, antequam terræ cadauer mandaretur, cum ante aram prostratus commendaret, ecce tibi fratris mortui umbra, aut spiritus, benedictionem, condonationemque postulans. Prolatis ab Abbate solennibus verbis, quibus post

post testatam DEI misericordiam ab-  
 solutionem dari mo est, pœnitentiæ  
 aliquod opus sibi iniungi postulat  
 Monachus. Hæsit Antistes, dubi-  
 tans, quam nam demortuo pœnitenti-  
 am perficiendam imponere posset.  
 Tandem, pro salutari, inquit pœniten-  
 tia in Purgatorio sit anima tua, donec  
 corpus (quod mox futurum erat) se-  
 pulchro inferatur. Quo audito, terri-  
 tus defunctus, lamentabili voce, quæ  
 amplissimi monasterij adyta persona-  
 bat, exclamavit: O sine misericordia  
 pœnitentia! Papæ! sine misericor-  
 dia. Profectò ni existimasset à Purga-  
 torio Misericordiam abesse, nun-  
 quam pœnitentiam in Purgatorio,  
 vnius fortasse horulæ spacio ex sol-  
 vendum pœnitentiam sine misericor-  
 dia vocasset. Itaque in Purgatorio  
 Iustitia sola rerum potiri videtur.

IAM nostræ partes sunt vt ad Iu-  
 stitiam supremi Iudicis conuersi, illâ  
 non modò supplicii prece, sed & larga  
 eleemosynarum distributone, cala-  
 mitosorum subleuatione, Sanctorum  
 inuocatione, quæque horum omnium  
 est ani-

est anima, vitæ sequioris seriâ correctione, virtutumque Christianarum repetitis officijs, beneuolam, propitiâque, nobis, amicis, ac benefactoribus nostris faciamus. De hoc omninò certi, si semel è vitæ huius statione, in qua Misericordia DEI super omnia opera eius discesserimus, & ad tenebri-  
cosos illos Iustitiæ carceres amandati fuerimus, non exiturum inde vllum, nisi vel grauissima secundum æqualitatem rigorosam satisfactione ex proprijs, vel priuatis amicorû, aut cõmunibus Ecclesiæ suffragijs adiusus, rationibus omnibus Iustitia præside putatis, reddiderit vsque ad nouissimum quadrantem. Credite, & caute.

---

## NOTÆ.

§. PHILLIPPVS II. Rex Hispaniarum filium habuit Carolum XXIII. annos natum, quem sic interiisse quidam ferunt Anno 1568. Mendoza anno 1567. Opmerus in Chron.

FILIVS

FILIVS ante DIEM patris In-  
qVIRIt In annos

*Franciscus Haraus Tomo 3. Belg. Cum ali-  
quamdiu in custodia fuisset, mense Iulio è  
vita sublatus est. Famiani Strada alia est  
narratio in Leone Belgico.*

§. ORIGENES. ] *De huius errore Epiphani-  
us epist. ad Ioann. Ierosolym. August. lib.  
21. de ciuit. cap. 17. & 27. Hier. in cap. 3.  
Iona. Gregor. lib. 9. Moral. cap. 45. & 46.  
item lib. 34. cap. 12. & 13.*

§. VIDIT Gallia. ] *Anno 1610. 14. Maij  
Parisijs in Ferroneria vico Henricus IV.  
à Francisco Rauiliach Engolismensi tru-  
cidatus est. 27. Maij pronuntiata exequu-  
tionique est mandata sententia. Petrus  
Matthai, alijque Historici.*

§. HOLLANDIA. ] *Anno 1584. 10. Iulij  
Balthasar Girardus Burgundus 27. an-  
nos. Principem Orangium sclopeto traie-  
cit. Historici varij, è quibus Franciscus  
Haraus lib. 3. tumult. Belgic. à viro Del-  
phensi fide digno se accepisse testatur.*

CHRISTOPHORVS Gama strenuus  
pro Lusitano Rege apud Indos dux, ter  
Mau-

Maurum Regem vicerat, fuderatque: sed nunquam magis victor, quam cum semel victus. Captum enim iussit Maurus, vt consanguineum, & alios septem magnates in prælio vulneratos applicito medicamine aliquo sanos integrosque redderet. Christophorus propinavit in potione virus. Sic subito in præsentia Regis exanimati omnes. Fremuit rabidus Barbarus. Siccine inquit medicaris Imperterritus Christophorus, Planè, inquit, anne & tu vis similiter à me opem & medicinam quærere. Iratus plus Maurus victoris ius admonens Christophorum rogat, quid de me victo, captoque fecisses? Amputarem, inquit caput tuum, & in Indiam mit terem: deinde in quattuor frustra te profecarem, vt in diuersis te locis in exemplum traducerem.

Idem, inquit Rex, de te constituam. Sauiisimis tamen cruciatibus illum prius exercuit. Caput ignito lebete, aut galea iussit operire: deinde plures corporis artus adurere: acus per vngulas transfigere: tergora ignitis forcipibus proscindere: postea multis  
alapis



alapis & opprobrijs obsonare patientiam inuictam: tandem manu ipse Rex sua sacrum illud caput impia securi resecurit. Nihil inter hæc Christophorus iterabat formido tua supplicia, miles CHRISTI sum & B. MARIAE. Deinde cadaver in quattuor partes sectum. Ioann. Eusebius Nierembergius in *historia natura, lib. 6. cap. 70.*

SERMO III.

PURGATORIUM  
videri Misericordiae theatrum.

*Numquid obliuiscetur misereri DEVS?  
aut continebit in ira sua misericordias  
suas?*

Psalmo LXXVI. 10.

*Multa flagella peccatoris: sperantem autem in Domino Misericordia circumdabit.*

Psalmo XXXI. 10.

*Lex Clementiae in lingua eius. Prouerb.  
XXXI. 26.*

D Mi-

*Misericordia & Veritas custodiunt  
Regem, & roboratur Clementia thro-  
nus eius. Prou. xx. 28.*

*Iudicium sine Misericordia illi, qui non fe-  
cit Misericordiam. Superexaltat au-  
tem Misericordia Iudicium. Iacobi  
II. 13.*

**H**OC anniuersario Animarum in  
pace quiescentium die, sit Be-  
nefactorum nostrorum memoria in  
benedictione, benè sit Amicis. benè  
Serenis. Principi MAXIMILIANO  
HENRICO, Præfecto Sodalitatis  
vivo. benè defunctis in Domino, &  
Parthenicæ Congregationis N. Bene-  
uolis. Pax cunctis à Domino, & æter-  
num benè viuere ac felicitas in luce  
Sanctorum. Benefactorum hic est ca-  
talogus. *Legatur.* —

Hos omnes, DEVS æterne, afflicto-  
rum solatium, in Te sperantes tua cir-  
cumdet Misericordia, de qua iam di-  
cere aggrediamur.

EA commentatione sacra, quam de  
Purgatorio anno superiore ex hoc  
ipso loco habuimus, initium datum  
fuit disceptationi paræneticæ, *An Purgatorium Iustitiæ potius, quàm Clementiæ*  
faw

*seu Misericordia theatrum nūcupari debeat?*

Et tunc quidem seuerioris DIVAE suscepto patrocinio, ita eius solium in pēnali illā regia firmasse visi sumus, vt Clementia veluti loco pulsa merito conqueri posse videatur. Neque sanē demortuorum illis spiritibus, qui sub torrida illa zona pēnis exercentur satis consultum esse potest, si excluso penitus Clementiæ moderamine, solius Iustitiæ, summum rigorem expetere solitæ satellitibus tradantur.

Verūm, nunquam mihi fuit consilium in Clementiam delinquere. Miseri sunt vndequaque, qui Misericordiam, quā nisi volente ac propitia nemo est felix, offendunt. Miseri profectō, quibus Misericordiæ deficit benignitas. Infelices, quibus solius Iustitiæ acerbiter experiri comingit. Neque animas illas electas, DEO quē dilectas, ad societatem Cælitum, post breuem moram, transferendas irritare expedit, nob. s̄que auersas, aut minus fauentes reddere. Quapropter hodie Misericordiæ, seu Clementiæ thronus

in Purgatorij ditione stabiliendus est. Nemo sibi persuadeat, nos seueritatis potius, quàm lenitatis tribunal exoptare. Scimus in conspectu seueri Iudicis non iustificari omnem viuentem: Misericordiam autem superexaltare iudicium. Illius ergo faueamus imperio: illi Aram, non Vindictæ, statuamus.

Et vos, Animæ electæ, si Iustitiæ præconium terruit, spem concipite, hodie Clementiæ litabimus: metum ponite, Misericordiam ad vos inducemus. Eius sensu vos saluto, sed verbis, quibus quondam Misericordiae Corculum Ioannes Electam Dominam & natos eius, quos diligebat in veritate.

2. Ioann. 3. *Sit vobis cum gratia, Misericordia, Pax à DEO Patre, & à IESV CHRISTO Filio Patris in caritate & veritate.*

Misericordiam & Clementiam esse virtutem. AIO Purgatorium Misericordiae, seu Clementiæ theatrum esse. Non lubet litigare de voce, si nullum rei sit certamen. Christianè loquimur, non Stoicè. Quam sectam dum humanitati fauet, amo & æstimodum crudelitati, despicio, & abominor. Christiani in sa-

cris

cris eloquijs Misericordiam & Clementiam, syllabis, non natura determinant. Vtroque vocabulo virtutem designant, cuius factus sit gratia, pax, remissio, venia. Nota sunt illa, in quibus vtriusque, sed alterutrius nomine expresso, est commendatio. *Misericordia & veritas custodiunt Regem, & reboratur Clementia thronus eius, Prouerb. xx. 28 Iudicium sine misericordia, id est, absque Clementia, illi qui non fecit misericordiam, Iacobi 2. 13. Multa flagella peccatoris, sperantem autem in Domino Misericordia circumdabit. Psalmo xxxi. 10.* Stoicis Misericordia est alterum extremum Clementiæ oppositum, quod nimia lenitas vocari potest.

Constituitur enim ab ijs Clementia inter Crudelitatem, & Lenitatem nimiam media, quam rectè describimus, cum Seneca lib. secundo de Clementia capite 3. *Temperantiam animi in potestate ulciscendi vel, si malis, Lenitatem superidris aduersus inferiorem in constituendis panis, & in remittendis.* Idem censetur esse munus Misericordiæ, quæ virtus, vt

*Clementia  
descriptio*

*Lib. 9. de  
ciuit. cap. 5.*

D 3

vt con.

vt conseruetur Iustitia, siue cum tribuitur indigenti, siue cum ignoscitur pœnitenti. *Clementia est moderatio aliquid ex meritis ac debita pœna remittens.* Atque ideo non est expectandum ad Clementiæ diuinæ commendationem, vt dicamus: In Purgatorio maculatas illas, ideoque supplicio addictas, & ad Superos adhelâtes animas, in igneis illis ergastulis tanquam ingeniâli toro detineri pœnarum expertes: vel quod ridiculè magis sed ore blasphemus deblaterant sectarij, quasi nostrum dogma: In Purgatorio, velut in itinerancium diuersorio, aut tabernâ vinaria transeuntes animas degustandum à pocillatore vinum accipere, vt iter hilariores conficiant.

NON sunt mihi credite, & ijs, qui experientia docti, ad nos inde redeunt, illo in loco molles ad delitiandum lectuli, ad quiescendum accubitus: non substernuntur carbones, tanquam plumæ, vel rosa fartæ inculcatæ que culcitæ, non obteguntur inibi degentes alijs, quàm flammârum toralibus: non molliores experiuntur, quàm saxo-  
rum

rum

rum puluinos. Torquentur *miris*, sed *veris* modis, & tamen Clementiæ theatrum Purgatorium esse dicimus. Si quidem Clementia Iustitiæ vindictivæ officium non excludit, sed asperitatem mitigat. Est Clementia gratia quædam ac condonatio, sed non plena aut perfecta; alioqui non distingueretur à venia, sed ex parte. Facit, ut mitior irrogetur pæna, quàm secundum rigorem irrogari posset.

PORRO mitigari contingit pænas vniuersè bifariam, extensionis nimirum & intensiõis rationibus temperatis, ac terminis accisis. Extensio latitudinem, longitudinemque complectitur. Latitudinem voco, dum ad plures partes, quod arctari posset, tormentum diffunditur. Longitudo est temporis duiturnitas. Intensio in acerbitate gravitateque supplicij consistit. Hanc mirum, quam multa temperent in Purgatorio. Summa aliquot capita indicasse satis fuerit. Horum primum sit, Certitudo de salute. Est enim iam dudum explosa è nostris scholis, non tam doctrina, quàm opinatio

*Mitigatio  
pænarum  
duplex.*

erronea quorundam, existimantium, animas in Purgatorie non solum non frui hac certitudine, verum in turbulento dubitationis sollicitæ freto circumferri, & perpetuis anxietatis fluctibus agitari: imò nonnunquam in desperationis scopulum impingere, eiqs adhærescere, ob grauissimos quos patiuntur dolores. Quem errorem Lutherus antequam Purgatorium prorsus negaret, complectebatur; ratus, illas animas verè desperare, & esse id grauissimum eorum peccatum.

Mitius aliquantulum alij pronuntiant, non desperare quidem, aut peccare; simpliciter tamen esse incertas de suo statu: & an sint perpetuò torquendæ, annon: imò, hanc maximam esse illarum pœnam existimant. Adducuntur ad hoc afferendum reuelationibus quibusdã, quas ex Petro Cluniacensi recêset Dionys. Carthusianus lib. de quattuor nouissimis, artic. 47. In quadam ex ijs inducitur Anima hæc proferens: *Scio, quia ante Iudicij diem veniam non obtinebo. an autem tunc, incertum habeo.* Deinde interpositis nonnullis

nullis

MISERICORD. THEATRVM. 81

nullis hæc subiunguntur. *Qui valiter torquebantur, communiter erant incerti an finaliter saluarentur, & quasi desperabiliter fluctuabant; qui in tormentis suis nihil existimabant irapanale, sicut incertitudinem indulgentia.*

Aliud habet sana Theologorum doctrina, cuius hoc est pronunciatum, Animas illas electas nulla irrationabili; ac præpostera anxietate vel impatientia pœnas inflictas perpeti, nullis perturbari doloribus, nullis concuti anxietatibus vt desperationi succumbant. Absit cogitare, tranquillis illis pectoribus vlllos, quamuis diros, sed meritos cruciatus patientiam extorquere. Valet hic quod à Sapiente vniuersim est dictum: *Non contristabit Iustum quicquid ei acciderit*, Prouerbiorum xii. id est, non perturbabit, non deiecto illum animo faciet; sed æquo feret omnia, probè sciens, non abique diuina prouidentia iustitiaque euenire, quæ patitur. Adde, securas certasque esse, tam de gratia diuina, quam amicitia Dei comitem habet, in qua sunt confirmata; tum de beatitudine indubiè consequenda: siue id habeant per scientiam

entiam intuitiuam euidentem, siue per nouas à DEO infusas menti imagines, siue per notitiam Theologicã ex principijs fidei deductam, siue per reuelationem, siue per viam aliquam aliam DEO haud incognitam.

Quantum autē pœnarum acerbitatem minuat, felicitatis arrhâ donatum esse, de eaque certissimò communicandæ securum agere, me tacete, quilibet intelligit. Date mihi aliquem, qui certitudinem habeat de salute, & beatitudine quam infallibiliter obtinebit: id est, certitudinē, cui falsum subesse nequeat, diuina reuelatione acceptam, & attestatione firmatam: huius autem contemplatione attentissimè fruatur, etiam si flammæ illum admoueas, flagellis dilanies, vncis dilaceres, rota confringas, in boue igne supposito conclusum habeas, medio trāquillus in igne ridebit, cantillabit, & fortasse cum Laurentio, iocabitur in craticula, & ad maiora audenda, si ita visum iudici, vel carnificem, vel elementa ipsa animabit, cælum cogitans.

Occur-

MISERICORDIA THEATRVM. 83

Occurreret frequenter inter crepitan-  
tes plagas, vel flammis illud, Ad pa-  
triam, ad patriam: recreabit istud, *Sic  
itur*: tandem perueniemus: hæc quon-  
dam meminisse iuuabit. Tantum de præ-  
narum sensu demit certitudo salutis,  
modò scias, quanti sit non posse exci-  
dere. Salutabat ille quondam adhuc  
spei dubius, salutabat tamen gaudens  
inter procellosa pelagi, illam, ob quã  
tam multis iactatus, iactabatur etiam-  
num regionem, exclamans identidem.  
*Italiam Italiam!* Quamuis igitur spes,  
quæ differtur, affligat, animam. si ta-  
men coniuncta sit certitudo, quæ dis-  
criminis securam faciat, illa, vt timo-  
rem contrarij expellit, ita mirum in  
modum recreat, facitque, quæ vide-  
bantur intolerabilia, per quam fa-  
cilia toleratu. Vt accidit animabus in  
Purgatorio.

QUARVM supplicium lenius quo-  
que facit Impeccabilitas, quæ magni  
caussa est solatiij. Existimamus enim  
iustorum animas purgatione tempo-  
ranea indigentes in ipso mortis mo-  
mento, ac separatione à corpore, ita  
in gratia ac bono confirmari, vt am-  
plius

*Impeccabi-  
litas ani-  
marum in  
Purgato-  
rio.*

plius peccare non possunt. Hanc autem firmitatem Clementia in Purgatorio operatur. Cùm enim inibi DEVM clarè non videant, vt beati: cùm natura sua non sint immutabiles: cùm ad infallibilem illam constantiam habitus aliquis ipsis communicatus non sufficiat: nec possit ab intrinseca aliqua perfectione siue habituali, siue actuali, vel naturali huiusmodi provenire perseverantia, necesse est dicere, sua illam perpetua protectione Misericordiam efficere.

*Visitatio,  
& consolatio  
ab Angelis.*

EIDEM adscribendum est, quod à bonis Angelis, & tutelaribus potissimum Animæ in Purgatorio visitentur, animentur, ac consolationem identidem accipiant. Multum sanè facit ad doloris acerbicatem remittendam fidelis amici confortatio.

*Hor. l. I.  
Ep. I.*

*Sunt verba & voces quibus hunc lenire  
dolorem.*

*Possis, & magnam morbi deponere partem.*

canebat ille. Id si valet in hominum evanidis ac nugacibus fabulamentis, an non locum habebit in solidis verissimisque cælitū adhortationibus, qui

NON

non emortua verba, mortalium more, spargunt, sed rem dare possunt, quæ animas voluptate iucundissimâ compleat. Videndos autem se dare bonos Angelos illis in Purgatorio æternitatis candidatis, cum ijsque suavissimè colloqui, si vlla fides reuelationibus habenda est, negari non potest.

NESCIO quas ferias ijs, quæ torquentur animabus adscribat Poëta Christianus Prudentius:

*Sunt & spiritibus; saepe nocentibus  
Pœnarum celebres sub styge feria.*

Si de damnatis in inferno loquitur, iudit, vt Poëtis mos est, quibus quidlibet audendi, loquendi que, imò fingendi nonnunquam æqua est potestas. Si de ijs, qui in Purgatorio, datur ne ijs vacatio aliqua & pœnarum intermissio, vt vires resumant, ac animosius deinde catastam subeant, & torqueantur. Suntne ijs in locis animabus, à supplicijs vt hic adolescentibus nostris hebdomade qualibet à studijs, remissionis dies? Non reor equidem: id enim ego non Clementiæ adscriberem, sed seueritati. Nam ad easdem pœnas redeundum esset, tem-

*Feria in  
Purgatorio  
Hym. de  
nouo lum.  
Paschar.  
Sabbat.*

pusque quo carendum beatitudine prolongaretur, quod ijs minimè optandum.

Quod autem aliqui disputant. Vtrum Purgatorij inquilinæ ante absolutam planè purgationem, inde ad tempus exire valeant, ad has ferias minimè spectat. Siquidem ridiculum esset, ac puerile, existimare, quamuis egredi permitterentur, à pænis liberatas esse. Sed quemadmodum Dæmones hoc in aëre dum vagantur, vel in hominum sunt corporibus, ignem secum deferunt; ita suas secum Animæ flammas deportarent, etiamsi quandoque subterraneo ergastulo non detinerentur. Quod tamen haud contingit, nisi DEO præter legem semel fixam, quidpiam indulgente.

*Feria Animarum*

Possunt igitur esse, & appellari Animarum ferix, consolationes illæ, quas tum Angelorum visitatione, in eaque colloquio recipiunt, tum ab hominum Sanctorumque in cælis regnantium precibus nonnunquam habent: ijs enim internum  
quen-

quendam delectationis motum, & nobis inexpertam hilaritudinem impetrari, ac pro ijs supplicantes mereri de congruo mihi sanè nullum est dubium.

QUANTVM autem illud est exag- *Dormire*  
geratæ in Purgatorio Clementiæ, & *in pace.*  
mitigatæ pænæ indicium, quod Ecclesia in Missæ Canone, in quo singula verba veritatis exactæ trutinâ librata sunt, dicat, eas in pace dormire ac quiescere, quod certè summam quandam lenitatem significat. Quid quod certis revelationibus constet, aliquarum in Purgatorio agentium animarum pænam tam esse exiguam, vt nihil penè pati videantur? Quales erant illæ, quæ vestibis albis indutæ visæ sunt in locis lucidis, & amænis, reor post tolerata in ignibus supplicia. De quibus V. Beda lib. v. historiæ cap. 13. nonnulla recenset.

Quid quod omniû pænæ, licet antea intensissimæ ita paullatim minuantur ac remittantur, vt tam sint modicæ, vt amplius vix remitti nequeat? Quod ex narratione D. Bernardi habetur in vita

S. Ma-

S. Malachia. Vbi scribit: oranti Episcopo pro sorore defunctâ, ipsam ter apparuisse: primò quidem in veste nigra, & extra Ecclesiam: secundò in subfuscâ, atque intra ecclesiam: tertio in veste alba ad ipsum altare cum Sanctis alijs. Ex quibus intellexit, animam sororis, paulatim remittentibus se poenis, ad finem purgationis venisse.

Quid quod quarundam tam velox sit transitus, vt se penè haud prius in Purgatorio esse, quam fuisse intelligant? illudque admirabundæ decantent: *Transiimus per ignem & aquam, & induxisti nos in refrigerium.* Nimirum, cogitat DEVS publicum se parentem esse. Et quemadmodum priuati illi parentes liberos peccantes nonnunquam castigant: interdum virgas tantum ostendunt, rati hoc satis esse poenarum, si instrumentum illarum vident, aut lenissimè sentiant, quo intelligant quid indulgens pater potuisset infligere. Haud secus ille facit aliquando & Clementiæ suæ obsequitur.

At-

ATQVE hæc quidem sunt quæ de-  
 monstrant Clementiæ locum esse in  
 Purgatorio, si poenarum intensiorem  
 spectemus, quæ per illam mitigatur  
 plurimum. Non minus autem ibi mu-  
 nus exercet illa suum in extensione  
 contrahenda. Et quidem imprimis  
 Clementiæ beneficium est, si dum Iu-  
 stitiæ æqualitas posceret diuersorum  
 membrorum cruciatum, vnius non  
 acerbissimâ poena satisfieri permit-  
 tat. Sic è contrario, crudelitatis est,  
 ultra, quàm leges præscribant, pœnam  
 extendere. Fertur in publicum latro-  
 nem multorum reum homicidiorum  
 sententia, vt ignitis forcipibus in  
 omni corporis parte, quæ musculo-  
 sa, & compacta carnis pulpa est valida  
 discerpatur, flagris concidatur, ignes  
 pectori admoueantur, dorso nouacu-  
 la, vt ex pelle ligulæ fiant, cruribus  
 rotâ, vt ossa confringantur penitus,  
 temporibus malleus, vt bouis instar,  
 concidat, ceteris membris carbones  
 igniti, vt in cineres bustum abeat.

Misericors iudex constingat tot  
 membrorum carnificinam, & vnius  
 alte-

*Extensio  
 poenarum.*

alteriusue membri cruciatu supplicium definiat, eo ipso Clementistitulum merebitur. Hanc poenarum adstrictionem Purgatorij propriam esse, lege à Clementia inibi imperitante latà, conuincit vnus tantum partis supplicium. Peccauit homo anima & corpore, hoc sæpe instigante, irritante, attrahente. Quis non videt, si coram Iustitiæ tribunali caussa ageretur vtrique æqualem quadantenus poenam infligi oportere: vt quantum, in delitijs fuit pellex caro, tantum cum proco & amatore suo tormenti perferat. Sed auctoritatem suam interponit sospitatrix Clementia, & Iustitiæ rigore temperato, corpus à poena eximit, modica complicitis animæ afflictione contenta.

*I. Caesar.*

**DEPRAEDICATVR** à profanis Iulij Cæsaris mitis in reos animos. Is captus à piratis, iurauerat sæpius, se cruci omnes subfixurum, si in potestatem redegisset. Redegit haud ita multo post: æstuabat tamen, quod crudele videretur, supplices in crucem

cem

cem agere, iurisiurandi autem religio veniam abnueret. In hoc certamine humanitatis ac fidei Clementia se mediam interposuit, & vtrique satisfaciendum hoc moderamine persuasit: iugulari prius posse, deinde suffigi. Hoc factum, & satis vtrique, neutrius violatione.

Crediderim equidem, si humana diuinis conferre, aut humanis diuina illustrare licet, & nostro more balbutire; cùm poenæ demeritis in suprema coelitem curia constituerentur, suasisse Amorem DEO, qui semper suorum est amans, & pater indulgens, vt mortalibus delictorum quorundam, quæ modica habentur, gratiam faceret, poena omni condonata: intercessisse Iustitiam, & nihil sine illius expiatione, qui deliquit, condonandum, disputasse: hominem ex corpore & animâ constantem, vtraque parte puniendum: animam non peccare solam, carnem sociam ferè semper esse; ac sæpe illicem. In hoc conflictu Amoris & Iustitiæ Misericordiam repperisse viam:

Ani-

Animæ supplicio Iustitiæ satisfaciendum, corporis exemptione Amori.

*Psal. 144.* Profectò, *Suavis est Dominus uniuersis, miserationes eius super omnia opera eius,*

*Sap. 11.* *Parcis omnibus, quoniam tua sunt Domine, qui amas animas. O quàm bonus, &*

*suavis est Domine, Spiritus tuus in omnibus!* Misericordiæ moderamine Iustitiæ satisfieri nullum est dubium.

Mitigat ergò Clementia, quam irrogare posset Iustitia poenam in Purgatorio, si latitudinem extensionis spectemus.

*Diuturnitas poenæ.*

*lib. 3. Reg. 14.*

N&C minus si longitudinem, siue diuturnitatem, quam contrahit, in multas alioquin annorum centurias procursuram. Est Clementiæ arctare in hac re terminos. Hoc titulo Clementiæ laudem meruit, ille Deo cœloque plenus Rex, qui cum Absalomus filius fratrem Amnonem proteruè ac crudeliter in conuiuio interfecisset, & triennio apud auum maternum in Syria exulasset, fractus, & misertus, cùm tempus extendere posset, reuocauit. Est quidem singulis in Purgatorium ablegatis, decreto diui-

diuino statutus mansionis eo in loco terminus. Nouit perbenè mēsurarum omnium, ac proportionum Dictator, quanti temporis supplicium, cuiusuis generis peccatorum piaculis respondeat; sed quā est lenitate, & in electas animas clementia, non præfigit limitem, quem, si summo iuris habenda esset ratio, Iustitia poneret; sed quem pangit Misericordia. Cuius est, admirandis inuentionibus tempus alioqui longissimum abbreviare. Quare attendite, quæso vos, diligenter, & Clementiæ, vel potius vobis, quibus aliquando per illam subueniendum erit, fauete.

NON omnes ego quidem abbreviandi modos commemorabo, id enim infinitum penè esset, sed aliquos tantum, qui magis ad institutum nostrum spectare videbuntur proferam. Principio, non probatur singularis illa Viri quamuis pij ac eruditi opinatio, neminem ultra decennium in Purgatorio detineri. Multo minus placeat; quod errorem sapit Lutheri, homi-

*Abbrenia-  
tio; ænarū*

hominis Inferno, quem admittit, quam Purgatorio, quod exhibet, magis fauentis, Purgatorium breuissimis lecti fatalis spacijs circumscribi, illiusque temporis momentaneo intervallo, ac morte terminari. Obstant utriusque persuasioni Patrum dicta, & reuelationes fide dignæ: licet non omnibus, quæ passim circumferuntur, absque iudicio fidem adhiberi velim; obstat denique ratio.

*Intensio  
compensat  
extensionē.*

Ille igitur abbreviandi modus fortasse alicui in mentem venit, quo poenarum duratio, ac cruciatuum extensio intensioe compensetur. Quod fieri posse nullum est dubium. Manendum esset alicui xxx. annis, sed in poena mediocri ut quattuor, phrasi philosophicâ: quantum augetur poenæ grauitas, tantum extensioni demitur. Crescat igitur, ut vnus hebdomadæ supplicium acerbissimum triginta annorum mediocri respondeat; finita illa septimanâ euolabit. Applauderem, si, quam certum est, illud fieri posse, tam nobis exploratum esset, Clementiæ decreto fieri: aut  
Mi-

Misericordiae potius, quam Iustitiae id  
 adscribendum esse; de quo haud im-  
 merito quis dubitet. Scio sentire *Suarez*  
 magnum ætatis nostræ Theologum, *disp. 48. de*  
 Sanctos, qui pro animabus Purgatorij *suffrag.*  
 orant, petere posse, earum vt liberatio *sect. 5. n. 9.*  
 acceleretur, etiamsi necesse sit, diutur-  
 nitatem temporis intensione pænarum  
 compensari. Verùm obseruat idem  
 benè, hoc commutationis genus,  
 quamuis aliquam gratiam contine-  
 re videatur, non tamen excludere  
 omninò æqualitatem Iustitiae. Ita-  
 que missis ambiguis, illud statua-  
 mus.

PROLIXAS Purgatorij pæ-  
 nas contrahi suffragiorum alienorum  
 repetitione: eas autem ad pæna-  
 rum remissionem, vel mitigationem  
 acceptari Clementiæ lenitatem ar-  
 guit. Imò, Iustitiae, inquis, se-  
 ueritatem; cùm nulla hic fiat gra-  
 tuita condonatio, sed in compen-  
 satione seruetur æqualitas. Scru-  
 pulum hunc eximet cognitio mo-  
 di, quo defunctorum animabus  
 profunt viuentium suffragia. Illud  
 in

*Suffragia  
 pro Defun-  
 ctis.*

in confesso est apud omnes, Suffragia prodesse posse in Purgatorio existentibus ad integram poenarum remissionem. Si quidem poena, quam debent animæ, cum finita sit, intensiue atque extensiue, per opus aliquod finitum compensari potest. In omni etiam finita poena certi sunt gradus. quocirca si remitti potest per suffragia, quod nemo negauerit, poterit omninò tolli: aut illa successiue multiplicando, aut simul in diuersis personis, aut ita augendo vnum idem que opus, vt multis operibus satisfactorijs, atque adeò toti poenæ æquiualeat.

I A M verò, quoniam duobus vijs ad poenarum remissionem, & abbreviationem perueniri potest: nempe, vel impetrando, vt gratis remittatur; vel soluendo & satisfaciendo pro alio quam debet, existimant non infimi subsellij Theologi, obtinere nonnunquam fideles à DEO, pro animabus sibi carorum gratuitam supplicij remissionem per medium impetrationis. Quod ad Clementiæ

*Caietan.  
Tom. 1. o-  
puscular.  
tractat. 16.*

mentia tribunal spectat. Quid enim in hac clementissimi Patris concessione, quod non sit eius bonitati consentaneum? An non sæpè à mitioris ingenij Principe, sine æquivalenti satisfactione, poenæ relaxatio impetratur? Et quo alio modo Beatæ Mentis, quas pro Purgatorij incolis supplicare iulula est ambigendi ratio, veniam postulant, & consequuntur? Cùm enim non sint amplius in satisfaciendi statu, impetrant, vt gratis fiat remissio. Quò tendit benigna mater Ecclesia, cùm frequenter DEVM orat, vt per suam pijsimam misericordiam à tormentis piorum animas à poenis eripiat.

SED sit ita, vt volunt nonnulli huius temporis præclari Theologi: nunquam poenarum condonationem elargiri DEVM in Purgatorio *Suarez sect. 5. n. 5.* detentis: nisi satisfactione pro ijs oblatâ, adhuc contendere non verbor, cum multis; illam ipsam satisfactionem acceptare, esse Misericordiam; addunt aliqui, & quidem Misericordiam solius, vt Iustitiam excludant: sed ego satis habeam, si ad-

E iun-

iungere particulam, *potissimum* liceat neque enim est animus Iustitiæ exilium indicere. Augetur in hoc capite Clementia eo titulo, quod non interueniente Iustitiæ æqualitate, pactis conuentisque stetur fideliter, & infallibiliter oblata profint suffragia: si non omnibus, quod tamen plurimi admittunt, non sine magna probabilitatis specie, certè aliquibus, atque ijs præsertim, quæ dum mortalitate adhuc circumdatæ essent, singulari quodam affectu erga illius loci captiuas ferebantur, easque ope sua iuuare studebant.

*Genera  
suffragiorum  
tria.*

AD HÆC, in singulis suffragiorum generibus, quibus pœna vel abbreviatur, vel omninò tollitur singularem animaduertere licet Clementiæ lenitatem. Tria sunt suffragiorum capita: *Incruentum Misse sacrificium, Oratio, & Opera* quælibet pœnalia & satisfactoria, vt eleemosynæ, ieiunia, peregrinationes, ac similia; quibus *Indulgentia* accenseri solent, quæ sunt applicatio satisfactorum, siue operum pœnaliū Christi, ac

ac Sanctorum, ut profint defunctis. *Orationibus* inquit D. Augustinus, Sermone xxxii. de verbis Apostoli. *Sancta Ecclesia, & sacrificio saluari, non est dubium mortuos adiuuari.* Oratio autem non tantum ut opus laboriosum est, verum etiam, ut est impetratoria, quod orationi est proprium, prodest non parum ex Clementia decreto. Quanta benignitas, Sacrificio, cuius infinitus est valor, si pro defunctis offeratur, infallibilem effectum, poenaeque remissionem tribuisse; Quid autem aliud est, Indulgentiarum distributio, quam numerorum (hoc exemplo utendum ad vulgi caput) quibus talentorum aliquot debitum ad nouissimum vsque quadrantem persoluatur.

Nimirum, tu fortunis priuatus omnibus, post dilapidatam substantiam, innumera contraxisti nomina, nec soluendo esses, nisi quae supersunt alicubi, diuenditis, pellem etiam poneres, ac in pistrino multos annos circumagereris scuticque expositus. Tui misertus creditor numos non ad

census, non ad vsuram concedit, sed donat, vt syngraphas recipias, & tu de summa Clementia apud tam clementem controuersiam moueres? Idem in Purgatorio accidit, & non exclamas: Viuit, viuat in ignibus Clementia.

V I S aliud huic rei accommodatum exemplum? Decretum est iudici criminibus id postulantibus, te ad infame lignum condemnare. fies haud dubiè non longa littera, sed columna pendula, extenderis ad tres pedes, quo maior appareas: attenuaberis, vt omnia in corpore per cutem, tanquam per specularem materiam fiant pellucida. lata est sententia, vt flagris dilanieris à vertice ad calcaneum, quo vnum vulnus fias: deinde in testulis roteris, torrearis, frixeris, concidaris, tandemque totus incinrescas igni iniectus. At mox, qui iudex antea, personam ponit cum nomine, & patrem induit: sententiam tamen non mutat, nisi quod alterius, æqualia pro te pati volentis, supplicium, in tui gratiam se accepturum teste.

testetur, modò sit, qui se offerat.

A T omnes refugiunt, sui magis, quàm tui memores. Tunc ille idem & iudex & pater pius, nunc quoque tu alter, tibi decretà tormenta in se suscipit, vt tu libertatem consequaris; & non animaduertis in hominis illius animà imperantis Clementiæ potentiam? Simile quid contingit, cum CHRISTI parentis indulgentissimi, ac Sanctorum passio- nibus per Indulgentiàs applicatis à poena liberantur defunctorum ani- mæ: & non cernis in Purgatorio lon- gè lateque dominantem Clementiam? non iuuat accinere, regnat, regnet io- semper in Purgatorio Misericordia!

OSTENDAM idem clarissimè ad popularem intelligentiam. Condonato tibi, vt quondam parricidæ Absaloni, mitissimi patris affectu parricidij crimine, exilij in inferno perpetui remissione facta, temporanea superest luenda poena, conspectu Regis carendum: & qui ex ea orbitate dolor moestitudo, cruciatus, lacrymæ ferenda: nec spes est admissionis, nisi

exacto triennij curriculo. Hinc  
 cui misertus non nemo è Palatino-  
 rum numero, quid si sit Principis  
 Alius vnicè dilectus, patris delitiæ  
 ac hæres? sacco induitur, intonsam  
 demittit cæsariem, funem, vt reus,  
 torquis vice, collo applicat, nudis pe-  
 dibus, vdis oculis, diffibulato tho-  
 race, in nodum coactis manibus, scissa  
 tunica, illuic squalidus ad Regem  
 ingreditur, ad genua accidit, eaque  
 amplexatur, rogat, supplicat, obte-  
 statur, voce, gemitu, suspirijs; regi-  
 am clementiam, paternum pectus,  
 Principis misericordiam inuocat,  
 sortem acerbam miseratus eius, cui  
 facinus iam condonatum, diuturnita-  
 tem temporis, quo optatissimo heri  
 conspectu frui non licet, incidat: hanc  
 filij longè carissimi solitudinem, hæc  
 poenæ voluntariæ documenta multi-  
 plicia, has preces, lacrymas, dolores,  
 ac gemitus compensationis loco acci-  
 piat.

POSSET hic dicere pater, si chaly-  
 bem haberet circa pectus, ac iustitiam  
 tantum spectaret, dentem pro dente,

OCU-

oculum pro oculo , pellem pro pelle:  
 anima quæ peccauerit , ipsa patiatur,  
 donec satisfaciat , quid frustra affli-  
 geris? Sed mitior DEVS , qui magis,  
 quàm ille nomine etiam Mitio , tum  
 quoque mitis est , cùm punit & ob-  
 iurgat, in satisfactionem accipit, quæ  
 offeruntur pro alienis debitis : & du-  
 bitas an in Purgatorio imperet Mife-  
 ricordia? Acclamemus omnes, ô Do-  
 minum mitem ac clementem!

SI inter homines fuerunt non-  
 nulli tanta animi clementia , vt vin-  
 dicare potuisse contenti, dum in ma-  
 nibus fuerunt hostes vindictam remi-  
 sere: quid sentiendû de DEO, cui pro-  
 priû est misereri se per & parcere, idq;  
 erga amicos & filios, quales sût omnes,  
 qui in Purgatorio detinêtur? Apud RO-  
 manos commendatur M. Bibulus. Hu-  
 ius duos filios præstantissimæ in-  
 dolis , cum in Syria Proconsul ipse  
 ageret, Gabianini milites in Aegyp-  
 to per sæuitiam , ac proteruiam in-  
 terfecerant. Hos Cleopatra Regina  
 iustam iram viri principis veri-  
 ta , comprehensos ad ipsum misit  
 E 4 arbi

arbitrio eius puniendos. At ille, quamuis in recenti dolore, patrem, & quod fortasse alicui in mentem veniat, hominem exiit, vt humanitatem erga noxios retineret, ac sepositâ omni vltione, eosdem ad Cleopatram: intactos remisit, sat habens, vindicare potuisse. Quid de Christo iudicem, qui totus quantus est lenitas ac beneficentia?

Quanta illa fuit Clementia Octavianum Cæsaris, qui, dum Diomedem dispensatorem suum comitem haberet, & repêtè ferus aper in eos incurreret, seruus Dominum suum oijcibens, manibusque propellens post eum latuit. Atque Augustus quidem fato, aut animositate sua seruatus fuit. Sed & dispensatori ignouit, nec vindictam sumpsit cum posset, timori potius temerarium istud factum, quam noxæ adscribens. An existimamus DEVM homini in Clementiæ perfectione cedere?

*Obiectio.*

AT enim, nescio, quis mihi grauis & intempestiuus à tergo monitor aurem velit importunè: & heus tu, quò

tu, quò tandem inquit, vide, ne dum  
 DEVM, vt misericordem extollis, in-  
 iustum facias. Caue, his Clementiæ  
 haustris breui Purgatorium euacua-  
 bis. Nihil te delicatæ quorundam  
 aures, nihil exasciata doctorum vi-  
 rorum iudicia, nihil Theologicus  
 rigor commouet? Nihil me magno-  
 perè ista, vel alios perturbare de-  
 bent. Nondum sententiam tuli de re  
 tota. Iustitiam deprædicare nuper,  
 nunc Misericordiæ partes tueri est  
 propositum: alio tempore vtramque  
 conciliabimus & nectemus.

Sed vtinam non tam ego verborum  
 deprædicatione, quàm vos mecum  
 pænalium operum multiplicatione  
 pro electis in Purgatorio animabus,  
 diuinæ Clementiæ refertos libellos  
 supplices offerremus hodie, & no-  
 biscum orbis Christianus vniuersus,  
 fortasse crastina die mera esset solitu-  
 do & eremus Purgatorium, ignibus  
 plenum, hominibus vacuum. Sed  
 optare hoc licet, sperare, pro-  
 pudiosa mortalium ignauia, & ad  
 E s. satis

satisfaciendum pro se quoque, ne-  
dum pro alijs, tarditas vetat.

ILLVD tamen non est reti-  
cendum: Clementia, quam in Purga-  
torio potestate fungi probatum  
imus, inexhaustam liberalitatem ne,  
an lenitatem consideranti, in men-  
tem venisse dubitare: An non ali-  
quando, ac hoc potissimum die, o-  
mnibus in illo carcere conclusis ani-  
mabus euolandi potestatem faciat,  
sicque locus ille torturæ destinatus,  
nullos, qui crucientur aliquando ha-  
beat, quod ad Clementiæ folium ibi  
stabiliendum haud parum esset oppor-  
tunum. Sunt autem in hanc partem  
aientem præsidia minimè contem-  
nenda.

NAM vt omittamus, quod  
incertum est, Christo Domino de-  
uicta morte ad Inferos migrante, o-  
mnes fidelium, ac sibi carorum ani-  
mas, quæ in subterraneis locis eo tem-  
pore delitescabant, visitasse primùm,  
deinde eduxisse, vt & ipsæ trium-  
phalem Christi pompam adornarent,  
& in

& in cœli arces inueherentur. Si-  
quidem Rege recens inaugurato, aut  
carceres visitante Principe, nullus  
esse solet, cuius compedes ad bene-  
uolum Solis illius aspectum non col-  
liquefiant quodammodo ac diffuant.  
Sed ut hoc (quod aiebam) linguamus  
in medio, perpendite mecum accura-  
tè pauca hæc.

Imprimis, ex immenso penè il-  
lo quotidie nascentium, denatorum-  
que numero ad Purgatorium non de-  
mandari vllum infidelem, idolola-  
tram, Mahometanum, hæreticum. Hos  
aliud manet apud inferos diuerso-  
rium, Purgatorio, haud paullo, si  
non feruentius (nam eiusdem gene-  
ris ignem utrobique vigere volunt  
Theologi) certè diuturnius, quippè  
æternum. Deinde è fidelium Chri-  
stianorum cœtu, quantulus autem  
ille est ad numerosam illam foecem?)  
nemini Purgatorium obuenire, qui  
nō ab omni noxiâ lethali liber in gra-  
tia & amicitia D E I hinc emigra-  
uerit. Horum verò quanta paucitas

1. Petr.  
4. 18.

Horreo dicere, si sanctissimi Præfulis Chrysofomi sensu sit loquendum. In hoc nostro numero, qui sat magnus pro loci conditione, & temporis, fortasse pauci sunt, quibus Purgatorij fiet gratia. Nam *iustus vix saluabitur*, de quo dubitat nemo nisi infidelis, cum sit pronunciatum Petri Apostoli. At quàm pauci? Quæso vos nolite sciscitari. Si quæ in animo versantur, omnia promerem, offensio mihi expectanda esset rudium quorundam diuinæ arithmeticæ calculis ponendæ. Sat sit dicere, paucas esse videri. Quot sint dicere non attinet, ne in alterutram partem, aut in considerata seueritas in me reprehendatur, aut veritas odium pariat.

*Sacrificiorum mil-  
lia.*

NOTÆ.

I A M verò multa millia sacrificiorum cotidie, & hac præsertim luce, pro animarum indigentia, siue certarum, siue vniuersim & vagè, DEO tamen signatè notarum, offeruntur. Sacrificium autem Christianum, pro animabus oblatum, infallibilem habet ex opere operato, vt loquuntur Theologi effectum: quem nulla

nulla ministri sacrificantis indignitas,  
modò necessaria adhibeantur, nullum  
demeritum, nulla possit impedire  
improbitas.

Adde satisfactionum tum Christi  
Domini imprimis, tum Sanctorum,  
thesaurum omni ex parte infinitum,  
qui per Indulgentias Pontificia aucto-  
ritate communicatas applicatus. Qua  
applicatione factâ, solui ad æqualita-  
tem animarum debitum, atque idcirco  
illas infallibiliter liberari, magno-  
rum in sacrâ doctrina Magistrorum  
est consensus. Adde altarium in omni-  
bus pene basilicis quorundam à supre-  
ma potestate profectam benedictio-  
nem peculiarem, qua fit, alijs ad eam  
rem necessarijs non deficientibus, ut  
vnius sacræ hostiæ litatione, toties,  
quoties, anima à pænis eruatur.

Adde Priuilegia Religiosorum  
multorum, quibus concessum à CHRIS-  
TI Vicario, condonationum istiusmo-  
di dispensatore, ut vel psalmi quin-  
quagesimi, à prima voce *Miserere* cele-  
berrimi, vel alia comprecatione, ante  
icunculas sacras profusa, vel simili  
E 7 pietatis.

## HO PURGATORIUM

pietatis officio, animam vnam è flammis eripiant. Adde, tot DEO carissimorum in claustris degentiù assiduas pro caris sibi, in Purgatorio agentibus corporis afflictationes, ieiunia, flagella, cilitia, vigilias. Adde, priuatorum suffragia, orationes, elemosynas, supplicationes, lacrymas.

Adde Sanctorum, non Angelorum modò, sed & hominum cum Christo regnantium preces, atque intercessionesefficacissimas: quibus, vel gratuitam liberationem obtinent; vel, vt superabundantes satisfactio-nes, à se susceptæ, dum inter mortales agerent, animabus applicentur, rogant; vel ab alijs eadem felicitate fruentibus Diuis postulant, vt proprias satisfactio-nes animabus quibusdam adscribi patiantur. Adde denique, Ecclesiæ vniuersæ matris benignissimæ, & nunquam non pro suis in caritate decedentibus sollicitæ communes obsecrationes, siue inter liturgiæ solennes ceremonias, siue in diurnis, nocturnisque psalmodijs profusus.

HAC

Hæc simul iunge, & Clementiam præfidere cogita, adfirmare ausim, venturum tibi in mentem, fieri vix posse, quin Purgatorium non rarò, & maxime *Commemorationis animarum* die sacro, enacuetur. Nam si tam paucis in Purgatorio locus conceditur, tam autem multa, certa, infallibilia, ad euocandas inde animas suppetunt remedia, videri posset facillimum esse, omnibus ibi commorantibus liberationem impetrare. Quod in Clementiæ regno non debet videri rationi minus consentaneum. Rationem in te eorum, qui in hac vrbe probabili coniecturâ benè ac feliciter vitam suam finiunt, tum sacrificiorum, suffragiorum, orationum, quas pro defunctis fundi hac ipsa in vrbe, vel à solis Ecclesiasticis certum est, fiet sanè admodum verisimile, non tot quotidie decedere, quot officia infallibilem pænæ remissionem postulantia frequentantur.

QVOD si de singulis animabus instituat sermo, quam diu in Purgatorio moram traher existimatis vnam, pro cuius vnus liberatione, decē  
aut

*Religiosorum officia  
pro defunctis  
Bis.*

aut viginti, sæpius etiam plurium sacrificiorum millia à religiosissimis, DEOQUE gratissimis Sacerdotibus repræsentantur, addita potestate, per quodlibet animam è Purgatorio educendi. Statuere ego non possum DEO soli nota. Sanè hoc nomine felices sæpe æstimare soleo, Monasteriorum, Collegiorum-ue sacrorum fundatores, quibus tam varia post mortem donec mundus stabit manent subsidia.

SOCIETATIS  
IESU in  
benefactores  
gratias  
agendo.

Quid in alijs DEO sacratis familijs fieri soleat, ignoro: de hac nostra affirmare possū, quod quidā festiuè protulit; videri, sed verè protulit: IESUITAS omnes fundatorū, ac benefactorū suorū Sacellanos esse: ita perpetuò ferè pro ijs sacrificāt, & orant. Sic se res habet. Qui quadraginta annis aut pluribus in Societate nostra sacris initiatus vixit, pluries pro ijs, quàm pro se sacrificauit. Licet enim obligatione vlla, quæ iustitiæ debitum pariat, adstringi nos non patiamur; plura tamen liberaliter damus, quàm à nobis exigi etiam à sordidissimo possent. Gratis date volumus, quæ gratis accipimus.

cepimus: hoc profitemur: ita apud nos sancitum: in id consensimus, cum nomen religioni dedimus.

BENE sit Inuictissimi, dum vixit nobiscum Imperatoris RODOLPHI II. animæ. pax illi à Domino, & æterna gloria ac felicitas in luce Sanctorum, à cuius obitu superioribus annis tanquam trium domiciliorum nostri Ordinis Fundatoris, nouem omnino sacra à quolibet Sacerdote è nostris per mundum vniuersum, ne quidem Iapone ac Sinis exceptis, dicta sunt: dicentur autem in dotatis ab eo Collegijs, quot hebdomadis aliquot, quam diu ordo iste florebit: nimirum, ad consumationem seculi, vt speramus, ac vouemus.

PLURA diximus, & dicemus, quam diu SOCIETAS stabit, pro FERDINANDO II. verè illius Patre amantissimo & munificentissimo, qui erexit nobis noua domicilia non pauciora quàm decem: Domos Professas duas, alteram Viennæ, alteram Pragæ. Domos Probationis totidem, Leobij & Viennæ. Collegia sex: Labacense in Carnio-

Anno  
1612.  
10. Ianuar.  
RODOLPHVS  
II.

Guilhel.  
Lamor-  
maini in  
Ferdinanda  
do II. cap.  
25.

Carniola, Clagenfurtense in Carinthia, Goritiense in Foro-Julio, Ructenbergense, & Lithomiriense in Bohemia, & in Silesia Glogouienne.

**HENRI-  
CVS IV.**

Anno

1609.

14. Maij.

**HENRICI IV.** Magni, Gallie & Nauarra Regis gloriosi memoria sit in benedictione, cuius generosissimum pectus, postquam feralis sica transfixit. **O** facinus detestandum! illi, ut Fundatori liberalissimo, & Parenti beneficentissimo, sex votiuia sacrificia per vniuersum orbem Sacerdotes nostri omnes obtulerunt, & nunquam non, gratitudinis ergo, offerent.

*Serm. 43.*

HIC non est silentio inuoluendum, quod habet Cancellarius Parisiensis Ioannes Gerson commentario in Canticum, *Magnificat*, quem laudat Raulinus tomo 2. de Sanctis. Pie, inquit ille, creditur, DEI privilegio in Virginis Assumptione euacuatum esse Purgatorium. Dum enim Princeps coronatur, aperiuntur carceres; quanto magis in coronatione DEI PARAT

*Obijt anno*

1072.

Multum etiam ad rem nostram facit quod B. Petrus Damiani Cardinalis narrat

MISERICORD. THEATR. IIY

narrat libro tertio epistolarum, epistola vltima. Mulierem quandam Romæ defunctam alteri apparuisse, nocte Assumptionis Marianæ, cumque ab eâ quæreret, quemadmodum haberet: vsque hodiè, inquit, non leuis me pæna cruciauit: At hodie Regina Cali pro nobis preces fudit, meque cum multis alijs de locis pænalibus liberavit, totque inde eripuit, vt numerum totius Romanæ plebis excedat. Cùmque de rei veritate dubitaret mulier altera: Scito me, inquit, in signum veritatis, quam tibi modò aperui, te hac ipsa die post annum morituram. Quod factum est.

AN non hæc sat multa sunt & efficacia ad Misericordiæ sedem in Purgatorio stabiliendam? Verùm de toto hoc genere quid exertè sit statuendum, non ante enunciabimus, quàm lata maturrimè sententia disceptationi eatenus dubiæ finem imponemus. Fluctuare me facit aliquantulū Thomas Aquinas, vir, qui tum in *Omni Theologiâ*, tū in hac potissimū  
de

S Tho. 4.  
d. 45 q. 3.  
ar. 3. in 6.  
Suppl q.  
72. art.

de Purgatorio controuersia, solidis nititur fundamentis, nec facile aurem friuolis quibusdam muliercularum reuelatiunculis, ab Ecclesia non probatis, multo minus improbatis accommodare solet. Is quodam loco quaerit; *An Orationes Sanctorum pro nobis factae semper exaudiantur?* Tum ita disputat.

Orationes totius caelestis curiae, si aliquid impetrare possent, efficaciores essent, quam omnia Ecclesiae militantis suffragia. At multiplicatis Ecclesiae militantis suffragijs pro aliquo in Purgatorio existente, totaliter absolueretur à pena: Cum igitur Sancti, qui sunt in patria eodem modo orent pro ijs, qui sunt in Purgatorio, sicut pro nobis, si nobis aliquid impetrant, illos profecto, qui sunt in Purgatorio totaliter orationes eorum à pena absoluent. Quod falsum est, quia sic suffragia Ecclesiae pro defunctis facta essent superflua.

HVIC obiectiuuculae satisfacere conatur dissimilitudine quadam, qua inter suffragia Ecclesiae militantis, & trium-

triumphantis constituit. Nimirum, quod suffragia hominum in terris viventium pro defunctis sint quasi satisfactiones quædam mortuis donatæ, atque ita illos à pæna absoluant. At Sancti, qui sunt in patria, non sunt in statu satisfaciendi: ideo non est simile de eorum orationibus, ac suffragijs Ecclesiæ.

Dissimilitudinem capio, inquis, illud nondum: Quomodo Sanctorum cum Christo regnantium præces, quæ efficaciores sunt, quam hominum in terris agentium, multis imperfectio- nibus implicatorum, & frequentius, ac feruentius profunduntur, siue illæ gratuitam pænarum remissionem, siue satisfactionum applicationem impetrent, adiunctis viventium & Ecclesiæ totius innumeris suffragijs Purgatorij euacuationem, si Clementia ibi præsidet, non obtineant. Hoc si non capis, sustine, in Clementiæ admirationem à Iustitiæ consortio nunquam auulsæ absorptus. *Quis nouit sensum Domini, aut quis consiliarius eius fuit?*

Roman. xxi

34.

ILLVD

ILLVD interim apud te fixum maneat, quod satis superque probatum est hodie: In Purgatorio Misericordiam superexaltare iudicium, & miris modis pœnam peccatis debitam mitigare, siue intensionem spectes, siue extensionem. Id multis contingere haud est dubium. De omnibus idem adfirmare quis audeat? cùm non pauci inter mortales reperiantur, suæ & aliorum salutis immemores, rigidi, tenaces, auari, sordidi, inhumani, sine commiserationis affectu erga pauperes, & necessitate extrema laborantes. Qui neque eleemosynarum largitione, neque orationum frequentatione, neque operum pœnalarum exhibitione, neque vllis Christiani hominis officijs vel viuentibus, vel in Domino defunctis, & opem mortalium, misericordiae assidua imploratione flagitantibus subuenire solent. Viri non misericordiarum, sed crudelitatum. At sibi caueant; quia iudicium sine misericordia illi, qui non fecerit misericordiam.

NOTÆ.

## NOTÆ.

S. MILLIA Sacrificiorum pro defunctis.] PHILIPPVS III. Rex Catholicus, post obitum Coniugis Margarete Austriacæ, ipso exequiarum die in sola urbe Madritensi, curauit fieri Sacra mille Septingenta: ex quibus ducenta octoginta ad Aras expiatrix, sine Præuilegiatas; & quinquaginta quatuor fuere solennia. Deinde, præter mille piacularia sacrificia, de quibus agebatur in testamento, curauit Rex alia fieri *vinginti milia*. Gusman in vita Margarete Austriacæ p. 3. cap. 3.

ISABELLA Clara Eugenia Infans Hispaniarum profuncto coniuge suo Alberto Pio imperauit celebrari Sacrorum quadraginta millia, ac per triginta continenter dies astitit ipsa quotidie sacris decem. F. Iacobus Courvvoisser in Manso-læo.

FERDINANDVS Elector Coloniensis, mortua Colonia Maria Medicæ Gallie Regina, Anno 1642. 3. Iulij, ut in extremis agentis desiderio ac petiti-

petitioni satisfaceret, simulque testamentariis tabulis, sex Missarum millia in Ciuitate Coloniensi fieri quam primum mandauit, quibus addita fuere plura alia.

MAXIMILIANVS Elector Bauaria erexit Monechij Catum Anno 1615. cui nomen Archifraternitas Fidelium Animarum, Pontificijs indulgentijs aucta, & tribus Aris piacularibus, seu Priuilegiatu honorata. In ea operantur sacris quotidianis viginti aut triginta Sacerdotes. Excipe festos, & Dominicos & Luna dies; ut alijs etiam templis sua pietas constet. Complures alij Sacerdotes eo se conferunt, & eodem loco multa istiusmodi Sacrificia curantur. Anno 1627. septem millia ducenta & decem sacrificia numerata sunt. Anno 1628. quingenta ac nouendecim supra quinque millia. Ieremias Drexelius in epistola manuscripta An. 1629 3. Sept.

Anno 1637. Brugis Flandrorum apud PP. Augustinianos instituta est Congregatio ab Episcopo in subsidium Animarum, qua ad id Ara expiatrix pluribusque Indulgentijs ditata est, ac legibus stabilita. Iudocus Andries in Purgatorio catholice asserto, tract. 4.

Anno 984. Sodalitas Roma conflata est partim ex Sacerdotibus, partim ex Episcopis,  
eo con-

MISERICORD. THEATRUM. 121

eo consilio ac fine, ut post obitum singuli So-  
daliū mutuo sacrificijs iuuarentur. Hu-  
ius Instituti etiamnum superest in Diaconio  
SS. Cosma & Damiani monumentum in ta-  
bula marmorea incisum, ubi ista leguntur:  
Constat, dilectissimi Fratres, de pro-  
missione, quam ex corde fecimus co-  
ram DEO & Sanctis eius, ut vnusquis-  
que nostrum, Fratres, Sacerdotes, &  
Episcopi, & posteri nostri Sacerdo-  
tes, in perpetuum, qualiscumque ex  
hac luce migrauerit, quadraginta Mis-  
sas pro eius Anima, per vnumquem-  
que Sacerdotem, qui superstites sint,  
canere promissimus. Ista promissio fa-  
cta fuit ante Sacrosanctum altare,  
tempore Ioannis xiv. Papæ, mense Fe-  
bruarij die xxii. Indictione xii. Anno  
Dominicæ Incarnationis 984. *Cesar*  
*Baronius. Tom. 10. Annal.*

Fuit Persona quadam ita addicta substi-  
dijs Animarum in Purgatorio, ut inter pia  
legata constituerit, centum Sacra, ut fierent,  
pro Anima illa, qua diutissime arsisset. Toti-  
dem pro alia, cuius homines minimè memi-  
nissent. Iterum, centum pro Anima, qua mi-  
nimum DEO deberet. Denique, totidem pro  
ea, qua plurimo apud DEVM are teneretur.

F

Libel-

Libellus, MARIA Patrona fidel. Animarum.

*Roma celebris est Confraternitas. B. Virginis de suffragio pro Animabus in Purgatorio existentibus, quam Anno 1603. Clemens VIII. Pontifex M. confirmavit.*

*Huc spectant exempla earum Animarum, qua ex Purgatorio liberata. I. Per sacrificia & sacram communionem. II. Per opera varia satisfactoria viventium. III. Per corporis afflictationes. IV. Per eleemosynas. V. Per preces. VI. Per opera pia Defunctis transcripta. VII. Per sodalitia ad iuuandas in Purgatorio Animas instituta. VIII. Per frequentationem stationum, qua pijs imaginibus sunt distincta, & adornata. Quorum multa congescit Ludocus Andries in Opusculo, Purgatorum Catholicè assertum tractatum 4.*

*BONONIA inualuit laude digna consuetudo, ut quo die corpus mandatur, eodem trecenta, sexcenta, mille sacra curentur, etiam plura, sicubi opes suppetunt ut quàm magnanimam opem Defunctis ferant. Non negligunt interim honestam piamque funeris pompam, eleemosynarum largitionem, vestium in pauperes distributionem, aut si quid aliud*

*liud*

liud piū est ex more, institutoque maiorū.  
Sed nihil antiquius habent, quā ut Studio-  
sissimè Sacrificia numero maximo offerre  
iubeant, spretis superfluis sumptibus atque  
conuiujs, qua quandoque plus viuis nocent,  
quam mortuis prosint. Stephanus Binet de  
Itat. Animar. Purg.

Ad Misericordia regnum in Purgatorio  
asserendum, plurimum faciunt Angelorum  
bonorum erga Animas in eo loco officia, &  
maximè Custodis, de quibus legatur Iacobus  
Hautinus libel. de Angelo Custode, in quo  
Capite 12. differit, Quemadmodum Tutela-  
res iuuent Animas in flammis purgantibus,  
de quo hac habet, I. Cur Tutelares ad ignem  
purgatorium Clientes deducant. II. Auctori-  
tate & exemplo ostenditur, à Custode Clie-  
ntem ad purgantia loca deduci III. Pre-es & e-  
leemosynas pro Cliente colligere Custodem.  
IV. Quibus modis sensibilibus breces pro Clie-  
nte in flammis constituto colligat nonnun-  
quam Angelus. V. Quibus in omnibus motioni-  
bus per se ad suppetas conjunctis ferendas exci-  
tet Custos Angelus. De eadem re Consu-  
latus Iacobus Salianus lib. 7. de Ti-  
more DEI cap. 11.

## SERMO IV.

## IN PURGATORIO

Misericordiæ æquè ac Iustitiæ esse scenam.

*Misericordia & Veritas obuiauerunt sibi: Iustitia & Pax osculata sunt.*

Psalmo LXXXIV. II.

*Defunctorum mentio.*

SOLENNE erat Romanis ad mentionem defunctorum, superstitione testari, memoriam eorum non sollicitari à nomenclatore. At nos, quibus non licet esse superstitionis, quoniam certum habemus, neque δυσφημία, seu malo mortis augurio, neque tristi omine mortalitatis, placitam defunctorum quietem vel minimum interturbari, quotannis, hoc die, qui animabus defunctorum, in templis lucet, cælo quamuis foris turbido ac tenebricoso, mor-

fo, mortuorum nostrorum, qui benefactis id meruere, nomina in catalogum relata, sigillatim per anagnosten enunciamus. Id enim ut solenne ac religiosum, antequam dicere incipiamus, hoc etiam anno nequaquam omittendum duximus.

— recitentur Benefactorum nomina. —

Pro his nominatim, alijsque, quorum memoria in benedictione, defunctis amicis, ac Sodalibus, dicetur alternatim officium defunctorum, celebrabitur sacrum funebre, & communis fiet comprecatio. Nam *Sancta Es salubr* Lib. 2. Machab. xi. 46. *is est cogitatio pro defunctis exorare, ut à peccatis solvantur.* Ad quod ut incitemus Auditores nostros commentationem sacram exordiamur.

DISPUTATVM est hactenus, ut meminisse potestis, diiudicatione litis hunc in diem dilata, censendum ne sit Purgatorium theatrum Misericordiae potius, quam Iustitiae? Pro Iustitia pugnarunt acies integrae, in quibus eminent personae, quae

quæ in illo loco torquentur: sunt enim omnes DEO gratæ, familiares, filij, hæredes. Deinde erratorum, quæ ibidem expiantur leuitas verè palearis: sunt enim quæ inibi exuruntur delicta, paleæ. Prætereà, grauitas suppliciorum magis quàm plumbea. Ad hæc, duratio in pænis diuturna. Item, tortores Dæmones: instrumenta vel ipso nomine horrenda; imprimisque ignis, sine metaphora, corporeus, infernali germanus. Accedit analogia: imò æqualitas dati & accepti, criminum, licet remissorum, & pænarum acerbissimarum.

Pro Misericordia stetit, principio Certitudo de salute, indeque solatium maius, quàm verbis explicari possit. Tum suppliciorum temperamentum, abbreviatio, ac mitigatio, spectata latitudine, longitudine, & intensione. Latitudinem contrahit vnus tantum partis, nimirum animæ cruciatus, cum vtraque noxæ rea ad pænam rapi posset. Longitudinem incidit suffragiorum diuersitas: quorum quadripar-

tita

tita est diuisio Sunt enim vel oblatio-  
nes Sacerdotum, vel preces Sancto-  
rum, vel carorum eleemosynę, vel pę-  
nitentię amicorum. Intensionem tem-  
perat tutelarium Angelorum patro-  
cinium, eorumque uisitatio, ac conso-  
lationes crebrę: impeccabilitas: amor  
& alia quędam, quę satis copiosę in  
superioribus explicata, hic repetere  
superuacaneum esset.

13. *Caus.*  
9. 2. *cap.*  
*Anima.*

FACILIVS tamen id exequerer,  
quã ut claram certamque de re ma-  
ximę occulta, & mortalibus incerta  
sententiam pronunciem. Eapropter  
DEVM ritę veneratus enixę precabar  
haud ita pridem, illudque obtine-  
re contendebam infimis precibus, ut  
tantum lucis cęlitus adfulgeret,  
quantum, si non ad densissimas  
ignorantię tenebras omninõ dis-  
sipandas, ad temeritatis saltem  
voraginem declinandam videretur sa-  
tis: malim enim in hac caligine rerũ ig-  
norantis potius, quã temerarij censu-  
rã subire. Vtriusq; fortasse effugerẽ,

¶ in hanc concionem inducere liceret quempiam, qui in abstrusâ illa vastitate vbi ignes animas carpunt, ac nutriunt, dum incredibiliter vrendo adfigunt, cruciatuum acerbitatem expertus, vel me loquente sessigaret in labris, ac titubantem moderaretur freno adducto, laxatoque; vel tacente me, quid sentiendum, clare ediceret, vel ego illo vsus interprete, conceptum iudicium efferrem in publicum.

Hoc cum maximè efflagitarem, nescio, quis mihi aurem vellens, illud identidem insurrabat: Habes Mo- sen, Prophetas, & Euangelistas, audias illos, & ex ijs pronuncies. At ego non Pater, sed si quis ex mortuis venerit ad eos, credent, & pœnitentiam agent, ne veniant in illum locum tormentorum. Sed ille rursus: *Si Mo- sen, & Prophetas, ac Euangelistas non audiunt, neque si quis ex mortuis resurrexerit, credent.* Subticiui ad veritatis oraculum.

*Luc. 16.*

Non potui tamen mihi imperare, quin hominem iam dudum in amicæ  
quie-



omnia iactus, superuacaneæ vel in locis DEO dicatis fabulæ, risus, ioci, ociosa, imò scurrilia verba. an in theatris tantum & foro? fortasse etiam in basilicis, distractiones, euagationes spontaneæ demonstrant, Hæc autem & similia sine numero in Purgatorio expiantur, quo tu nimirum, tanquam ad ludicram aliquam palæstram properas. Sed experieris, & ô felix! si experiaris: non ob minorum delictorum copiam, sed ob maximorum absentiam, quorum singula æternis excoquentur, & nunquam absumentur ignibus, quid si cumulum deferas innumerabilium? conscientiam excute, fortasse numerum inire non poteris. Caue, iudicium fiet sine misericordia, qui nõ fecit secum misericordiam, in se, quam in alios crudelior. At nescio quomodo Purgatorium ad vicinam ei regionem linguam detorsit, quam nunc reuocemus, aliàs illi habenas laxaturi.

ET quoniam vnus testimonio nunc  
 tæ subinde fides; in ore au-  
 tem

tem duorum aut trium testium stabit omne verbum, ex DEI decreto, Deuteronomij XIX. aduocetur alius, quem cogitate hic præsentem. Dic tu, vir optime, qui in viuis cum esses, trihorium Purgatorij lanno languoriantetulisti, & mox in flammis constitutus infirmitatem secularem, imò vsque ad mundi interitum assiduam potius, quam loci illius cruciatus horarias optasti, quid censes? Nota est multis narratio, cuius scriptorem laudo Cameracensem Proepiscopum Thomam Cantipratensem.

Erat vir fidelis & bonus, qui post diuturnam pænitentiam, quam sanus egerat, in languorem grauisimum incidit: eo grauitè integro ferè anno exercitus, & morbi vi exhaustus, orauit DEVM, non sine lacrymis, vt miseriarū huius vitæ termino, morte, tot ærūnis finē imponeret. Audijt preces miseriarū Pater: mittit è Cælitibus aliquem, qui nunciet, voti compotem fore, optione data, vt,

F 6

aut

Deus:  
19.15.Cantipra.  
l. 2. Apia.  
c. 51. p. 11.

aut tribus diebus Purgatorij p̄nis cruciaretur, si confestim è vitâ excederet; aut annum adhuc pristinam ægritudinem toleraret, tuncque re-cta ad cælos euolaturum. Prius magis placuit. Annuit Angelus, & fiat, inquit, secundum verbum tuum. Nec mora, moritur, Anima in Purgatorium demigrat, aduolat paullo post idem nuncius. quærit, quomodo habeat? Anima in flammis, quas leuiore non experta crediderat: Seductor, inquit, non Angele, tres dies præfixisti, & en annis aliquot, decepta crucior. Erras, ait Angelus: nō tempore, sed p̄narū acerbitate deciperis. Vnum de tribus nōdum in Purgatorio exegisti. Sed euolandi modus est: si electionem emendes, & ad corpus, quod nondum sepulturæ traditū, redire velis, & annum languorem sustinere. Cui Anima, non anni, sed seculi morbum præopto: imò, vsque ad mundi finem, languore detinear acriori, & hinc emigrare illicò detur. Factum. Anima corpori restituta, libens morborum molestias qualescumque

que annuo spacio pertulit: & re tota amicis communicata, multos ad resipiscentiam animavit, ac tandem anno evoluto, iterum hic vivere desijt.

Hæc si æquè certa, ac indubitata haberentur, quàm sacra Mosis, & Prophetarum oracula, valeret illud.

*Ohe iam satis est.*

abite porro Patres: non opus alio ad litem dirimendam decreto. Verùm, quum etiam ij, qui hæc talia ab Ascetis miræ simplicitatis hominibus, sine fuce narrata, vt acceperant ingenuo candore tradiderunt, ijs maiorem, quàm sit humana, fidem adhibere non possint, vel ab alijs poscere: ea autem semper imbecillis, errorique, certè, formidini sit obnoxia; constetque multa in istiusmodi narrationibus reperiri, quæ ne quidem fidem humanam à Sapientibus impetrent; adieramus *firmiorem Propheticum sermonem, cui benefacietis, attendentes, quasi lucerna lucens in caliginoso loco, donec dies illucescat, & Lucifer ornatur in cordibus vestris.* 2. Pet. I. 19

ITAQUE re omni diligenter præ-

Ps. 84. 11.

Ps. 88. 16.

cogitatâ, & expensis libratifque partibus vtriusque momentis, ita pronuntiandum arbitrabar : In Purgatorio *Misericordia & Veritas*, siue Iustitia, *obuiauerunt sibi* : *Iustitia & Pax*, siue Clementia. *osculata sunt*, Clarius nostro sensu : Purgatorium Misericordiæ ac Iustitiæ theatrum videri. Nimirum, Misericordia ac Veritas præcedunt faciem DEI, vt cantat regius Vates : Duo illa antequam ad faciem DEI contemplandam etiam iusti admittantur viam sternunt.

DE Iustitia cessat omnis dubitatio, post tot in eius gratiam argumenta superius adducta, ac roborata : quibus adiungere lubet : DEVM optimum Patremfamilias, siue dum mercedem hominum meritis rependit, siue dum poenarum gradus ac incrementa demeritis constituit, & irrogat à Iustitiæ orbitâ non solere deflectere : & in vtraque tam Iustitiæ commutatiuæ, quàm distributiuæ rationibus demensum accommodare. De quo est quidem inter Doctores  
huius

huius æui controuersia aliqua. Volunt enim nonnulli in reddendâ mercede DEVM iustitiæ commutatiuæ ca- Duran. 2.  
nonem solummodò attendere, cùm in d. 27. q. 2.  
remuneratione, pœnarumque irrogatione spectet tantum æqualitatem meriti, demeritiuè ad præmium vel supplicium, quod Commutatiua attendit, ac præscribit: non autem personarum aliam dignitatem, prout distributiua mandat. Alij existimant in hac re DEVM seruare tantummodò leges distributiuæ, eo, quod commutatiua inter DEVM ac homines, qui ipsi nihil tribuunt, intercedere nequeat. Vtriusque seruare regulam docent aliqui, quamuis diuersimodè: distributiua simpliciter; commutatiua quoad aliquid, siue, vt in scholis loquimur, secundum quid.

Me tamen nunquam pœnitebit asseruisse, eo modo, quo DEO erga mortales Iustitia conuenire potest, vtriusque ab illo, cùm in puniendo, tum in remunerando rationem

*Sot. l. 3. de Iust. & iur. re q. 5. ar. 4. S. Tho. 1. p. q. 21. art. 1. lib. 1. cont. gent. s. 93 Caiet. 22 q. 6. art. 4. Ferr. 1. cõ. gen. c. 93. Capr. 2. d. 27. q. 1.*

*Vide Vasquez 1. p. q. 65. & 66.*

nem haberi. Commutatiuæ quidem, quia hæc præscribit, vt merces & pœna reddatur merito & demerito; virtuti, & delicto, nullo personæ, eiusque dignitatis aliunde spectatæ intuitu. Id autem contingit non solum dum redditur præmiū operibus bonis, sed etiam dum prauis supplicium quâ æternum in tartaro, quâ temporaneū in Purgatorio. Consulamus Paulum Apostolum diuini Iurisconsultissimi: audiemus edicentem absque exceptione vniuersis: *Omnes nos manifestari oportet ante tribunal Christi, vt referat unusquisque propria corporis (τὰ δικάτῃ σωματικῇ, ea quæ per corporis) progressu, siue bonum, siue malum secundo ad Corinthios 5.10. Nimirum, secundum mensuram proportionem æqualitatem boni & mali, vt videntur exponere D. Ambrosius, Oecumenius, Theophylactus, Syrusque interpretes. Secundum duritiam suam, fulminat idem Paulus, vt Ecclesiastes diuinus, & impænitens cor thesaurizat tibi iram in die ira & reuelationis iusti iudicii DE I, ad Romanos 2.5. addit: Qui reddet vni-*  
*cuque*

*cuique secundum opera eius.* Enunciat idem, ceu Doctor è cathedrâ: *Non est acceptio personarum apud DEVM.* DEVS in retributione, personas ex genere, patria, opibus: ingenio, indicio, memoria; sanitate, pulchritudine, doctrina; seruitijs, clientelis, titulis; Principatu, Regno, Imperio, tiarâ, sceptro, coronâ non metitur. Nullius apud ipsum est personarum respectus, qualis apud homines, qui aliorum sum flectit.

Rom. 7. 11.

IN Purgatorij non minus, quàm inferni foribus, vel insculptum est, velut celtò in silice, vel inscriptum vt in tabulâ capitalibus litteris, vel ad tubæ sonitum, inconditâ præconis tartarei vociferatione publicari, licet mente concipere illi, qui non nisi corporeis est assuetus: ego his minimè opus reor, sed experimento tamen omnes sentire opinor enunciatum seueri Iudicis: *Quantum glorificauerit se, & in delictis fuit, tantum date ei tormentum, & luctum. Reddite illi, sicut & ipsa reddidit vobis; & duplicate duplicia secundum opera eius: in poculo quo miscuit, miscete illi duplum.* Apocalypsis XVIII. 5.

Profe-

Profectò si visa referre licet, videor mihi videre quandoque, dum in subterraneas illas lacunas cogitatione migro, ipso in limine severissimum exactorem, non sine trutina, illud ferali sono ingeminantem *Quantum debes domino meo?* iamque increpantium flammaram ergastulo præ suppliciorum acerbitate gementi, idemtidem responderi, redde quod debes. Iterum iterumque Clementiæ dexteram obtestanti, repetitò refundi: *Quam mensura mensus fueris, remittetur tibi*, Condonationis aliquid miserabili vociferatione postulanti decretoriè edici; *Non exies inde donec reddas novissimum quadrantem*. Sanè, in quo foro de tanto & quanto, de æqualitate accepti & passi; damni & commodi, delicti & cruciatus agitur; ibi secundum Iustitiæ commutatiuæ decretorias leges, reus examinatur, & ius dicitur: servataq; proportione arithmetica, cuilibet, quod suum est, adiudicatur.

SATIS ne videtur Iustitia in Purgatorio tribunal firmasse suum, si  
com-

commutationem attendas? Non desiderabis autem distributiuam, si mentem hãud ineruditam aduertas. Annon enim DEVS reddit *unicuique secundum opera sua*? Vtique, vt dicitur Roman. 2.5. Itaque, ea proportio est inter supplicia, ad quã diuersi adiudicantur, quã inter personas ratione delictorum, quibus illa debentur. Quod spectare videretur ad modum iustitiã distributiã, quã seruata dimensione geometricã cuilibet tribuit maiora, vel minora commoda, aut incommoda, prout persona est magis minusq̃ digna. Ceterum, quoniam illa dignitas respectu poenarum oritur ex peccatis, respectu præmij ex meritis, non est ita pressè, ac propriè ea commensuratio iustitiã distributiã, nisi secundum modum. Sed hæc longiorem subtilioremque explicatum flagitant, quã alterius est exedre. Istud modò firmum maneat, Iustitiam in Purgatorio, vt proprio theatro personam agere.

AN hoc fortasse indicat, quã nunc  
 opportunè venit mihi in mentem  
 pictu-

pictura illa vulgo nota, & tam caninis  
 aduersariorum rictibus, quàm acri  
 Theologorum quorundam discepta-  
 tioni exposita. MICHAEL Archang-  
 gelus læuâ libram tenens, in cuius vnâ  
 læce animula, in altera huius animulæ  
 opera repræsentantur; in dextera en-  
 sis potestatis insigne, iudicis gestamẽ.  
 Quam quidem imaginem in Symboli-  
 cis reponendam censeo, quæ aliquid  
 nimirum non historicum, sed dogma-  
 ticum significet. Et licet non nemo ex  
 Catholicis Doctoribus, inter eas hanc  
 numeret, quæ periculosi erroris oc-  
 casionem rudibus præbere possint:  
 quasi ijs hinc pronum sit colligere,  
 saluandos eos, qui & si opera mala  
 habeant aliqua, bona tamen plura se-  
 cum deferant, quæ illis præponde-  
 rent; & è conuerso, damnandos, in  
 quibus mala bonis sunt grauiora; ta-  
 men quid vetat in meliorem partem  
 accipere, quæ sic interpretari non est  
 arduum, & ad pietatem periculi ex-  
 pertem hanc iconem trahere.

Quod fiet per commodè, si dicamus  
 D. Michaelis libram, siue stateram

indi-

*Ioan. Mo-*  
*lanus lib.*  
*de pictur.*  
*cap. 6.*

indicare, vel deponendum esse *omne pondus, & circumstans nos peccatum*, ad quod exhortatur Apostolus Hebræorum XII. vt Sanctus Michaël repræsentet nos in lucem sanctam: vel hominum opera diligenter post mortē discutī, examinari, & expendi; ita, vt si nimia criminum grauitas lancē deprimat, pereundum sit; si secus, ad æternam vitam ascendatur. Nam & simile quid per Symboli notas significat apud Ciceronem Critilæi libra. Et illa, quam inter sydera. quæ Zodiacum duodena cingunt suo iure collocarunt Astrologi. Multo autem magis ea, quam graphæ depinxit Daniel, cum Regi Babilonio explicuit illud ferale. *Thecel; appensus es in statera, & inuentus es minus habens.* Atque hinc fortasse origo picturæ, in qua Michaël cum libra. Nam & Symbolica illa horrida in Balthasaris pariete Angelus descripsit: idemque ab Angelo in statera est appensus.

Dan 5.27.

Hæc equidem accommodatas, & maximè pias librantis Angeli significat.

ficationes esse, negare non possum: sed  
 præter illas, aliam adiungere placet,  
 quæ rem ipsam, quam hæcenus verbis  
 descripsimus, oculis subiiciet. Arbi-  
 tror sanè haud malè opinari, qui pu-  
 tant, animas DEO caras à iudicio par-  
 ticulari suscipi ab Angelis, & ad lo-  
 cum destinatum deportari. Decantata  
 est illa antiphona Ecclesiastica in lau-  
 dum matutarum odis tertia, in qua  
 DEVS ita pronunciat. *Archangele*  
*Michaël constitui te Principem super omnes*  
*animas suscipiendas.* Suscipit ergo a-  
 nimas Michaël, siue per se, siue per  
 ministros, ac substitutos Angelos.  
 Cùm itaque nonnullæ omninò puræ,  
 rectà ad coelum ducantur, eorum  
 comes est & ductor Angelus, sed  
 statèrâ minimè indiget: pleræque  
 sanctæ quidem, siue iustæ, sed paul-  
 lulum adhuc purgandæ ad emenda-  
 torium ignem proficiscuntur. Hic  
 Ductor ad ingressum (inuestigan-  
 ti enim locum, in quo Angelus Prin-  
 ceptis statèrâ & gladio visendus col-  
 locetur, commodior non occurrit)  
 in vna lance animam, in altera lignum,  
 fœnum,

MISERIC. ET IVSTIT. SCENA. 143

foenum, stipulam leuium delictorum,  
& reatum pœnæ, pro peccatis diuina  
gratia hic remissis, residuum ponit:  
vt quantum hæc præponderauerint,  
tantum detur tormēti, donec exuran-  
tur. Nisi fortasse dicere libet, quod  
vtique licet in istiusmodi Symbolicis;  
in vna lance lignum, foenum, stipulas;  
in alterâ, flammam, & cætera pœna-  
rum instrumenta collocari, vt tan-  
tum præcisè pœnarum, quantum sti-  
pularis grauitas postulat, animæ ir-  
rogetur. Quod Iustitiæ rigorem in-  
dicat, siue illam commutatiuam, siue  
distributiua dixeris. Staterâ quo-  
que & gladio summa potestas, Iusti-  
tiæque æqualitas declaratur.

NEQVE istud reticendum vi-  
detur. Quicquid tandem pœnarum ab  
animabus expetitur, id Iustitiæ adscri-  
bendum esse: nimirum illi, quæ Vindi-  
catiua nominatur, quâ diuersam esse  
à nominatis speciebus, Cōmutatiua,  
& Distributiua suspicari quis posset.  
Est autem illius officium, pro iniuria,  
vel offensa pœnam rependere; siue  
reddere malum pœnale pro malo  
culpæ

culpæ ad æqualitatem, vt iniuria re-  
paretur: & quoniam hoc ad rectum  
vniuersi ordinem exigitur, ac pec-  
cantum meritis congruit. Præclare

*Cicæ. S.  
Tho. 1. p. 7.  
21. a. 3.*

*Anselmus. Cùm punis malos iustum est,  
quia illorum meritis conuenit. Cùm parcis  
malis iustum est, quia bonitati tuæ conde-  
cens est.*

NUNC autem ita Iustitiam in  
Purgatorio solium suum habere, vt  
sedem quoque in ea teneat Miseri-  
cordia, præter ea, quæ in superiori-  
bus fusè disputata sunt, illud omni-  
nò conuincit, quod multo maiori mi-  
sericordiâ erga animas gratiâ & ca-  
ritate sibi deuinctas DEVM ferri di-  
cere oporteat, quam erga illas,  
quas, vt nunquam sibi reconcilian-  
das æternis cruciatibus addixit. Con-  
stat autem in has etiam aliquid mise-  
ricordiæ à Misericordiarum Patre ef-  
fundi, licet in imo Tartari detentas.  
Multo igitur magis in Purgatorio  
se se exercet. Periculosè ratiocinans,  
dicit aliquis. In Inferno etiam Mi-  
sericordiam constituis. Nunquam tibi  
lectum, aut excidit illud Iacobi capi-  
te

te

te secundo: *Iudicium sine misericordia fiet ei, qui non fecit misericordiam.* Quales sunt omnes damnati, qui sibi salutem misericordiam negarunt, in se, quàm in alios magis truculenti.

Vidit hoc ubique perspicax

D. Thomas Aquinas, & respondet: *S. Thom. 1. p. 9. 21. art. 4. ad 1.*

Quaedam opera attribui solere Iustitiæ, & quedam Misericordiæ: quoniam in quibusdam vehementius, inquit, apparet Iustitia, in quibusdam Misericordia. Et tamen in damnatione reproborum apparet Misericordia, non quidem totaliter relaxans, sed aliquantulum allevians, dum punit citra condignum. Quod indicatur à D. Chrysostomo homilia 37. in Genes. & Augustino lib. 21. de ciuitate cap. 24. recipiturque ab omnibus Theologis. Quod autem ait Sanct. Iacobus, significat, nullum ex misericordiâ saluandum, sed omnes, qui malè egerunt, condemnandos: non futurum vllum intercessionis locum: nullum veniæ subsidium: nullum perfugium malefactoribus. Siquidem ad iudicium

G

post-

postquam peruentum fuerit, solius  
 Iustitiæ, commutatiuæ, distributi-  
 uæ, ac vindicatiuæ legibus agen-  
 gendum. erit *Zelus enim & furor vi-  
 ri* (videlicet Christi iudicis) *non par-  
 cet in die vindictæ; nec adquiescet cuius-  
 quam precibus; nec suscipiet pro redemp-  
 tione plurima* Prouerbiorum VI. Tunc  
 adimplebitur illud Ieremiæ XVII.  
 Ego Dominus scrutans corda, & pro-  
 bans renes, qui do unicuique iuxta vi-  
 am suam, & iuxta fructum adinuen-  
 tionum suarum. Ego venio cito, in-  
 quit in Apocalypsi cap. XXII. ip-  
 se Iudex, & merces mea mecum est  
 reddere unicuique secundum opera sua.

Prou. 6. 34  
 35.

Ier. xxii.  
 10.

apoc. xxii  
 12.

LICET autem tam in Infer-  
 no, quàm in Purgatorio DEVS  
 puniat citra condignum, quod est  
 Misericordiæ, non tamen inde col-  
 ligas Iustitiæ leges violari: nihil-  
 ominus enim æqualitatem seruat: &  
 quantum glorificauerunt se & in de-  
 litijs fuerunt, tantum datur illis  
 tormentum. Nimirum tantum pu-  
 niuntur, quantum merentur secun-  
 dum legem à DEO sancitam, quæ  
 est

est

MISERIC. ET IVSTIT. SCENA. 147

est Iustitiæ ; ad quam pertinet pœ-  
na peccatis commensuratas consti-  
tuere. Haud dispari modo, docent  
Theologi, DEVM remunerâdo opera  
iustorum bona, dare præmium ultra  
condignum, Quod colligitur ex S. Ba-  
silio in Psal. CXXIII. Bernardo Ser-  
mone I. de Annunciat. Fulgentio lib.  
I. ad Monimum cap. 10. Chrysofomo  
homilia XXXVIII ad popul. D. Au-  
gustino in Enchirid. cap. CXII. & D.  
Prospero, qui idem carmine comple-  
ctitur. Atque ita meritis gloria ma-  
ior erit. Et tamen servabit in ea ip-  
sare Iustitiæ commutatiuæ regulam  
vel modum. Nimirum opera fide-  
lium pia facta in gratia, quâ iusti  
sunt imbuti, habent quidem propor-  
tionem, ac dignitatem cum præmio  
beatitudinis: non tamen sunt tanti  
valoris, vt illud æquent. DEVS  
tamen, quâ est liberalitate, ac munifi-  
centia præmium illud ijs daturum se  
promisit, sancita lege. Tantum ergo  
reddit quantum merentur opera tum  
ex se, tum ex promissione DEI; ac  
proinde dicitur reddere præmiũ ex

G 2 iusti-

iustitia, liberalis promittendo, iustus reddendo.

*Pf. 24.* ITA QVE in Purgatorio, Misericordia & Veritas obuauerunt sibi, iustitia & Pax osculatæ sunt. In hac regione umbræ mortis vniuersæ viæ Domini, sunt Misericordia & Veritas. Inter hos duos cleros, in igneo, flammantiq; strato fatigatæ animæ quiescunt. Inter hæc duo Spõsi brachia, læuâ & dexteram, Sponsa, nigra, sed formosa, Aethiopiissa legislatoris vxor cubare cogitur. Hos simul duos pedes memor afflictionis osculatur peccatrix. Propter hæc duo assimilat Christum iudicem capræ, hinnuloque ceruorum. Has virtutes, canendo, dum pergit ad patriam, nunquam dissociat lugubris Psalteria. Est in Purgatorio calix in manu Domini plenus mixto, & inclinatur ex hoc in hoc. Misericordia iustitiam mitigat: iustitia Misericordiam temperat. Ibi Misericordia & Veritas præcedunt faciem DEI postea contemplandam. Ibi cantatur: Virga tua & baculus tuus ipsa me consolata sunt. Virga Iustitiæ recta firma-  
que

*Psal.*  
*Lxxxviii*

que in castigando : baculus, vt sustentaculum in consolando. Ibi rosæ quidem consolationis aliquæ, sed pungentibus flammæ spinis interna scütur. Ibi mella sed per fauos currunt. Ibi saccharum aliquod ad condimentum acerbitalis poenarum, sed durissimo cortice ambitur. Ibi gemmæ aspirationum, sed in conchis.

AT quomodo, inquis, in eodem Theatro Misericordia & Veritas, Iustitia & Pax, Ignis & Aqua? DEI proprium est, quæ maxime dissita, ac penè pugnancia abdito quodam nexu coniungere ac colligare. Nunquam auditum erat, vnus satisfactionem, & Iustitiæ rigorem summum, & misericordiæ lenitatem summam iunctim habuisse. Id posse fieri DEO placuit ostendere. Mittit è sinu proprium gnatum, & vnigenam. Is in vnica sanguinis guttula omnem Misericordiæ Iustitiæque immensitatem conclusit. Vulgo iactabatur,

— *Nec eadem in sede moratur*  
*Maiestas & Amor.* —

G 3

Idem

Idem D E I Filius à nobis abi-  
 curiens , condito testamento orbi-  
 culum reliquit singulis heredibus,  
 tam paruum , vt coriandri atomum  
 sæpe vix æquet. In eo tamen cum to-  
 to suo comitatu inclusus splendet in-  
 finitus Amor , & sedet Omnipotentis  
 Maiestas, tam amicè, vt alterius be-  
 nignitas , nihil de alterius imminuat  
 dignitate. Quid miraris, si idem the-  
 atrum Misericordiæ & Veritati, Iu-  
 stitiæ & Paci adsignemus? Aliquid si-  
 mile in humanis reperio , sed simi-  
 le cum claudicatione, quod nuper de-  
 dimus, dum Zaleuci & Artaxerxi in  
 sumendo supplicio lenitatem rigori  
 iunctam deprædicaremus. Et D E O id  
 non tribuas? cùm

O M N E S *via Domini sint Mi-  
 sericordia & Veritas* , Psalmo XXIV.  
 Vbi veritatis nomine sicut alibi sæ-  
 pe Iustitiam intelligo. Iustitiæ autem  
 diuinæ , veritatis appellatio tribui-  
 tur, quæ propriè pertinet ad intelle-  
 ctum significans adæquationem eius  
 ad res, cùm iustitia sit in voluntate:  
 quoniam, vt docet S. Thomas, quan-  
 do

I. p. q. 21.  
 ar. 2. q. 4.  
 & in 4. d.  
 46. q. 1. ar. 3.

do

do intellectus est causa rei comparatur ad illam, sicut regula & mensura illius. Talis est intellectus DEI, qui non accipit scientiam à rebus, sicut noster; sed res ipsæ veræ sunt, quatenus intellectus diuini regulæ adæquantur: quemadmodum opus artis verum est, quando conuenit cum arte, quæ est in intellectu artificis. Atqui Iustitia DEI constituit in rebus ordinem conformem rationi sapientiæ suæ, quæ est lex omnis operis: operaturque DEVS secundum Iustitiæ ordinationem, quæ intelligitur inclinare DEVM, vt in operando conformet se regulæ suæ Sapientiæ. Ex quo probat idē S. Doctor, In omnibus DEI operibus Misericordiam & Iustitiam reperiri. Est enim vbique dulcis & rectus Dominus Psalmo xxiv. Dulcis, suavis, mansuetus, benignus, misericors, miserator, longanimis, patientis: sed simul rectus, iustus, verax. Inde sperandum: hinc timendum. Mel & lac sub lingua eius, vt est Canticorum iv. Sed si vilescant dulcia, efferuescit ira: tanto magis,

Psal. 24. 8.

Cant. 4. 11

quanto antea benignior Misericordia,  
quam caue, irrites obstinatione, & ma-  
lignitate.

MISERICORDIA, & Veritas, si-  
ue IUSTITIA, duæ sunt viæ Domini.  
Dicuntur autem viæ, D E I opera,  
quia per ea quodammodo egreditur  
extra se, vnde dicitur habere actio-  
nem egredientem, seu transeun-  
tem. Duo tantum sunt D E I itine-  
ra, inquit Abbas Tuitiensis, Miseri-  
cordia, ac Veritas. Hæc ipsa sunt cru-  
ra, sicut columnarum marmorearum  
super bases aureas, Canticorum v.  
Columnis istis tota penè domus in-  
cumbit: totum diuinæ Scripturæ, ele-  
ctionis diuinæ, prædestinationis hu-  
manæ ædificium innixum est. Nam quic-  
quid legimus, quicquid audimus, quic-  
quid in nobis sentimus, aut experimur,  
quicquid in alijs animaduertimus de  
vniuersis vijs Domini, aut Misericor-  
dia est, aut Veritas: imò, Misericordia  
simul ac Veritas. Has virtutes canen-  
do, vt fecit Dauid; & hos osculando  
pedes, vt Magdalena, seiungere nun-  
quam oportet.

*Lib. 2. Reg.  
cap. 15  
Can. v. 15*

*Pf. 146  
100. 1.  
Lm. 7. 3.*

SED

SE D auebit tandem scire quis-  
 piam : cùm in Purgatorio sit Mise-  
 ricordia & Iustitiæ Societas , quæ-  
 nam magis emineat vt regnare videat-  
 tur : rectè enim dictum est ab A-  
 quinate , in aliquibus DËI operibus  
 vnã , in alijs alterã magis appare-  
 re , ac splendescere. Hic hæreo e-  
 quidem , & terret me Misericor-  
 dia encomiastes egregius Bernar-  
 dus Abbas , quem memini dicere  
 alicubi, CHRISTVM esse Apem,  
 qui mel attulerit in hanc , aculeum  
 in alterã vitã reseruauerit. At  
 sit ita , cùm de nunquam finiendã  
 supplicij irrogatione sermo est : cum  
 de temporaria Purgatorij pœna lo-  
 quimur , inclinã animus in mitio-  
 ra : ac pro Misericordia sententiam  
 non fero. qui enim nos homullis  
 qui maiores nostri ? sed à Numine  
 ipso diuino latã , vt opinor , am-  
 babis amplector vlnis , & exoscu-  
 lor. Id naturæ summi Principis ma-  
 gis consentaneum , cuius proprium  
 est misereri semper & parcere, quia  
 G 5 Pater

P. p. q. 21.

Ar. 4. ad I.

Ser. 2. de

Aduens.

Pater misericordiarum, miseratio-  
num Dominus, Rex clementiæ, qui  
censet à se extraneum & peregrinum  
opus, punire.

*Cass. lib. II  
Vanar.*

Veri benignique Principis est,  
vt scribit Cassiodorus, ad Clementiæ  
commodum transilire interdum ter-  
minos æquitatis, quando sola est Mi-  
sericordia, cui omnes virtutes cedere  
honorabiliter non recusant. Nolim  
quidem ego æquitatis terminos tran-  
siliri, sed summum rigoris. Quod de  
DEO fidenter adfirmo, cuius misera-  
tiones super omnia opera eius. Iusti-  
tiæ tua, Iudex æquissime, in Purgato-  
rio, sicut montes DEI: at magna super  
coelos, Pater indulgentissime Mise-  
ricordia tua. Maior coelorum est,  
quam montium altitudo. Iustus es  
Domine, & Zelotes visitans iniqui-  
tatem Patrum in filios in tertiam, &  
in quartam generationem. At facis  
misericordiam in millibus. Stillat in  
Purgatorio furor & indignatio, fa-  
teor. Magnus furor Domini stilla-  
bit supernos, aiebat pœnas metu-  
ens Anima, sed, quid stillæ ad tor-  
rentem,

rentem, guttæ ad Oceanum? *Declinabo*, inquit optimus Pater *super eam*, Animam dilectam, ubi? in terrâ tantum? sub terra quoque, *quasi flumen pacis*, & *quasi torrentem inundantem* effundam super vos aquam mundam, mundantem etiam. In Purgatorio parcendo & miserendo maximè Omnipotentia manifestatur. Ibi, dum Misericordiâ & Iustitiâ, tanquam pedibus subsistit Diuinitas. Misericordiæ dexteram, vt ad motum priorem & accommodatiorem, prius, firmitusque figit. Ad Misericordiam Bonitas, quæ DEVS est, DEVM impellit: ad Iustitiam, vt demeritis supplicia rependat, hominis malitia, quæ est planè nihil. Plus ne virium habeat NIHIL quàm OMNIPOTENTIA?

DICAMVS igitur, in Purgatorio Misericordiam eminere. Hanc ego velut copiosum imbrem concipere soleo, qui non guttatim stillet, sed magno impetu in Purgatorij ignem à Iustitia accensum feratur, illumque tandem extinguat. Quo facto Misericordia

G 6 Victo-

Isa. LXVI.

120

Victoriam consequitur. Hic opportunè recordor illius certaminis, quod olim inter Ignem & Aquam est habitum memorabili vnus triumpho. Fabula ne sit, an historia non contendam: vt rei sacrae symbolum intueri eam soleo. Ferunt aliquando Chaldaeos Ignem DEVM suum circumferentes cum omnium prouinciarum Dijs habuisse conflictum, quo scilicet qui vicisset hic DEVS ab omnibus crederetur. Reliquarum prouinciarum Dijs, æris, auri, argentiue, vel ligni aut lapidis, aut alia quauis materia constabant, quæ per ignem procul dubio corrumpitur. Hoc cum audisset Canopi Sacerdos callidum quiddam excogitat. Hydriæ fieri solent in Ægypti partibus fictiles, vndique crebris, & minutis admodum foraminibus patulæ, quibus turbida aqua desudans defæcator ac purior redditur. Harum ille vnâ cerâ foraminibus obturatis, desuper etiam varijs coloribus pictam aqua repletam statuit in DEVM, & excisum veteris simulachri, quod Menelai gubernatoris ferebatur, caput:

*Ruffin. lib.*  
*2. cap. 26.*  
*Baroni.*  
*tom. 4 p.*  
*406.*

put de super positum diligenter aprauit.

Ad sunt post hæc Chaldæi itur in conflictum: circa hydriam ignis accenditur: cera, qua foramina fuerant obturata, resoluitur. Sudante hydria ignis extinguitur. Sacerdotis fraude Canopus Chaldæorum victor ostenditur. Vnde Canopi simulachrum pedibus per exiguis attracto collo, & quasi sugillato, ventre tumido in modum hydriæ cum dorso æqualiter tereti formatum ex hac persuasione, velut DEVS victor omnium colebatur. En aquam extinguentem ignem: illa Misericordiæ, hæc Iustitiæ est symbolum: quarum vtraque in Purgatorio certat, sed hæc tandem cedit, & Misericordia triumphat.

VERVM ex hac Misericordiæ magnitudine Iustitiæ seueritatem colligit. Neque enim indiuidua hæc societas facit, quo minus in Purgatorio ignis ardeat, cuius intuitu hic noster, qui vrbes sæpe vorat, & adhuc famet, picti speciem obtinet. E quo cum longiore comprecatione, quam disputa-

158 SVCCVREND. ANIMABVS  
tione animas liberari fit certum, quæ-  
so Vos, enixè à DEO contendite, vt mi-  
serationum suarum memor, vel vni è  
benefactoribus nostris missionem da-  
re dignetur, quæ vt omnibus contin-  
gat, singulorum in vnum iunctis votis  
apprecamur.

---

SERMO V.

*Satius-ne sit, Animabus in Purgatorio  
quàm viuentibus in mortali peccato  
detentis, ac miserè vexatis, prece, elee-  
mosyna, sacrificijs, alijsque remedijs  
opem ferre.*

*Miseremini mei, miseremini mei sal-  
tem vos amici mei. Iob. XIX.  
21.*

**I**N hac anniuersariâ fidelium de  
functorum memoriâ honos à nobis  
habetur ritu veteri munificis Sodali-  
tatis Marianæ, cuius Præfecturam ge-  
rit Sereniss. MAXMILIANVS HEN-  
RICVS, Princeps, munificentiss. bene-  
facto-

factoribus; & eorum nominibus sigillatim è tabula recensitis, gratam iuxta piamque erga eorum manes beneficentiam suademus: tum verò ijs à bonorum remuneratore DEO pacem ac felicitatem supplicibus votis precamur. *Nominum hic est syllabus* —  
*legatur.* —

IAM concipite animo, hos omnes, vel horum aliquos cum aliorum multitudine penè innumera, ex ijs, qui vos sanguine, affinitate, notitia, cōsuetudine attingebant, dum adhuc in viuis essent, densato agmine per decumanā illam portam Aulæ sese infundere, omnes miserabili specie, & ad horrorem simul, ac commiserationem cendam composita, flammis inclusos ergastulis, oculis lacrymarum fluxu continuo exesis, è naribus ignem expirantibus, manibus ac pedibus catenis ignitis oneratos, collo serpentum voluminibus torquato, toto corpore vulneribus conciso, & sanie taboque defluente, vultu supra carbones denigrato: sicq; nemine opitulante per totā illā viā ad vos arreperere, aduolui genibus, prensare velle dexterās, dolorē,  
 supra

160. SVBVENIEND. ANIMABVS  
supra quam credi posset aut fingi, acerbissimum conari exprimere; tandemque alta, sed flebili, & suspirijs gemitibusque intercisa voce, illud pedibus vestris hærentes ingeminare lamentabiliter, & cum eiulatu maximo:

*Miseremini mei, miseremini mei saltem  
vos amici mei.*

Effet ne vlli è vobis tantum chalybis circa saxeum pectus, vt fastidiosè à se hanc miserorum cateruam, subsidij spe frustratam omni repelleret, si hæc intueretur? Quod autem oculis hæc corporeis non subijcitur, id illustrato sacra fidei face intellectu coram aspiciamus, si expiatorium ignem, in quo pænas luunt peracerbas fidelium animæ non satis expurgatæ alicubi adhuc superesse non dubitamus. Et erit aliquis tam ferreis præcordijs, qui harum obtestationibus, quas multiplicare haud est dubium, non moueatur? nec largissimè ad illarum laxamentum & solatium, prece, eleemosyna, supplicijs voluntarijs, sacrificio Christiano concurrere proteruus recuset?

SE D

SED vnum fortasse quibusdam remoram iniicit, quod existiment, viuis potius opitulandum, in quibus beneficij fructus constat, ac cerni potest: defunctorum procurationem huius fori non videri, ideoque non admodum curandam, nec sollicitè suscipiendam. Curent, qui cum illis agunt. Hoc nimirū erat, quod hodie vna commentatione excutiendum sumpsimus: ijs tamen positis, quæ fusè annis superioribus, ex Christiana Theologia de Purgatorij fide, natura, conditionibus, alijsque annexis, & repetenda non sunt, disputauimus. Aures, quæ so vos, animosque arrigite.

Lis fuit orta inter duos religiosæ familiæ Sodales, pietate, doctrinaque imprimis Theologica illustres. Magis ne rationi sit consentaneum, & expediat, de mortuorum animabus, quæ in purgantis incendij cruciatu detinentur, an de gentibus apud nos, & lethiferi criminis flammis haud paullo periculosius ambustis, orationibus, sacrificijs, eleemosyna, voluntariè susceptis pænis, flagris, cilitio, xerophagia,

gia, peregrinationibus, votiuis supplicijs, vltaneis corporis afflictationibus, similibusque pietatis Christianæ munijs suppetias ferre? Qui viuentibus fauebat, ita ratiocinabatur. In subterraneis illis specubus, aut vbi vbi tandem leuioris noxæ conscij cruciariam ignis vini perpetiuntur, & expiantur, de beatitudine æterna consequenda non coniecturis agitur, sed illius certitudo habetur; siue reuelatione, & ab Angelis, siue alijs minimè fallentibus indicijs. Dubium non est, quod inde emigrabunt aliquando etiam si mille annis permaneant. quantulum istud ad æternitatem?

*Psal. 89. 4. Mille anni in conspectu tuo, Domine, tanquam dies hesternæ, quæ præterijt. ô magnum nihil!*

Itaque horunce calamitas non est cum illorum conferenda, qui lethalius premuntur criminibus, quorum fors est miserima. Nam imprimis, si in eo statu persistant, certum est, æternis addicendos tormentis; incertum, an vnquam ijs sint vinculis eximendi: indubitatum, iram eos diuinam promeruis-

meruisse: adde, casibus infinitis esse expositos: magis æruminosos, quàm in latrocinio deprehensi, qui ad furcam ducuntur: magis discriminibus obiectos, quàm. qui concitato tempestate pelago in naui penè luxata sine armamentis nauigant: minus tutos, quàm qui in capitalissimorum hostium manus incidunt: æquè morti vicinos, quàm, quorum ingulum à latrone apposita sua premitur. Iidem sunt hominum pestes, Angelorum bonorum horror, malorum præda, DEI odium inuisa omnibus, & inimica capita. An non potius igitur, illis, omissa animarum cura, alibi delitescētium, quibus nobiscum amplius non est familiaritas, & conuersatio, quæque periculis amplius non sunt expositæ, subueniendum est?

Adiungere licet, illorum, qui nobiscum degunt, periculum videri posse internum & domesticorum: Animarum autem externum & alienorum. Quod argumentum magni facerent in Imperio Domini, qui in Germania dicuntur Protestantes: hi penè semper eo in dissimili causa vtūtur in Comitijs.

No-

Norunt qui in istiusmodi Imperij  
 conuentibus vel interfuere ipsi, vel  
 commentaria de his, quæ inibi acta per-  
 legerunt, Protestantes, vt se ab auxili-  
 js contra hostem communem Christi-  
 anitatis præstandis subducant, vafre  
 illud multis exaggerationibus solere  
 proponere: interno prius, quàm ex-  
 terno occurrendum periculo: flam-  
 mas quæ domi serpunt, quàm quæ in  
 propinquo grassantur sopiendas poti-  
 us: cuius suo quam alterius morbo  
 medicinam adhibendam. Itaque si quid  
 petat Imperator intercedere solent  
 Protestantes, ac dicere, prius fiduciam  
 inter status conciliandam esse, Came-  
 ræ Cæsareæ cursum promouendum,  
 renouandam de pace religionis con-  
 stitutionem, imò transactionem Passa-  
 uicam: sicque miserimè luduntur Ca-  
 tholici, & neque internis, neque ex-  
 ternis periculis occurritur, post toti-  
 es tentata incassum, Augustæ, Spiræ,  
 VVormatiæ, Passauij, Ratisbonæ re-  
 media.

Ita nimirum, si pro defunctis oran-  
 dum.

dum indicatur, prius, potiusque pro-  
 viuentibus faciendum contendunt; vi-  
 ce versâ oppositum defensuri, si pro-  
 viuentibus peccatoribus preces im-  
 perentur. Vt Protestantes, dum de in-  
 terno periculo auertendo agitur.  
 Quod in superioribus comitijs fuit  
 animaduersum, in quibus, de restitu-  
 enda iustitia prima erat futura deli-  
 beratio, sed tantundem, ac in superio-  
 ribus est actum. At hæc *παρηγοῖα*: non  
 ta in extra chorum.

IAM verò alter, qui animabus in  
 Purgatorio conclusis patrocinebatur  
 hunc ferè in modum disputabat. Qui  
 mortiferis peccatis torquetur, volun-  
 tatis, libertatisque potestatem expe-  
 ditam habet. Neque enim ita deliran-  
 dum, vt existimemus peccatum æquè  
 liberi arbitrij, ac sanctitatis orbita-  
 tem inducere. Est ergo illi ab hac mi-  
 seria eripiendi se facultas, si diuinæ  
 gratiæ auxilio, quod nulli non suffici-  
 enter adesse credimus, cooperatricem  
 dexteram non deneget. Ni faciat, sibi  
 imputet, se accuset, de se conquera-  
 tur. Quid alienam opem flagitat, qui  
 suam,

suam, sibi nequam non præstat? quid  
 me fatigat, qui ociosus in propria  
 causa desidet? Tu pro illo sis sollicitus,  
 qui ignauus sui curam negligit? de illo  
 magnoperè labores, quem quicquid  
 facies, non sapiet, nisi velit, quod po-  
 test; non velle autem eum dum pecca-  
 to decipit, nec illud abijcit, apertè te-  
 statur. Illius salutem omnibus procu-  
 randam auxilijs suscipe, qui talibus  
 detinetur vinculis, vt is, etiam si max-  
 imè velit, liberari propria ope ne-  
 queat, tuamque multis titulis expos-  
 cit, & lamētabiliter identidem incla-  
 mat: *Miseremini mei, miseremini mei sal-  
 tem vos amici mei, quia manus Domini  
 tetigit me.* Si vnus ex amicis tu annue-  
 ris, vsuram spondet beneficij præsti-  
 ti, quàm primum ad meliorem fortu-  
 nam penienerit: perueniet autem ci-  
 tissimè, modò tu velis, & pecuniolæ  
 pauxillū de tuo exponas. Ad Superos  
 ipse delatus, tanquam ad patriam se-  
 dem, domi suæ nobilis & locuples  
 larga manu repondet. Quod cessas? Se-  
 posita viuentium cura, quam ipsi de se  
 suscipiant, ni perire velint, defunctorū  
 anima-

animabus ad mortalium auxiliaria munia aspirantibus, anhelantibusque te impende, si vtrumque non possis perficere, supplica, ieiuna, peregrinare, pauperibus eleemosynas distribue, vt, vel vnam animulam tibi olim fortasse percaram, & domesticam ex Purgatorij flammis eripias.

VERVM, hæc similiaque non fuerunt tanti roboris, vt alterius opinionis patronum à suscepta semel sententia, cui fixus, vt scopulo, inhærebat auellerent: maioribus opus erat ad persuadendum præfidijs, acrioribus stimulis. Itaque nocte concubia adest Anima, exijs, opinor, quæ precibus hominis iuuari debuerant: dormienti, an vigilanti adstiterit, dicere non habeo. Virgas expedit. Virgas cum dico, non concipite ludicras puerorum quibus matres metum infantibus incutiunt, non lædunt; sed densas & ingentes licitorum, ex vlmo, paliuris, vrtica, quibus perforata primo contactu cute, carneque lacerata ad nervos & ossa peruenitur. Virgis ergo pertinacem cecidit Anima (disputent postea

postea Philosophi, qua motrice potentia) donec sententia mutata, ad socij opinionem accederet, clamans haud dubiè, ac eiulans.

REM hanc, ne fabulam narraſſe dicar, breuius exequitur vir, apud Germanos etiam notus, ſcripto Hispanicè, & in noſtrum idioma tranſuſo libro de Regno DEI Petrus Sanchez. fides auctorem appellet. Cuius narratio in quibusdam ſimilis illi hiſtoria S. Dominici, in qua hæc habetur. Bertrandus ex primis ſocijs S. Dominici frequentius pro viujs, rarius pro defunctis ſacrificium offerebat. Quæ ſui ex eo Benedictus alter ſociorum è cætu Dominici, quid ita faceret? Quià, inquit, mortuorum animæ, ſi perpetuis cruciantur pænis, nullam à nobis, qui ſuperſtites ſumus, opem expectant: ſin temporalibus, quia diuina gratia non carent, inde aliquando eximentur. Cui Benedictus. Si duo ſint mendici pari laborantes inopia, ſed alter firmis ſit viribus, & incolumis: alter ita confectus, vt ſe mouere non poſſit, cui magis ſubueniendum putes? Ei, qui ſe mo-

*Pet. San.*  
*cher par. 6.*  
*cap. 4. p.*  
*720.*  
*Brouius*  
*Tom 13.*  
*An. 1220*

se mouere nequit, respondet ille. Tunc  
 Benedictus: sed animæ, quæ in Purga-  
 terio igne torquentur, persimiles sunt  
 ægroto illi, qui se mouere non potest:  
 nam nec pedes, nec manus habent, nec  
 oculos, aut linguam, aut alia, quibus  
 corpora uiuentium non carent: nec si-  
 bi ullam ipsæ opem adferre queunt:  
 aliena maximè indigent. At supersti-  
 tes, quibus adhuc est integrum, pe-  
 dem referre, & ad rectam uiuendi  
 normam reuerti, sibi que ipsi multis  
 possunt modis opitulari, & suis ope-  
 ribus abundare, multo minus aliena  
 ope indigent. Verum cum in sua Ber-  
 trandus pertinax sententia esset, no-  
 cte, quæ sequuta est, horribile specta-  
 culum quiescenti contigit. Vidit enim  
 plus decies mortuum quendam se-  
 pulchrum ligneum secum trahentem,  
 sibi que obstrepentem, & impetum mi-  
 naci vultu facientem, ac sepulchrum,  
 quod dixi, quatientem. Narrauit po-  
 stea Benedicto, quod vidit, & à moni-  
 tione illius frequentius pro mortuo  
 orauit.

ID E M omnibus faciendum existi-  
 mo,

H

mo,

mo, & vtinam vt faciant, multis persuadeam. Reor sanè in hac controversia pro animabus Purgatorij standum esse, ijsque litem adiudicandam, non magis narratis visis, quæ non reijcio, quam ratione inductus. Nam vt premamus paullulum, quæ in aliena persona superius diximus: Finge, si placet, duos, factò naufragio, fluctuare in pelago opis alienæ indigos. Alterum natandi minimè gnarum, & cui porrecta tabula subuenire non possis, nec aliter discrimini subducere, quàm si lembo ad nauiges, ac eripias è fluctibus, & ad portum perducas: hoc illum te per superos, per tibi carum caput, per quicquid vbique venerabile, rogare, & obtestari, cum fide data, se memorem fore, ac gratum, sponsione interposita, & DEO, tanquam fide iussore inuocato: Alterum natandi non omninò ignarum, modò tabula aliqua adiuuetur, quam fluctuanti corpori supponat: tabulam verò haud longè abesse, modò manum ipse extendere & arripere, quæ offertur, non pigeat. At non lubet illi membra commouere:

uere:

uere: adhæret scirpo, aut arundini in  
 aqua extanti, quæ si vento succutatur,  
 se & adhaerentem undis inuoluet. hoc  
 videt naufragus, sed quasi securus fu-  
 turi, id flocci facit. auxilium tamen a-  
 licunde præstolari videtur, quod non  
 flagitat quidem precibus, sed contra-  
 rium potius ore, vultu, gestu signifi-  
 cat. Dic mihi, quæso te, sepositis tot  
 Theologorum subtilitatibus, & am-  
 bagibus scholasticis, cui nam tu pri-  
 mum subueniendum arbitrarere? Di-  
 cis. frustra hoc quæri: de quo nemi-  
 ni est dubium: quis enim ambigat an  
 priori illi auxilium quamprimum,  
 præ altero sit ferendum? Breuiter ita-  
 que, & penè verbulo. Luctantur cum  
 fluctibus in Purgatorio Anima, & cla-  
 mant semper, *Fluctus tui super me trans-*  
*ierunt.* Psal. xli. imperitæ natandi. Nam  
*nec opus, nec ratio, nec sapientia erunt apud*  
*infernus,* Ecclesiastæ ix. hoc est, in sub-  
 terraneis animarum receptaculis, siue  
 limbo, siue Purgatorio, siue dam-  
 natorum domicilio. Intelligunt qui-  
 dem animæ separatae, sed non est  
 illis ratio, scientia, aut sapientia ad  
 H 2 meri-

Ps. 41. 3.

Eccles. 9.  
10.

meritum: ne Christo quidem fuit dum  
 apud inferos moraretur. Nam idem  
 se operari oportere dixit *opera eius, qui  
 miserat ipsum, donec dies esset: venturam  
 noctem, quando nemo poterit operari* Ioan.  
 9. 4. nis IX. nemo manus ad natandum ex-  
 tendere. *In diluuiio aquarum multarum  
 nullus ad DEVM, sic natando approxi-  
 mabit, psalmo xxxi.* Ob eandem caus-  
 sam, tabula penitentiae ibi non prodest  
 ad euasionem: decursum est merendi,  
 ac pro se impetrandi spacium. Vnicum  
 superest remedium, si quis viuentium  
 ad nauiget, & in inoneraria suam, ele-  
 mo synarum, orationum, & sacrificio-  
 rum panibus onustam, has obtestan-  
 tes tuam fidem, ac opem implorantes  
 recipias.

IAM verò peccator, qui nobiscum  
 inter viuos agit, fluctuat ille quidem  
 in vndis mortalitatis, decumanis cri-  
 minum penè obrutus, sed, si secundam  
 post naufragiū tabulam arripere ve-  
 lit, certo certius euadet. Audit incla-  
 mantem: Penitentiam amplexare, sicut  
 naufragus alicuius tabula fidem, vt lo-  
 quitur Tertullianus, despicit. Videt  
 porrigentem, non absque obtestatio-  
 ne: In-

*Ter. lib. de  
 Penit.*

ne. In iste miser, fortiter inhære, *nam*  
*quam naufragus tabula;* ut hortatur S.  
 Antistes Ambrosius, dissimulat. Senti-  
 stimulantem conscientiam: quid peri-  
 re cupis, cum saluus esse possis? irri-  
 det. Accurrunt multi, certum spon-  
 dent auxilium. piget, vel extremum  
 sinistri pedis digitulum porrigere, cui  
 funis ad extrahendum innectatur. V-  
 surpat fortasse illa meritorum nostro-  
 rum osoris Lutheri: *Ego, si cælum aper-*  
*tam viderem, idque culmo stramineo de terra*  
*sublato, mereri possem, nollem tamen illum*  
*attollere.* Adhæret interim peccator  
 fragili cannæ mortalitatis, quæ, si fe-  
 briculæ ventus vrens incumbat, & a-  
 gitet, mergetur, ex æternis damnatio-  
 nis undis nunquam eruendus. Et ad-  
 huc dubitas, cui ferendum sit auxili-  
 um? Pereat, dum non vult, qui saluari  
 non vult, dum potest. quod non op-  
 tantis fit, sed prædicentis, aut malè o-  
 minantis.

ROBYR hæc accipiunt à vulgari,  
 ut vocamus, casu. Inuadit te prædo, ut  
 vitam tibi eripiat, aut rem aliquam,  
 quæ vitâ multo est vilior. Tu, ut il-

*Amb. ad  
 virg. lapt.  
 cap. 18.*

*Colloq. fol.  
 356. & fol.  
 59. plura  
 locat citat  
 Henricus  
 Fiz, Simon  
 in Britan.  
 lib. 1. cap.  
 10. lib. 2.  
 cap. 2.*

Iam retineas, sicam vibras; &, quam-  
uis non ignores, hominem lethifero  
obnoxium esse peccato, ideoque æter-  
nis addicendum ignibus, si transfiga-  
tur, cor tamen petis, ac transfuerbe-  
ras. Hic semidoctus exclamet. heu!  
quantum à te vno ictu commissum  
est piaculum? Cur ita? Quoniam  
plus diligere deberes vitam spiritu-  
alem alterius, quàm tuam corpora-  
lem: illius temporalem magis, quàm  
bona tua temporalia: itaque, non sine  
noxa vitam illi adimis, quem anima  
corporeque interiturum animadu-  
eris. At non ea mens est peritioris  
Theologi, qui iure mactatum pro-  
nunciat, nullo commisso ob id cri-  
mine, si inculpatae tutelæ modera-  
men haud abfuisse constet. Causa-  
rum omnium nucleus est iste, quod,  
qui te inuasit, non censeatur fuis-  
se in necessitate, cum liberè se con-

*S. Antonin* iecerit in id periculum, à quo se ex-  
*3. p. 112. 4.* pedire nullo negotio potuisset. Quo-  
*cap. 3. Syl-* circa non tenebaris tu vitam illius  
*uest. v. Bel* actu diligere: habebas autem ius-  
*lum. q. 2.* te, actus diligendi; ideoque remo-  
*Caes. 22.* uendi

uendi omnia, quæ cum efficaci hac dilectione pugnabant. Quare fas tibi fuit, vitam inuasoris, ut obstaculum, remouere. At, non est in maiore necessitate quilibet peccator, qui sciens volens in crimine perseverat. Est autem in maximâ necessitate Anima, dum in Purgatorio constringitur, nec se à cruciaria ignis violentia potest eripere.

SED esto, utriusque sit par, quoad necessitatem, conditio: An non æquum esset, illi prius succurrere, quem pluribus amare debes titulis, quam quem vno tantum, aut paucioribus? quam, qui in se habet aliquid, quod odisse possis, quum nihil in altero sit, quod non amare debeas? quam, qui inuisus est illi, cui nisi acceptus fiat, beneficij à te collati irritus erit euentus? Hoc autem inter Animam in expiatorio igne, atque peccatorem est discrimen. In anima est natura, & gratia. Vtrumque ex caritate diligendi est causa. In peccatore est natura, secundum quam ex caritate illi debetur dilectio. Est etiam culpa, quæ

H 4

DEO

q. 64. ar. 7.

Soc. lib. 5.

de Iust. q.

5. ar. 3.

Navar. ca.

15. n. 2.

Valen. tom

3. disp. 5.

q. 8. p. 4.

DEO est aduersa. At secundum culpam, quæ DEO est inimica, sunt odio habendi quicumque peccatores inquit Doctor Angelicus, etiam pater, mater, & propinqui, vt habetur Lucæ xiv. *Debemus enim in peccatoribus* (verba sunt eiusdem Magistri) *odire, quod peccatores sunt, & odire, quod inimici DEI sunt, & diligere, quod homines sunt beatitudinis capaces.* Quare peccatoribus dicere potuit Dauid: *Conuertantur peccatores in infernum.* Psalmo ix. *Diabolus stet ad dextris eius: cum iudicatur, oreat condemnatus.* Psalmo cviii. *Vtinam. abscindantur, qui vos perturbant,* inquit Gentium Apostolus. Pluribus itaque titulis animæ DEO caræ amorem mortalium prouocant.

*S. Thomas*  
2.2. q. 25.  
ar. 6.

*Ad Galat.*  
55.

*S. Thomas*  
2.2. q. 26.  
ar. 7.

HIS nititur altera ratio superiori gemina. Quo quis est, tum DEO, tum nobis propinquior eo frui magis eum decet propinquioris subsidio, si indigeat, multo maximè, si postulet. Alter ergo in illum animo ac propensione promptius, citiusque ferri debet. Quod penè argumentatione physica demonstrari potest. Quia motus omnis

nis.

nis accipit quasi pondus suum quo tendit in terminum ex ipso sui principio potissimum, à quo nimirum procedit: quemadmodum ex termino, vel obiecto sumit specificationem, & quandam determinationem. Itaque necesse est etiam motum caritatis, maiori quasi pondere, ideoque promptius, & expeditius ferri in illud, quod est coniunctius principio, à quo procedit dilectionis motus: videlicet ipsi diligenti. Sunt autem multo coniunctiores hominibus iustis animæ Purgatorij, quam peccatores viuentes. Coniunctionem enim habent cum ijs arctissimam, quam gratiæ & caritatis nexus reciprocus efficit. Vnde consequitur, vt sint amici ac fratres tum nostri, tum Christi, filij autem DEI. Hoc vinculo carent peccatores, qui idcirco sunt inimici & abominabiles.

Nèque obest locorum distantia.

Nam vt rectè Augustinus, *Caritas ipsa Serm 42<sup>a</sup> vera est, qua corporaliter separatos consuevit de tempore spiritualiter copulare*, atque arctissimè coniungere. Duo enim, qui se spiritualiter diligunt sancto amore,

H. 5

etiam

etiamsi vnus in Oriente alter, sit in Occidente ita in caritate conglutinante iunguntur, vt nunquam ab inuicem separentur. Atque hæc magis mouent, si etiam carnalis intercedit coniunctio; vt si patris, matris, cognatorum sint spiritus: addo, etiam benefactorum quibus id officij genus impendere cogimur.

VIDETVR hic fuisse sensus religionis ac doctrina præstantium virorum à quibus plurima pro Animabus in Purgatorio luentibus inuenta sunt, atque vsurpata subsidia, quibus tamen de peccatoribus vitam mortalem cum ipsis degentibus tanta non fuit cura. Mos est in sacratis DEO familijs, vt vita functo è Socijs quocumque, nomen ipsius schedæ inscriptum ad proxima domicilia, deinde ad propinquiores prouincias, tandemque in remotissimas orbis partes (si in Ordine communis sit Antistes, & per mundum vniuersum communicatio) deferatur: vt quam primum sacrificia, ac preces fiant pro animæ liberatione, si fortasse in Purgatorij

gatorij

gatorij flammis detenta crucietur. Ita in Societate IESV per orbem vtrumque sparsa, nomina etiam illorum, qui apud Iapones, ac Sinas decedunt, post mortem quantocius ad omnia Collegia transferuntur. Idem in Sodalitatibus B. Virginis DEI PARÆ receptum videmus: Nam si quis moriatur è Sodalium numero, eius nomen ad omnes Sodalitates confederatas mittitur, & preces ex pacto postulantur.

POSSET id nuperum haberi, ac superstitiosè inuentum ab ijs, qui omnia velle nouare per calumniam dicuntur, nisi consuetudinis minimè nouitiæ vetus superesset attestatio. Qui Antiquitates Fuldenses euulgauit vir eruditus & facundus, Christophorus Brovverus, epistolam laudat Custodis Monasterij principis, antecentum amplius annos scriptam ad Decanum Monasterij S. Sixti in Holtzkircha, qui, cum alia ei quaesita proponebat, quibus is eruditè respondit, tum præcipuè cognoscere cupijt: quid muneris ac officij monasterij

*Hist. Fuld.  
lib 2. cap.  
18.*

rium principale defunctis impertiret?  
 ,, Rescribit itaque Custos hoc inoleffe:  
 ,, moris, vt, quem DEVS ex hac vita Sa-  
 ,, cerdotem euocarit, huic Sacrificio  
 ,, trino, vnoque Psalterio iusta per solu-  
 ,, ta censeantur. Qui ordinis illius ex-  
 ,, sors vixerit, ei ternis vigilijs, cum  
 ,, psalterio parentari. Porro, nomen de-  
 ,, functi in ephemeridem referri, vt in-  
 ,, de exemptum aliquando veniat in no-  
 ,, titiam eorum, quibuscum sit suffragi-  
 ,, orum, atque orationum inita societas.  
 ,, Quippe, id moribus receptum anti-  
 ,, quis, septenio quoque descripta sche-  
 ,, dis defunctorum nomina omnem in  
 ,, partem trajici. Quo tempore Rotula-  
 ,, rio id curæ mandatur, vt confæderata  
 ,, monasteria obeat: penes singula me-  
 ,, moriæ, & officij causâ defunctorum  
 ,, titulos relinquat, pijsque suffragijs eo-  
 ,, rum, pro fæderis icti sanctimoniâ  
 ,, commendet.

ID verò Fuldæ ritus extitisse pecu-  
 liare, vt, qui Monachus humanis ex-  
 cessisset, ad funeris vsque tricesi-  
 mam, ceu superstes itidem esset, ci-  
 bi sui demensum acciperet: & portio  
 hæc,

hæc, siue præbenda, ut nuncupant, eius nomine, alicui interea pauperi cederet. Hic verò pauper, siquidem visus idoneus, & locū defuncti in triclinio occupabat, & vnâ assidens, cibum cum Cænobitis capiebat: ita ut nec solitæ refectiois quicquam huic detrahi posset. Sin communis mensæ capax non fuisset, extra cænationem præbebatur idem cibi modus. Addit huius ritus obseruator; rem in memoriâ Patrum fuisse Fuldæ gestam insigni piaculo huius defunctorum manibus subductæ pietatis. Et digna est quæ multorum animis insculpatur.

IN magna mortalitate triginta simul ferè cænobitas morbi atrocitas abstulerat. Hic Cellarius, penes quem administratio victus, indignans tantam ali quotidie pro defunctis pauperum turbam, præbendam imminui iubet, audetque accidere solitam agapen. Sed non diu impune sordes eas, an transgressionem tulit. Matutinæ horæ inuitabant hominem ad stata precum, & nocturnam psalmodiam. Hæc dum numero petit, ob-

uios habet defunctos magno venerabilium Monachorum comitatu. Si stant euntem, & ad exedram piacularem, siue Capituli locum, cogunt diuertere. Hic veste nudatum humi sterunt (loquor cum veteri Scriptore)

*Et virgis ad sanguinis copiosam effusionem disciplinantes, relinquunt seminanimem.*

Abeuntium hæc vna, & minax oratio.

*Quare subtraxisti nobis portionem nostram? Breui moriêre.* Et comminatio, prædictioque veracem illicò euentum habuit. Eâdem historiam primùm V Vilhelmus Malmesberiensis, prudens Angliæ Scriptor publicauit. Inde ex hoc Vincentius suo in Speculo, ad Annum Christi M. C. IV. retulit.

SED multo ante, tum Fuldæ, tum alibi obtinuit cōsuetudo, pro defunctis non domesticum solùm, sed exterorum etiam suffragia ac sacrificia postulare. Diui Bonifacij Germaniæ Apostoli tempore ritu haud dubiè, à Patribus accepto, idem vsurpabatur. Ille in epistolis sæpe ac seriò, preces & Missas petit pro mortuis Sodalibus suis, expresso eius, qui obierat, nomine.

ne.

ne. Epistola xxiv. Similiter, inquit, ut pro dormientium Fratrum animabus, qui nobiscum laborarunt in Domino, orationum adjuuamina, & Missarum solennia celebrare faciatis, rogamus: quorum nomina gerulus harum litterarum demonstrabit. Idem faciunt alij quam plurimi in epistolarum Sancti illius volumine.

Epis. 35. 36  
70. 74. 76  
77. 84.

IN Synodo Bauaricâ, celebratâ sub Tassilone Bauariæ Duce, temporibus Caroli Magni, Anno septingentesimo septuagesimo secundo, id est, ante annos plus quam octingentos hæc leguntur, titulo, De collaudatione, quam Episcopi & Abbates in Baioaria inter se fecerunt pro defunctis fratribus. In Christi nomine. *Ut eorum quis (præmittuntur plura nomina) de hac luce migrarit, unusquisque superstitum Episcoporum, vel Abbatum, pro defuncto in domo suâ episcopali, vel coenobio, centum Missas speciales, & eodẽ numero psalteria cantare faciat Vel à religiosis sibi met subiectis implere omninò prænotatum faciat numerum Presbyteris, siue Monachis, cum de hoc saculo migrauerint. Episcopus, seu Abbas, uni Presbytero, vel uni Monacho triginta Missas speciales, totidem psalteria faciant celebrari.*

Henricus  
Canisius  
edidit.

HIS

His adde certo dierum recurrentium numero hebdomadariam & mensuriam, tum anniuersariam in Domino quiescentium animarum memoriam, in templis, minimè superstitionis: imò, quotidianam in sacrificio quolibet recordationem.

EST ne quid simile, in tota, vel antiquitate, vel nouitate ad peccatorum liberationem institutum? Profectò si quis Monachus, Ecclesiasticus, Clericus, Sodalis grauitè delinquit, iuuatur quidem priuatim aliquorum precibus. Quod præstatur etiam Turcis, Idololatri, Apostatis, capitalissimisque Ecclesiæ ac religionis inimicis; sed non indicuntur in toto monasterio, multo minus in prouincia communes omnium supplicationes: non exiguntur longissimarum comprecationum pensa, & sacrificiorum sibi succedentium subsidia, sicut pro defunctis. Nomen delinquentis refertur fortasse in tabulas, sed vt in Capitulo vapulet, vt in carcere poenas luat, vt supplicio, & publicâ notâ reliquos terreat; non vt pro eo oretur.

Non

Non dantur, eius causâ, eleemosyna: non celebratur septima, trigesima, annua commemoratio. Nimirum, viget insita mortalium animis opinio, quæ auelli nequit à benè institutis, in mortuorum subsidium impensus, quam in viuentium, qui sui sunt iuris, esse incumbendum.

QVAM Ecclesia approbare videtur, cuius institutione, haud dubiè, diuini Spiritus instinctu, magna est in sacrorum rituum libris, pro fidelium defunctorum è Purgatorio liberatione officiorum multitudo, ac diuersitas. Vnus ipfis anno quolibet sepositus est dies, quo omnis conditionis fideles, sacri profanique ad eorum fauorem conspirant: templa, altaria, sacerdotes, cantus, suspiria, gemitus ipsorum expiationi deseruiunt. Ipso statim obitus, depositionis, ac funeris die sacrâ hostia litatur, vt quam breuissimo tempore purgationem subeant. Canitur, recitatur-ue Defunctorum, vt vocamus, Officium. Tertio, septimo, trigesimo, propria, & ad dies annumerata liturgia iuuantur. Missæ Sa-

crifi-

crificium quotidianum ipsorum in gratiam conficitur.

AN his paria frequentantur pro peccatoribus, qui plurimi inter nos degunt? Missale Romanum inspiciate, ac peruoluite, omnes Missarum formulas excutite, vnicam reperietis, cum inscriptione, *Pro peccatis*. Sed tamen rarò dici solitam, vt multos esse Sacerdotes opiner, qui cum triginta, aut pluribus annis sacrificauerunt, nunquam tamen illis in mentem venerit, Missam *pro peccatis* dicere. Cùm tamen nemo reperiat, vt arbitror, modò celebrandi consuetudinem habeat, quem non vel obligatio, vel pietas ac deuotio instiget, vt aliquoties pro defunctis Missa ijs inscripta sacrificet. Et fortasse non desunt ( quod mirificè mihi probatur ) qui quoties rem diuinã alio fine ex Præsum præscripto facere non tenentur, in animarum gratiam sacrificant. Illud quoque à me est obseruatum, totam illam *Pro peccatis* Missam, non tam dirigi ad peccatoris, miseriam suam vel ignorantis, vel corrigere negligentis sub-

fidi-

fidium, quàm ad veniam ipsi celebranti impetrandam, & poenæ condonationem obtinendam: vel alijs, quos delictorum poenitet, & redeundi cum DEO in gratiam est animus.

QVID quod cum tot passim legantur, & tam variae orationes, pro defunctis siue personas omnis conditionis, sexus, dignitatis; siue temporis diuersitatē spectes, sintque quam plurimæ pro alijs necessitatibus; tamē nulla reperiatur, quæ ad meam notitiam peruenerit expressè *Pro peccatoribus*. Nam quæ *Pro remissione peccatorum* inscribitur, & *Pro publicè poenitentibus*, huc nō spectant. Quæ autē in veteri erat Missali, *Pro tribulatione peccatorū*, & ad hoc maximè faciebat, antiquata, in correcto codice omittitur. Tā sedula est Mater nostra Ecclesia pro defunctorum animabus deprecatrix, ut tota in eo occupata, aliorū penē curam se posuisse videri possit, licet in omnium salutē promouendam incūbat sedulò.

EADEM fuit assiduitas orandi, sacrificandique pro Purgatorij hospitibus quorundam ab omni virtute

tute laudatissimorum virorum. Inter quos nominandus meritò S. Nicolaus Tolentinas. Erat hic in eremo Valli-mauesi iuxta Pisas, & cotidie celebrare sacrum erat solitus. Cùm autem nocte Dominicæ proximè sequentis, quo die, pro hebdomadario, erat in summâ arâ facturus, paullulum obdormisset; ecce tibi Spiritus, qui non sine eiulatu inuocat Nicolaum quiescentem. Expresso enim nomine, vir DEI, clamabat, respice in me. Percunctanti quis esset? nomen edidit, addens, se purgatricibus flammis torqueri, ideoque subsidium petere, quod Sacrificio Missæ adferre posset. Excusare primùm Nicolaus, quod fas non esse diceret, ministerium impostum deserere: munetis rationem haud pati, vt pro defunctis celebraret, solenni, ac dominico die. Instare Anima & obtestari impensius. Vt autem permoueret magis, duxit in campum, vbi ingentem vidit omnis generis turbam opem ipsius enixè implorantem.

Horum precibus adductus, mane  
Præ-

Præsidi supplex factus est, petijtque potestatem sibi fieri octiduo illo pro defunctis offerendi. Annuit Cœnobij Moderator. Sic ille totâ hebdomade, & sacrificium pro defunctis obtulit, & diu noctuque multis cum lacrymis DEI misericordiam imploravit. Quibus tantum profecit, vt iterum videntem se præbens Anima, gratias pro beneficio ageret, magnamque miserorum partem diceret, eius beneficentiâ à pœnis liberatam in cælos euolasse.

NOVI ego Romæ quondam, qui Pontificis concessione, nullo intermisso totius anni die, pro animâ Cardinalis defuncti funebre sacrum dicebat. Ad quod quam diu viueret reor fuisse obligatum.

ANNO MDLXXXIX. piè obiit *Ioannes Ximinius* Coadiutor Societatis IESV. De hoc refertur in vitâ *Balthazaris Alvarez*, cum coram B. Virginis imagine mente reuolueret pœnas eorum, qui Purgatorij ignibus detinentur, auditum ab eo esse istam vocem. *Eterni quoque eorum meminervis.* Ad quam

NOTÆ.

quam ipse. *Id vero praeſtabo Domine. Quare deinceps omnia merita ſua ijs applicavit.*

Quod, ſi non omnibus integrum eſt, nec conſultum ſibi quibusdam videtur, nemo tamen eſt ſodalium numero reperiri deberet, qui non quotidie, memor Animarum in Purgatorio gementium, pio gemitu, oratione, & DEO gratis operibus, & pro cuiusque facultate, elemoſynâ, aliquid ijs ſubſidj adferre conaretur. Quod haud dubiè faceret quilibet, ſi animo recogitaret, & audiret mœſtiſſimas illas voces, quibus miſericordiam viuentium implorare quolibet ex ijs cogitari po-

*Thren. i. 12*

*teſt. O vos omnes qui transitis per viam, attendite & videte ſi eſt dolor, ſicut dolor meus!*

(:.)

NOTE.

## NOTÆ.

**D**IONYSIVS Carthusianus refert B. Gertrudem quicquid in suis operibus satisfactorium esset patientibus Animabus ingenti affectu addixisse. Verùm Sanctã Virginem cum è vitã discederet, ea cura nõ mediocriter angebat, ne cum omnes per vitam actuum bonorum fructus alijs tradidisset, ipsa se spoliatam omnibus reperiret. Sed Christus frustra sollicitam ita solatus est: Ut intelligas, quã grata mihi fuerit caritas tua, quã erga Animas vsa es, remitto iam nunc omnes poenas, quæ tibi essent subeundæ. Et qui pro vno spondi centuplum, liberalitatem meam modò ostendam tuamque gloriam cumulabo.

Lugduni duo SS. Theologia Doctores, cum suis non paucis discipulis, accurate expensis rationum momentis ex Tractatu de Purgatorio Ioannis Euleb j Nierembergi, uniuersa totius vite satisfactientia opera patientibus Animabus obulere. Libell. *Modus se citò distandi.*

Thomas

1192. SVCCVREND. ANIMABVS

Thomas Morus Anglia Cancellarius & Martyr sub noctem coactâ in unum familia, cum alias preces, tum Psalmum De Profundis pro Animabus recitabat. Thomas Stapleton. in vita cap. 9 S. FRANCISCVS Xaver Indiarum Apostolus post Solis occasum ipsemet Urbem obiens, incolas tintinnabulo excitatos solenni carmine admonebat, ut pro cruciatis purgatorio igni Animis proque hominibus scelerum veterano sopitis diuinam clementiam implorarent. Horatius Tursell. in vita lib. 2. cap. 17.

In multis Italia locis, sub noctem, datur pulsu campana templi signum omnibus recitandi Psalmum De profundis in solatium Animarum.

Acerbissimis pœnis sponte susceptis DEVM animabus propitium reddebat S. Ludgardis. Quare Maria Ogniacensis dicere solita erat; Sub cœlo neque fortior, neque constantior peccatorum & Animarum patrona, quàm Lutgardis. Surius tomo 3. 16. Iun.

Incredibile ferè sunt quæ in subsidium Animarum in Purgatorio gementium perlegit Christina Mirabilis. Lage Surius tomo 3. 23. Iun.

B. FRANCISCVS BORGIA ante  
iniriã

initam religionem cum in agritudinem ardentissimam incidisset, & nouercali die intima quaque illius molesto febrili igne aestuarent, sua mentem tum pupugit meditatio equanam illos flamma torrerent qui purgante igne cum futura beatitudinis spe expiarentur. Pro his igitur ex illo tempore, & orare indies, & rem diuinam curare coepit. Andreas Schottus lib. 1. c. 5.

Idem Prorex Gothalandia dum pro muneris sui ratione complures sicarios, qui Barcinonensem agrum latrocinijs infestabant ad meritam necem damnasset, eorum interim vicem miseratus, cum ad supplicium raperentur sacrificia pro singulis triginta fieri suo iussit. Idem in vita lib. 1. cap. 8.

FERDINANDVS II. Imperator maximè pius, in Animas qua purgatorio igne torquentur commiseratione tangebatur singulari. Quoties aliquem è notis audiuit viuis cessisse, quoties conflictum factum inaudiit, illicò pro illis, militibusque catholicis suffragia & Sacra curauit, & ipsemet ardentè pro ijs DEVM orauit.

Huc spectat quod grandem habuerit catalogum mortuorum, pro quibus quotidie DEVM precabatur, Summorum Pontificum, Imperatorum, Regum Catholicorum,

I                      què

qui eius tempore vixerunt: Consiliariorum  
item qui ei seruebant, & dum viuorent,  
seruierant. Item, Confessariorum olim suo-  
rum. Et, quod magis mirere, priuatorum  
Religiosorum, quos amauit, & à quibus se  
dilectum fuisse existimauit. Gulielmus  
Lamormaini lib. de Virtutib. Ferdi-  
nandi II. cap. 21.

---

 SERMO VI.

*An prudenter à mortalibus pœna pro pec-  
catis in hac vita subeunda ad Purga-  
torium remittatur.*

**F**ACIMVS hodie ritu Christiano,  
quem fides orthodoxa induxit, fir-  
mauit pietas, in amicorum gratiam,  
quorum Spiritibus pacem suppliciter  
poscimus à Spirituum Domino: Quod  
nobis optabimus, mortalitate posi-  
ta, fieri ab amicis, dum felici sorte,  
salutis securi, in expiaticibus Pur-  
gatorij flammis, pœnis exercebi-  
mur, igneis induci culleis. quis scit  
quam diu? veterumque malorum sup-  
plicia expendentes ad libertatem an-  
hela-

helabimus solliciti. Quam equidem felicem sortem appello. Vtrum plerisque è nobis ea obueniet ego sanè secretorum diuinorum nescius, planè ignoro. Hoc adfirmare ausim, haud paucissimos eo magnis itineribus videri pergere, vnde negant redire quemquam: certè, vbi nulla est redemptio: vix vnum alterum. ue ex millibus millium, nisi prius ignibus emaculentur à nãuis animæ Cælitibus adscribi: reliquos omnes in carceres subterraneos, vbi ineffabilibus modis torquentur fidelium bonorum Spiritus detrudi, ac detineri arctissimè, donec vel satisfiat Iustitiæ vindicatrici, vel Misericordia mortalium votis fatigata subueniat.

ISTVD hodie nostrarum est partium, pro ijs, quorum hæc, dum in terris nobiscum agerent, erant nomina. Vnum excipio, quem extra ordinem pono, viuum adhuc (diutissimè vt fit faxint Superi, quos eius rei gratia supplex appello.) SODALITATIS MARIANÆ Præfectum

I a num-

nunquam non nobis nominandum, celebrandum semper. Sernissime ac Reuerendiss. MAXIMILIANE HENRICE Princeps florentissime, multos annos, viridem senectā ac æternam memoriam felicitatemque precamur. Annuat ô! qui nutu dare potest.

Obierunt in Domino — *Legitur Benefactorum Catalogus.* —

His omnibus, & si qui fortasse nomenclatorem latent.

*Annua vota modò, solennesque ordine pompas*

*Exequimur, struimusque sacris altaria donis.*

Est pretium operæ huius intelligunt, qui, quanta sit pænarum acerbitas ijs in locis, ubi animarum maculæ eluuntur, quiq̃ vim suffragiorum fide docti non ignorant: quibus etiam persuasum, quod à fide dignis accepimus, pænas Purgatorij in seculum sæpe alterum, & quod excurrit, protrahi. Quæ omnia, & his adnexa, varijs commentationibus sunt hoc eodem loco, & apud eosdem auditores pertractata diligenter, vt non sit necesse eadem repetere.

Quo

Quocirca illustrabimus alia quædam ad Purgatorium spectantia, nouo modo, rædij le iandi causâ, quod parit rerum similitudo. Et consultationem Theologicam hodie instituemus, cuius responsis, nonnulla, quæ à Pietatis eruditæ candidatis ignorari minime conuenit, illigabimus, adfectus pij nunquam immemores. Consultationi ne à parænesi sit diuersa, præfigatur hoc lemma:

*Demine, ne in furore tuo arguas me, neque in ira tua corripas me.*

Elvs porro hæc fuit occasio.

Malatestæ B. bulo de suis criminibus, apud Virum æquè doctum ac pi-um, & in officijs conscientiam concernentibus apprimè instructum confessio pænitentia imponebatur, non tam ex rigore Canonum, ac iustitiæ præscripto grauis & acerba, quam benignitate Præsidis spiritualis, temperata, ac leuis. Ille tamen, vt erat ingenio præferoci, & agresti, tergiuersari primùm, sed friuolis ex causis: tum deprecari, sed irritò conatu, Confessario, patrem, simulque iudicem agente:

tandem recusare omninò coepit; absolutionem sacramentalem nihilominus pertinaciter flagitans; sibi que deberi contendens: quod diceret, nolle se pro poena temporali hac in vita satisfacere; sed in Purgatorium remittere, quicquid perferendum sit: ibi se stare velle DEI iudicio, & quodlibet sibi irrogandum supplicium luere: hoc satius videri quam modò necessarijs se satisfactionis piaculis subijcere.

EA de re consultus, non sine stomacho condemnavi hominem, vel argui potius intolerabilis inscitiae, & non ferendae vae cordiae, ac imprudentiae singularis. Inscitiam illud prodit imprimis, quod opinetur, eum, qui in Sacramento poenitentiae petit à Sacerdote, beneficio Christianis concesso, à peccatis absolui, ac animae suae vulneribus mederi, posse poenam, quae sibi clauone errante ab illo indicitur, recusare aut admissam semel non dependere, quod in Purgatorio expiari magis placeat. Quam opinionem cum generalium Conciliorum Sanctionibus; cum magno-

magnorum Theologorum auctoritate, cum ratione mirè pugnantem, & post Synodum Tridētīnam plenam periculi sentiunt, qui aliquid in conscientia foro sapiunt.

Contrarium verò, nempe, Confessarium posse obligare pœnitentem, ut satisfactionem acceptet, atque impleat; proindeque illum cogi pœnam impositam persolvere, tam certū esse hoc tempore, definit nominatissimus, doctissimusque Theologus Franciscus Suarez tom. v. in tertiam partem S. Thomas disputatione XXXVIII. Sectione VII. conclusione I. ut sine temeritate negari non possit. Nam ferè apertè id definiuit Concilium Tridentinum: ad eò ut magnus in Theologia Magister Franciscus Victoria existimauerit, illud esse de fide. Colligitur ex verbis Leonis Papæ, epistola LXXX. IX. alijs XCI. & habetur in cap. *Multiplex* de Pœnitent. distinct. I. & Concilio Salegustadiensi capit. XVIII. in tomò tertio Conciliorum: *Multè*, dicitur ibi, *tanta falluntur stultitia, ut*

I 4 capio

*capitali crimine culpatis penitentiam à suis  
sacerdotibus accipere nolint.*

Concilium Lateranense, cui præ-  
fuit Innocentius III. mandat, vt li-  
quet ex Cap. *Omnis utriusque, de penit. &  
remiss.* vt quilibet vtriusque sexus fide-  
lis, qui doli est capax, singulis annis  
semel saltem proprio Sacerdoti con-  
fiteatur omnia peccata in Paschate, &  
Eucharistiam sumat, ac iniunctam pæ-  
nitentiam proprijs viribus adimple-  
at. Quid autem tria illa, confiteri,  
suscipere, adimplere, aliud, quàm e-  
ius qui confitetur necessaria officia in-  
dicant?

Non conuincis, inquis, hoc testi-  
monio peruicacem. ita & ego opinor.  
Addatur igitur Lateranense aliud, cui  
Leo X. præsedet. In hoc præcipitur, vt  
qui DEVM, Diuosque contumeliosis  
verbis insectantur, à blasphemia in  
foro conscientie absolui non possint,  
nisi (Verba sunt concilij) grauissima  
penitentia seueri confessoris arbitrio  
iniuncta. Sed reus blasphemie Sacer-  
dotis absolutionem absque scelere  
contemnere nequit. Ergo nec satisfac-  
tio-

ctionem, aut pœnitentiam impositam.  
 Bona est haud dubiè ista collectio,  
 Quam munit Concilium Florentinum  
 vbi præcipit de Sacramento pœniten-  
 tiæ hunc in modum: *Pars pœnitentiæ sa-  
 tisfactio est secundum arbitrium Sacerdotis.*  
 At quæ concernunt doctrinam Sacra-  
 mentorum, ac rationem quemadmodû  
 à Christo sunt instituta ac tradita, nõ  
 ad liberam cuiusque voluntatem, sed  
 ad necessitatem, & obligantem legem  
 referuntur, vt immutare, aut imminu-  
 ere quicquam planè sit inconcessum,  
 ac nefarium.

SED rem planè conficit Concilium  
 Tridentinum, cuius verba, vt opinor,  
 facultatè sentiendi contrarium planè  
 tollit. Nã in sessione xiv. cap. 8. quod  
 est de satisfactionis necessitate & fru-  
 ctu hunc in modum præscribit. *Debent  
 Sacerdotes Domini, quantum spiritus &  
 prudentia suggesserit pro qualitate criminum  
 & pœnitentium facultate salutare, & con-  
 uenientes satisfactiones iniungere, ne si fortè  
 peccatis conuiueant, & indulgentius cum pœ-  
 nitentibus agant, leuissima quadam opera  
 pro grauissimis delictis iniungendo alienorum  
 peccatorum participes efficiantur. Habeant  
 autem pra oculis, vt satisfactio, quam impo-  
 nunt*

ponunt, non sit tantum ad noua vita custodiam, & infirmitatis medicamentum; sed etiam ad prateritorum peccatorum vindictam, & castigationem. Nam clauēs Sacerdotum non ad soluendum duntaxat, sed & ad ligandum concessas etiam antiqui Patres & credunt, & docent. Canone autem XV. ita definit: Si quis dixerit, Clauēs Ecclesie esse dadas tantum ad soluendum, non etiam ad ligandum: & propterea Sacerdotes dum imponunt poenas confitentibus, agere contra finem clauium, & contra institutionem Christi, anathema sit. Ex quo Canone sic licet argumentari: Finis Clauium, ac Christi institutio id exigit, vt poenitentibus poenae in Sacramento imponantur. Itaque hunc finem, atque hanc Christi institutionem peruertere, nec Sacerdoti, nec poenitenti, nec vlli potestati humanae permissum est.

Hic fuit sensus magnorum in Theologia Magistrorum, quorum auctoritas plurimum in hac re valere debet.

Richardus de S. Victore, cuius dicta Magistralia appellat S. Thomas in tractatu de potestate ligandi & soluendi cap. 8. sic habet: *Poeniten-*

PURGATORII PŒNA. 203

tem à debito damnationis *DEVS* absoluit sub tali conditione, ut eum oporteat, prout potest Sacerdotis absolutionem querere; & ad eius arbitrium, debito more satisfacere. Nam si satisfacere neglexerit periculum æternum non euadit. Quæ significant, pœnitentem lege necessario cogi ad satisfactionem Sacerdotis arbitrio designatam.

Magister Sententiarum idem planè indicat in 4. distinct. 18. ac S. Thomas ibidem, & in Additionibus quæst. 18. art. 3. & in 3. parte quæst. 80. art. 2. vbi sic scribit. *Requiritur ex parte pœnitentis, Primò quidem voluntas compensandi, quod fit per contritionem. Secundò, quod se subijciat arbitrio Sacerdotis, loco DEI, quod fit per confessionem. Tertio, quod recompenset, secundum arbitrium ministri DEI, quod fit per satisfactionem. Et idè contritio, confessio, satisfactio ponuntur partes Pœnitentia.* Idem S. Doctor in 4. dist. 16. *Recompensatio, inquit, pœnitentia tribus gradibus perficitur; quorum Primus est displicentia culpa præterita; aliàs non sponte ad satisfactionem accederet, & hoc per*

contritionem perficitur. Secundus est, ut  
 culpas suas notificet DEO per Sacerdotem,  
 aliàs non se ad recompensationem secundum  
 arbitrium eius in quem peccavit offerret; &  
 quantum ad hoc, est confessio. Tertius est, ut  
 compenset DEO secundum arbitrium Sa-  
 cerdotis, & ad hoc est satisfactio.

Clarissima etiam sunt illa in dist.  
 17. q. 3. ait. 3. q. 4. Cum Sacerdos non ab-  
 soluat, nisi ligando ad aliquid faciendum, il-  
 le solus potest absolueret, qui potest per impe-  
 rium ad aliquid faciendum obligare.

Item 2. 2. q. 67. art. 1. docet sententi-  
 am iudicis esse veluti legem ad singu-  
 lare factum admotam. Ut autem  
 lex generalis vim habet cogendi, ita  
 sententia iudicis vim habere debet co-  
 actiuam, alioqui iudicium non esset ef-  
 ficax. Tandem in 4. dist. 19. q. 1. art. 1. a-  
 gens de clauibus: Iudicium, inquit, dici  
 non potest, nisi vim coactiuam habeat.  
 Iudicium autem exercet, dum senten-  
 tiam fert in tribunali pœnitentiæ con-  
 fessarris.

Eiusdem sententiæ est Alensis 4. p.  
 sum. q. 24. mem. 4. ait. 5. Durandus in  
 4. d. 20. q. 1. & 2. Richardus in  
 4. d. 18. ar. 1. q. 5. Paludan. in 4. dist. 20.  
 q. 1. ar.

q. 1. ar. 2. & q. 2. art. 3. & quæst. 1. art. 2. adfirmat quemlibet Christianum ad satisfaciendum cogi arbitrio Petri. Consentit Maior in 4. dist. 17. quæst. 2. Almainus dist. 18. q. 1. art. 2. vbi adfirmat hanc esse opinionem antiquorum. Franciscus Victoria quæsto 209. Dom. Sor. in 4. dist. 20 q. 2. art. 2. Melchior Canus 5. par. relect. de pænit. Petrus Soto lect. 2. de pænit. Ledema 2. 4. q. 20. art. 3. Roffensis art. 5. contra Lutherum. Suarez. tom. 4. in 3. p. dist. 38. sect. 7. Tapperus articulo 3. denique, qui omitti nullo modo debuit B. Antoninus 3. p. tit. 18. ca. 19. §. 19. quàm densa hæc testium est nubes?

IDEM verò firmissimis rationibus stabilitur. Aliquas adferamus. Prima est Sacramentum pænitentiae est Sacramentum iurisdictionis, de quo dubitare non licet. Hinc est, quod non quilibet Sacerdos ius dicere queat in hoc tribunali; sed is duntaxat, qui ad potestatem ordinis adiunctam habet potestatem iurisdictionis. At iurisdictionis sine coercitione nulla est, vt passim Iuris-consulti docent: & constat

ex ff. de officio eius, cui mandata est iurisdictione l. postrema, & cap. Pastoralis de officio Iudicis delegati. Itaque si Sacramento penitentiae iurisdictione utitur, necessarium est, ut habeat vim puniendi, ac coercendi.

Huic adfinis est altera, aut potius superioris confirmatio. Nemo mediociter versatus in fidei Christianae arcanis negavit, Sacramentalem absolutionem Sacerdotis esse actum iudiciale. quod clarum est ex Canone ix. sess. xiv. Concilij Trident. At sententia iudicialis ferri non potest, vel ut loquitur S. Thomas in 4. dist. 19. q. 1. art. 1. iudicium dari nequit, nisi vim coactivam habeat. Quare Sacerdos cogere potest ad penam suscipiendam ac ferendam. Et nonne civilium capitaliumque causarum iudices à seculi Principibus dati imperio cogere possunt reos ad praestanda ea, quae sententiae aequitas postulat? & id negetur sacrarum confessionum iudici, qui DEI personam sustinet, & in eo iudicio, in quo de summa rerum agitur?

Sic etiã licet arguere. Nemo sibi est iudex,

iudex,

iudex, aut ius sibi dicere debet. In re enim propria, inquit lex, iniquum admodum est alicui licentiam tribuere sententiæ, L. vnica Cod. *ne quis in sua causa iudicet.* An non igitur iniquum reputari debet, in iudicio, quo à pœnitente pœna iuste repetitur, eius auctoritate, qui, vt DEI Vicarius, tribunal occupat, reum spretâ iudicis sententiâ, suo arbitrio punitionem metiri velle, & de loco illius, æ tempore decernere?

Nec parum roboris habet ista ratio. Confessarius tenetur satisfactionem imponere pœnitenti. Itaque pœnitens tenetur illam acceptare. Tum quia cum vterque concurrat ad Sacramentum, vterque tenetur integritatem illius seruare. Tum quia alioquin admodum inefficax esset potestas Sacerdotis vindicatiua, quam tamen Christus præcipuam esse voluit.

Videtur etiam species iniustitiæ ac defraudationis in Purgatorum reijcere pœnam peccatis debitam. Siquidem in purgatorio non viuit totus homo.

homo, qui Deum offendit, sed anima tantum. Totus autem homo offendens DEVM iniuriæ factæ pœnas debet luere: sicut toti homini destinatum fuit Sacramentum pœnitentiæ. Itaque in hac vita pœnam ac satisfactionem DEO dare ac subire debet. Et sanè satisfactio illa, quam in Purgatorio DEO præstat multum differt ab eâ quam DEVS in Sacramento pœnitentiæ à toto homine exigit. Addamus, quod sicut in Purgatorio satisfacit anima ad arbitrium DEI, ita in hac vita voluit totum hominem satisfacere ad arbitrium Sacerdotis. Denique, Sacramentum pœnitentiæ constat essentia & integritate, atque vtrumque habet à Christo, & vtrumque est iuris diuini. Integritatis autem pars est satisfactio, quamuis essentiam non ingrediatur. Itaque non est in potestate hominis satisfactionem nõ suscipere. Nam violaret integritatem Sacramenti. Ergo non licet pœnitenti pœnam sibi iniunctam aut debitam in alteram vitam rejicere.

SED detur tibi, quod non est humanae

manæ potestatis concedere, fas esse, neglecto Sacerdotis satisfactionem præcipientis imperio pœnam omnem temporariam alteri vitæ reseruare, & Purgatorij cruciatus præeligere, nemo, nisi planè sit delirus & rerum alterius vitæ ignarus hos illi prætulerit, quod è duobus principijs, quæ omnium calculis comprobantur, manifestum faciam.

Vnum suggerit Philosophia moralis. Sapientis est è duobus malis, cum vtrumque euitari non potest, illud, quod est minus arripere. Eius non obscura vestigia cernuntur in omni rerum genere, ac primò in sensu animæque carentibus. Maius malum est vniuerso, eiusque partibus inane, quàm ignem descendere, aquam sursum niti, aërem rarissimum reddi, terram in exhalationes fatiscere. Sic vacui periculum in follibus, tubis, dolijs. Eligit natura, quod minus malum. ruit ad inferiora ignis, ascendit aqua, extenuatur aër, terra resoluitur. Manifestius id inanimentibus deprehēdes, quibus cum malorum maximum sit

inte-

interitus, quidlibet præ hoc eligunt. Quod si alicui ut minus malum mors videtur, in mortem ruit, ne in maius malum incurrat. Sic mus Armenius, aut Ponticus fame vel siti prius occumbit libens vel à venatoribus se capi sinit, quam luto sordibusque quibus cingitur, candidissimam pelliculam & elegantem patiatur defadari. Hinc illud. *Mori malo, quàm fedari.*

*Plin. lib. 8.  
cap. 38.*

*Pier. lib. 13.*

*hierog.*

*Ioach. Ca-*

*mera. in*

*Symb. 81.*

*Claud.*

*Nempe mori satius, vita quàm ferre pudorem.*

Peius est profectò caput quàm manū lædi: idcirco, si petatur caput, quis non manum obijcit? Animalia id norunt rationis expertia, quibus caput abscondere in discrimine vñtatam, tam stolidè nōnunquam, ut reliquam tunc corpus, quamuis expositum tello, in tuto locatum existiment.

Hominibus maior est prouidentia, certè in rebus corpus cōcernentibus. Quis non vñtionem admittit ne gangræna serpat? Lapillus in renibus sectionem impetrat, quia minus malum censetur breuis, quàm longus dolor.

dolor. Iaces in lecto paralyſi ligatus  
arctius, quam funibus: nulla volup-  
tas te inde eripiet: inuadat cubiculum  
flamma, arrepat ad lectum ignis vo-  
rax, & minetur iacenti, exilies re-  
or, vt à quodam factum, cui inde ſalus.  
nimirum, maius malum mors, quàm  
vitæ eſt cruciatus.

Similis eſt electio ſapientis dum  
mala externa cum internis, animæ  
cum corporis, æterna cum tempora-  
rijs conſigunt. Malum eſt, nominis ia-  
cturâ pati. quid ſi accedat certa mors,  
malorum cumulus? peius tamen eſt,  
Numinis offenſionem incurrere.  
quid eligis? Audi mulierem ſapien-  
tem: *Melius eſt mihi abſque opere in-  
cidere in manus veſtras (hominum) quàm  
peccare in conſpectu DEI Domini.* Daniel.  
xiiii. 23. Tentat te domina Caro Pu-  
ripharis vxor, allicit, arripit, raptat,  
ſed pallio tenus, quo circumdatus ni-  
ſi obſequaris, infamia, paupertas, car-  
cer, forſ etiam laqueus te manet, mag-  
num malum; ſed quo maius eſt veti-  
ta libido. Quid moraris? minus eſt eli-  
gendum ſi ſapis. fuge. accuſet mere-  
tricula,

trricula, condemnet Putiphar, suscipiat carcer, detineant compedes. eripiet DEVS.

Deliquisti in leges. obtorto collo duceris. sistis te iudici. audis sententiam: obnubito, infelici arbori suspendito. supernè putrescat, aut in rotalibus sit esca. defertur ad Principem iudicium: mitigat pœnam, dat aliquid nobilitati generis, antiquis obsequijs, amicorum precibus: optionem permittit gladij, restis, sepulchri: amens sit ac furiosus, eoque furca dignus, qui furcam eligat. nimirum, maius malum.

Accusatur quispiam damnatæ superstitionis, & vetitarum artium. examinatur, cõuincitur, adiudicatur igni. traditus carnifici, ducitur, comportantur ligna, aggeruntur in struem. rogos ardet. Fit gratia misero. Eodem in loco flammis ex vna parte crepitantibus pyra pingitur tam fabrè, vt ignis videatur, sed fallit oculus, nec ignorat id reus, aut iudex, quem iuuat ludere. Fit potestas malefico eligendi quod malit, verum, an pictum ignem:

ignem: illum antehabere est animus. Explicatur illi supplicij grauitas, atrocitas, diurnitas, nihil agis. ille verū ignē destinatō præ eligit. Pictus ille puerorū sit, inquit, in ignē verum cōijciendum se tradit. Insane, demens, furiose quo ruis? perpende quid eligas? considera factam tibi gratiam. frustra hæc occinis. Nam in hoc ipso de sapientia sua sibi blanditur. Ignem Purgatorij nostris collatum cruciatibus, esse vt verum picto oppositum sapientū vox est. nihil addo. stultitiam quorundam miror.

Risimus scurram nescio quem, qui cū denudato tergo, carnifice virgatore insequente horrendum in modum flagris concideretur, longumque iter, donec metam attingeret, superesse non ignoraret, posset autem etiam properare, ille grauissimi viri æmulatus gressum, testudineo planè gradu, ac si sponsus ad templum progrediretur, itabat. Aurem vellicante socio, illudque insufurrante, ecquid morari? cur non properas? currendum esset, tametsi claudo, tu benè à  
pedi-

pedibus, à tergo tam malè, subsistis  
 ille conuerso ad sodalem vultu gra-  
 uitate quadam incredibili, pulsabatur  
 interim dirissimè à carnifice; heus, in-  
 quiebat, socienne, tua cum res agetur,  
 progredi licebit, vt lubebit: mihi ista  
 dicata est pompa. hoc iuuat gradu, &  
 sic lentè festinare. Quis non exclamet,  
 delirum caput. At quotidie apud nos  
 ita deliratur. Punctulo temporis in  
 hac vita ab immanibus tormentis te  
 eriperes, negas te velle. Longissimum  
 Purgatorij stadium ignitis carboni-  
 bus stratum, non vno flagrone per-  
 urgente, vt rosetum percalcari oport-  
 ere dicitas. Perge porro, experiere,  
 tarditatis panitebit.

PVEROS magis metuere flexilem  
 ex vlmo virgulam, quàm ancipitem  
 è chalybe benè temperatum gladium,  
 plusque dolere de luteis in glarea ex-  
 citatis domunculis, si pede euertan-  
 tur, quàm hereditate deperdita: eosdè  
 fugere personatos amicos, tanquam  
 furias, amplexari crudeles aduersari-  
 os, & videmus, & miseramur, ac infan-  
 tiæ adscribimus, quæ nobis, viginti,  
 trigin-

triginta, imò sexaginta annorum pueris etiamnum adhæret.

Ad puerilem in hac vita virgam, famem, bellum, pestem, orbitatem, pauperiem, ignominiã, morbos, similiaque trepidamus; districtum Iustitiæ gladum, post funus nostrum, diros omnis generis cruciatus ultro accersimus. *Vsquequo paruuli diligitis infantiam, & stulti ea, que sibi sunt noxia* Prom. i.  
*cupient?* Quam hoc puerile, cum vnica oratiuncula ad DEVM aut Cælites beatos feruenter effusã; exiguã vna elemosyna, ex caritate DEI & proximi paupericulo erogata, haustu etiam frigida, quid facilius? ridenti ore oblata; breui aliquã carnis maceratione, abstinentia, sacco, cilicio, humicubatione, flagellatione (quæ verborum sono terrent inexpertos, re ipsa, succo pietatis condita amaroris vix quicquã habent) eximere nos possimus à tormētis longè acerbissimis, hæc tamē præ illis eligere? An nõ hoc cõtra cõmunē est sensũ, è duobus minus malũ eligẽdũ esse?

Si nauiges, & oneraria sit plena mercibus, insurgant autem venti pernitias nauigantium. fit clamor

Stri-

— *Stridens Aquilone procella  
Velum aduersa ferit, fluctusque ad sidera  
tollit*

*Franguntur remi, tum proa auertit &  
undis*

*Dat latus, insequitur cumulo praruptus  
aquamens*

*Prasentemque viris intentant omnia  
mortem.*

edicit Nauarchus, heus Euclio, vel merces in mare iacta vel morere. nulla mora. plena smaragdis vasa Oceano committit institor, siccis saepe oculis: sed etiam si madescant, nunquam impetrabit à Theologo, aut Iurisperito, vt non pronuncient, simpliciter voluntariame esse illam mercium projectionem, licet metu factam. nimirum, quia voluntariè minus malum pra maiori eligit.

QVOD adeò necessariò fieri quidam existimant, vt velint aliter, non solùm à pecude, sed neque ab homine cui sua libertas constat haud posse contingere. Nam ita statuunt. Fieri nequit vt eligatur æquale, aut etiam minus bonum, si vt tale est, cognoscatur. At maius malum intuitu minoris est

est minus bonum. Dum enim ex duobus malis alterū eligitur, non quā malum, in quod non fertur voluntas, sed quā bonū, quod eripit ab aliquo malo, arripitur. Itaq; si agnoscas vnum malum esse altero maius, cogaris ad id quod minus est manum extendere: nisi iudicium mutare placeat, & maiori malo aliquid adfingere, quo minus altero fingenti, seu deliranti videatur. Quod fieri posse nullum est dubium: & utinam saepe cū minimè deberet, haud contingeret.

EXEMPLO quod posui illustro. Maius haud dubiè malum est sapientū calculis ebrietas, quā amici sine iusta causa offensio. Cum ebrietas, Basilio teste, sit rationis euersio, roboris corruptio, senectus immitata, brevis temporis mors, voluntarius Dæmon, vitij mater, virtutis interitus: Augustino sit insania spontanea, flagitiorum genitrix, radix criminum, origo vitiorum: Chrysostomo sit morbus nō habens veniam, ruina carens excusatione, malum infinita dignum damnatione. Quis hæc non postponat indig-

*Basil. hom. mal. contra ebrios.*

*August lib de sobri. & ebriet. ca. 1.*

*Chrysost. hom. 54. ad pop. Antioch.*

K

indig-

indignationi alicuius, quem sobrietate tua & negatione haustus æqualis fortasse offendis, placandum facile risu & ratione. Hoc multi nō ignorant: maius tamen malum eligunt, quia ebrietatis malum delectationis pallio circūdāt, & sic eius turpitudinem minuunt, & offensionis in amico grauitatē augent. Quod ni facerent, nunquam maius malum possent eligere, vt quidam existimant.

Quod licet negent alij, qui opinantur hominem innata sibi libertate, non solum æquale, sed minus etiam bonū, iudicatum tale, posse eligere: maius autem malum minoris mali collatione est minus bonum; tamen sapientis officio non satisfaceret, qui duorum malorum optione datā, maius eligeret: præsertim, si nullo alicuius virtutis intuitu moueretur. Nec quisquam prudentum de hac re ambigit.

IAM verò, alterius positionis doctorum est Theologia Christiana, quæ asserit, grauius multo & acerbius esse Purgatorij, quàm vitæ huius qualescumque supplicium. Quod indefinitè dictum

dictum & generatim omni probationum genere stabiliri posset, sed nolo diffundi: digitum tantum intendo in nonnulla rerum præcipuarum capita. In Purgatorio ut in inferno duplex est pæna. Vnam efficit carentia visionis beatæ, in qua nostra consistit felicitas. Quis autem dicat non dolere, & consequenter non cruciari summoperè animas, dum animaduertunt se suis impediri culpis à summi boni fruitione. Atque hæc vocatur pæna damni: quæ tanta est, ut humana nulla eloquentia pro dignitate satis explicari valeat.

Nolo mihi credatis. Credite illi, qui sapit umè suffragiis sapientiæ corculum audire potest. Doctori orbis, Thomæ Aquinati. Is eo loco, ubi non Latine loqui solet, sed Theologicè, & horridâ quibusdam, sed leni & amicâ Scholasticis simplicitate, hæc duo enunciat. *Primum*, pænam damni esse maximâ pænarum, tã quæ in Purgatorio, quàm quæ in hac vita sustinentur. *Secundum*, minimam pænam Purgatorij esse maiorem maximâ huius vitæ. Prius illud probat. Quoniam

S. The. in  
4. d. 20. q.  
1. art. 2.

sicut possessio desiderati boni generat gaudium, sic absentia eiusdem gignit dolorem. At bonum quod animæ in Purgatorio efflictim desiderant est summum, desiderium verò etiam est maximum. Siquidem intellectus clarus cognoscit, quàm sit magnum bonum videre DEVM, & appetitus, tum naturalis, tum infusæ caritatis exerit vires, & intentissimus est: neque impeditur à mole corporea, ac sensibilibus voluptatibus.

Ah! quantus inde dolor? quem non mitigat boni vicinia, sed auget. O! quàm hic verum, *Spos qua differtur affligit animam*. Finge quempiam inanitate stomachum insidente vehementissimâ fame diuexari, maiori profectò, quàm quæ ad canes, mures, equos, soleas, firmum, & obscæna quælibet, ac quod horreat auditus hominis, humanas carnes, ipsumq; vteri sui fatum dilaniandum deuorandumq; adogit: ardeat idem siti intolerabili, siccitate æstuq; precordia perurente. Videat autem haud ita procul mensam opiparè instructâ, pane, pisce, herbulis, acilibus, elixis, asis,

afsis, paratis: cernat appositum vini  
genus omne Italici, Hispanici, Creti-  
ci: manum conetur extēdere, sed fru-  
straneo nisu, diducto rictu ac mor-  
su de propinquo patinas sibi arridentes  
salutet, sed non nisi morfu, qui linguā  
vellicet: oculis iam deuoret, quæ sibi  
parata nouit, araneante interim ven-  
triculo. quantus inde cruciatus? maior  
sanè quam Tantalò affinxerunt Poëtæ.

Posterior sic confirmat S. Doctor.  
Quicumque Purgatorio detinetur, hac  
saltem damni pœna cruciatur, quæ est  
maxima. Itaq; minima Purgatorij pœna  
maior est quàm huius vitæ maxima. Sup-  
plicium ingens, ac penè omniū gra-  
uissimū Romanis ciuibus videbatur,  
cū vel iudicū sētētia, vel aduersariorū  
inuidia, vel præsentium tædio, vel sena-  
tus ingratitude ab vrbe abesse, &  
familiarium vsu quotidiano priuari, ci-  
uiū consuetudine ac cōspectu carere,  
dulcissima populariū alloquutione &  
cōiuctu orbari cogebantur. Quod si e-  
tiā ad insulas longè remotas deporta-  
bantur, si in Sardinia, in Ponto, in Eux-  
ini deserto aliquo loco cōmorari co-  
geban-

gebantur, malorū putabatur summa-  
 lamentationibus, nānijs, elegijs cala-  
 mitatē suā deplorabant. Legistis haud  
 dubiè aliquādo Nasonē in Tristiū ele-  
 gijs. quid vnicè postulet? reditum in pa-  
 triam. quid ceteri exules? idē erat om-  
 nium votum. eo aspirabant, eò gemitu,  
 suspirijs, lacrimis tendebant. Quod si  
 spes adfulgeret, quantum inde gaudi-  
 um? Sed quod dilatione calamitatem  
 augebat. reditum reditum exoptabāt.  
 Italia Italia ingeminabatur. post redi-  
 tum lætitiæ magnitudo desiderium ab-  
 sentis declarabat.

Ciceronis adhuc illa aurem verbe-  
 rāt, quæ à pueris in gymnasio decla-  
 mitantur, & quæ ille cū ab exilio re-  
 uocatus, quasi nouū orbē ingressus es-  
 set, terramq; cum cælo commutasset,  
 stupore, lætitiāq; à sensibus penè alie-  
 natus profudit: Quæ species Italiæ?  
 quæ celebritas oppidorum? quæ forma  
 regionum? qui agri? quæ fruges? quæ  
 pulchritudo vrbis? quæ humanitas ci-  
 uium? quæ Reipublicæ dignitas? quæ  
 vestra maiestas, ô! Errat decem annis  
 Vlyxes. vagatur per ignotas terra  
 mariq; regiones, scrutatur inuia.  
 tentat

tentat omnia, nec quiescit donec intueatur desertæ rudera Ithacæ, patriæ & vilis, & angustæ, quæ potius volucrum nidum, quam hominum domicilium referebat. Non videmus sylvicolis & paganis sordere ingêtes Principum moles, ampla palatia, deauratas aulas, neque his tristitiam pellere, nisi haris suis & cucumerarijs in quibus nati sunt & alti reddantur.

*Assuetos tauri saltus, assuetæ leones,*

*Non feritas illos impedit, antra petiit.*

QUANTVM ergo par est credere doloris illos percipere, qui à cælesti patriâ, ad quâ nati, à republica Sâctorû, ad quâ adscripti, ab illis felicissimis regionibus, quibus destinati, ab illa vrbe, cuius iure donati, ab illo regno ad quod trâsmissi; vbi regnat pax, caritas, trâquillitas, gaudiû; vbi resonat vox laudis & exultationis, vbi perpetuû cantatur Alleluia; ab illâ denique purissimâ luce, quæ lætos ac beatos efficit intuentes, abesse, & in teterrimis carcerû subterraneorum receptaculis, omni penè suppliciorum genere excarnificantur?

O Pater, inquit fortasse quispiam,  
 omnibus ijs à te hæctenus enarratis in  
 præsentiarũ careo: in cælo nondũ ver-  
 for: societate beatorum non fruor: lu-  
 cẽ illam clarissimã non intueor: sua-  
 uissimũ illũ concentum non haurio:  
 amœnitatẽ illam cælestem non vsurpo:  
 palatia illa ingentia non inhabito; ne-  
 que tamen idcirco admodum crucior.  
 Imò, si hoc in corpore manere hic sem-  
 per, & præsentibus abundare ac frui  
 bonis liceret, patriæ alterius bonis me  
 priuari facile paterer, & desiderium  
 omne, quin etiã cogitationẽ depone-  
 rẽ. Hoc ignorantia, ac infidelitatis est  
 testimoniũ. hic quorundã non nisi ter-  
 rena sapientium stupor. Nescit vide-  
 licet ignarus meliorũ, alios post mor-  
 tẽ oculos, aliam habituros. nos à cor-  
 pore abiunctos intelligentiã, quã boni  
 illius dilatio maior videbitur pena,  
 quã flammæ globi & incendium.

ID de amissione gloriæ æternæ pro-  
 nunciavit D. Chryostomus homilia  
 xxiv. in Matthæum; ego ad temporale  
 etiam refero. *Noni, ait, quia plurimi per-  
 timoscunt gehennam. Ego tamen illius gloriæ  
 amif-*

amissionem multo amarius quidesse, quàm  
 ipsius gehenna dico esse supplicium. Si verò id  
 non possum sermone demonstrare, nihil est  
 omnino mirandum. Neque enim nouimus  
 illorum beatitudinem premiorum, ut infe-  
 licitatem quoque de eorum amissione scire  
 possimus. Nos autem hanc absque dubio  
 discemus, cum experimento cœerimus e-  
 doseri. Itaque tunc velamen aufere-  
 tur: tunc aperientur oculi: tunc cum  
 ingenti dolore impij videbunt, quid  
 inter bonum æternum, ac summum,  
 & hæc fragilia caducaque discrimi-  
 nis sit.

SED præter hanc pœnam est alia,  
 quæ vocatur pœna sensus, quam infli-  
 git ignis, non metaphoricus, sed verus  
 ac corporeus, eiusdem cum elementa-  
 ri, cuius ardorem tantoperè horre-  
 mus, naturæ. Quod licet non sit defi-  
 nitum ab Ecclesia, ideoque ad fidei  
 professionem non spectet; probabili-  
 tatem tamen summam habet, ob Scho-  
 lasticorum consensum, auctoritatem  
 Patrum, apparitionum veritatem, a-  
 liaque haud leuia documenta. Docent  
 itaque constanter cum Patribus Scho-

la Doctores: Purgatorij penas tam esse atroces, vt cum illis huius vitæ supplicia comparari nequeant.

AVDIATUR Augustinus, qui e-  
narratione in psalmum xxxvii. *Quam-  
uis, inquit, salui per ignem, grauior tamen  
erit ille ignis, quam quicquid potest homo  
pati in hac vita.* Cui comonatur, quod  
scribit Papa Gregorius in psalmum  
tertium penitentialem: *Illum transito-  
rium ignem omni tribulatione presenti exi-  
stimo intolerabiliorem.* Venerabilis Beda  
in eundem psalmum scribit, nulla es-  
se supplicia martyrum, aut latronum  
cum illis Purgatorijs pænis confere-  
nda. Idem habet S. Anselmus in priorem  
ad Corinthios cap. 3. nec non S. Ber-  
nardus sermone de obitu Humberti.  
Lutherum, si placet, adiungite, qui  
antequam planè deliraret sic scripsit,  
tomo 1 Geman. editionis Ienensis, &  
tom. 7. Germ. VVitenberg. *De Purgato-  
rio firmiter credendum est, & ego verum esse  
scio, miseris animas ibi INTOLERABI-  
LITER cruciari, nosquæ obligatos teneri ad  
opem illis ferendam.* Idem confirmant  
plurimæ reuelationes, quæ apud V.  
Bedam,

Tom. I.  
fol. 165.

PURGATORII PAENA. 227

Bedam, lib. 3. & 5. histor. apud S. Brigittam, apud Dionysium Carthusian. & in vita Christianæ mirabilis inveniuntur.

IDEM demonstrat ratio. Siquidem doloris æquè ac gaudij intensiorem tria efficiunt, potentia, obiectum, & utriusque coniunctio. Si potentiam spectes, absque controuersia capacior est doloris potentia rationalis, quàm animalis. Nam quantum ad apprehensionem, intellectus est veluti fons, appetitus tanquam riuluus. Cum itaque anima ipsa nuda in Purgatorio torqueatur, maximus sit oportet dolor ex parte patientis. In hac vita enim non tam anima, quàm corpus patitur, & per corpus aliquis dolor transit ad animam, sed non nisi umbratilis. Si obiectum attendas, illud est in Purgatorio ignis, hunc in finem diuina potentia constitutus, ut sit instrumentum iustitiæ vindicatiuæ, cui placuit in hoc Omnipotentia documentum aliquod dare. Si nexum utriusque consideres, intimus erit. Inter mortales quidem, ubi omnia sunt

sunt corporalia, connexio non fit nisi per contactum extremitatum, ac superficialium. In Purgatorio in animam ipsam illabetur, ac intimè penetrabit: tormenti acerbitas.

Cum itaque hæc semper fuerit de supplicij atrocitate, quo in Purgatorio expiantur Animæ, prudenti a stimatio, nõ est inuentus sapientium quiscquam, qui non quantumuis longam & acerbam in hac vita penitentiam, præ illo, acceptauerit libenter, si libera ipsi fuit electio, & à Deo idem non expecterit. Huc spectat oratio Regis David: *Domine, ne in furore tuo arguas me, neque in ira tua corripas me*, Psalmo vi. In qua multi distinguunt furorem, & arguendi verbum, ab ira ac verbo corripiendi; illudque pertinere volunt, ad æternam damnationem, hoc ad Purgatorij penas. Ita haud obscure S. Gregorius, Haymo, Alcuinus, Remigius, idemque innuit S. Augustinus. Quocirca negant aliqui hæc pertinere ad penas presentis vitæ, cum Iob verisimè dixerit: *Nunc DEVS non infert furorẽ suum, nec ulciscitur valde.*

Iob. xxxv.  
25.

Pro

Pro eodem supplicabat Ieremias cap. x. *Corripe me Domine, veruntamen in iudicio, & non in furore tuo* (hoc est, non vt aduersarius & inimicus, verùm vt pater, quemadmodum Hieronymus exponit) *ne fortè ad nihilum redigas me:* Quando valdè irascitur DEVS in hac vitâ, ne in iudicio quidem irasci vult: immò irasci omninò non vult: & *requiescet, inquit, indignatio mea in te: & auferetur furor meus à te, & quiescam, nec irascar amplius, eò, quod non fueris recordata dierum adolescentia tua: & prouocasti me in omnibus his. Quapropter & ego vias tuas in capite tuo dedi, ait Dominus DEVS, & non feci iuxta scelera tua in omnib. abominationibus tuis.* Non fuit imprudens votum, optantis anni integri morbos grauißimos potius, quàm vnus diei purgatorias flammâs perpeti.

ET tu temperatam patris beneuolentia à Confessario poenam cum Purgatorij tormentis commutare desideras. At, graue est, dicis, spontaneam flagellationem subire, quam imposuit mihi seuerus ille Iudex. Imposuisse vix credo: nam hætenus non

7

audie-

audiui nisi admodum prompto, ac benemerito istiusmodi poenam fuisse praescriptam. Sed sit ita. Ore tenebrum reor, si flagellum arriperes, instat Beati Loricati in dorsum seures, nec cessaret verberatio, donec sanguis copiosè deflueret. Hic in carnem ipse tuam, quam nemo odio habet, agis, & manum moderaris: ibi Caco-dæmone perurgente, mensuram inimicus praescribet. Nam à malis illis genijs torqueri in Purgatorio animas reuelationes variæ satis comprobant.

SED displicet, ais, temporis diuturnitas. Nam ad menses aliquot orationem stans horis, ieiunium stans diebus continuari voluit conscientia Praeses austerus. Meruisse me fateor. Sed quis tam diu tristibus cogitationibus obrui se patiat? Citius ex Purgatorio me expediam. Fallax lenocinium. Quid faceres delicatè, si ob vnius delicti lethalis noxam septem annorum iugem poenitentiam praescripsisset Confessarius? quod olim factum secundum Canones Ecclesiasticos, sunt, qui asserant. In Purgatorio breuiori

tempore luiturum te putas? quis  
 spondit? Reperies, si vera narra-  
 tionum fides, quosdam seculo, alios  
 seculo non vno torquendos. esse qui  
 vltimum iudicij diem expectat in pœ-  
 nis; & hac se spe solari, quod æ-  
 terna non sit futura. Papalium con-  
 donationum bullatas chartas inspi-  
 ce: in ijs leges, qui hoc istudue  
 fecerit, centum, mille, decem mil-  
 lium annorum indulgentias conse-  
 quetur, & totidem quadragenas.  
 An fortè, quod sentiat Pontifex qui-  
 busdam tot annorum tormenta præ-  
 scripta ibi esse à Iustitia, quæ hic fa-  
 cili pœnitentia ad M. misericordiæ tri-  
 bunal tollantur? An potius, quod sen-  
 tiunt alij, Pontificem, pœnas tanti  
 temporis Canonum seueritate impo-  
 nendas contrahere? Vtrumque te iu-  
 gular. V. de, quam imprudenter agis  
 dum pœnam à Confessario ad mensam  
 h. c. dependere detrectas, vt in altera  
 vita plenè satisfacias.

IN quo si obstinatas etiamnum  
 hæres, caue, mi homo, ne existi-  
 mem prauæ electionis causam deli-  
 ran-

*Lib. 3. inst.  
c. 5. §. 6.*

*Lib. de ab-  
roganda  
Missâ pri-  
uata.*

*Lib. de  
V. Valdeses.  
de Eucha.*

rantis cerebri errorem esse: tibi-  
que persuadeas, vel cum Ioanne Cal-  
uino, Purgatorium esse exitiale Sata-  
næ commentum, vt hærefiarcha ille:  
scribit, quod Christi crucem euacuat,  
quod contumeliam non ferendam DEI  
misericordiæ irrogat, quod fidem no-  
strâ labefacit & euertit. Vel cum Mar-  
tino Luthero in hac re verè Protheo,  
siue afferente, Purgatorium, lectum  
esse cuique fatalem; pœnas non alias,  
quàm in eo horrorem, mortisq̃ue pe-  
na purgari, si quid purgandum super-  
sit: siue insanè declamitante: Cùm ne-  
gatis Purgatorium, dånatis Missas, vi-  
galias, coenobia, monasteria, & quic-  
quid per hanc imposturam erectum  
est, per omnia etiam probo: siue con-  
testante, defunctorum animas ferreo  
quidem, sed suauis somnio delinitas  
molliter cubare. quis hanc quietem  
longæ molestæque peregrinationi  
non anteponat?

FORTASSE Regis Britanni Iaco-  
bi te transuersum agit opinatio. Is  
enim cum de Purgatorio multa ex Ca-  
tholicorum scriptis accepisset, Pur-  
gato-

gato-

gatorium velut locum amœnitate  
 plenum concepit, ideoque recreatio-  
 nibus Principum perquam idoneum.  
 Quare adeo is ei locus arrisit, vt in  
 libello, quem edidit, vocauitque Præ-  
 fationem monitoriam ad Principes,  
 quos eo, velut classico contra Ponti-  
 ficem Romanū in vnum agere desti-  
 narat animo, sollicitè exquisiuit, vt  
 erat amœnæ vir ingenio: An etiam in  
 Purgatorio campus sit patens & iu-  
 cundus, in quo ipse, si fortè illuc  
 deueniret, aucupio operam dare,  
 otiumque oblectare posset? Digna  
 Rege Iacobo quæstio, qui aliud  
 fortasse in Purgatorij spacijs non con-  
 cipiebat, quam vel locum plantis  
 semper virentibus consitum, vel syl-  
 uulam opacitate umbrosam, vel a-  
 grum omni feliciū arborum copia  
 adantem, & fructum abūdantia opu-  
 lentum: denique hortos Midæ, Tan-  
 tali, Adonidis, inibiq; venationes, au-  
 cupia, ludos, naumachias, choreas, au-  
 las, palatia, lectoseburneos. Qui hac  
 persuasione ducitur, næ ille pruden-  
 ter, meo quidem iudicio faciet, si poe-  
 niten-

nitentiam omnem in hac vitâ impossitam recuset, in tali Purgatorio luere, id est, ludere paratus.

AN fortasse tabernam vinariam, quæ tam auidè à multis frequentatur, Purgatorium esse quispiam tibi suggessit, vbi haustu more gentis nostræ refocillentur animæ, vt eo alacrius cœptum iter conficiant? Fuit nescio quis superiori seculo, qui hanc conceptionem ignaris indere conatus est, aut potius scurrili sarcasmo fidem de Purgatorio eleuare; vt narrat Gallus historicus, si non fingit ex suo sensu. Quem semel hæc dementauit infania, vt Purgatorium, tanquam in itinere ad æternitatem diuersorium opinetur, in quo genio tantisper indulgeatur, donec progredi placeat, is profectò catè rem suam instituit, si satisfactio- nis poenitentialis locum Purgatorium sibi destinet.

*Thunn.*  
*lib. 3. anno*  
*547.*

VERVM cum hæc stulta cogitatio procul esse debeat à Christiani hominis mente, qui non ignorat, certè non debet, locum esse pro vitâ fun-  
ctis,

ff-  
e,  
i-  
n-  
bi  
is  
eo  
u-  
ui  
re  
r-  
e;  
on  
el  
a-  
r-  
in  
t,  
ò  
r-  
t-  
o  
t-  
e  
-  
o

ctis, in quo, tanquam in carcere hor-  
rido atrocissimas poenas sustineant,  
ac velut in Iustitiæ vindicatrici the-  
atro incredibili tormentorum multi-  
plicium acerbitate exerceantur de-  
mortuorum spiritus, donec ad no-  
uissimum quadrantem persoluant,  
quæ debere se ante Christi Iudicis  
tribunal agnouerunt. Imprudentis-  
simus autem habeatur oportet ille,  
qui leues, facilesque poenas, grauif-  
simis, difficillimisque commutare  
temerarius audet: & quod incredi-  
bile, verum ignem picto ad suppli-  
cium suumante habeat. Vobis verò à  
Christiana prudentia ac pietate de-  
betur commendatio, SODALES, qui  
amicos benefactoresque illo in loco  
auxiliarem vestram dexteram assiduò  
implorantes, promptè, alacriterque  
porrigitis: & vnitis suffragijs quam  
plurimos eriam eripere è molestissi-  
mo illo carcere nitimini. Quod hæte-  
nus à nobis factum sedulò, nunquam  
post hoc intermittamus. Et gratissi-  
mus semper in eorù morte memoria-  
que decoranda, non tam inanibus ver-  
borum

236 DURATIO POENARVM

horum encomijs, quam solidis Christianæ pietatis officijs castisque precibus, cum nullam iam aliam gratiam illis referre possimus.

---

SERMO VII.

De poenarum in Purgatorio  
duratione.

ET

*An probanda sit consuetudo anniuersariorum suffragiorum sine termino?*

*Amen dico tibi non exies inde donec reddas nouissimum quadrantem.*

Matt. v. 26.

**Q**UOD anno quodlibet Sacris particularibus, amicorū, benefactorumq; in Domino defunctorū animas impetratā ijs à viuorum DEO pace, ad tranquillæ felicitatis domicilium, ac Coelitum acropolim transferre contamur, & benè facimus, & religiosè. neque id à quoquam reprehēdi solet, potes-

potest ire, qui non furialibus actus  
sectariorum intemperijs, funestam  
Matri sacrosanctæ Ecclesiæ, receptif-  
que ab omni antiquitate cæremonijs  
bellum indicere animo obstinato de-  
creuerit. Sed hoc fortasse cuiquam  
non malè de ritibus Christianis opi-  
nanti, at minus in Theologicis exerci-  
tato, dubitationis aliquid ingeneret:  
An fas sit, vel expediat, post lustra ali-  
quot, & multo magis, post non paucas  
annorum centurias euolutas, ab eo  
die, quo quis viuere hic desijt, nomi-  
natim illius ad aram sacram in Sacri-  
ficio meminisse, diuina hostiã, ad eius  
tranquillandos manes litare, preces  
pro illo, vt emendatorijs è poenis eri-  
piatur, ac liberetur: fundere: similia-  
que Christianæ pietatis officia in illi-  
us gratiam peragere, vt habet recepta  
in orbe Christiano consuetudo. Quæ  
vtrum probanda sit, hodierno die à  
nobis disputabitur.

DYBITATIONIS autem huiusce,  
sive difficultatis, momenta à tribus  
desumuntur enunciatis. Horum Pri-  
mum est, Beatis cum DEO felici xuo  
fruen-

fruentibus mortalium suffragijs opus haud esse. Quamuis enim rectè, dum sacrificium peragitur, in Missâ nominentur, & inuocentur Sancti; ipsi quoque eâ de re latentur, vt docet S. Thomas opusculo LVIII. cap. 25. quod non ab ijs solùm, sed etiam à nobis, DEO, cui soli sacrificium proprie offertur, de eorum victorijs agatur gratiæ; id què ex antiquissimâ Ecclesiæ consuetudine; vt constat ex liturgijs SS. Iacobi, Basilij, Chrysoctomi: & ex Cyrillo catechesi. v. mystagogica, Epiphanio hæresi LXXV. Augustino tractatu LXXXIV. in Ioann. lib. VIII. de ciuit. cap. 27. lib. XXII. cap. 10. Lib. XX. contra Faust. cap. 21. & Concilio Tridentino Sess. XXII. cap. 3. Non tamen pro ijs offertur, nec prodesse ijs potest, vel ad delictorum expiationem, vel ad remissionem poenarum, quæ felicissimo illi statui repugnant, vel ad gratiæ, & essentialis felicitatis augmentum; cum non sint amplius in via. Quocirca S. Augustinus tractatu LXXXIV. in Ioann. & sermone XVII. de verbis Apostoli, scribit, in Sacrificio

cio

ficio memoriam quidem fieri eorum, sed non orari pro ipsis. Et Innocentius III. capit. *Cum Martha*, de celebratione Missarum, Sanctos nos indigere orationibus nostris, quia cum sint perfecte beati, omnia illis succedunt ad vota. Est que hæc communis Scholasticorum Doctorum sententia.

ENUNCIATVM *Secundum* est. Nec preces fundi, nec sacrificium fieri posse pro defunctis ijs, qui poenis inferni, & cruciatibus æternis, condemnatione immutabili sunt addicti. Neque sanè fructuosa illis possunt esse suffragia, quorum culpæ ac poenæ sunt irremissibiles. Ut disertè docet S. Augustinus in Enchiridio cap. CIX. & CX. Cyprianus lib. I. epist. 9. Gregorius lib. XXXIV. *Moralium* cap. 12. & 13. ac secundum aliam editionem, 16. Idemque lib. IV. *Dialogorum* cap. 58. Damascenus lib. II. de fide cap. 4. Bernardus *Sermone VIII.* in psalmum, *Qui habitat.* Scholastici Magistri, S. Thomas, Alensis, Bonaventura, Richardus in 4. dist. 45. ex interpretibus Sacræ scripturæ Abulensis lib. IV. *Regum,*

Regum, cap. IV. quæst. 57. ex Canonici  
iuris Doctoribus Nauarrus tractatu  
de Oratione num. 19. & 63. ac Not. 22.  
num. 46. Quicquid de poenarum in-  
fernaliū mitigatione, & alleviatione  
per Sacrificia ac preces commenti  
sunt, Glossator in Can. *Tempus* 13. q. 2.  
Præpositius in Compendio Theolo-  
giæ ad finem, Altifiodorensis lib. IV.  
versus finem, Augustinus de Ancona  
lib. de potestate Ecclesie. Nam si istud  
semel admittatur, illud consequitur:  
posse adeo multiplicari isthæc suffra-  
gia, ut penitus tollatur poena omnis.  
Quod est contra æternitatem ac in-  
commutabilitatem illius status. Ean-  
dem ob causam prohibetur Sacrum  
fieri, pro his qui sibi ipsi manus vio-  
lentas inferunt, & in peccato mortali  
notorio moriuntur in Concilio Brac-  
earensi I. cap. 34. & Can. *pro obuenti-*  
*bis*, 13. q. 2.

QVOD autem recitari solet ex Au-  
gustino scribente in Enchiridio loco  
indicato, *Suffragia piorū prodesse defunctis,*  
*aut, ut plena sit remissio, aut ut tolerabilior*  
*damnatio, constringi debet ad eos, qui*  
ad

ad Purgatorij carcerem, & in eo lu-  
endum damnati sunt. Siquidem horum  
aliqui plenam libertatem mox conse-  
quuntur, quibusdam mitigatur solum-  
modò poena. Neque aliud euincitur  
ex Innocentij III. verbis, cap. *Cum*  
*Martha*, de *celebratione Missarum*. Ex  
mortuis quosdam esse valdè bonos,  
qui non indigent suffragijs: quosdam  
valdè malos, qui non possint iuari;  
quosdam mediocriter malos, quibus  
profunt ad propitiationem. Quod  
membrum videri posset conuenire  
damnatis in inferno, non tamen pessi-  
mis. Sed non ita se res habet. Nam per  
*mediocriter bonos*, intelligit eos, qui so-  
lùm reatum poenæ habent; per *medio-*  
*criter malos*, qui etiam culpam venia-  
lem, vt exponunt graues auctores.  
Quæ autem narrari solent de animâ  
Traiani, precibus S. Gregorij ex infer-  
no euocatâ, & alijs quibusdam, fabu-  
lis, quam veris historijs viciniora iu-  
dicantur, & suo loco examinata ac  
reiecta sunt.

ENUNCIATVM ex propositis  
Tertium sit. Nemo in Purgatorio cru-  
L ciatur

*Sebastian.*  
*Perez de*  
*Eucharist.*  
*cap. 24.*  
*Bellarmino.*  
*lib. 2. de*  
*Purg. c. 18.*

ciatur ultra decennium, vel summum, vigintiannos. Certè Dominicus Sotus Theologus imprimis nobilis, & auctoritatis magnæ in 4. distinct. 19. quæst. 3. art. 2. ita scribit; *Clementia DEI non fert multo tempore amicos suos à suo conspectu cohibere, & ideo sapientissima eius providentia fuit, illas pœnas ad eos expurgandos instituere, qua brevi tempore possent animas illic perpurgare. Nam cum illa supplicia sint supernaturalia, qua subiecti corrumpere non possunt, potuit quamcumque temporis longitudinem accumulatis pœnis supplere. Quapropter crediderim nunquam aliquem in Purgatorio viginti annis extitisse. Imò, ut mea fert opinio, nec decem. Nam cum nemo ibi sit, nisi DEI amicus, contritio eius, & post Christum passum, Sacramenta, & suffragia, & bona, qua egit opera ad cumulum ei satisfactionis accedunt. In summa non est credibile, ut quos pœnarum accumulatione expedire DEVS breuius inde potuit, temporis prolixitate detineat.*

Ex hisce enunciatis talis struitur ratiocinatio. In Purgatorio nemo ultra vigesimum annum demoratur; eo igitur à morte cuiusque decurso, vel cœlitibus adiunctus est, vel inferni man-

man-

mancipatus supplicijs quisquis hinc migrat. Atqui neque pro ijs, qui cum superis regnant, neque pro ijs qui torquentur eum damnatis, sacrificare, & preces fundere conuenit. Est itaque Christianæ prudentiæ minus consentaneum, post annos viginti, demortui alicuius sollicitudinem suscipere, aut sacrificijs, orationibusque iuuare velle, cum eotempore elapso, aut non egeat, aut nullius mortalium subsidia prodesse possint. Ad quid igitur anniuersaria sacra in tot annos pro defunctis ante triginta ac pluribus annis, quorum nomina ex tabulis longo ordine recitantur? Ad quid post annos quadraginta, ante quos aliqui ex ijs, quos audistis legi, obierunt, preces, elemosynæ, suffragia?

HVIC qualicumque dubitationi, quæ in speciem adornatis argumentis, vendibili probandi genere, fulciri videtur, non satisfiet plane, nisi poenarum in purgatorio, si durationem spectes, limites constituerimus. In qua re primò, vt certum

pronuncio: Purgatorij poenas non fore perpetuas. Hoc siquidem est veluti discrimen maximum, & , vt loquuntur, essentiale, inter Infernum, & Purgatorium. Atque hoc sensu credunt fideles Purgatorum aliquod reperi. Itaque dixit Paulus Apostolus in priore ad Corinthios 3. *Saluus erit, sic tamen, quasi per ignem.* Vnde est optima illa distinctio S. Augustini lib. 2. de Genes. contra Manichæ. qui hinc migrat cum reatu peccatorum, *vel ignem sentiet Purgatorium, vel pœnam æternam.*

Deinde, explorata est veritas: pœnas Purgatorias duraturas non esse ultra diem vniuersalis iudicij. Quod his verbis expressit S. Augustinus lib. XXII. de Ciuit. DEI cap. 16. *Purgatorias pœnas nullus futuras opinetur (homo fidelis) nisi ante illud ultimum tremendumq; iudicium.* Nec aliud vt credamus, patitur suprema Iudicis Christi sententia, quæ fertur in omnes, qui propria opera habuerunt, illi autem omnes, vel ad beatitudinem recipiuntur; vel in gehennam relegantur. Illâ igitur pronunciatâ, non erit amplius

plus

plius purgandi locus: sed purgati erunt omnes, antequam ad decretoriã sententiam audiendam conueniant. Si quidem antecedit iudicium particulare singulorum: post quod erit tempus sufficiens purgationis. Nam poena secundum iustitiã canonem debita ita auferri poterit, vt quicquid residuum fuerit perfecte possit purgari, & anima ad gloriosam resurrectionẽ disponi. Deniq;, ante iudicium omnes tam saluandi, quã damnandi resurgent: & illi quidem impassibiles, ac immortales Pauli Apostoli attestatione. *i. Corinthiorum xv. Seminatur corpus animale, surget spirituale: seminatur in corruptione, surget in incorruptione: seminatur in ignobilitate surget in gloria.* Quem locum illustrans Origenes, scribit, piaculum esse maximum cogitare, corpus resurgens fore sordidum, vel pollutum, aut purgatione indigens.

ILLVD igitur in quæstionem venire posse video: An in Purgatorio animæ vsque ad ipsum diem iudicij excrucientur? Si de omnibus intelligatur quæsitum, asserendum est: nequa-

L. 3; quam

quam durationem illam omnibus esse destinatam. Nam alioquin duratio poenarum omnibus esset æqualis. Cuius contrarium docet vniuersa Theologorum Schola doctore Augustino libro de octo quæstionibus ad Dulcitium quæst. 1. circa finem, & libro quinquaginta homiliarum in XVI. Quia enim non omnes animæ decedunt cum æquali reatu peccatorum remissorum, non potest secundum iustitiam poena esse æqualis, si intensiorem extensioni iungas. Quare quanto magis minus-ue transeuntia dilexerunt, tanto citius tardius-ue ad felicitatis portum peruenient. Nam quanta fuerit peccati materia, quæ igne est absumenda, tanta erit transeundi mora, vt differit Augustinus.

AT. Q. V. E. hic omninò videtur sensus Ecclesiæ, quæ credit animas Purgatorij incolas successiuè ad beatitudinem transire prout in ijs reatus maior minor-ue, breuius, aut tardius expiatur. Fateor, si de summâ, absolutaque DEI potentia sit sermo, potuisse constitui æqualitatem durationis

tionis

tionis in poena cum inæqualitate intentionis: nempe, vt omnes vsque ad diem iudicij punirentur, sed lenissimè ij, qui minimum reatus adferrent, grauius alij. Quod mirum videri non debet, qui consideret, peccata etiam venialia coniuncta cum mortalibus in inferno puniri poena æterna. Adde, probabile esse, si quis ad vsum rationis perueniens cum peccato originali, committeret tantummodò peccatum aliquod veniale (quod contingere posse arbitrantur nonnulli) ac sic moreretur obnoxius originali ac veniali, damnatù iri ad infernum, in quo æternùm sustineret leuissimam eam poenam, quæ respondet veniali. Verùm illa durationis æqualitas in tanta disparitate demeritorum, minus consentanea diuinæ erga amicos clementiæ meritò videretur: neque ita accidere certò statuendù arbitror.

NON me fugit Venerabilè Bedam lib. v. historiæ suæ cap. 13. non tam referre, vt loquuntur aliqui, quàm insinuare, animas, plerasq; oēs purgâdas, vsq; ad diē iudicij in Purgatorio deti-

*Suarez.*

*10. 4. in. 3.*

*p. d. 11. scđ.*

2.

neri ex lege DEI ordinaria, neque ex eo carcere egredi, nisi Ecclesie intercessione, ac fidelium suffragijs iuuentur aliqua, ac citius abeundi facultatem impetrent. Opinatus itaque videtur, poenas Purgatorij in omnibus durare vsque ad iudicij extremi tempus regulariter, seclusis Ecclesie suffragijs. Veruntamen id à vero longius recedere, quàm Theologici canones ferant, viros huius æui & doctissimos & pijsimos sequutus, planè mihi persuadeo. Tum ob ea, quæ hæctenus in contrarium allata sunt. Tum quoniam esset aliqua inæqualitas minus consona iustitiæ diuinæ regulis, vt si quispiam sanctitate eximius cum leuissimo peccati quotidiani reatu multo ante alios, peccatorum lethalium quondam pondere pressos decederet. Tum quia ante Christi Domini aduentum erat etiam transitio à Purgatorio ad Sinum Abrahæ: alioquin illas solas animas ibi Christus inuenisset, quæ ex hac vita sine vilo reatu temporalis poenæ hinc migrarât, quod nulla probabilitate assereretur. Itaque multo  
ma-

magis erit modò transitus ad beatitudinem per soluto poenarum debito.

QVOCIRCA si quæ sunt reuelationes quæ contrarium innuere videntur, illæ vel exponendæ sunt de toto Purgatorio, quod vsque ad extremum iudicium persistet, in eo quæ semper reperientur aliqui purgationis indigi: non autem de singulis personis. Aut, si hanc interpretationem non patiantur, ex albo verarum expungendæ sunt, cum Theologiæ pronuntiationis ex diuinæ Scripturæ promptuario desumptis non congruant. Illud autem quod ex Ruperto Abbate lib. 3. in Genes. cap. 32. adducitur: Ante Saluatoris Christi aduentum nemini fuisse peruium Purgatorium, sensum habere potest istum, quod non fuerit peruium vsque ad beatitudinem, cuius portas reserauit primogenitus mortuorum & salutis auctor. Vel intelligi debet de afflictionis igne, quem nominat: nam & eo designari potest detentio in aliquo inferni loco.

CVM igitur in confesso sit apud bonos Theologos, non omnes animas

L. 5. vsque

vsque ad iudicij extremi horam in Purgatorio hærere, an saltem aliquæ tanto tempore inibi commorentur disceptatur. Et sanè videtur id afferendum, si reuelationibus vulgatis est fides. Duas omninò recitat Cardinalis Bellarminus in eo opusculo quod inscribit *de gemitu columba*, seu *bono lacrymarum*, libra secundo capit. 9. vbi consideratur Purgatorium. *Quamuis*, ait, *non defuerit aliquis Scriptor alioquin egregius & magni nominis, qui opinatus sit, neminem in Purgatorio cruciari ultra viginti annos, vel ultra decennium; tamen contrarium docet usus Ecclesie, qua anniuersaria sacra celebrare solet pro animabus defunctorum non solum ad annos decem, sed etiam ad annos centum & eo amplius. Et in reuelatione, quam habet V. Beda satis apertè indicatur, multas animas in purgatorio cruciari vsque ad diem extremi iudicij.*

HISTORIA est apud Bedam lib. v. hist. Anglicanæ cap. 13. de Drithelmo, qui reuocatus ad vitam narrabat, inquit Beda hoc modo, quod viderat. *Lucidus aspectu & clarus erat indumen-*

to : qui me ducebat. Deuenimus autem ad vallem multa latitudinis, & profunditatis, infinita autem longitudinis, qua ad laeam nobis sita, unum latus flammis feruentibus nimium terribile, alterum furenti grandine, ac frigore nimium omnia perflante, atque verrente non minus intolerabile praeferebat. Vtrumque autem erat animabus hominum plenum, qua vicissim hinc inde videbantur, quasi tempestatis impetu iactari. Cum enim vim feruoris immensi tolerare non possent, prosiliebat misera in medium frigoris, & cum neque ibi quidpiam requiei inuenire valerent, resiliebat rursus in medium flammaram inextinguibilium. Cumque hac infelici vicissitudine longè latèque, prout aspicere poteram, sine vlla quietis intercapedine, innumerabilis spirituum deformium multitudo torqueretur, cogitare coepi, quod hic fortè esset infernus de cuius tormentis intolerabilibus narrare sapius audivi.

Respondit cogitationi mea Ductor, qui me precedebat: non hoc, inquiens, suspicaris; sed vallis illa, quam aspexisti est locus, in quo examinanda, & ca-

stiganda sunt anima illorum, qui differentes: confiteri, & emendare scelera sua, qua fecerunt, in ipso tandem mortis articulo ad poenitentiam confugiunt, & sic de corpore exeunt: qui tamen quia confessionem & poenitentiam vel in morte habuerunt, omnes in die iudicij, ad regnum caelorum peruenient. Multos autem preces viuentium & elemosyna & ieiunia, & maxime celebratio Missarum, ut etiam ante diem iudicij liberentur, adiuvant.

His adiunxit Beda: Cùm ille incredibili austeritate corpus suum vexaret, & in fluminibus gelu concretis oraret, & psalleret, dicentibus socijs: mirum F. Drithelme, quod tantam frigoris asperitatem ulla ratione tolerare prauales, & respondebat ille, frigidiora vidi. Et cùm dicerent, mirum, quod tam austeram tenere continentiam velis, respondebat, austeriora ego vidi. Sic autem vsque ad diem suae vocationis infatigabili caelestium bonorum desiderio corpus senile inter quotidiana ieiunia domabat, multiq; verbo ac conuersatione saluti fuit.

HANC historiam, inquit Cardinalis Bellarminus, ego verissimam esse non dubito. Tum quia est consentanea  
 Scrip-

Scripturæ dicenti Lib. Iob. cap. xxiv.  
*Ad nimium calorem transeunt ab aquis ni-*  
*uium.* Tum quia testem habemus Be-  
 dam, virum optimum, & qui rem ge-  
 stam suo tempore narrat. Tum, quia  
 sequutus est ex ea visione fructus,  
 quem DEVS requirere ex istiusmodi  
 solet, non curiositas, non vanitas, sed  
 salus animarum multarum per con-  
 uersionem ad pœnitentiam.

ALTERA historia est apud Tho-  
 mam Cantipratensem de B. Ludgarde,  
 quam exscripsit Surius tomo III. ad  
 diem Iunij xvi. Hoc ferè tempore, ait  
 Auctor, Dominus Innocentius Papa  
 III. post celebratum Lateranense con-  
 cilium, ab hac vitâ migravit, moxque  
 apparuit visibiliter Ludgardi. Illa au-  
 tem, vt vidit eum ingenti flamma cin-  
 ctum, quisnam esset, percunctatur.  
 Respondit, se esse Innocentium Pa-  
 pam. Et illa, cum gemitu, quid hoc est,  
 inquit, communem omnium nostrum  
 Patrem tam dirè cruciari? Respondit  
 ille, tres ob causas ita crucior, quæ  
 etiam æternis supplicijs me iustissimè  
 addixissent, nisi per intercessionem

pijsimæ Matris MARIÆ, cui monasterium condidi, in extremis me pœnituisset. Et æternam quidem mortem euasi, sed pœnis atrocissimis vsque ad diem iudicij cruciabor. Quod autem ad te suffragia pœtiturus venire potui, mihi à suo Filio Mater misericordiæ impetrauit. His dictis confestim disparuit, Ludgardis verò eius necessitatem fororibus, vt ei succurrerent, indicauit. Porrò, ad modum dolens vicē eius, mirabili cruciatu se, illius causa, adfecit. Adiungit historicus: *Nouerit lector nos, reuelante Ludgarde, tres illas causas non ignorare, sed pro tanti Pontificis reuerentia referre noluisse.*

HIS addo visum, quod refert Anonymus in compilatione chronologiæ illius temporis. Sub ipsam horam, qua Innocentius Pontifex fati concessit, Abbas quidam Ordinis Cisterciensis, somno meridiano oppressus, in quodam prato ante Perusium vbi morabatur Pontifex, & quò tendebat Abbas, hanc visionem habuit. Conspexit ad Orientalem plagam Dominum in excelso throno sedentem, faciem aduer-

aduer-

aduersus occasum habentem, circumstante eum in prato exercitu Angelorum. Vidit etiam à parte occidentali eiusdem prati hominem toto corpore nudum, sed infula pontificali decoratum versus sedentem in throno velocissimè currentem, & altà voce clamantem, Miserere mihi misero misericordissime DEVS. Aspexit insuper, quia insequeretur eum currentem magnus draco, vt deuoraret ipsū, cumq; consequi non posset illum draco, sedentē in throno alta voce acclamauit: iustè iudica iustissime Iudex. Et cum hæc Abbas audisset & vidisset, mox e uigilauit, & visio disparuit. Ille autem disceptationis exitum scire nullatenus potuit, donec ascenderet Perusium. Cui adpropinquans, audiuit sonum campanarum, & luctum plangentium, & vocem lamentantium dicentem: Heu! Papa Innocentius defunctus est.

HÆC in Ecclesiasticos annales retulit Abrahamus Bzouius ad annum Christi M. CC. XVI. vbi narratà morte Innocentij, tali illum celebrat elogio: *Dignus planè, qui propter vitam innocens-*

*Tomo xiii.*

*innocentiam, & Pontificatus integerrimam  
administrationem, inter Sanctos Pontifices  
referatur.*

QVOD considerans Cardinalis Bel-  
larminus, loco indicato, Hoc, ait, ex-  
emplum me quidem sæpe maximo ti-  
more & tremore afficere solet. Si enim  
tam laudabilis Pontifex, & qui in ocu-  
lis hominum non probus ac prudens  
solum, sed etiam sanctus, & imitatione  
dignissimus est habitus, tam parū ab-  
fuit à gehenna, & vsq; ad diem iudicij  
Purgatorij incēdijs atrocissimis puni-  
endus est, quis Prælatus nō trepidet?  
quis nō accuratissimè conscientia suæ  
secreta rimetur? Ego enim facilè mihi  
persuadeo, tantū Pontificē non potu-  
isse lethalia peccata committere, nisi  
sub specie boni deceptū ab adulatori-  
bus, & domesticis, de quibus in Euan-  
gelio dicitur Matthæi x. Inimici homi-  
nis domestici eius. Itaque hic tam mag-  
no exemplo discamus omnes sollicitè  
scrutari conscientiam nostram, ne for-  
tè erronea sit, cū nobis recta & sa-  
na videatur.

Ex quibus conficitur, non malè opi-  
nari

nari nonnullos, aliquas animas vsque ad extremum iudicij diem torqueri igne Purgatorij. Verum cum non eadem fide, ideoque nec eadem certitudine, qua in diuinis Scripturis reuelata credere iubeamur ea, qua narrauimus, non est tanta eorum quanta articulorum fidei firmitas. Imò in historia de Innocentio III. sunt quedam, qua innuere videntur, sententiam iudicis fuisse conditione aliqua limitatam: nempe, destinatam fuisse animam cruciatibus vsque ad diem iudicij: habita summi rigoris & æqualitatis, quam Iustitia spectare posset, ratione, nisi suffragijs piorum tempus contractum fuisset.

Ad quidem suffragia Sanctissimæ Virginis Ludgardis petiisset sine spe leuaminis. Quod si leniri potuerunt pænæ, vel precibus, vel sacrificijs, hæc ita augere non fuit difficile vt penitus, tandem pæna omnis sublata sit. Sanè, quicquid minuitur, multiplicatione eius quo minuitur, & desinit. Ita probant Theologi, habitum fidei in homine fidei non posse fieri minorem,

rem, quia tandem omninò auferretur  
citra peccatum illi oppositum infide-  
litas.

His addatur, Suffragia ac Sacrifi-  
cia pro defunctis quædam esse com-  
munia, quæ pro omnibus piè mortuis  
peraguntur: Vt sunt illa, quæ per to-  
tum orbem Christianum hodie com-  
memorationis animarum repræsen-  
tantur: quædam particularia, vt quæ  
ab amicis aut consanguineis, vel alijs  
peculiariter offerri curantur. Ex his  
particularia non profunt æquè omni-  
bus: quicquid aliqui senserint apud S.  
Thomam in 4. dist. 45. q. 2. art. 4. Sed il-  
li pro quo sunt singulariter opitulan-  
tur, vt docet S. Augustinus lib. de cura  
pro mortuis cap. 4. sumiturque ex S.  
Hieronymo in cap. 11. Prouerb. ac pro-  
bat Dominicus Sotus in 4. dist. 45. q.  
2. art. 4. & Card. Bellarminus lib.  
2. de Purgatorio cap. 18. & commu-  
niter Scholastici. Cum enim istius-  
modi bonorum applicatio pendeat ex  
intentione applicantis, & similis sit so-  
lutioni pecuniæ, quæ persoluitur præ  
aliquo nominato, illi tantum prodest.  
Com.

Cōmunia autem profunt omnibus in Purgatorio commorantibus. Non solum ratione gaudij, quod commune est operi cuiusque bono, cum de eo omnes gaudeant: quo pacto participem se dicebat Rex David omnium timentium Dominum, psalmo C XVIII. sed etiam ratione satisfactionis, cum nulla sit causa, cur excludantur aliqui. Atque hæc est communis Theologorum sententia. Neque dissentit S. Augusti. lib. XXI. de Ciuitate cap. 15. aut in Enchiridio cap. CIX. vel lib. de cura pro mortuis cap. 1. dum ijs tantum prodesse asserit, qui dum viuerent meruerunt, vt sibi viuorum suffragia sufficerent. Siquidem id sufficienter meruisse censentur, qui DEI gratia ita vixerunt, vt sine peccato mortali decesserint. Quod desumitur ex S. Thoma in Additione quæst. 71. art. 2. & 3. Dominico Soto in 4. dist. 21. q. 2. ar. 3. & dist. 45. q. 1. art. 1. & 2. Ledesma in 2. 4. quæst. 29. art. Nauarro de Indulgentijs not. 22. num. 39. & 46. Corduba lib. 5. quæst. 30. quibus accedit Bellar-

260 DURATIO PŒNARVM

Bellarminus lib. 2. de Purgatorio cap. 18. Hæc si vera sunt, vix fieri posse videtur, quin aliquando Purgatorium euacuetur, nulla in eo persistente ad longiorem pœnam anima ex ijs, quæ diutius inibi fuerunt: maximè si multiplicentur legitime indulgentiæ Papales, quæ in subsidium animarum concedi consueverunt.

ROBUR hæc accipiunt ex eo, quod Suffragia pro mortuorū satisfactione acceptet DEVS certo ac infallibiliter, quasi ex lege statuta cum hominibus, non autem ex sola misericordia. Sanè, prius illud esse magis pium ac probabilius docent, S. Thomas in 4. dist. 45. q. 2. art. 3. ad 3. Albertus art. 3. ad 6. Durandus distinct. 12. q. 4. Petrus Soto lect. 7. de Eucharist. Lindanus lib. 4. Panopliæ cap. 51. Couarruias Cap. *Alma Mater* part. 1. §. 5. num. 11. Nauarrus de Oratione not. 22. Bellarminus lib. 2. de Purgatorio cap. 18. Suarez disp. 79. sect. 10. Azorius tom. 1. lib. 10. cap. 22. Sebastianus Barradas tom. 4. lib. 5. cap. 16. Nam animæ quam diu sunt in Purgatorio, cum nondum ad vltimum

num:

mum terminum peruenerint de via-  
 torum conditionibus plurimum par-  
 cipant quo ad remissionem pœnarum,  
 aut etiam venialium peccatorum ob-  
 tinendam: quocirca eo modo, quo via-  
 tores, nondum autem triumphantes ad  
 Ecclesiam militantem pertinent. Et ta-  
 met si non possit eas Ecclesia absol-  
 uere à peccatis, potest tamē eas iuuare:  
 cū DEVS ex institutione sua volue-  
 rit etiam pro his sibi offerri sacrificia:  
 nam ex traditione Apostolica habe-  
 mus, iussisse Dominum pro viuis &  
 defunctis in Ecclesia sua sacrificari

HÆC persuasionem minimè ina-  
 nem inducunt, animas vsq; ad vltimum  
 diem iudicij in Purgatorio non tor-  
 queri, certè ordinariè non ita fieri.  
 Dicis fortasse, ad quid ergo Sacra an-  
 niuersaria, sine vlllo, quamdiu mundus  
 stabit termino? Cur nominatim reci-  
 tantur multi, qui ante plurimos an-  
 nos defuncti sunt, cū penè constet,  
 eos nostris non egere subsidijs?

DICAM breuiter quod sentio. An- *Anniuer-*  
 niuersarias sacrorum pro animabus *saria sa-*  
 procuraciones sine certo durationis *craprobat*  
 appo- *tur.*

appositæ termino non reijciendas arbi-  
 tror, sed probo magnoperè, & vt om-  
 nes, quibus tantum est in bonis fortu-  
 nâ sibi illas constituent summoperè  
 sum auctor. Adde tamen, me optare, vt  
 conscientiarum præsides, viri docti ac  
 pij, qui de huiusmodi consulendi es-  
 sent à minus peritis, suggererent, vt  
 non ita sibi nominatim & adstrictè  
 sacrificia illa & suffragia prodesse ve-  
 lint, vt eorum fructus deinde ad cog-  
 natione, vel amicitia proximos, tum ad  
 familiæ benefactores, & ad fines, & e-  
 tiam quod Christianæ perfectionis es-  
 set, ad inimicos: denique vniuersim ad  
 magis indigos haud deriuetur. Imò  
 hanc participationem optent, ac signi-  
 ficent: hæcque omninò sit animi con-  
 ceptio. Cupio in animæ imprimis meæ  
 subsidium quotannis sacrificium fieri.  
 Quod si ad superos translatus eo ad-  
 iumento non egebo, profit posteris in  
 emendatorio, igne aliquando versan-  
 tibus. Si nulli sint, fructus idem in ma-  
 gis indigentes redundet. Denique DE-  
 vs æquissimus bonorum distributor,  
 & arbiter communicet alijs, vt visum  
 fuerit.

Atque

Atque ita introductam in Ecclesiam annuæ commemorationis pro certis animabus consuetudinem prouum est credere: & fundari in pietate illorum qui suffragia fieri postulabant non solum ad commodum proprium, sed etiam ut prodesse alijs, quando ipsi non indigerent mortalium solatio.

QVOD si de hac conditione ipsi non cogitent, neque illam in tabulis funeralibus exprimant, tamen, cum modo optimo, & Sapientum præceptionibus consentaneo facere velle censeantur, quod vltimis suis voluntatibus adnectunt, tacitè semper inuolui, neque vnquam negligi existimari poterit. Illud quoque dispositionem de anniuersarijs nullo termino ac conditione apposita tueretur, quod non sit certum, animarum aliquas vsque ad iudicij diem non cruciari: mò certum esse quidam opinati possint, plurimi hinc emigrantibus durationem illam in Purgatorio esse constitutam.

Sunt enim eiusmodi pronunciata apud Theologos non pauca, quæ licet quibusdam ambigua, alijs tamen certa iudicantur, & ijs actiones,

nes, sententiæque aliæ nituntur. Exempli causa. Controversum erat olim apud Theologos, an Pontifex haberet potestatem committendi Sacerdoti simplici administrationem Sacramenti Confirmationis in casu necessitatis: dubitabant multi: negabant aliqui, & quidem Viri pietate ac doctrinâ insignes, Bonaventura, Durandus, Adrianus: Pontifices tamen, ijque optimi ac integerrimi, & inter eos Papa Gregorius ea potestate vsi sunt. Non quod sequerentur opinionem tantum probabilem, vt reor; sed quod certò eam sibi potestatem competere arbitrarerentur. Item, Pontifices sæpe dispensarunt cum Principibus, qui in religione approbata solenne castitatis votum emiserant, vt matrimonium contraherent. Quod de Constantia Rogerij Siciliae Regis filia: de Casimiro Poloniae, & Ramiro Aragoniae Regis F. de Nicolao Iustiniano nobili Veneto, aliisque historiae prodiderunt. Nam licet Theologi contenderent, verum summus Pontifex in voto solenni castitatis dispensandi auctoritatem habeat, certum

certum tamen ius dispensandi sibi cō-  
petere Pontifex opinari potuit, atque  
secundum illud procedere.

Plura istiusmodi adferri possent,  
quibus demonstratur, prudenter quid  
piam constitui, quod nititur funda-  
mento alicuius sententiæ, quæ aliqui-  
bus dubia videtur ac incerta. Atque ita  
in re præsentī non malè anniuersaria  
animarum subsidia in omne æuum du-  
raturi orbis curantur ex persuasione,  
quod ex animabus non paucæ, inter  
quas fortasse erit mea, tua, illius, ad  
vltimum iudicij diem sint ignibus in-  
uoluendi, nec antea liberandæ.

ACCEDIT omnibus istis, quod  
prudenter homo Christianus, dum sa-  
luti animæ prospectum cupit, vtatur  
opinionē quorundam doctrina excel-  
lentium Doctorum probabili. Quod  
adeò certum existimant Scholastici,  
vt id etiam obtinere velint in Sacra-  
mentorum administratione, quando  
necessitas vrget, idque communis Ec-  
clesiæ consuetudo confirmat. Vt liquet  
cū infans baptizatur in manu dun-  
taxat, eo quod aliæ partes non exeran-

M

tur.

tur. Præterea, cum is, qui dedit ligna contritionis in absentia Sacerdotis, absoluitur deinde à superueniente, amisso rationis usu. Adhæc, cum Sacramentum extreme vnctionis confertur in dubio, an expirauerit æger.

Multo magis id verum est in alijs quibusdam. Sic quando agitur de dispensationibus in impedimentis matrimonij, prudenter agere censetur Pontifex, quamuis non sit omnimoda apud omnes certitudo potestatis, sed solum magna probabilitas. Vt si petatur facultas contrahendi inter nouercam & priuignum: aut inter neptem & tritauum, si cui tantum ætatis supererit. Similiter, inter eos, quorum alter certo modo videtur impotens. Idem cernitur in conferendis certâ quantitate indulgentijs. Non enim planè constat, tantam mensuram, qualis aliquando nominatur in bullâ, conferri posse pro tam exiguo opere, in talem vel talem finem, seu ob talem causam præstito. Est tamen probabile, ac proinde, in prudentiam non peccatur, si concedat, qui auctoritatem habet.

H iud

Haud dispari ratione, vt talis vel talis forma contractus mihi sit licita, & absque peccato, vel prudentiæ læsione possit celebrari, satis est, iudicio Doctorū probabile esse, quod sit licita. Sic permittuntur, ac vsurpātur cēsus personales, cōtractus mercatorū triplex Societatis; variij contractus cambiorū. retrouenditionis, emptionis anticipatā venditi solutione, & similes. Eodem modo, vt reor, licitum est adire hereditatē, ac capere legatum ex testamento minus solenni. Sunt eius generis plurima alia.

Nimirum in rebus humanis, vt quis licitè, prudenterque agat non requiritur semper certitudo absoluta, sed sat est sæpe numero probabilitas. Cū itaque probabile sit, animas quasdam vsque ad iudicij diem detineri in Purgatorio, contra prudentiæ præscriptum non censetur agere, qui ex ea persuasione annua subsidia toto tempore orbis in hoc statu permansuri, absque restrictione in testamento firmare conatur.

PORRO sciscitanti quid de illā

M a

sen-

sententia statuendum, quæ opinionem inducit, neminem ultra decennium in Purgatorio torqueri? Quidam respondent, pro scribendam esse ab Ecclesia, & graui censura notandam. Tum, quia ex varijs fide dignis relationibus habetur, aliquas iustorum animas diutius purgantes pœnas perpeti. Tum, quia vsus Ecclesiæ videtur id supponere in suffragijs pro defunctis peculiari- bus, qui ante complures annos decesserunt. In forma quoque concedendi indulgentias plurium annorum idem insinuat haud dubiè.

Et quidem Cardinalis Bellarminus lib. secundo de Purgatorio, postquã dixisset sententiæ illi repugnare probatissimas visiones Sanctorum apud V. Bedam lib. v. historiæ cap. 13. & Dionysium Carthusianum: & incontrarium esse Ecclesiæ consuetudinem, quæ anniuersaria sacra celebrat pro defunctis, licet constet eos ante centum, vel ducentos annos mortuos esse, addit, non nisi temere posse terminum certum constitui. Idem lib. 2. de gemitu Columbæ, sic scribit: *Purgatorij pœnas*  
*ultra*

*ultra decem, aut viginti annos extendi, & fortasse ultra centum, & ultra mille annos propagari posse non dubium est. Diuturnam autem esse commorationem probat ex Tertulliano, qui libro de Anima cap. 17. de Purgatorio, vt altera inferni parte loquens, sub inferni nomine, scribit: In carcerem te mandet infernum, unde non dimittaris, nisi modico quoque delicto mora resurrectionis expenso. Adde Cyprianum, qui clarius de diuturnitate pœnarum Purgatorij scribens epistola secunda libri quarti, sic habet: Aliud est pro peccatis longo tempore cruciatum purgari in igne, aliud peccata omnia passione purgasse.*

Gregorius autem de Valentia ex ordine nostro Theologus nobilis tomo iv. Theologicorum commentariorum de hac ipsa re disputans, pronunciat, sententiam Dominici Soto non satis cautam esse. Nam alioqui, frustra inquit, & ineptè oraret Ecclesia pro his, qui fuere mortui ante centum annos & ducentos.

Henricus verò Henriquez ex eadem nostra familia Doctor insignis lib. vii. Summæ cap. 16. numero 4. asserit,

M 3

eos,

eos qui prædicant nullam animam constringi in Purgatorio ultra decem, aut viginti annos, non sine temeritate quadam ex leuibus rationibus loqui contra morem Ecclesiæ, quæ pro defunctis & certa vna anima celebrat anniuersarias Missas & officia ultra ducentos annos. Tunc subiungit: Nec rigor DEI est iniustus, si ab anima, quæ proprie non satisfacit, sed satis patitur exigat longas pœnas; vt pro mortali vno exigit æternas. Quare illam sententiam quidam insignis Prædicator Minorita à sacro Inquisitionis Senatu compulsus est retractare, eo quod retrahat viuos ab operibus satisfactorijs, & Missis offerendis pro suis defunctis. Et quidam Patres significant quarundam animarum in Purgatorio pœnas duraturas vsque ad diem iudicij.

Iacobus deinde Gretzerus celeberrimus in Germaniâ Scriptor è nostris in disputatione I. *de animarum receptaculis contra Samuelem Huberum Prædicantem*, initio Calvinianum, Lutheranium postea, scribit thesi XI. non satis  
con-

confideratè loquutos, qui expiandis animabus certum tempus præstituerint, vt decèniū v. c. *Quod non idèo afferunt Catholici, ne prouentu anniuersariorum fraudentur, vt ca'umniatur Prædicans; sed quia absolutè definiri nequit, quanto tempore hac vel illa anima in Purgatorio detineatur: mentiturque Prædicans, dum ait, iudicio Catholicorum tam diu animas in Purgatorio cruciari, quoad illis persoluuntur anniuersaria iusta: quibusdam autem perpetuò persolui, perpetuo igitur eas ex sententia nostrâ Purgatorij tormentis excarnificari.*

Mitissimè Franciscus Suarez summus hoc tempore multorum applausu Theologus, tomo iv. in 3. par. disp. 46. sect. 4. cùm dixisset, quosdam graui censura notare sententiam illam Soti, eam refellit hoc potissimùm argumēto, quod illa annorum mensura nullo fundamento nitatur, & coniecturæ Soti non magis probent de viginti vel decem, quàm de quinque, vel vno. Ad-

M 4

bari

Thesi 105.

Thesi 107.

bari iudicium illud Soti esse erroneum, vel dignum al qua censura, sed esse incertum, ac voluntarium. Quod ego, inquit vir ille modestissimus, verum censeo. Quamuis nec facile credendas censeam reuelationes, qua de diuurnitate harum poenarum circumferuntur: praesertim, si generaliter fiant de illis animabus, & non de vna, vel alia in particulari: in quibus facilius credi potest aliquando contingere, ut poena multo maiore tempore durent, quam homines interdum cogitant. Quod satis esset, ut suffragia post multos etiam annos fiant pro quibuscumque animabus, quia iudicia DEI occulta sunt. Quamuis fortasse consuetudo Ecclesia non in hoc solū fundatur, sed in pietate, qui talia suffragia fieri praeceperunt, non solum propter suam utilitatem, sed etiam ut alijs prodesse, quando ipsi non indigerent. ut superius quoque diximus.

EGO sanè omnibus magna diligentia inuestigatis, & maturè perpensis censeo imprimis: Tempus quo animæ in Purgatorio detinentur planè incertum esse; licet certum arbitrer, illas, quibus plus pænæ persoluendum restat, diutius ibi, si cetera sunt paria, permansuras. Deinde prudenter &  
Chri-

Christianis moribus consentaneè facere eos, qui non solum in multa secula, sed vsque ad mundi occasum pro animabus suis, modo superius indicato, sacrificia ac suffragia procurant. Tandem, licet constaret pœnas illas vltra decennium non produci, omnibus tamen modis satagendum, vt quam primum nos, & amici omnes eriperemur. Sunt enim, si vera memorant Patres, quibus credere par est, atrocissimi, ac penè intolerabiles cruciatus. Vt benè scripserit Cæsarius Arelatenfis: *Dicit aliquis, non ad me pertinet, quam diu moras traham, tantum, vt ad vitam aeternam perueniam. Nemo hoc dicat, fratres carissimi, quis ille ipse purgatorius ignis durior erit, quàm quod potest pœnarum in hoc seculo aut sentiri, aut videri, aut cogitari.*

Vulgarū est quoque quod Auctorepistolæ sub nomine Cyrilli ad D. Augustinū, tomo ix. operum S. Hieronymi sibi confirmatum à quodam testatur, qui reuixerat impositione cilitij S. Hieronymi, dum cadaueri imponeretur; Si viuentes scirent atrocitatem pœnarum Purgatorij, præoptarent omnes simul pœnas & tormenta pati

M s vsque

Cæs. hem.  
8.

vsque ad finem mundi, quas omnes  
homines huc vsque pertulerunt, quàm  
vno die esse in Purgatorio, & minima  
illius pœna cruciari. Quod si verum,  
profectò suppliciter à misericordia-  
rum Patre sæpe sæpius petere possu-  
mus: A Purgatorij cruciatu libera nos  
Domine.

---

SERMO VIII.

DE

*Funeris Solemnitate.*

ET

*An profit animabus defunctorum  
Sacra Sepultura?*

*Mortuo ne p̄ obibeas gratiam.*

*Ecclesi. VII. 37.*

**S**TABILITIS de Purgatorio ijs,  
quæ ad illius fidem, locum, tem-  
pus,

pus, ac cruciatuum qualitatem videri poterant minus firma, ventum est ad disceptationem illam, quæ de præsidibus, quibus iuuantur animæ in purgatricibus flammis detentæ à Theologis instituitur, & suffragiorum titulo pertractatur à Doctoribus Scholasticis vberius. In qua cum Doctor noster Aquinas quattuordecim omninò articulis copiosè subtiliterque, vt semper disputatorem agat, si quotannis vel vnus ex ijs seligatur, qui paulo fusius explicetur, quando vnquam Oratori sacro deesse poterit de mortuis ad Purgatorium religatis dicendi materia? Sed nobis non est propositum ad Doctoris Angelici ordinem religiosius diètionem nostrā adstringere, de quo ne quidem in Theologicis scholis nobis legē diximus. Quocirca vt dispositione propria nobis æquè ac auditoribus satis fiat, ab ijs ducatur initium, quæ recens extincto sunt propiora.

INTER quæ primum est funeris ac sepulturæ solennitas, de qua hæc est digna Theologo, vestrisque auribus ac

M 6,

menti-

mentibus disquisitio : *An animabus defunctorum profit, sepeliendi certis in locis, & cum sacris ceremonijs ritus?* Hic nolim vos audire Nouatores, quibus, vt in ceteris, sic in hac re quoque displicet antiquitas, & vniuersè pronunciant: meram esse superstitionem, velle sepeliri in vno loco potius, quàm in altero, aut in locis DEO vel Sanctis dicatis: cum locus vnus, in quiunt, nihilo sanctior sit alio: impium autem putât sentire vel docere quod id profit defunctorum animabus. Quod est effatum Petri Vermilij Calvinistæ celebris commentantis in epistolæ prioris ad Corinthios caput 15. ac locis communibus, quem non pudet coarguere S. Augustinum, quod aliter senserit, atque scripserit. Et nos, inquit, illud planè non recipimus. Petrus quoque Viretus eiusdem sectæ homo pestilens in suis instructionibus idem irridet, ac reprobat. Cuius verba, vt aliorum recitat Franciscus Feu-ardentius in Theomachia Calvinistica libro XI.

HAVSERVNT hoc dogma, vt alia pleraq̃s, in schola Caluini, qui ne quidè  
in tem-

intemplū inferri cadauer voluit. Sic enim scribit ad Mompelgartenses epistola quinquagesima prima. In sepultura mortuorum hanc velim moderationem adhiberi, ne in templum funus deferatur. An metuebat homo nefarius ne suorum quispiam sacri loci admonitu defuncto benè precaretur, ac requiem æternam exoptaret? Est autem illud luculentum mendacium Hospiniani Calvinistæ in Centone suo de origine templorum lib. 3. cap. 1. scribentis fidenter, morem sepeliendi mortuos in templis natum esse ex avaritia Sacerdotum. Quod falsum esse ex ijs etiam quæ hic subiungemus palam fiet. Antiquiores Calvinistis quidam in Bohemia hæretici morem eundem reprehendebant, vt habet Aeneas Syluius in Origini-  
bus Bohemor.

*De orig.  
Bohe. c. 35.*

ORTHODOXORVM hæc est sententia. Sepeliri in locis DEI cultui & Sanctorum consecratis, idque exoptare, ac præscribere in testamento ad superstitionem minimè pertinere, sed esse pium, fideique Sacrosanctæ con-

sentaneum, defunctis utile, viuis solatium. Huius rei gratia OBSERVO. Sepulturæ finem alium esse politicū, alium religiosum: vtrumque varium, siue superstites spectemus, siue demortuos: siue corpus, siue animā. Finis politicus imprimis est honestas publica, quæ non sinit corpora incomposita omniū oculis exponi, & iacere nuda. Partes corporis quasdā non defunctis minus quā viuētibus regi verecundia imperat: leges vetant vel pictura exprimi. Quæ leges vtinā vigerent, non conspicerentur, siue in priuatorū ædibus, siue magnatū palatijs, nuda, nullo discrimine virorū, alterius-ue sexus, quod foedū, ac detestandum, corpora. Romani olim, quāuis gētiles Christianis quibusdā huius tēporis religiosiores vetabant ne in cōmuni balneo lauantur parētes cum filijs, eadem de causā, ob quam corpora sepeliri conuenit, quoniam indecorum est à filijs conspici in maioribus, quæ pudor velari præcipit.

Deinde, ad finem eundem spectat sanitas, quæ infecto cadauerū passim iacentiū & insepultorū foetoribus aëre  
non

non esset tuta à contagione. Hinc lues & pestilitas bellorum tempore, vel cū greges mortui in agris cōputrescunt, pisces in littore. Huc respiciebat Seneca, libro de remedio fortunæ: *Non defunctorum caussa, inquit, sed viuorum inuenta est sepultura, ut corpora & visu & odore foeda amouerentur.* Quocirca, quæ monumenta, non nemo munimenta vocari posse existimat, à muniendo. Hoc etiam adiungatur, si insepulta iacerēt cadauera, magna vbique esset luporū canum que rabidorum multitudo, quæ ad carnes humanas deuorandas accurrerent: vnde certissimum vitæ multorum crearetur periculum.

FINIS politicus ad viuorum quoq; solatia extēditur, dum carorum cadaueribus honestè, ac honorificè sepeliendis operadatur. Caussam hanc assignat S. Augustinus libro de cura pro mortuis gerenda ad Paulinum cap. 2. *Omnia ista, ait, id est, curatio funeris, conditio sepultura, pompa exequiarum, magis viuorum solatia sunt, quem subsidia mortuorū.* Ad idem extimulat affectus humanitatis ac amoris cuius testimonia sunt sepulturæ propinquorum.

Arte.

Artemisia Cariæ Regina cū Mausolo marito sepulchrum augustissimum, à quo mausolæa deinde Regum sepulchra appellata sunt, excitasset, non contenta hoc caritatis officio, cineres mariti ex potu hausit, & mortui reliquias in pectoris ac cordis reconditorio reposuit. Vtrumque ad defuncti viam memoriam, sui solatiū, & amoris, ac fidei conjugalis testimonium. Hæc & illi spectabant, qui carorum cineres non tumulo solum, sed statuis etiam honorabant. Vnde omnis idololatriæ initium. *Acerbo enim luctu dolens pater citò sibi rapti filij fecit imaginem, & illam, qui tunc quasi homo mortuus fuerat, nunc tanquam DEVM colere cœpit, & constituit inter seruos suos, Sacra. & Sa-*  
*Sap. 14. 15. crificia, Sapientia XIV.*

IAM verò finis religiosus sepul-  
 turæ vel viuos respicit, vel mortuos.  
 Si viuos, est fides ac spes resurrectionis futuræ: tum mortis pia meditatio.  
 Si mortuos, animarum salus ac subsidium. Sunt sepulchra fidei ac spei tesseræ, sunt etiam symbola, quæ resurrectionem futuram significant. *Vt corpore-*

*porè-*

pori, inquit Augustinus de cura pro mortuis, *sed tamen ut resurrecturo, & in aternitate mansuro impensum huiusmodi officium, sit etiam quodammodo eiusdem fidei dei testimonium.* Viua autem est in sepulchrorū intuitu mortis memoria, ut quasi mētē mouentia monimēta Latinis dicta quidam haud ineptē opinentur.

PORRO sepulturæ ritum, si certo in loco fiat, valere ad subsidium defunctorum, & animarum salutem, ut citius è Purgatorij cauernis educantur apud catholicos Theologos in confesso est. Siquidem docent ex Patrum antiquorum consensu, sepeliri in locis sacris, ac Sanctorum memoriæ consecratis prodesse quibusdam, obesse alijs: prodesse probis in Christo-que mortuis, quos aliqui mediocriter bonos vocant: obesse improbis, seu valde sceleratis, ac sine poenitudine mortuis. Ita iam olim alijs verbis respondit Magnus Papa Gregorius. Apud quem lib. iv. Dialogorum cap. 50. inquit Petrus: *An profit animabus mortuorum si corpora in Ecclesia sint sepulta? Respondet quæstioni Pontifex. Quos gra-*

grauia peccata non deprimunt, hos commodum pro animabus inde accipere. Nam quos peccata grauia deprimunt, nō ad absolutionem potius, quā ad maiorem damnationis cumulum eorum corpora in Ecclesijs ponuntur. Quod posterius membrum sequentibus capitibus per exempla probat. Et sanè sunt aliquot quæ horrorem incutiunt.

Vt illud de foemina sanctimoniali à linguæ procacia, & stultiloquio infami. Hanc in templo sepultam vidit custos Ecclesiæ per reuelationem deduci ad altare, & ibi duas in partes dissecari: quarum altera igne cremabatur, altera intacta remanebat. Et quidem sequenti die vestigia flammarum marmor retinuit. Adiungit Gregorius: *Qua ex re aperte datur intelligi, quis hi, quibus peccata remissa non fuerint ad euitandum iudicium sacris locis post mortem non valens adiuuari.*

Illud quoque de Valeriano Patrio, qui vsque ad ætatem decrepitam leuis & lubricus extitit, ait S. Gregorius, modiumque luis prauitatibus ponere  
con.

contempfit. Eadem verò nocte, qua sepultus est, B. Faustinus martyr in cuius Ecclesia corpus illius fuerat humatū custodi suo apparuit dicens, vade, & dic Episcopo, qui ob id pecuniam accepit, vt proijciat hinc foetentes carnes, quas hic posuit: quod si non fecerit, die trigesimo ipse morietur. Quam visionem custos timuit Episcopo referre, & rursus admonitus declinauit: die autem trigesimo Episcopus, cum vesperi sanus atque incolumis ad lectum iuisset, subitā & inopinata morte defunctus est.

Valentini etiam Mediolanensis Ecclesiae defensoris, hominis lubricissimi, ac leuissimi defunctum corpus, cum in Ecclesia B. Martyris Syri sepultum esset, nocte media ibidem exauditæ sunt voces veluti violenter foras eiecti; ad quas cum accurrissent custodes viderunt duos deterrimos Spiritus Valentinum clamantem ac vociferantem foras pedibus reuinctum extrahentes: ac postridie mane effossâ terrâ, sepulchrum vacuū reperere, cadauer verò ipsum extra Ecclesiam

in

in alium locum reuera expòrtatum manibus adhuc pedibusque ligatis.

Non minorem fidem meretur istud de tinctore, qui sepultus in templo S. Ianuarij, nocte clamare coepit audiente custode, ardeo, ardeo. Custos narrat vxori. Illa ad contribules pergit, eosque ad sepulchrũ mittit. Sepulchrũ aperiunt, vestes vident, corpus nullibj. Qua ex re colligẽdũ monet D. Gregorius, quã vltione anima eius dãnata sit, cuius & caro est ab Ecclesiã proiecta. Sacra loca igitur sepultis nõ profunt, quãdo hi, qui indigni sunt ex iisdem diuinitus proijciuntur.

QVOD accidit etiam Sacerdoti illi, cuius est mentio in epistola Cyrilli ad Augustinum, in qua refertur ebriosum illum, luxuriosumque cum alijs sepultum, iusso S. Hieronymi subito apparentis refõssum, extractum, flammis traditum, concrematumque fuisse ad pestilentiam discutiendam.

RECENTIVS est, quod auorum memoria accidit in regno Congo, descriptum à Petro Iarrico tomo secundo Thesauri rerum Indicarum.

Rex

Rex Aluarus licet Christianus, quod iuuenili licentia efferuesceret, & parum firmas in fide radices egisset, voluptatibus plus nimio, cum à nemine officij commonefieret, habenas laxabat: diuina desipiebant, ad idololatriam iterum aspirabat, eoque deducta res erat, vt iam de fide publice deserendam ageretur. Ad eam dementiam Regem adduxerant tum alij quidam deliri adolescentes, tum imprimis Franciscus Bullamaterius illi consanguineus. Sed diuinæ bonitati ac clementiæ obicem huic molimini obijcere visum, dum in nefarij huius consilij auctorem suasoremque grauissimè animaduertit. Mors enim improbum iuuenem peccatis inuolutum, & blasphemantem improuisè oppressit.

Mortuum Rex, quamuis publicum fidei desertorem, quod sibi ad finitatem iunctus esset, solenniter in S. Crucis templo condi iussit. Sed res subinde accidit admirabilis, quæ veluti frenum eos, qui fidem iam iam abiuraturi erant, retinebat, & qui in eadem nutabundi vacillabant, confirmabat.

Nocte

Nocte enim post sepulturam primâ, magno fragore excitato, magnaque violentia Dæmones templum ingrediuntur, vt eminus audiri possent. Hic templi tectum perfringere, stercas è quibus constructum erat frustratim comminuere, impium cadauer tumulo eruere, & secum, flammis, vt creditur infernalibus, vna cum animâ vstulandum, abripere. Postridie tota ciuitas hoc repentino de nocte fragore excitata ad templum spectandi gratia confluit. Hic tectum perfractum, tumulum vacuum, corpus ablatum demiratur. Nemo quo delatum esset, nouerat. Sed omnes consternatos magnus incessit metus: vt Rex, & quotquot in fide ancipites fluctuabant, ducti poenitiâ ab impio proposito destiterint; & alij de fide Christianâ rectius, quàm antea sentirent.

QVOMODO autem obsit alijs Sacra scriptura explicat Papa Gregorius libro indicato cap. 52. his verbis:  
*Ex qua recollige Petre, quia his, quos peccata grauiâ deprimunt, si in sacro loco sepeliri se fa-*

se faciant, restat, ut etiam de sua presumptione iudicentur, quatenus eos sacra loca non liberent, sed etiam culpa temeritatis accuse. In eundem sensum S. Thomas in supplemento quæst. LXXI. art. II. ad 5. respondet, sepulturam in loco sacro impio defuncto non nocere, nisi quatenus hanc sepulturam sibi indignam propter humanam gloriam procuravit. Quare arrogantiae, temeritatisque merito accusantur, qui in loco sacro sepulturam ambiunt, qua indigni sunt, ac sepulti audire morentur; *Amice, quomodo huc intraisti non habens vestem nuptialē? ligatis manibus & pedibus eius, mitte eum in tenebras exteriores. foris canes. foris canes.*

Mat. 22. 13

Apoc. 22.

15.

EANDEM ob causam detrimentoſa potest esse criminosis quibusdam omnis illa funeris solennis pompa: Religiosorum ac linteatorum longus ordo, & comitatus, æris campani compulsatio ac strepitus, cereorum prælatio, harmonicus complorantium concentus, & similia. Non id dicerem, nisi Patronum laudare possem fide dignissimum Religiosorum Patri-

tri-

triarcham antiquissimum Pachomium, de quo hoc refertur in *Vitis Pachomij*.

*Vita PP. l. 1*  
*Vita Pachomij ca.*  
34.

CUM visitaret monasteria antiquissimo instituto, occurrit fortè, cum funus offerretur, exequijs fratris cuiusdam, qui vitam suam negligenter consumpserat. Fratres autem monasterij illius funus prolequebantur honorificè, psalmos solitos concinentes, præsentibus quoque defuncti parentibus & propinquis. Qui cum vidissent Pachomium, feretrum continuo deposuerunt, ut tam pro mortuo, quam pro se Domino supplicaret. Qui mox ut orationem debitam DEO persoluit, conuersus ad Fratres, ait, desinite psallere. Tum defuncti vestimenta splendida, quibus indutus erat præcepit auferri, quæ coram omnibus fecit exuri; atque ita cadauer efferri iussit, ac sine psalmodia sepeliri.

Igitur Fratres, cum parentibus eius & vniuersis, qui aderant, nouum genus spectaculi contuentes, & obstupefacti nimium precabantur senem, ut consuetam super eum psalmodiam cele-

cele-

mi-  
Pa-  
uif-  
tè,  
tris  
en-  
no-  
tur  
en-  
pa-  
vi-  
nti-  
uo,  
Qui  
er-  
efi-  
éta  
ra-  
fe-  
uf-  
eius  
ge-  
tu-  
em,  
iam  
le-  
celebrari permitteret. Quibus, cùm non adquiesceret, cœperunt parentes defuncti culpantes eum, dicere: Quod est hoc spectaculū nouum? quis mortui non misereatur, licet sit inimicus? Sufficiens per se ipsa est calamitas. Noli, quæsumus, inferre mortuo, quod nec belluæ facerent, nec tuam cōdecet penitus sanctitatem. Nam & nos hinc notamur maximo opprobrio, aliaque quam plurima suspicionum probra nascuntur. Utinam nunquam ad hunc locum venissemus! utinā nec iste Monachus esset effectus! non hunc æternum nobis dolorem infligeret. Rogamus igitur, vt solitam nobis psalmodiam restituas.

Quibus respondens ait, verè Fratres, & filij, plus vobis præsentis mortui misereor, intantum, vt vobis de visibili re, ac temporali curantibus, ego de inuisibili eius substantia sollicitudinem geram: & idcirco, hæc erga eum fieri decernam. Et vos quidem maiores ei dolores per hunc honorē, quem putatis, adquiritis. Ego autem quantulamcunque ei requiem vel sa-

N            tisfa-

tisfactionem per hanc iniuriam præ-  
 paro. Propter quod non curo, quod  
 pro exanimi corpusculo, & circa il-  
 lud multa fiant; sed pro immortalis eius  
 animæ satago, quæ hanc carnem rursus  
 in resurrectione receptura est incor-  
 ruptam, & integram. Alias autem, si  
 hoc, quod vultis, annuero, veluti pla-  
 cens hominibus iudicabor: atque ut ad  
 præsens vobis satisfecisse videar, id  
 dispicio, quod ei prodesse poterit in  
 futuro.

Fons enim bonitatis DEVS noster  
 existens occasiones quærit, per quas  
 opulenta super nos dona pietatis suæ  
 effundat, remittatq; nobis peccata, nō  
 solum in hoc seculo, sed etiā in futuro.  
 Nam cūm dicat in Euangelio: *Qui blas-*  
*phemaerit in Spiritū Sanctū non remitte-*  
*tur ei neq; in hoc seculo, neq; in futuro.* Matt.  
 XII. dat indubitantur intelligi, quod  
 sint quædā delicta, quæ possunt & post  
 hanc vitā, si pro ijs supplicetur, ignos-  
 ci. Nos igitur quos dignos iudicauit  
 Christi potentia diuinæ suæ dispēsa-  
 tionis exercere medicinā, si nō vnicui-  
 que cōgruens adiutoriū proferamus,  
 pro-

profectò, veluti contēptores æstima-  
bimur, & audiemus illud, quod scriptū  
est in Propheta: *Videte contēptores, & ad-  
miramini, & disperdimini*, Habacuck I. Et  
ideò, quælo, finite defunctū à proprijs  
malis aliquatenus exui, & quantulam-  
cunq̄ue requiē in illo futuro examine  
promereri. Sepelire ergo eū sine psal-  
mis, vt dixi. Potens est enim DEVS, be-  
nignus & clemens, multumq̄; miseri-  
cors pro supplicatione nostræ parui-  
tatis, eum in æternā suam requiem col-  
locare. Hæc cum dixisset Senex abiece-  
runt cadauer, & secundum quod præ-  
ceperat, in monte, vbi erant parata  
monumenta sepeliri curarunt, lugu-  
bri spectaculo.

HANC ego Pachomij doctrinam,  
cū ad Theologiæ trutinam reuoca-  
rem, vt debent plurima, quæ in Eremi-  
ticis monumentis reperiuntur, ne su-  
perstitio, religionis loco, imbibatur,  
haud aliter, quàm ex S. Thomæ sentē-  
tia explicandā censebam: obesse potu-  
isse honorificā funeris pōpam, in quā  
solennis psalmodia, quod ea ex ambi-  
tione potius, fastuq̄: quā defūcti, quā  
N      amico.

amicorum persolueretur. Quod etiam annotatum inuenio à viro Ordinis nostri erudito Heriberto Rosveydo, qui libros decem historiam eremiticam complectentes, auctoribus suis, ac nitori pristino restitutos notationibus illustrauit.

CETERVM, ob contrarium affectū cōmodi plurimum adferre potest defuncto, non sacra ac honorifica, sed profana ac vilis, quæ pecudum videri posset, sepultura, si illam quis peccati grauioris, aut etiam leuioris sibi cōsci-  
us expetat, & antequam è viuis excedat procuret. Certum enim est, humi-  
liatione, ac sui contemptu mereri dū adhuc sunt in viuis, vt facilius expien-  
tur post mortem piorum spiritus. A-  
nimaduertit hoc ingeniosè Augustin.  
lib. pro mortuis, de que ipsorum cura  
ad Paulinum. c. 1.

Nam cū Paulinus obiecisset, non  
videri posse iuari defunctorum ani-  
mas sacrā sepulturā, quæ ab alijs post  
mortē curatur: id enim contrarium vi-  
deri Apostolicæ illæ censuræ: *Omnes  
adstabimus ante tribunal Christi, vt ferat  
vnusquisq; secundum ea, quæ per corpus gessit,  
sive*

*sive bonum, sive malum.* 2. ad Corinth. v. c.  
 Quippe hæc sententia admonet fieri  
 ante mortem : non tunc, quando iam  
 recipiendum est, quod quisque gessit  
 ante mortem. Respōdet August. quo-  
 niam quodam vitæ genere acquiritur,  
 dum in hoc corpore viuitur, vt ali-  
 quid adiuuent ista defunctos: per hoc,  
 secundū ea, quæ per corpus gesserūt,  
 eis, quæ post corpus religiosè illis  
 facta fuerunt, adiuuantur.

Hoc haud dubiè spectauit Mar-  
 cellinus Pontifex Maximus: qui scele-  
 ris, ex thure Dijs oblato persecutio-  
 ne grassante sibi conscius, sepeliri se  
 vetuit, sed voluit projci vt iumen-  
 tum salutis id animæ profututum cre-  
 dens.

LVTETIAE Parisiorum ostendi  
 ferunt rerum Gallicarum curiosi in  
 foro frumentario (ni fallor) os cloacæ  
 in quâ sepeliri se iusserit, qui Regi  
 sollicito ob angustias rei pecuniariæ,  
 suaserat, vt ex minutis quibusque re-  
 bus, quas rustici in urbem deferunt,  
 vnum alterum-ue numum æreum  
 exigeret, idque duntaxat in bien-  
 niis

num: cum scilicet animaduertisset, hortatu suo non remitti, quod semel coeptum erat: imò plures eo exemplo exactiones excogitatas esse. Nimirum, fori illius sordibus commaculati ac involui voluit, in quo manet etiamnum in diem hunc (vt perhibet) pecuniariae illius extorsionis exequutio. Ita concilij sui malignitatem castigans, vt DEVM in altera vita haberet propitium.

HVC etiam refero, quod est libro VI. Vitarum SS. Patrum, auctore Græco, cuius interpretem egit Ioannes S. R. Ecclesiae Subdiaconus. Narravit quidam Patrum, inquit, quia erat aliquis solitarius in eremo Nicopoleos, & ministrabat ei quidam secularis, sed fidelis. Erat autem & in eadem ciuitate homo, qui erat diues & impius. Contigit autem vt moreretur diues ille, & ducebat eum tota ciuitas, simul & Episcopus cum lampadibus. Egressus est autem ille etiam, qui ministrabat solitario secundum consuetudinem portans illi panes, & inuenit, quia comederat eum bellua, & cecidit.

dit

dit in faciem suam in conspectu Domini dicens: Non surgam hinc, donec demonstretur mihi à DEO, quæ sunt hæc : quia impius ille talem apparatus habuit in deducendo; hic verò, qui seruiuit tibi die ac nocte ista pertulit. Et ecce Angelus Domini veniēs dixit ei. Ille impius habuit paruum opus bonum in hoc seculo, & recepit illud hic, vt illic nullam requiem inueniat: iste autem Solitarius, quia homo erat ornatus omni virtute, habens tamen & ipse vt homo, modicum aliquid culpæ, recepit illud hic, vt ibi inueniatur purus coram DEO. Et ita consolatus in his verbis, abiit glorificans DEVM super iudicia eius, quia vera sunt.

EODEM intuitu, & ad aliorū exemplum ac terrorem reor Gregorium Papam, Monachum proprietarium in fimeto cum aliquot nonnullis sepeliri voluisse.

AN eandē ob causam Rex Manasses tot criminū reus, pœnitens deinde, & cum DEO in gratiam restitutus, non fuit sepultus, ipso fortasse postulante,

N 4 in se-

in sepulchris Patrum suorum, sed in  
 priuato 2. Regum 21. 18. *Dormiuit Ma-  
 nasses cum Patribus suis, & sepultus est in  
 horto domus sua, in horto Oza, vt scribitur  
 lib. iij. Reg. cap. xxi.*

HIS ita constitutis, quod plurimū  
 emolumēti spiritualis ex sacra sepul-  
 tura ad piorum animas deriuetur, o-  
 stendit, si non à natura insitum omni-  
 bus, certē à religione infusum fide-  
 libus, ac bonis desiderium, quo flagrāt,  
 vt loco aliquo ad cultum religionis  
 destinato cadauer post obitum confi-  
 gnetur. Quod ne recens existimetur,  
 & à superstitione profectum, repeta-  
 mus ab orbis incunabulis ad nos de-  
 ductam memoriam.

ADAM primus omniū parens, se-  
 peliri voluit, vt traditione antiquissi-  
 ma habetur, in mōte Caluariæ, Golgo-  
 tha quondam dicto. Quod ex Latinis  
 scripserunt, Tertullianus lib. secundo  
 carminum aduersus Marcionē, Cypri-  
 anus tractatu de operib. Cardinalibus  
 Christi. Ambros. epist. i x. August. ser-  
 mone Lxxi. de tēpore, Hieron. epist.  
 ad Marcellā. Et Græcis, Origenes tra-  
 ctatu

ctatu

Statu xxxv. in Matthæum, Basilius cō-  
ment. in 5. Isaia. Athanas. sermonē de  
Passione ac Cruce. Epiphanius heresi  
XLvi. Chrysof. homil. LXXXIV. in  
Ioann. Quo sine fas est suspicari cum  
nōnullis, quod reuelatione didicisset,  
**CHRISTVM** Saluatorem, cuius fide  
ad salutarem poenitentiam perductus  
erat, montem illum sua morte ac san-  
guine sanctificaturum tandem ali-  
quando.

IACOBVS Patriarcha morti pro-  
ximus Iosephum suum ita adiurando  
alloquitur: *Facies mihi misericordiam &  
veritatem, ut non sepelias me in Ægypto, sed  
dormiam cum Patribus meis, & auferas  
me de terrā hac, condasque in sepulcro  
maiorum meorum.* Genesis XLVII.  
30. deinde reliquos filios: *Sepelite  
me cum Patribus meis in spelunca duplici,  
qua est in agro Ephron.* Genesis XLIX.  
30. Quærunť sollicitē Interpretes SS.  
cur tātoperē cupiuerit Iacob sepeliri  
corpus suum in terra Chanaā. Omitto  
caussam, quam habet Theodoretus, O-  
leaster, alij. Placet illa, quæ proponi-  
tur ab Auctore historię Ecclesiasticę

cap. 100 qui ita scribit. *Cura fuit Sanctis illis sepeliri in terra Chanaan. in qua sciebant Christum moriturum & resurrecturum, ut cum eo resurgerent.* Distat verò Abrahamium (id est) locus ubi sepultus fuit Abraham iuxta Hebron à monte Caluarie triginta ferme miliaribus.

Hoc ipsum pluribus tradit Lyranus: *Et non solum, inquit, propter Abraham & Isaac illic sepultos desiderabat Iacob ibidem sepeliri, sed principaliter, quod in illa terra redemptio generis humani peragenda erat à Christo, qui in ea terra nasciturus, & conuersaturus, & moriturus & resurrecturus erat, de quibus Iacob habuit fidem & notitiam aliquam. Forsitan etiam videbat in Spiritu, Christo resurgente multos de mortuis cum eo resurrecturos, de quorum numero etiam ipse se fore sperabat.* Idem refert, atque adprobat Episcopus Abulensis.

EADEM fuere hominum DEO carorum vota tempore legis scriptæ, ac posterioribus temporibus. Optabant nimirum, non solum in Palestina, quæ peculiari modo non solum sanctificata non ignorabant, sed in sanctiore aliquâ eius parte sepeliri: gaudebant-  
que

que eo in loco tumulari, quem patres ipsorum, vera religione insignes actu suo quodammodo consecrarant.

Hinc illa in diuinis litteris frequenter occurrunt: *Mortuus est, & positus ad Patres suos: aut, ad populum suum: aut, sepultus in sepulcho Patrum suorum.* Et sunt sanè, qui existimant aliquod esse pro salute Salomonis argumentum, quod in Sacra-Scriptura dicatur sepultus in loco, qui alios Reges iustos receperat. Libro tertio Regum xi. 43. *Dormiuit Salomon cum Patribus suis, & sepultus est in ciuitate David patris sui,* Ex quo loco sic deducit Bachiarus Salomonis saluationem: *Veniam ex hoc consequutum esse agnoscimus, quia cum solutus fuisset à corpore, sepulchrum illum inter Regum Israelitarum corpora Scriptura commemorat. Quod tamen alibi peccatoribus regibus abnegatum esse cognoscimus, qui usque in finem vite sua in propositi peruersitate permanjerunt. Et ideo quia inter Reges iustos meruit sepeliri, non fuit alienus à veniâ.*

Robur hæc accipiunt ex aliorum Regum obitu ac sepultura. Nam Amō Rex impius sepultus est in horto Oza

lib. I V. Reg. XXI. 26. neque dicitur appositus ad patres suos. Et Ioram secundo Paralipomenon XXI. 20. ambulauit non rectè, & licet sepeliuerint eum in ciuitate Dauid, verumtamen non in sepulcro regum. Item pessimus Ioas non est appositus ad patres suos, & quamuis sepeliuerunt eum in ciuitate Dauid, non tamen in sepulchris regum lib. 2. Paralip. XXI V. 25.

VIGVIT etiam semper in Christianorū animis hæc persuasio, animabus nondum plenè expiatis perquam fructuosum esse in loco sacro corpus deposuisse. Scribit Eusebius lib. I V. vitæ Constantini M. exoptasse Imperatorem illum fidelem ac pium in loco Apostolorum memoriæ dedicato condi *Quem votis, inquit, expetiuit locum Apostolorum memoria celebrem consequutus est.*

Quo loco, & ob quam causam, nō in alio, S. Ambrosius Satyrum fratrem tumulauerit, narrat Dungalus vetus Scriptor qui nuper in tomo I. Auctuarij ad Bibliothecam SS. Patrum lucem aspexit in libro contra Claudiū Taurinen-

nensem ad Ludouicum Pium, vbi hunc in modum scribit: *Idcirco*, id est, subsidij à Martyre impetrandi gratia, Ambrosius suum fratrem Satyrum, quem nimium dilexerat, iuxta S. Martyrem Victorem sepeliuit, ac dictauit epitaphium hoc tetrasticho expressum.

*Vranio Satyro supremum frater honorem*

*Martyris ad laenam deculit Ambrosius.*

*Hac meriti merces, ut sacri sanguinis humor*

*Finitimas penetrans abluat exuias.*

Ipse quoque S. Ambrosius in basilica à se erecta, in quam transtulerat corpora SS. Martyrum Geruasij & Protasij sibi sepulcrum elegit: idque ex maiorum instituto, vt ipse adfirmat, siue Maximus Taurinensis sermone LXXVII. inter Ambrosianos: cuius hæc sunt verba: *Idè à maioribus prouisum est, ut Sanctorum ossibus nostræ corpora sociemus, ut dum illos tartara metuent, nos pæna non tangat: dum illos Christus illuminat, nobis tenebrarum caligo diffugiat. Cum sanctis ergo Martyribus quiescentes euadimus infernæ tenebras eorum proprijs meritis, attamen consocij sanctitate.*

S. Ambrosium fratri suo Satyro tam

N 7

foli-

solicite de sepultura sacra providentem imitatus videtur S. Paulinus, qui ad finem panegyrici Celso puero dicti ita canit:

*Quem Complutensi mandavimus urbe propinquis*

*Coniunctum tumali fadere Martyribus.  
Ut de vicino Sanctorum sanguine ducat,*

*Quo nostras illo purgat in igne animas.*

Beata quoque Macrina S. Gregorij Nysseni soror obeundem dubio procul finem in basilica Martyrum sepulta est, quemadmodum & parentes illius.

FLORA matrona nobilis ac opulenta, cum curasset filium suum Cynegium humo mandari in ecclesia, S. Felicis Episcopi memoria dicata, quaesivit à Paulino Episcopo, an id esset, profuturum animae filii sui defuncti? Annuit Paulinus, qui deinde Augustini sententiam exquisivit. Hic non contentus respondisse, quod sat fuisset epistolio, librum conscripsit non paucorum capitum, in quo copiose de totâ hac materia disputat.

Ex

Ex quo discimus, quomodo animabus iam defunctorum hæc sepulturæ sacræ ceremonia sit subsidio. Posset enim quis existimare, locum ipsum per sese, ac vi sua plurimum valere, proindeque directè animabus opem ferre. Quod si verum esset, consequeretur inde, sepulturam sacram ex opere operato, vt loquuntur Theologi defunctis prodesse. Quomodo sacramenta legis Christianæ gratiam conferunt: & quorundam sententia liberali Sacramentalia venialium peccatorum condonationem. Censent enim nonnulli, per aquam lustralem, quæ inter Sacramentalia locum haud postremum obtinet, veniales noxas, dum corporis pars aliqua ritè aspergitur, aboleri, ipsa illa asperfusionis actione.

VERVM, ad sepulturam sacram id transferri non debere in confesso est. Quocirca Theologicè respondet S. Thomas: Quod sepultura in loco sacro mortuo prodest, nõ quidē est ex ipso opere operato, hoc est, ex vi

vir-

Suppl. q.  
71. B. 11.

virtuteque loci, vbi cadauer condi-  
tur, sed magis ex opere operantis.  
Nimirum, dum se, vel ipse defun-  
ctus, vel alius corpus eius tumulari  
in loco sacro disponens, patrocinio a-  
licuius Sancti eum committit. Cuius  
precibus per hoc credendum est eum  
adiuari. Et adiutorio quoque eo-  
rum, qui loco sacro deseruiunt. Siqui-  
dem pro inibi sepultis frequentius ac  
specialius orant.

Scripserat hoc multo ante B. Pauli-  
nus apud S. Augustinum, libro indica-  
to de cura pro mortuis : vbi initio:  
*Dicis, inquit, videri tibi nō esse inanes motus  
animorū religiosorū, atque fidelium pro suis  
ista curantium. Adiungis etiam vacare non  
posse, quod vniuersa pro defunctis Ecclesia  
supplicare consuevit. Vt hinc & illud conijci  
possit, homini prodesse post mortem, si fide suo-  
rum humando eius corpori talis prouideatur  
locus, in quo appareat opitulatio etiam isto  
modo quasita Sanctorum.*

IDEM alijs verbis dicit Papa Gre-  
gorius libro IV. Dialogorum, cap. 50.  
*Quos grauia peccata non deprimunt, hoc pro-  
dest mortuis si in ecclesia sepeliantur, quod eo-*

rum

num proximi, quoties ad eadem loca sacr<sup>a</sup>  
conueniunt, suorum, quorum sepulcra con-  
spiciunt, recordantur, & pro ijs Domino pre-  
ces fundunt. Iisdem verbis ad consulta  
Bulgarorum respondet Nicolaus I.  
Papa, cum illi quaesiuissent, num Chri-  
stianum intra Ecclesiam sepelire ius,  
fasque esset.

ITA QVE, dum in cap. *Sacris. Extra.*  
*de sepulturis* dicitur: nihil obesse homi-  
nibus pijs sepulturam vilem, vel nul-  
lam, enunciat Pontifex, nec per se pro-  
desse sepulturam, nec obesse per se ad  
salutem consequendam, licet per acci-  
dens ratione precum prodesse possit.  
Dum autem Augustinus lib. 1. de ciui-  
tate DEI cap. 12. & libro de mortuo-  
rum cura scribit, sepulturam ac fune-  
ris pompam solatia esse uiuorum, non  
mortuorum praesidia, intellige eum  
loqui eodem sensu. Siquidem per ac-  
cidens ijs iuuantur animae.

QVI ergo in basilica aliqua tumu-  
lum habet, iuuari censetur posse loci  
sanctitate, vt facilius post mortem ex-  
pietur. Nimirum, quoniam vel sua vel  
ami-

amicorum funus curantium, vel utro-  
rumque destinatione, pioque voto,  
Sanctis huius loci præsidibus, non tã  
cadauer, quam eius domicilij incola  
olim anima impensius est commenda-  
ta. A Equum autem est, & caritati, quæ  
militantem triumphantemque Eccle-  
siam nectit, consentaneum, ut Cælites  
sibi commendatorum patrociniū sin-  
gulari affectu suscipiant. Hæ operan-  
tium intentiones, piæque ad Sanctos  
susæ preces nisi interueniant parum in  
loci sanctitate est præsid: j.

Adde, quod qui in aliqua Ecclesia  
DEVM religiosè colendo sunt addi-  
cti, dum orationes siue priuatim, siue  
publicè profundunt eorum potissi-  
mùm meminisse solent, quorum cor-  
pora fidei quasi ipsorum concredita  
esse ex dypticis suis intelligunt.

Ad hanc memoriam sollicitandam  
valent tumulorum ornamenta, ceno-  
taphiorum moles, epigraphæ, epita-  
phia, ac his similia, quæ si ostentatio-  
nis causa solùm, aut alius finis æquè  
vani gratia, vel curata fuere à mortuo,  
dum

dum in viuis erat, vel erigantur ab amicis, non tam animæ in Purgatorio agentis & implorantis opem sunt subsidia, quàm diuinæ irritamenta iracundiæ.

ATQVE ad hanc Ecclesiæ Magistrorum mentem, & Theologici iudicij regulas reuocanda sunt, quæ non nunquam, & in orationibus funebribus quorundam imperitorum minus exactè scripta leguntur, & à popularibus concionatoribus interdum proferuntur. Qui quoniam Theologiæ Scholasticæ & altioris aliquando minus sunt gnari, hallucinari in dogmatibus fidei explicandis haud est mirum. Dolendum tamen quod ea ab ijs in publice subinde spargantur apud vulgus, quæ auditores rudes, ac idiotas, inani superstitione, religionis prætextu imbuere possunt, aut fascinare, aduersarijs autem Catholicæ fidei ansam præbere nostra carpendi, & quæ de Purgatorio docet Ecclesia in alienum detorquendi sensum. Quod detestamur, vti nam emendare possemus.

SED

SED iam finis huic Commentationi  
 imponatur. si quod à superioribus auel-  
 li nō potest, indicauero: An in tēplo se-  
 pulcris magis profit in choro, vel ad arā  
 maximā, alioūe loco celebri, quā in  
 vestibulo, vel cæmeterio locum e-  
 legisse? Non dubito sinē magis  
 expedire ijs, qui sibi sepulchri sui lo-  
 cum destinant, minus celebrem, imō  
 vilissimum elegi. Auctor est Chryso-  
 stomus, homilia xxvi. in epistolam 2.  
 ad Corinth. homil. Lxvi. ad populum  
 Antiochen. homilia, quod Christus est  
 DEVS a duersus Gentiles Constanti-  
 num Imperatorem magni honoris lo-  
 co habuisse, quod præ foribus Piscato-  
 ris Petri sepelitur, factus illius ia-  
 nitor. Idem scribit Constantinopolita-  
 nos Reges ac Imperatores magni fe-  
 cisse, quod corpora sua, non quidem  
 propè Apostolos, sed in vestibulo tem-  
 pli ipsorum memoriæ d. cati sepelien-  
 tur. Theodosium sanē iuniorem, pa-  
 tremque illius Arcadium, nec non a-  
 uum Theodosium in porticu templi  
 Apostolorum sepultos legimus. Plures  
 nominat ad hanc rem Onuphrius Pan-  
 uinius

uinius in libro de ritu sepeliendi mortuos, in quo integrum texit catalogum Principum, Regum, Imperatorum, Episcoporum, Pontificum, alijsque dignitatibus illustrium virorum, qui vel ad limina, vel in porticibus Ecclesiarum sepulti sunt.

Ostenditur etiamnum Romæ in vestibulo templi B. Virginis Mariæ supra Mineruam FF. Prædicatorum epigraphe in minuto lapide, Thomam de Vio Cardinalem Caietanum, virum dignitate Ecclesiastica, & doctrina eminentissimum ibi sepultum esse significans.

RECREAVIT me Christiana in hoc genere modestia Sanctissimi Antistitis Caroli Borromæi, qui antiquorum Episcoporum desiderium post mortem suam apud Mediolanenses reliquit. Is humillimum in Ecclesia sua locum sepulture designans, quam esset ab omni ambitione alienus facile ostendit. *Condignus est*, inquit vitæ scriptor, loco humillimo, cum sequenti in scriptione, quam in testamento suo viuens expresserat.

CAROLVS CARDINALIS *titulo*  
S. Pra-

*S. Praxedis, Archiepiscopus Mediolani, frequentioribus Cleri, populique; ac deuoti faminei sexus precibus commendatum se cupiens hoc loco sibi monumentum viuens elegit. Adit Viægraphus: Talem de se reliquit mundo opinionem, & famam eximia sanctitatis, ut, quemadmodum multi Cardinales Episcopi, aliq; diuersarum nationum Scriptores codices suos immortalis nomine, & gestis, Caroli gloriosissimis decorarunt, ita humile hoc ipsius sepulcrum multiplicitate miraculorum, concursu hominum cuiuscumque sexus & conditionis perpetuo, margaritis ac stauis, aureis, argenteisque anathematibus, monumentum omnibus deinde seculis venerandum euaserit. An fortasse optimus Præsul existimauit, quemadmodum primos accubitus ambire in vitâ ex Christi præcepto non licet, ita multo minus id oportere facere post vitam pro putente cadauere? Et sane priscos illos Ecclesiæ Antistites non fuisse loci dignioris ambitiosos translationes ipsorum testantur.*

*Ex hæcenus autem allatis intellexistis, opinor, abundè, ab omni memoria vros pietate eximios, vera religione eruditos, arbitratos esse, multum opis ac sub-*

*ac sub-*

ac subsidij adferre animabus, si mortui in locis DEO peculiari ceremonia dicatis sepulcrum nanciscantur: desiderium autem quorundam Sanctis se iungendi, persuasisse Christianis, ut in Ecclesijs Martyrū vel iuxta Martyres peroptarent quiescere. Sic animabus se suis optimè cōsulturos credebāt. Et quid optabilius, quā ijs in locis, quæ Sāctorū reliquijs asseruādis, Sacrae Agni immaculati victima immolandæ, publicis, priuatisque precibus fundendis destinata sunt, corpus, animæ olim hospitium æternitatis candidatum, ut depositum carissimum collocare? Nam hac ratione tot sacrificiorum & orationum sese participem fore quilibet nō vanè sperat, ut & intercessionis illorum Cælitum, quorum reliquiæ ijs in Ecclesijs coluntur.

NUNC verò nostri muneris est, quoniam locus ipse non vi sua è Purgatorij pænis animas eximendi potestate est præditus, sed id habet ex aduentium potissimū supplicationibus, ad quas excitat, ita à Spirituum Domino benefactorum, amicorumque nostrorum  
anima-

animabus pacem, multiplicatis orationibus exposcere, ut spe sua, quam nostro in sinu habent repositam, non omninò frustrentur.

IESVS -- MARIA.

S. I.  
D. I.  
H. E. G.

APPROB.

# APPROBATIO.

**O**PVS CVLVM, cuius titulus,  
LIBELLVS SVPPLEX *Animarū*  
*è PVRGATORIO, ad Sodales Maria-*  
*nos, sermonibus sacris explicatus à P.*  
MAXIMILIANO SANDÆO Socie-  
tatis IESV D. Theologo, cum à depu-  
tatis ad id Theologis sit lectum &  
approbatum, Ego GOSWINVS NI-  
CKEL Societatis IESV in Prouincia  
Rhenanâ inferiore Præpositus Pro-  
uincialis, concessa mihi potestate ab  
Adm. R. P. N. MVTIO VITELLESKO  
Generali Præposito, vt typis excu-  
tur, potestatem facio, his litteris à  
me subscriptis, & officij mei sigil-  
lo munitis.

Coloniæ XVIII. Nouemb. Anno  
M. DC. XLII.

Goswinus Nickel.

**O** INDEX

INDEX  
Titulorum.

**E** Pistola dedicatoria ad Sereniss. MAX-  
IMILIANVM HENRICVM Coad-  
iutorem Colonensem Sodaliatis  
Praefectum.

Libellus supplicis Animarum è Purgatorio,  
ad Sodales Marianos in vita mortali re-  
lictos.

Disceptatio. An Purgatorium sit locus Iu-  
stitiae potius, quàm Clementiae, vel Mife-  
ricordiae.

Sermo.

- I. Purgatorium, ut docet fides Catholica,  
esse Eius certitudo & delineatio.
- II. Purgatorium videri esse Iustitiae Tribu-  
nal.
- III. Purgatorium videri Misericordiae The-  
atrum.
- IV. In Purgatorio Iustitia haud minus quàm  
Misericordia esse scenam.
- V. Satiusne sit, Animabus in Purgatorio  
quàm viventibus in peccato mortali de-  
sentis, ac miserè vexatis, precè, eleemosynâ,  
Sacrificio, alijsq; remedijs opem ferre.
- VI. An prudenter à poenitentibus & Con-  
fessarijs pena pro peccatis, in hac vita sub-  
eunda

## TITVLORVM.

*eunda ad Purgatorium remittatur?*

VII. De panarum in Purgatorio duratione:

Et

*An probanda sit consuetudo anniuersa-  
riorum suffragiorum sine termino?*

VIII. De Funeris solennitate.

*An profit Animabus iacra sepultura?*

---

## I N D E X

### Verborum & Rerum.

#### A.

- A** Nima demortuorum in quattuor recep-  
tacula recipiuntur. pag 0.  
In Purgatorio certa sunt de salute, & id  
ipsum notum ijs est. 80. & seqq.  
Ibidem sunt impeccabiles. 83.  
Visitantur, & consolantur ab Angelis. 84  
Angeli pro ijs orant, & Sancti DEI. 110.  
An potius pro Animabus purgantibus, an in  
peccato mortali constitutis orandum? 158.  
Animarum purgantium hypotiposis 159.  
Adolescens Religiosus Ord. Prad. quod veteres  
soccoz nonis acceptis non retulisset, in Pur-  
gatorio

# INDEX.

- gatoriopunitus.* 35.  
*Aretusius Martyr vesparum morsibus ex-*  
*ponitur. pag.* 47.  
*Assumpta D. MARIA euacuatum Purgato-*  
*rium.* 114.  
*Andronicus sustigat Theodorum, quod ru-*  
*stico debitum non soluisset.* 37.  
*Angelorum Custodum plurima erga animas*  
*officia.* 123.  
*Christus est Apis.* 153  
*Abbas Ord. Cisteri. vidit iudicandum In-*  
*nocentium III.* 254.  
*Anima quamdiu in Purgatorio puniantur*  
*temerarium est definire. 267. quia plane*  
*incertum.* p. 262  
*Aluarus Rex Bullematerium improbum in*  
*S. Crucis sepeliri iubet: sed eicitur.* 284.  
*Artemisia Mausolo marito sepulchrum cu-*  
*rat.* p. 280.  
*Adam sepultus in monte Caluaria.* 296.  
*S. Ambrosius fratri suo Satyro de sepultura*  
*solicitus procuranda.* p. 301.  
*Amon Rex in horto Oza sepultus.* p. 299.  
*Anniuersaria sacra sine termino pro aefus-*  
*is probantur.* 264. & seq.

## B.

**B**aldwinus Com. Flandria nobilem occi-  
 di

VERBORVM ET RERVM.

*di iubes, quod boues pauperoula abegisses.*  
38.

*Sentes manu plectit propria.* 52.

*Benedictus VIII Pons. Max. quamuis Dei a-  
micus. Purgatorium sustinet.* 26.

*Boioaria Episcopi & Pralati pactum inierunt  
subueniendi unanimiter defunctis.* 183.

*Bononia maxime viget memoria defuncto-  
rum.* 122.

*Bertrandus ex Socijs S. Dominici rarius  
pro defunctis quam viuis sacrificans, re-  
prehenditur simili à S. Dominico. Videns  
etiam nocte sequente spectrum errorem  
corrigen.* 168. 169.

*D Bonifacius Germania Apostol. Missas petis  
pro defunctis sodalibus.* 182.

*Beatis suffragijs mortalium opus non est.*  
238.

C.

*Christophorus Gama Lusitania Regis Dux  
apud Indios à Rege Mauro in quatuor  
partes sectus.* 71.

*Christi clementia.* 103. 104. & seq.

*I. Casar à Clementia laudatur. 90. utrum  
Marcus Bibulus Rom.* 103.

*Congregatio Brugis instituta in subsidium  
animarum. 120. Item. Roma. ibid. & 122.*

3

Cella-

## I N D E X.

- Cellarius ob defunctis subtractum cibi di-*  
*mensum ab Animabus castigatur. 87.*
- Chaldaorum Deus Ignis superatur ab Aqua,*  
*stratagemate Canopi sacerdotis. 156.*
- Christina Mirabilis, mira in subueniendo de-*  
*functis. 192.*
- Custos Monasterij Fuldensis scribens ad De-*  
*canum Monasterij S. Sixti, rationem*  
*maximam habendam defunctor. docet.*  
*p.179.*
- Confessarius prudenter iniungit penam, qua*  
*Purgatorij aueratur. p.194. eo seqq.*
- Potest obligare penitentem vs satisfacias. 199.*  
*200.*
- Confessarius Iudex. p.206.*
- S. Carolus Borromaeus humillimo loco in*  
*Ecclesia sepeliri vult. p.309.*
- Contractus licitus ex sententia probabili*  
*267.*

## D.

- D***Eus iustus. 64.65.66. & seqq.*
- Diaboli ministri Iustitia in Purgatorio.*  
*50.55.*
- Dormire in pace. 87.*
- Duratio panarum Purgatorij. p.5.236. & seqq.*  
*extenditur ultra vigesimum annum. 242.*  
*non est in infinitum durabilis Purgatorij*  
*pana*

## RERVM ET VERBOR.

- pana. Neq; extendetur ultra diem uni-  
 uersalis Iudicij. 244.245. An equaliter  
 puniantur? 247.248. & seqq. quid senti-  
 endum. seqq.  
 Drithelmi visio. 26061.  
 Damnatus non profunt suffragia. 239. &  
 seqq.  
 Dispensatio Papalis potest niti in sententia  
 probabili.  
 Decennium Purgatorij reijcitur. 268

### E.

- An, qui eleemosynã in hac vita largiter de-  
 derint soli sint per ignem purgandi & sal-  
 uandi. 23.  
 Extensio poenarum. 89.  
 Ebrietas. 217.  
 Exilium graue est hominã. 221.222.

### F.

- F**æmina quod irrisisset Sacerdotem in Pur-  
 gatorio detenta. 29.  
 Feria Animarum in Purgatorio. 86.  
 Frater Ord. S. Francisci rediens, DEI rigo-  
 rem in puniendis peccatis explicat. 36.  
 Ferdinandus II. Imp. X. Collegia Societatis  
 IESV fundat: duas domos Professas & 2.  
 probas

## I N D E X.

- probationis. 113. pro defunctis orat. 193.  
**F**erdinandus Elector Colon. pro Regina Gal-  
 liar. Marin Medicen sex milia Missarum  
 legi curat. 119.  
**S.** Franciscus Xavier obiens urbem cum  
 tintinnabulo ad orationem pro defunctis  
 monet. p. 192  
**Fulda** mos fuit, ut Monachis defunctis ad xxx.  
 dies cibi sui dimensum daretur: & postea  
 in pauperes distribueretur. 181.  
**B.** Franciscus Borgia in morbo panarum Pur-  
 gatorij memor pro defunctis orat. 193. La-  
 tronibus occisis are suo sacra curat. ibid.  
**Funeris solennitas.** 274.  
**B.** Faustinus Martyr Patricium Valerianum  
 in templo sibi dicato sepeliri noluit. p. 283.  
**Flora** matrona filium in templo S. Faelicis iu-  
 bet sepeliri approbante Paulino & S. Au-  
 gustino. p. 302.  
**Funus** 274. Solennitas funeris ad quem sit  
 usum. 375. Quid sentiant Calvinista.  
 277. Sententia Catholicorum. 277. Fune-  
 ris solennitas obest insignitè improbis.  
 287.

## G.

**G**ertrudis sanctimonialem nondum satis  
 purgatam vidit aspectum Christi re-  
 fugien-

VERBORVM ET RERVM.

fugientem. 32. quicquid in suis operibus esset  
meritorium, Animabus Purgatorij addi-  
xit. 191.

Guilhelmus Nassouicus Orangij Princeps  
interficitur. Interfectior grauius multa-  
tur. 43. & seqq.

Gregorius Papa proprietarium Monachum.  
in fimo sepeliri iubet. p. 295.

H.

**H**æreticorum diæria in Purgatorium.  
3. 5. 232.

Hæretici, & Infideles, non veniunt ad Pur-  
gatorium. 107.

Philippus II. Hisp. Rex: filium Carolū parricidij cogitati suspectum veneno interi-  
mit. p. 17.

Henricus IV. Franc. Rex. occiditur. 40 sic-  
arius varia tormenta sustinet. 41. pro de-  
functo Rege omnes Societ. IESV sacerdotes.  
6. sacra offerunt. p. 114.

Ob Horas Canonicas non statuto tempore le-  
ctas. S. Seuerinus Episcopus punitur in  
Purgatoria. 29.

I.

**I**gnis Purgatorij an agat in Animas? 59 &  
seq. O. 5. Iacobo

## I N D E X

<i>Iacobo Britannia Regi visum Purgatorium amanum</i>	pag. 233.
<i>Instrumenta panarum.</i>	p. 57.
<i>Circa Incolas Purgatorij errores.</i>	22
<i>Isabella Clara Eugenia Infans Hisp. pro de- functo Coniuge Alberto Pio. xL. millia sa- crificia legi curavit.</i>	199
<i>Iudeorum Rabbini ex Inferno esse redem- ptionem credunt.</i>	19
<i>Iustitia in Coelis. 12. in Inferno. 13. in Limbo puerorum. 14. in Purgatorio. 15. Primo quia hic amici &amp; domestici quasi Dei pu- niuntur ibid. Secundo quia peccata leuia seu venialia grauiter puniuntur.</i>	27
<i>Iustitia cultor eximius. Mahumet 12. Imp. Turcarum. 16. Philippus II. Hisp. Rex p. 17. Andronicus 37. Balduinus Comes Flandria. p.</i>	38
<i>Iustitia spectat aequalitatem.</i>	62
<i>De commutatiua &amp; Distributiua Dei iusti- tia. p.</i>	146. 135.
<i>Iustus Monachus Deo quamuis carus purga- tur. p.</i>	26
<i>Ignis &amp; aqua certamen.</i>	156
<i>In multis Italia locis noctu signo campana, moneantur homines orationis pro defunctis.</i>	192
<i>Ioannes Ximenius Soc. IESV Coadiutor mo- nitus, oraret pro defunctis, omnia sua me- rita</i>	

RERVM ET VERBORVM.

- vita ijs applicuis.* 189  
*Innocentius III. Papa. B.V. M. precibus libe-*  
*vatur ab Inferno.* 235  
*Jacobus Patriarcha sepeliri petit cum Patri-*  
*bus suis.* p. 297.  
*Idololatria origo* 128.

L.

- L**imbos PP. vacuus. 14. Puerorum. *ibid.*  
*S. Lutgardis acerbiss. pœnis pro defunctis*  
*susceptis Deum placavit. p. 192. In-*  
*nocentium III. in Purgatorio videt. p. 235*  
*Lutheri de cœlo possidendo sine merito deliri-*  
*um.* 173  
*Lugduni duo SS. Theol. Doctores opera v-*  
*niuersa vita meritoria Animabus addix-*  
*erunt. p.* 191  
*Libra Critilai, & S. Michaelis.* 141. 140  
*Lutetia Parisiorum, qui Regi consilium pecu-*  
*niam extorquendi dederat, in cloaca sepe-*  
*liri petit.* p. 293.

M.

- M**isericordia in Cœlis. p. 11. in Limbo pu-  
*erorum.* 14  
*Mahomet Mustafam filium ob adulterium*  
*strangulari iubet.* 16  
 6 *Menasses*

## INDEX

- M**anasses Ben-Israel in inferno redemptorem esse fingit ridiculè. 119.
- M**aximilianus Elector Bauaria multa millia sacrificia fieri pro defunctis curat. p. 120.
- M**ichael Archangeli cum librâ, in quâ Anima cum meritis. 140 particulare iudiciû huic demandatum. 142.
- M**anasses Rex sepultus priuato in loco. p. 295.
- M**arcellinus Pontifex sceleris conscius sepeliri se vetuit, sed ut iumentum foras proijci. p. 293.

### N.

- N**ouatores peruersam Purgatorij originem fingunt. 5. S. Nicolaus Tolentinus visione mouetur ad sacrificandum pro defunctis. 188.
- N**atura ex duobus malis semper minus eligit. 209. & seqq.

### O.

- O**rigenes Adamantius perperam sensis: Demones purgatricibus tantum flammis purgari, adeoq; eos aliquando saluandos. 18. 19.
- O**fficium defunctorum Ecclesia. 185.

### P..

RERVM ET VERBORTM.

P.

- P**aschafius miraculis illustris Purgatorij  
 flammis sensit. 25;
- Paulus Daisachi Conzuquedonopalo alliga-  
 tus lentè torretur. 48.
- Pœnarum duplex mitigatio, ratione. Exten-  
 sionis & Intensionis. 79. Diurnitas ear-  
 rum. p. 92. Abbreviatio. 93. Intensio  
 compensat Extensionem. 94. Una dies vi-  
 sa instar annorum in Purgatorio. 131.
- Peccata venialia grauius puniuntur. p. 27.  
 eorum index. 28. 29. 30. & seq. 129. 130.
- Philippus III. Hisp Rex Coniugi Margare-  
 ta Austriaca. 1700. Sacrificia defuncta  
 in subsidium legi curauit. 119.
- Purgatorium Tribunal Iustitiæ. 10. Thea-  
 trum Misericordiæ. 74. Eius delineatio. 2.  
 Eius certitudo. 4. variè nominatur. 6.  
 Non aequaliter hîc omnes torquentur. p.  
 In Purgatorio Iustitiæ & Misericordiæ  
 scena. p. 144. Neq; id repugnat. p. 146.  
 Melius est puniri hîc, quam in Purgato-  
 rio p. 230. Visum alicui Purgatorij locus  
 refocillationis.
- In Peccato mortali constitutorum calamitas.  
 16. euadere possunt periculum, modò ve-  
 lint. 16. Euadere possunt. 165. Voluntariis.  
 O. 7. ruinas.

## INDEX

- ruina tantum est eorum p. 171. & seqq.*  
*Peccatores odio habendi. quomodo? 176*  
*Pœna damni. 219. 220. 221. Pœna sensus.*  
*225. & seq.*  
*Pœnitentia VII. annorum secundum Car-  
 nes. 230*  
*Papa habet potestatem dispensandi in voto  
 Castitatis.*  
*Pachomius hominem monachum absq̃ cere-  
 monijs sepeliri vult p. 28x*  
*Probabilitas ubi certitudo deest maximè se-  
 quenda p. 295 266*  
*Purgatorij magnam pœnam explicat redi-  
 uinus. 273*

### R.

- R** *Eligiosorum Officia pro defunctis p. III*  
*Rodolpho II. mortuo Anno 1612. à quo-  
 libet Societatis IESV Sacerdote. IX. Sacra  
 recitata sunt. 113*  
*Romani superstitiose memoriam defuncto-  
 rum habebant. 124*

### S.

- S** *Acrificio Missa iuuantur defuncti. 108. &  
 seqq. Sa-*

RERVM ET VERBORVM.

19. *Sacrificiorum aliquot millia pro defunctis*  
 76 *curata ibid.* 119.183.184.188. &c.  
 11. 120.122
- 0- *S. Severinus Episcopus Coloniensis in Purga-*  
 30 *torio purgatur.* 25
- 180 *Societatis IESV in benefactores gratitudo.*  
 112.113.113. *maximè habet curam defun-*  
 10 *ctorum. p.* 179
- re- *Suffragia pro defunctis minuunt Purgatorij*  
 3x *pœnas. 94. Suffragiorum varia genera. p.*  
 e- *98. & seq. an sine termino probanda. 336*  
 66 *& seq. 261. Suffragia communia profunt*  
 i- *omnibus hominibus: particularia non item*  
 73 *p.* 258
- Sodalitates Mariana curam habet defuncto-*  
 rum p. 179
- II *Sacerdoti defuncto Sacra tria & semel Psal-*  
 0- *terium legendum. 180. uni xxx. lecta. 183*
- ra *Sacerdos improbus iussu S. Hieronymi à Sa-*  
 13 *cro loco eiectus. p.* 284
- 0- *Sepultura sacra an prosit animabus, & cer-*  
 4 *tis in locis. p. 275. negant Hæretici p. 276*  
*aiunt Catholici. 277. an ad aram, & ad*  
*vestibulum p.* 308
- Sepultura duplex finis, unus politicus, alter*  
*religiosus. p.* 278.280
- Sacra sepultura impio in perditionem p. 204*
- Sacramenta ex probabili sententia quando*  
*conferri possunt.* 265.266
- Sepul-

## INDEX

*Sepultura finis* 1. *Politicus* 2. *Sacer. Ecclesiasticus, Religiosus.* 278. 279. & seq.  
*Sepultura in loco sacro ad quid conducatur.* 281  
*Exempla illorum quibus profuit, & quibus obsuit.* 183. & seq.

### T.

**T***Ormentorum varia genera.* 42. 41.  
 43. 47.  
*Thomas Morus noctu familiam suam conuocat ad orationem pro defunctis p.* 192.  
*Traiani anima non est reuocata precibus S. Gregorij ex inferno.* 247.

### V.

**V***ia Domini Misericordia, & Iustitia, seu Veritas.* 152. *ratio. ibid. His totum Praedestinationis incumbit negotium.* pag. 142  
*Valentinus. homo improbus in Ecclesia S. Martyris. Sergij sepultus eicitur p.* 283.  
*Coll. 507. 725v Paderb. 1657.*

AV.

# AVCTORES.

A.

**A**lexander Alenfis.

S. Antoninus.

S. Augustinus.

Alexius de Salo.

Egidius Koninck.

Adamus Tannerus.

S. Ambrosius.

Anselmus.

Andreas Schottus.

Almainus.

Alcuinus.

Albertus M.

Azorius.

Abulentijs.

Allifiodorensis.

Augustinus de Ancona.

Adrianus.

Aeneas Syluius.

B.

**B**aronius.

Bellarminus.

S. Bonaventura.

Blosius Abb.

S. Bernardus Abb.

Bzouius.

S. Basilius.

V. Beda.

Bachiarius.

C.

**C**on. Braccarense.

Conc. Lateranense.

Conc. Tridentinum.

Conc. Florentinum.

Caietanus.

Christophorus Broycerus.

Capreolus.

Cassiodorus.

D. Chrysostomus.

Corduba.

S. Cyrillus.

B. Casarius.

D.

**S. D** Amiani.

Daucoultius.

Dionysius Carth.

Desiderius Abb.

Durandus.

Dom. Sotus.

Dungaius.

E.

**E** Missenus.

Epiphanius.

F.

**F** Amianus Strada.

Franciscus Harxus.

Ferrariensis.

Fulgentius.

Franciscus Victoria.

G.

**G** Vido Carmel.

Gregorius de Valentia.

S. Gregorius.

Guilhelmus Lamormain.

Gul.

## INDEX AVCTORVM.

Gusman.

H.

**H**Aymo.  
Henricus Henri-  
quez.

Heribertus Rosvvei-  
dus.

Horatius.

Horatius Tursellinus.

Henricus Canisius.

Hospinianus. h.

I.

**I**oannes Præpositus.  
Iustus Lipsius.

Iudocus Andries.

Fr. Iacobus Courvois-  
fer.

Ioannes Eusebius Nur-  
bergius.

Jeremias Drexelius.

Ioannes Gerson.

Iacobus Hautinus.

Ioannes Molanus.

Petrus Sanchez.

Ioachim. Camerarius.

Iacobus Gretzerus.

L.

**L**ambert. Danzus. h.  
Lucas Lossius.

Leonardus Lessius.

Lutherus. h.

Leo PP.

Ledesma.

Lyranus.

M.

**M**agister Senten-  
tiarum.

Menasseh Ben-Is-  
rael.

Maior.

Melchior Canus.

Maximus Taurinensis.

Martinus de Roa.

Maximilianus Sandæus

N.

**N**Azianzenus.

Nicolaus Trigau-  
tius.

Nauazrus.

O.

**O**smelus.

Origenes.

Oecumenius.

Onuphrius Panuinius.

P.

**P**aludanus.

Petrus Matthæi.

Petrus Sanchez.

Prosper.

Petrus Soto.

Petrus Vermilius. h.

Petrus Viretus. h.

B. Paulinus

Petrus Iarricus.

S. Pachomius.

R.

**R**ichardus de S. Vi-  
ctore.

Rode-

INDEX AVCTORVM.

Rodericus.

Ruffinus.

Robertus Abb.

Roffensis.

B. Remigius.

S.

S Alianns.

Speculum Exem-  
plorum.

Spinellus.

Stephanus Binett.

Suarez.

Surius.

Sebastianus Berradas.

Sebastianus Perez.

T.

S. T Thomas.

Thuanus.

Thomas Cantu-  
pratensis.

Thomas Stapletonius.

Theophylactus.

Tapperus.

Thomas Kemp.

V.

Virgilius.

V Vilhelmus Mal-  
mesberberienfis.

Vita Patrum.

FINIS.

# ERRATA

## Corrige.


**L** O pag. 7. loco. Inscriptus. 9. lege Inscriptus.  
lest. 13. est. meo. 13. in eo. id ex. 19. id est. ca-  
lidè. 38. validè. postula 68. postulat. adiusus.  
70. adiutus. meoque. 25. in eoque. audem. 113.  
audeat. hen. Israel: 55. Ben. Israel. Monechij. 120  
Monachij. Coerus 20. Coetus. Eaproptot. p. 127.  
eapropter. Condignam. 145. Cōdignum. sicut.  
151. sicut. Dextis. p. 176. dextris. puior. p. 156.  
purior Vini 162. vini penierit. 166. peruenerit.  
Quod 166. Quid. Sancher. Sanchez Purgatorum  
122. Purgatorium. Quasiui p. 168. Quasiuit.  
habeas. p. 186. habeat. munda. p. 188. muneris.  
Contilium. p. 199. Conellium. fide 199. fide.  
dohctis 201. delictis. dicerit. 202. dixerit. sit.  
209. sic: Purgatorium. p. 44. Purgatorium. se.  
uires. 230. sauires. conamur 236. conamur.  
Duratio animarum. p. 248. Duratio poenarum.  
ligna contritionis. signa 266. In Libello Sup-  
plici c. 4. vt hic minima sit maior. lege. vt hic  
minima non. sit maior.



## ERRA

## Corrige

**L** Opag. 7. loco. Inscriptus.  
 lest. 13. est. meo. 13. in eo. id  
 lidè. 38. validè. postula 68. p.  
 70. adiutus. meo que. 25. in eo q  
 audeat. hen. Israel: 55. Ben. Israe  
 Monachij. Coetus 20. Coetus. E  
 eapropter. Condignam. 145. Coo  
 151. sicut. Dextis. p. 176. d. xtris. p  
 purior Vini 162. vini penierit. 166  
 Quod 166. Quid. Sanchez. Sanchez 1  
 122. Purgatorium. Quasi p. 168  
 habeas. p. 186. habeat. mundis. p. 18  
 Contilium. p. 199. Concilium. sic  
 dolictis 201. delictis. dicerit. 202.  
 209. sic: Purgatorium. p. 44. Purg  
 uires. 230. sauires. conamur. 236  
 Duratio animarum. p. 248. Durat  
 ligna contritionis. signa 266. I  
 pliei c. 4. ut hic minima sit. ma  
 minima non. sit maior.



**L**alcha **u** **v**

mus etc

crislu in os

mur in azpms

linceritatis et

**Q**

venians etc

me de

**m** **as**

De Puzos  
die  
P. Sandan

Th  
3215